

পরিবর্তনে

সৈয়দ
মুজিব
আলী

আপারিবেত নিঃ।

পরিবর্তনে অপরিবর্তনীয়

সৈয়দ মুজতবা আলী



মিত্র ওষাধ পাব্লিশার্স
প্রাইভেট লিমিটেড
১০ প্যামাচরণ স্ট্রীট, কলিকাতা ১২

প্রথম প্রকাশ, ফাল্গুন ১৩৫২
দ্বিতীয় মুদ্রণ

প্রচ্ছদটি-অঙ্কন
শ্রীঅণ্ড বন্দ্যোপাধ্যায়

মিঃ ও য়োঃ পাবলিশার্স প্রাইভেট লিমিটেড, • গ্রামাচরণ দে স্ট্রীট, কলিকাতা-১২
হইতে এস. এন. রায় কর্তৃক প্রকাশিত ও বিনোদন ভট্টাচার্য, তাপসী প্রেস,
• বিধান সরণী, কলিকাতা • হইতে মুদ্রিত

প্রকাশকের ভূমিকা

‘পরিবর্তনে অপরিবর্তনীয়’ সম্ভবত লেখকের শেষতম রচনা। অন্তত আর কোন অপ্রকাশিত (গ্রন্থাকারে) রচনার সন্ধান পাওয়া যায় নি। এই রচনার অন্তর্ভুক্ত প্রবন্ধগুলি বাংলাদেশের ‘পূর্বদেশ’ নামীয় সংবাদপত্রে ধারাবাহিক প্রকাশিত হয়। এই রচনার প্রথম ও প্রধান বক্তব্য রাজনীতিতে সর্বথা সর্বদা পুরাতনই পুনরাবৃত্ত হচ্ছে। যা আপাতদৃষ্টিতে পরিবর্তন বলে মনে হয়, আসলে তা পুরাতনেরই বেশ-পরিবর্তন। এই প্রসঙ্গে লেখক আফগানিস্থান ও অহরূপ দুর্বল দেশের পৃষ্ঠপটে বিশ্বের বিভিন্ন দেশের ও মহাশক্তিগুলির রাজনীতি ও রাজনৈতিক ঘটনাবলী পর্যালোচনা করে তাঁর বক্তব্য প্র প্রতিষ্ঠ করেছেন। বাংলাদেশে স্বাধীনতার অব্যবহিত পরেই তাঁর যাওয়ার সুযোগ হওয়ায় পাকিস্তানের নেতাদের, বিশেষ করে ভুট্টো ও ইয়াহিয়ায় রাজনৈতিক মতলব কি ছিল তাদের কোথায় কোথায় মূখতার পরিচয় পাওয়া গিয়েছিল তা তাঁর অভিজ্ঞ, বিচক্ষণ দূর-দৃষ্টিতে ধরা পড়ে। এই গ্রন্থের গোড়া থেকে শেষ পর্যন্ত লেখকের রাজনৈতিক প্রজ্ঞা ও সরস লেখনীর যেন এক নূতন পরিচয় পাওয়া যায়।

পরিবর্তনে
অপরিবর্তনীয়

একদা এক ফরাসীর সঙ্গে পেভমেণ্টের উপর শামিয়ানা-খাটানো কাফেতে বসে কফি খেতে খেতে রসলাপ করছি এমন সময় আমার পরিচিত এক ইংরেজ চেয়ার-টেবিল বাঁচিয়ে এগুচ্ছে দেখে হাতছানি দিয়ে ডাকলুম। ফরাসীর সঙ্গে আলাপ করিয়ে দিয়ে বললুম, “ইনি অক্সফোর্ডের গ্র্যাজুয়েট—অনার্স।” ফরাসী পরম আপ্যায়িত হয়ে উৎসাহভরে শুধালো, “কোন সাবেজেক্টে, মসিয়ো? হকি না টেনিসে?” ফরাসী মাত্রই বিশ্বাস, পড়াশুনা বাবদে ইংরেজ এক-একটি আস্ত বিভ্রমসাগর। ইংরেজ চলে যাওয়ার পর মুহূর্তে বললে, “ধন্নি জাত, মসিয়ো। খেলাধুলা বিশেষ করে ক্রিকেট -যেটাকে ওদের গ্রাশনাল প্যাসটাইম (জাতীয় চিত্তবিনোদন) বলা যেতে পারে—সেটাকে তুলে নিয়েছে শিক্ষাদীক্ষার উচ্চ পর্যায়ে। আপনাদের গ্রাশনাল প্যাসটাইম কি, মসিয়ো?” আমি ঈষৎ চিন্তা করে বললুম, “আসনপিন্ডি হয়ে বসে, পা’রুজু জাহু ঘন ঘন দোলানো। বাচ্চারা বেঁধে বসে দুটো পা-ই। হিসেব করে দেখা গিয়েছে, ওদের জাহু, পা’তে দড়ি বেঁধে পাওয়ার তৈরী করলে তাবৎ দেশের বিজলি-সাপ্লাই পাওয়া যাবে।” ফরাসী বললে, “ওটা তো নিতান্তই হার্মলেস, নির্বিষ। শুনেছি জার্মানদের গ্রাশনাল প্যাসটাইম, বিশ-ত্রিশ বছর অন্তর অন্তর একটা বিধবুদ্ধ লাগিয়ে দেওয়া।” আমি প্রতিবাদ মুদ্রা দেখবার তরে ডান হাত দিয়ে এক কোপে সামনের বাতাস ছুঁটুকরো করে কেটে দিয়ে বললুম, “নগ্টি, নগ্টি মসিয়ো, বিলকুল ধূলিপরিমাণ! আফগানিস্তানের নাম শুনেছেন? সেখানে কণ্ঠে কণ্ঠে ধনাধন গুলি ছোঁড়াছুঁড়ি করে দু’দশ জনকে খতম করে দেওয়া তো নিত্যদিনের ওয়ারডিস, জিমিনাসটিক্। আর তাবৎ মুল্লুক জুড়ে লড়াই, এক বাদশাকে তখৎ থেকে হটিয়ে অল্প বাদশা বসানো—যদিও তারা বিলক্ষণ জানে, তাতে করে ফায়দা হবে না আদৌ, কুলে ‘পিদর-সুখতেই’ (পিহৃদহনকারী, কুড়ি ভাষায় সব হা-ই) বরাবর, সোওয়াদ পাণ্টাবার তরে একবার একটা ডাকুকে এগুকে এগুেমালা করে তজকবাতী করেছে—এসব মুল্লুক-কোড়া প্যাসটাইমে তজ্র আফগান মাত্রই মশগুল হয় বছর পাঁচেক অন্তর অন্তর।”

ফরাসী এক গাল হেসে বললে, “আমরা ঘেরকম ৩১শে ডিসেম্বরের দুপুর রাতে গির্জের গির্জের ঘণ্টা বাজিয়ে ফি বছর পূর্ণা সালটাকে বোঁটিয়ে খেদিয়ে দিয়ে নয়া একটা নিয়ে আসি। কেন, বাওয়া, পুরনোটা কী-ই বা এমন অপকর্ম করেছিল? দিব্য ঐ দিয়ে কাজ চলছিল না? তাও, মসিয়ো বুঝতুম,

নয়াটাকে যদি বছর-বিশেকের গ্যারাণ্টি সহ আমদানি করতো! সেটাকে ফের কেঁটা!”

আমি গদগদ কণ্ঠে বললুম, “তাই না বেবাক মুন্সুকের সাকুল্যে লোক হৃদয় হুয়ে হেথায়, এই প্যারিসে ঝামেলা লাগায়। তোমরা সব-কুচ চট্টসে সমঝে যাও।”

আরেক গাল হেসে বললে, “তা আর জানবো না? ফ্রেন্স রিভলুশনে রাজা থেকে আরম্ভ করে নিত্য নিত্য কত না মুণ্ডু কেটেছি—কিন্তু মাইরি, রাজারও তো মাত্র একটা মুণ্ডু, সেটা কাটা গেলে, ইতিহাস সেটা নিয়ে আসমান-জমীন ফাটায় কেন? আমরা জানবো না তো জানবে কে?”... ফরাসী সরেস মন্তব্য শুনে আশ্মা ভাবি, কাবুলী বাদশার মুণ্ডুটা তো পার্মেনেন্ট এড্বেসেই রয়েছে। তবে অত ধানাই পানাই ক্যান?

রইবে শুধু তাস

আর এক রাজার সর্বনাশ

(প্রোক্ত) রাজা ফারুক নাকি একদা রাজসিক একটি আপ্তবাক্য ছেড়ে^১ ছিলেন, “এই দুনিয়ায় একদিন টিকে থাকবেন শুধু পাঁচজন রাজা। তাদের চারটি আর ইংল্যান্ডের রাজা—একুনে পাঁচ, ব্যাস।” জানি, রাজার কথা সব কথার রাজা। তা সে রাজার মুখ থেকে বেরনো কথাই হোক, আর রাজা নিয়ে রূপকথাই হোক।

কিন্তু, পাপ-মুখে কি করে কই, পেত্যয় যেতে মন যেন চাইছে না, মিসর রাজের ক্রমশঃ-প্রকাশ ভবিষ্যৎবাণী সত্যই কি কাবুলী-মেওয়া রূপে প্রকাশ পেল? কাবুলে গণতন্ত্র! ডাকুহীন, রাজাহীন কাবুল! প্রকাশ, আলা হজরত পাдишаহ ই দীন ওয়া দুনিয়া আগা ই আগা বাদশাহ মুহম্মদ জহির শাহ, জীদ আজলালাহ দামঃ শওকতোহ ওয়া ইকবালোহ—ঔর গোরব বর্ধমান হোক, ঔর শংকৎ এবং শ্রীসৌভাগ্য চিরস্থায়ী হোক—আমি সংক্ষেপে সেয়ে, আশা করি কোন অলঙ্ঘ্য প্রোটোকল অমান্য করে সখৎ গুনাহ বা মোলায়েম মকরুহ-এ লিপ্ত হই নি—ঔর তাজ ও তথৎ হারিয়েছেন। অতএব আমরা ফারুকের ভবিষ্যৎবাণী মাফিক আখেরী পঞ্চরাজ-চক্রবর্তীর আরো নিকটবর্তী হয়েছি। উত্তম প্রস্তাব! কিন্তু এ তো অতিশয় পুরনো কানুন্দী। তথাকথিত ঐতিহাসিক টয়েনবি যাকে বলেন প্যাটার্ন। না,

এবারে যে গাজী—কালক্রমে ইনি গাজী উপাধি অবশ্যই পাবেন—তখন-তাজ কেড়ে নিলেন তিনি নাকি সেগুলো এসেমালা করবেন না। তিনি দেশের জগৎ, তাঁর কথায় ‘ইসলামের ঐতিহ্যসূচী’ গণতন্ত্র ঘোষণা করেছেন।

কিন্তু কিস্তি অবাস্তব হলেও যে প্রশ্নটা প্রাগুক্ত ফরাসিগণ আজ জিজ্ঞেস করতেন সেটা সংক্ষেপে বললে দাঁড়ায়, “এত ল্যাটে কেন?” ১৯৩৩-এ জহির শাহ উনিশ বছর বয়সে রাজা হন। তাঁর পিতা বাদশা নাদির শাহ আততায়ীর গুলিতে শহীদ হন। আফগানরা সেই শেষ জাতীয় চিন্তাবিনোদনের পর ঝাড়া চল্লিশটি বছর ধরে এই মহামূল্যবান প্রতিষ্ঠানটিকে এ-রকম নির্মম বেদরদ পদ্ধতিতে অবহেলা করলো কেন? আফগান চরিত্র যারা কণামাত্র চেনেন তাঁদের কাছে এটা সম্পূর্ণ অবিখ্যাত ভূতুড়ে ব্যাপার, বেআইনী তিলিসমায় বলে মনে হবে।

এর মোদ্দাটা আমাদের সোনার বাংলার একটি প্রবাদে অনায়াস-লভ্য। ‘একে তো ছিল নাচিয়ে বুড়ি, তার উপর পেল মৃদঙ্গের তাল।’ পাঠান-আফগানরা নাচবার তরে হরহামেশা তৈরী, কিন্তু ঐ যে মৃদঙ্গটা ওতে ছ’চারটে চাটম চাটম বোস তুললে তবে তো মোজটা জমে এবং সে মৃদঙ্গ বাজাতেন আকছারই ইংরেজ মহাপ্রভুরা পেশোয়ারে বসে। ১৯১৭-এর পূর্বে কখনো বা রাশার জার—আমু দরিয়ার ওপারে বসে। এনরা নাচবার তরে কড়ি ভী দিতেন, নাচের সময় শাবাশী দিতেন, নাচ শেষে আপন আপন পছন্দসই ‘আমির’-কে তথ্যে বসাতেন। শেষবারের মত ডুগডুগি বাজিয়েছিল ইংরেজ ১৯২৮-২৯-এ। নাদির শাহকে মারার পিছনে কেউ ছিল কিনা, সঠিক বলতে পারবো না।

পটভূমি

আমান উল্লা যখন দেশের তরে লড়াই দেন, তখন তাঁর জঙ্গী লাট ছিলেন নাদির খান। স্বাধীনতা লাভের কিছুদিন পরেই, যে কোনো কারণেই হোক তাঁর মনে নাদিরের মংলব সঘন্থে সনেহের উদয় হল, লোকটা আফগান ফৌজের এতই প্যারা যে, কখন যে একটা মিলিটারি কু লাগিয়ে নিজেই রাজা হয়ে বসবে না, তার কি প্রত্যয়! আমান উল্লা নিজেই তো রাজা হলেন সৎ ভাই, যুবরাজ এনায়েত উল্লাকে তাঁর হকের তথ্য থেকে বঞ্চিত করে—যদিও সমস্ত ষড়যন্ত্র বলুন, প্যাস্টাইন্ বলুন, ব্যাপারটার পরিপাটি ব্যবস্থা করেছিলেন

তঁার আত্মজ্ঞান,—আমান উল্লার পেটে কতখানি এলুম ছিল সে তারিফ তঁার পরম প্যারা দোস্ত তক করতে গেলে বিষম খেত। কিন্তু তার চেয়ে একটা মোক্ষমতর তত্ত্ব আছে, সিংহাসন নিয়ে কাড়াকাড়ি বাবদে। আর্থদের ভিতর বহু প্রাচীনকাল থেকেই একটা ঐতিহ্য গড়ে উঠেছে—পিতা গত হলে বড় ছেলে পরিবারের কর্তা হবে। কোনো কোনো আর্থ গোষ্ঠীতে তো সে আইন এমনি কটর যে, বড় ছেলে ভিন্ন অত্র ভাইরা পিতার সম্পত্তির কানা কড়িটাও পায় না, গ্রাসাচ্ছাদনও না। সর্ব ব্যবহার মত এ ব্যবস্থাটারও সদ-গুণ বদ-গুণ দুইই আছে। কিন্তু আফগানদের ভিতর সে আইন খুব একটা চালু হয় নি। আমান উল্লা নাদিরকে বিদেশে চালান দিয়েছিলেন।

লাঠি যার দেশ তার

কাবুলের সিংহাসনে বসার হুক শেষটায় বংশানুক্রমে গিয়ে দাঁড়ায় মূলতঃ কান্দাহারের আদুর রহমান, হুবীব উল্লা, আমান উল্লার গোষ্ঠীতে। তার অর্থ ঐ গোষ্ঠীর ‘যার লাঠি তার মোঘ’। আমান উল্লা, নাদির, জহির আর আজকের জেনারেল মুহম্মদ দাউদ খান সকলেরই যে কেউ গায়ের জোরে একবার কাবুলের তখ্তে বসে যেতে পারলে, ক্রমে ক্রমে জালালাবাদ, গজনী, কান্দাহার শায়েস্তা করে তাঁবেতে আনতে পারলে তাবৎ আফগানিস্তান তাঁকে আলা-হজরত বাদশাহ বলে মেনে নেয়। কাতাখান-বদখশান মজার-ই-শরীফের বিশেষ কোনো মাহাত্ম্য নেই।

উপস্থিত দেখতে পাচ্ছি, জেনারেল দাউদ মাত্র কাবুলের প্রধান। সদয়ও বলতে পারেন। বেতার বলছে, কাবুলের বাইরে এখনো তঁার রাজ্যবিস্তার আরম্ভ হয় নি। তবে কাবুল উপত্যকার বাইরে উত্তর দিকে, অন্তত মাইল দশ পনেরো দূরের একটা জায়গা (চল্লিশ বছর হয়ে গেল, নামটা ঠিক মনে নেই, খুব সম্ভব জাবাল উস-সরাজ) থেকে আসে বিজলি। সেটা নিশ্চয়ই জেনারেল দাউদের তাঁবেতে। নইলে সিমলে পাহাড় থেকে কাবুল বেতারে দাউদের জয়ধ্বনি আকাশবাণীর মনিটর শুনলো কি করে?

ওদিকে যদিও কাবুল বিমান বন্দর একেবারে শহরের গা ঘেঁষে তবু বিলেত ছেড়ে কাবুলে যে প্লেন আসছিল সেটা সোজা দিল্লী চলে গেল কেন? লাহোর কিংবা করাচীতেই নামলো না কেন? হয়তো প্লেনে রাজ পরিবারের ছুঁচায়জন, কিংবা এবং জহিরপন্থী কিছু লোক ছিলেন বাঁদের আছের পক্ষে

কাবুল যাওয়াটা মোটেই নিরাপদ নয়। পাকিস্তানে নামাটাও খুব স্ফুর্দ্ধ্যমানের কাজ হত না। ভারতের সঙ্গে আফগানিস্তানের কোনো ছশমনী নেই। ভারতই ভাল। কাবুল এয়ার-পোর্টে নামাটা টেকনিক্যালী সম্ভবপর হলেও।

বহুকাল হল কাবুল বেতার শুনি নি। একদা সন্ধ্যা সাতটা আটটা থেকেই বিদেশের জ্ঞাতাদের প্রোগ্রাম শুরু হয়ে যেত, পশতু এবং ফার্সীতে। রাত এগারোটার ঘোঁকে ইংরেজীতে, এবং পিঠ পিঠ ফার্সীতে। দেখি, রাত ঘনালে পাই কি না। তবে ‘কু দেতা’, বা ‘কু ছ পালে’ হয়ে যাওয়ার পর নানা কারণে সচরাচর জোরদার ট্রান্সমিটার ব্যবহার করা হয় না বা যায় না।

অর্থই পরমার্থ

কার্ল মার্কস বলেছেন, অর্থনৈতিক কারণ ভিন্ন ইহ-সংসারে কোনো বিরাট পরিবর্তন হয় না। ইংরেজ এই নীতি অবলম্বন করে তার জ্ঞাননাল প্যাস্টাইম—‘জাতীয় চিত্তবিনোদন’ প্রতিষ্ঠান, ফুটবল-ক্রিকেটকে তার শিক্ষা প্রতিষ্ঠান অক্সফোর্ড কেমব্রিজের সমান স্থলবিশেষে উচ্চাঙ্গ দিয়ে যে অত্যন্ত সন্মত সাধন করলো তারই অর্থশিক্ষিত-অর্থমল্লবীর সম্ভানগণ স্থাপন করলো বিশ্ব জোড়া রাশি রাশি উপনিবেশ। কন্টিনেন্টের তাবৎ বিশ্ববিদ্যালয় কীড়ামোহ তার চতুঃসীমানায় প্রবেশ করতে দিত না। অতএব উপনিবেশ স্থাপন ও তথায় রাজত্ব করার জন্য শিক্ষিত লোক পাঠালে তারা মরতো পটাপট করে ম্যালেরিয়া, কালাজ্বর, ৭সে ৭সে ফীভার ইত্যাদি নানাবিধ রোগে; পক্ষান্তরে আখড়া থেকে ধরে ধরে ডানপিটে গাট্টাগোট্টাদের পাঠালে তারা পট পট পটল তুলতো না বটে, কিন্তু পটল ক্ষেতের হিসেব-নিকেশ থেকে আরম্ভ করে উপনিবেশের বাজেট, অডিট, আইন-কানুন, এক কথায় দেশ শোষণ করার জন্য যে সিভিল সার্ভিস গড়ে তুলতে হয় তার জন্য নিরঙ্কুশ অহুপযুক্ত। কেউ কেউ তো নামটা পর্যন্ত সই করতে পারতো না।

তাই ইংরেজ গলফ খেলার সময়ই হোক আর রিলেটিভিটি কপচাবার গুস্তেই হোক সব কিছু মা-লক্ষ্মীর আঁচলে বেঁধে দেয়।

পাঠানের বর্ণচোরা সংস্করণের নাম ইংরেজ। পাঠানও তার জ্ঞাননাল প্যাস্টাইম—ছ’দশ বছর পর পর কাবুলের তথৎ থেকে পুরানো বাদশাকে

সরিয়ে নয়া বাদশা বসানোর জাতীয় চিন্তাবিনোদনের সময় মার্কস-নির্দিষ্ট নীতি, ইংরেজ কর্তৃক হাতে-কলমে তার ফলপ্রাপ্তি, কোনটাই ভোলে না।

“বিআ ব্-কাবুল, বরওম ব্-কাবুল,
বিআ ব্-কাবুল বরওয়ীম ব্-কাবুল।
আয় তুই কাবুল, আমি চললাম কাবুল,
আয় তুই কাবুল আমরা চলি কাবুল॥”

“দীন দীন” রবে হুঙ্কার চিংকার পাঠানের কাছে বিলকূল ফড়ুল। কাবুল লুট করাতে কি আনন্দ কি আনন্দ।

ক্রাশনাল প্যাস্টাইমের সঙ্গে অর্থপ্রাপ্তির সময়স্র।

দো-নালা বন্দুক

প্রেসিডেন্ট দাউদ খানের সর্বপ্রধান শিরঃপীড়া হবে এই পাঠান ডাকুর পাল। ওদের সামলাতে হলে দরকার ফৌজ। দাউদ খান তাঁর ভাষণায়ত্তে সন্ধান জানিয়েছেন পেট্রিটদের, ‘দেশপ্রেমিকদের’—ফার্সীতে ‘দোস্তান-ই-মুলক’ বা সমাসবদ্ধ ‘ইয়ার-উল-মুলক, কিংবা আরব্য রজনীর ‘শহর-ইয়ার’-এর ওজনে ‘মুলক-ইয়ার’ অথবা সাদাঘাটা ‘হম্ ওয়াত্‌ন’ ‘স্বদেশবাসী’ যা-ই বলে থাকুন না কেন, পাঠান-হৃদয়ে আফগানিস্তান নামক রাষ্ট্রের প্রতি কোনো প্রকারের খাঙ্গ, দিল-তোড়্‌ মহকতের কোনো নিশান আমি দেখি নি। যে অঞ্চলে সে বাস করে অর্থাৎ কওমী এলাকার প্রতি তার টান থাকা অসম্ভব নয়—পাখিটাও তার নীড়ের শাখাটির মঙ্গল কামনা করে—কিন্তু দেশপ্রেম! অতএব দেশ-প্রেমী দাউদ দেশের দোহাই দিয়েছেন দোনালা বন্দুকের মত। কাবুল ও কাবুলাঞ্চলের সরকারী ফৌজ যেন তাঁর কাছ থেকে বড্ড বেশী টাকা-কড়ি না চায়। কাবুলের ভিতরকার আর্কি-হুর্গের তোবাখানায় কি পরিমাণ অর্থ তিনি পেয়েছেন সেটা তাঁর প্রথম ভাষণেই ফাঁস করে দেবেন এমনতরো ছুরাশা তাঁর নব-নিযুক্ত প্রধানমন্ত্রীও করবেন না। এবং এটাও অসম্ভব নয় যে, জহির শাহ ডিন-দেশ বাবার মুখে বাগ-ই-বালার (আমাদের তেজগাঁও) কেন্দ্রীয় শাহী সৈন্যদের কমাণ্ডান্ট আপন দামাদ জেনারেল শাহ ওয়ালী খানের হেপাজতে গ্যারিসনের মধ্যেই রেখে গিয়েছিলেন। বলা শব্দ মাহুব আপন দামাদ, না ভয়ীপতি, কাকে বেশী বিশ্বাস করে? খবর এসেছে, জেনারেল ওয়ালীকে মৃত্যু-দণ্ডে দণ্ডিত করা হয়েছে। সেটা নিশ্চয়ই গ্যারিসন জয় করার পূর্বে দাউদের

যারা সম্ভব হয় নি। হঠাৎ করে দাউদ ওটাকে জয় করার মত ফৌজ আর হাতিয়ার পাবেন কোথায়? এবং আর্ক-দুর্গই বা তিনি কাবু করলেন কি করে? সেখানে তো তাঁর বাস করার কথা নয়।

দাউদের পূর্বকথা

আফগান রাজনীতিতে বলা উচিত ছিল কাবুলের রাজনৈতিক দলাদলির প্রধান নেতা রাজ-গোষ্ঠীর সরদারগণ। দাউদ এদেরই একজন। জহির রাজা হন ১৯৩৩-এ। দাউদ তাঁর প্রধান মন্ত্রী হন ১৯৫০ খৃষ্টাব্দে। অনুমান করা অসম্ভব নয়, তিনি কুড়ি বৎসর ধরে তাঁর শক্তি সংরক্ষণ করে চলছিলেন অর্থাৎ সরদারদের মধ্যে যে ক'জনকে পায়ের আপন দলে টানছিলেন। এটা যে প্রকান্তে তথ্য-নশীন বাদশার বিরুদ্ধে করা হয় তা নয়। গণতান্ত্রিক দেশে সংবিধান মেনে নিয়ে প্রত্যেক পলিটিশিয়ান যে রকম আপন দলের সংখ্যা বৃদ্ধি করে হুবহু সেই রকম কাউকে দলের উচ্চাদর্শ দেখিয়ে, কাউকে মন্ত্রিস্বের ওয়াদা দিয়ে, কাউকে বা ডাঁই ডাঁই কন্ট্রাক্টের লোভ দেখিয়ে ইত্যাদি। কোনো সরদার যদি সত্যিই পালের মধ্যে বড্ড বেশী জোরদার হয়ে যান, তবে বাদশা যে ঐযং শক্তিত হন সেটাও জানা কথা। তখন তাঁকে নিতান্ত নিজস্ব আপন দলে টানার জন্য বাদশা তাঁর বোন বা মেয়েকে সেই সরদারের সঙ্গে বিয়ে দিয়ে খানিকটা নিশ্চিন্ত হন। পাঠকের স্মরণে আসতে পারে, আমির হবীবউল্লা যখন দেখলেন, মোল্লাদের চিত্তজয় করে তাঁর অনুজ নসরউল্লা এত বেশী তেজীয়ায় হয়ে গিয়েছেন যে তিনি রীতিমত শক্তিত হলেন—তাঁর মৃত্যুর পর আপন পুত্র যুবরাজ ইনায়েতউল্লা হয়তো রাজা হতে পারবেন না, রাজা হয়ে যাবেন নসরউল্লা। তাই তিনি যুবরাজকে বিয়ে দিতে চাইলেন নসর কতার সঙ্গে। নসর হয়তো বা আপন দামাদকে খুন করতে ইতস্ততঃ করবেন—ঐ ছিল তাঁর গোপন আশা।...এ স্থলে, যদিও টায় টায় খাটে না, তবু হয়তো বা দাউদকে আপন দলে টানবার জন্য জহির বোনকে আদমের আপেলের মত তাঁর সম্মুখে ধরলেন। বস্তুতঃ আফগান রাজগোষ্ঠীর হতভাগিনী কুমারীকুল সে দেশের রাজনৈতিক দাবা খেলায় বড়ের মতই এগিয়ে গিয়ে ছকের মাঝখানে প্রাণ দেন, রাজার দুর্গ অভেদ্যতর করার জন্য (কাসলিং)। কেউ কেউ আমৃত্যু কুমারীই থেকে যান—ক্রীড়ারস্তে যে ছকে জয়গত অধিকার বা কিস্মত বশত তাঁকে দাঁড় করানো হয়েছিল কিন্তুমাং পর্যন্ত সেখানেই অর্থহীন

নিষ্কর্মার মত অবশ্য অচল হয়ে থাকেন। যাট বছরের বুড়ো সরদারের সঙ্গে চৌদ্দ বছরের কচি মেয়ের বিয়ে হওয়াটাও আদৌ বিচিত্র নয়। কিন্তু উপস্থিত থাক সে দীর্ঘ দয়াদর্শহীন কাহিনী। শুধু বাদশার নয়, কুলে সরদার-বালাদের ঐ একই হাল।

পট বদল

১৯৭৭-এ হঠাৎ ইংরেজের পরিবর্তে দেখা দিল পাকিস্তান। আমানউল্লাহ ইংরেজ এবং রুশ দুই সপত্নের (সপত্নীর পুংলিঙ্গ বিশুদ্ধ সংস্কৃতে সপত্ন—মহার্ণ কবিদের ভাষায় “পুং-সতীন”) মাঝখানে ছিলেন মোটামুটি ভালই। আখেরের নতীজা—সে কাহিনী প্রাচীন ও দীর্ঘ।...বাদশা জহির হঠাৎ দেখেন তাগড়া ইংরেজ সপত্নের পরিবর্তে অপেক্ষাকৃত দুর্বল পাকিস্তান—সেও আবার কাবুলের সঙ্গে ক্লাট করা দূরে থাক ইণ্ডিয়া নিয়ে সে ব্যতিব্যস্ত। খুদ বাদশার কি মতিগতি ছিল জানিনে, কিন্তু সরদার দাঁউদ হয়ে দাঁড়ালেন পয়লা নম্বরের চেম্পিয়ন, পাঠানদের তাতিয়ে দিয়ে পাকিস্তানকে কামড় মেয়ে এক খাবলা গোশত্ ফোকটে মেয়ে দিতে। তাঁর দল হল আরো ভারি। “বিআব-পেশাওয়ার” “চলি, চলো পেশাওয়ার/চে খুব উমদা সে-ভাওয়ার।”

স্পষ্ট দেখতে পাচ্ছি এ রকম একটা জিগির চিত্তহারিণী হবেই। পেশাওয়ায়ে খাস পাঠানদের বাড়ী-গাড়ী অত্যন্তই। পাঞ্জাবীরা সেখানে বিস্তর ধনদৌলত লঞ্চয় করেছে পার্টিশনের সময় বেধড়ক লুট করে। এবারে পাঞ্জাবী মোমাছিদের খেদিয়ে দিয়ে বাড়ী আনতে হবে ইয়াবড়া বড়া মধু ভাও! আজ সদর দাঁউদ খাইবার পাস থেকে শুরু করে জালালাবাদ, সিমলা, খাক-ই-জব্বার তক সব “দেশপ্রেমী” পাঠানদের যে ইজিত দিচ্ছেন সেটা কিঞ্চিৎ বন্ধিম হলেও স্পষ্ট। অর্থাৎ কাবুলে বাদশা-বদল হলে ঐ সব অঞ্চলের যে পাঠানরা এক জোট হয়ে ধাওয়া করে জালালাবাদ লুটতে—দাঁউদ তাদের বলছেন, “হে দেশপ্রেমী পাঠান, তুমি আপন দেশ লুটতে যাবে কেন? তোমাকে তো বলেছি, পাকিস্তানের সঙ্গে, আমার যে বোকাপড়া এতদিন তোমাদের ঐ নিষ্কর্ম জহিরের জন্য মূলতুবি ছিল, এখন সে শুভ-লগ্ন উপস্থিত। তোমার কম্পাসের কাঁটাটা ঘুরিয়ে দাও।” ভালো-মন্দের কথা হচ্ছে না; এটা সহজ পলিটিক্স। বেভারে গুনতে পেলুম, দাঁউদ প্রেসিডেন্ট হয়েই বিদেশী রাজদূতদের ডেকে পাঠান—নিদেন প্রেসিডেন্টের তথ্যে না বলা পর্যন্ত ঐদের ডাকা যায় না—এবং তাঁদের শাস্তি

শান্তি, শালাম ইয়া শালাম, সর্ববিশ্বে শান্তি এই বাণী উচ্চারণ করার সঙ্গে সঙ্গেই বললেন, “কিন্তু পাকিস্তানের সঙ্গে এইবারে আমার বোঝাপড়া শুরু হবে।” বেতারের রিপোর্টার মস্তব্য করেছেন, প্রেসিডেন্টের বলার ধরনটা আদৌ স্থলেহ-সন্ধি সূচক ছিল না (আমি নিজে ধরনটার গুরুত্ব অত বেশী দিই নে; কে না জানে, মাহুয রান্নার সময় যে গরমে ভাত ফোটায়, অভখানি গরমা-গরম গেলে না)।

এই মামুলী লেখনের গোড়াতে যে দোনালা বন্দুকের উল্লেখ করেছিলুম, এই তার দোসরা নাল।

কিন্তু পাকিস্তান যে ইসলামী রাষ্ট্র? আমরা পাকিস্তান আফগানিস্তান কোনো রাষ্ট্রেরই অমঙ্গল কামনা করি না। কিন্তু দাউদ কি উত্তর দেবেন সেটা কিঞ্চিৎ অসুমান করতে পারি। জালালাবাদ অঞ্চলের পাঠানদের চাপে পড়ে—যদিচ সেটাই একমাত্র চাপ ছিল না—একদা আমান উল্লাহ তথৎ যায়। এখন এরা যদি—অবশ্য সেটা অসুমান মাত্র—জেনারেল দাউদকে সমর্থন না করে তবে তাঁর তো গত্যস্তর নেই। ইচ্ছায় হোক, অনিচ্ছায় হোক, তাঁকে তখন কট্টরস্ত কট্টর স্ত্রী পাঠানদের চোখে আঙ্গুল দিয়ে দেখিয়ে বলতে হবে, “পাকিস্তানের সদর (শব্দার্থে বক্ষস্থল), ডিক্টেটর কে, যার হুকুমে তামাম পাকিস্তান ওঠ-বস করে? স্বৈরতন্ত্রী জুলফিকার আলী ভুট্টো। সে তো শিয়া।”

নজীর স্বরূপ আরেকটা তথ্য সদর দাউদ বলবার হুকু ধরেন। তিনি বলতে পারেন, “১৯১৮ সালে যখন আমি প্রধানমন্ত্রী তখন পাকিস্তানের যে সদর ইসকন্দর মির্জা আমাদের সঙ্গে স্থলেহ করতে চেয়েছিল, সে কথাবার্তা বলেছিল কার সঙ্গে? বাদশা জহিরের সঙ্গে। আমি কথাই বলি নি। কেন? সেও ছিল শিয়া। তারও একটুখানি পরে কে? ইয়াহিয়া। সেও শিয়া।”

মুশকিল !!

*

* *

কু দে'তা মুগত ফরাসী। কু=আবাত, গুঁতো; জু-ইংরিজি অব; এতা=রাষ্ট্র, ইংরিজি স্টেট ঐ একই শব্দ। অকস্মাৎ, বলপ্রয়োগ করে, সচরাচর দেশের সংবিধান বা ঐতিহ্য উপেক্ষা করে যদি এক রাজার বদলে আরেক রাজা তথতে বসে যান, কিংবা রাজাকে হটিয়ে গণতন্ত্র, অথবা গণতন্ত্রকে হটিয়ে স্বৈরতন্ত্র (ডিক্টেটরী) পত্তন করেন তবে সেই বলপ্রয়োগ (কু) দ্বারা রাষ্ট্রের

(এতা) রূপ বা ভাগ্য পরিবর্তনের নাম কু দে'তা। দেশ-বিভাগের পর সর্ব-প্রথম একটা কু দে'তার পূর্বাভাস দেন আধ-সেনা ডিক্টেটর ইসকান্দার মির্জা, আসল স্বাস্থ্য কু করলেন আইয়ুব। তাঁর পরের মাল সব খুট। ভূট্টো যদি মিলিটারী জুস্তাকে নিয়ূল করে যা-ইচ্ছা-তাই বা যাচ্ছেতাই করতে পারেন তবে সেটা হবে তাঁর ব্যক্তিগত কু।

কু ছ পালে রাহ-প্রাসাদের (পালে, পেলেস, প্রাসাদ) ভিতরকার আকস্মিক পরিবর্তন। কু ছ পালে প্রতিষ্ঠানটি অতিশয় প্রাচীন, কিন্তু বাকাটি প্রচলিত হয়েছে হালফিল। একদা যে কোনো ব্যক্তি রাজাকে গুম খুন করে হুম করে সিংহাসনে বসে যেতে পারলেই দেশের লোক গড়িমসি না করে তাঁকে রাজা বলে মেনে নিত। এখন অত সহজে হয় না। রাজা ফারুককে হটানো-টার আরম্ভ হয় কু ছ পালে দিয়ে, কিন্তু নজীব-নাসিরের পিছনে দেশের (এতা-র) লোক ছিল বলে সেটা সঙ্গে সঙ্গে কু দে'তা-তে পরিবর্তিত হয়।

অতএব কু দে'তা বিরাটতর রাষ্ট্রবিপ্লব কু ছ পালের চেয়ে।

জেনারেল হাউদ যে কর্মটি সমাধান করলেন সেটা স্পষ্টত কু ছ পালে দিয়ে আরম্ভ; এগন যদি সেটা কু দে'তাতে পরিবর্তিত না হয় তবে বেশ কিছুকাল ধরে চলবে অরাজকতা, অর্থাৎ রাষ্ট্র-শক্তিধারীহীন রাষ্ট্রবিপ্লব বা মিডিল উয়ার। ইহ-সংসারে যত প্রকারের যুদ্ধ হয়, কোনো দেশের কিস্ত ভাঙারে যত রকমের গজব আছে, তার নিকৃষ্টতম নিষ্ঠুরতম উদাহরণ ভাত-যুদ্ধ।

চাপক্য বলেছেন, যে ব্যক্তি উংসবে, ব্যসনে, হুঁভিক্ষে, রাষ্ট্রবিপ্লবে, রাজদ্বারে (যখন পুলিশ কাউকে আসামীর কাঠগড়ায় দাঁড় করায়) এবং সর্বশেষে বন্ধুকে আশানে বয়ে নিয়ে যায়, সে-ই প্রকৃত বান্ধব।

“উংসবে ব্যসনে চৈব হুঁভিক্ষে রাষ্ট্রবিপ্লবে।

রাজদ্বারে আশানে চ যঃ তিষ্ঠতি স বান্ধব।”

দোস্ত কুজা আস্ত্ ?

মিত্র কুত্র অস্তি ?

দোস্ত কোথায় আছে ?

অতএব উল্লেখ নিতান্তই বাহুল্য, যে, সদর হাউদকে বন্ধুর সন্ধানে—ব-তলাশে দোস্ত—বেরুতে হবে। ভাতযুদ্ধের সময় বান্ধবের প্রয়োজন সবচেয়ে বেশী। শুধিকে সম্ভাব্য বান্ধবরা নব রাষ্ট্রনেতাকে বাজিয়ে দেখতে চান, তিনি শেষ পর্যন্ত ধোপে টিকবেন কিনা। পূর্বেই বলেছি, কাবুলের কর্ণধার হলেই যে তিনি তাবত আফগানিস্থানের প্রভু হতে পারবেন, এমন কোনো কথা

নেই। অতএব আফগানিস্থানের সঙ্গে যে সব রাষ্ট্রের স্বার্থ সাক্ষাৎ বা পরোক্ষ-ভাবে বিজড়িত তারা সদর দাউদের নূতন রাষ্ট্রকে পত্রপাঠ ঝটপট স্বীকৃতি দেবার পূর্বে কান্দাহার, গজনি, জালালাবাদ তাঁর বশ্বতা মেনে নিয়েছে কি না, না মেনে থাকলে সেগুলোকে শায়েস্তা করবার মত তাঁর সৈন্যবল, অস্ত্রবল, অর্থবল পর্যাপ্ত কিনা তারাই সন্ধান নেবে। ওদিকে, বলতে গেলে সর্বশেষ খবর অহুযায়ী, কাবুল এই সব এলেকা থেকে বিচ্ছিন্ন। যে সব রাষ্ট্র আফগানিস্থানের প্রতিবেশী, যেমন রুশ, ইরান, পাকিস্তান—এরাও এ সব এলেকার কোনো পাকা খবর পাচ্ছেন না।

তৎসঙ্গেও বলা নেই, কওয়া, নেই, হঠাৎ রুশের মত রাষ্ট্র, যার “ওরিয়েন্টাল ধর্ম” শত শত বৎসর ধরে বিশ্বময় সুপরিচিত, এতদূর দশক দুতিন পূর্বে হিটলার চেম্বারলেন উভয়কে প্রায় উন্মাদাজ্রমে পাঠাবার মত খাতাবরণের সৃষ্টি করে তুলেছিল আর ‘দানির কেষ্ট বিষ্ণু, রাজনীতির ইন্সুলে নিতান্তই ‘তিফল-ই মকৃতববৎ’ চ্যাংড়া, ষাদের কোনো কিছুতেই তার সয় না, রাভারাতি চৌষষ্টি-তলার এয়ারং নির্মাণ ষাদের কাছে ডাল-ভাত—থুড়ি, হট-ডগ হাম-বুগার—সেই নিকসন কিংসিংজারকে পকেটে পুরেছে যারা, তারা কিনা অগ্রপশ্চাৎ বিবেচনা না করে, প্রতিবেশী কুলে মুল্লুককে সুপারসনিক স্পীডে তান্মি দিয়ে তেরাতির যেতে না যেতে দুশমনী মাকিনী কায়দায়, বহু বৎসরের হারিয়ে যাওয়া ফিরে পাওয়া ভাইটির মত সদর দাউদকে নিয়ে পাঠানী বেরাদরী কায়দায় একই বর্তন থেকে গোশত-রুটি খেতে আরম্ভ করে দিল? আমি মুর্থ, বার বার আহাম্মুক বনে বনে ঐ তামাশায় দস্তুরমত চ্যাম্পিয়ন, আম্মো বেবাক অবাক। ক্ষণতরে ভাবলুম, “পূর্বদেশ” বিজ্ঞাপিত ধারাবাহিকের ধারাটা বেলাবেলিই পাথর চাপা দিয়ে বন্ধ করে দি। পরে দেখলুম কিলটা হজম করে নেওয়াই প্রশস্ততর।

রুশের এই সৃষ্টিছাড়া আচরণের কারণটা কি?

অবশ্যই প্রথম কারণ, শত বৎসরের পুরনো ইংরেজ সপত্ন বৈধূয়ার আঙ্গিনাতে আজ আর নেই। সে থাকলে এই বরমালা দানের বদলাই নেবার তরে এনে দিত মোতির মালা। রুশকে আনতে হত লাল-ই-বদখশান—চুনী। ইংরেজ আনতো...গয়রহ ইত্যাদি।

অর্থাৎ দাউদ ষাত্রারস্তের পূর্বেই হয়তো বা রুশের আশীর্বাদ নিয়ে নিশ্চিন্ত হয়েছেন। হয়তো বা, রাজা জহিরের নিরপেক্ষ নীতি রুশ পছন্দ করতো না। দাউদ হয়তো ভিন্ন ওয়াদা দিয়েছেন। জহিরের নীতি একদিন হয়তো

মার্কিনকে ইংরেজের ভ্যাকুয়ামে টেনে আনত। কান্দাহার জলালাবাদকে ঘায়েল করার জন্য রুশ আজ সদর দাউদকে যা দেবে, মার্কিন তার বদলে দাউদ বৈরীদের দিত মোতির মালা, রুশকে ছুটে হত বদখশান...উপরে দেওয়া আড়া আড়ির “বাজার দর” দ্রষ্টব্য। অতএব মার্কিন নাগর রসবতীর সন্ধানে আসার পূর্বেই দাও স্বীকৃতি।

কয়েক বছর আগেও রুশ ঝাটতি দাউদকে এরকম স্বীকৃতি দিত না, কারণ কিংবদন্তী অভিনয়ী যে হিন্দুকুশ পর্বত উত্তীর্ণ হবার সময় সে পর্বত বিস্তার হিন্দুর (আগের) প্রাণহরণ করে (কুশ্, তাই “হিন্দুকুশ”), সেটাকে অতিক্রম করে মাত্র কয়েক বৎসর পূর্বেও ট্যাক্স-কামান কাবুলে আনাটা ছিল সম্পূর্ণ অসম্ভব। বেশ কয়েক বছর হল বাদশা জহিরের অনুরোধে রাশানরা অপথে বিপথে কয়েকটা টানেল খুঁড়ে, লেভেল রাস্তা বানিয়ে, কে জানে ক’হাজার ফুট চড়াই উৎরাই তো এড়িয়েছে বটেই, তত্পরি না জানি ক’শ’মাইল রাস্তাও কমিয়ে দিয়েছে।

তৃতীয় পক্ষ পাকিস্তান

তত্পরি সরাসরি দুশমন না হলেও পাকিস্তানের সঙ্গে রুশের ঠিক বনছে না। কারণটা অতীত সরস। পাকিস্তান নিকসনের চতুর্দিকে সাত পাকের বদলে সত্তর পাক খাচ্ছেন। পাকিস্তানই অগ্রণী হয়ে মার্কিনের সঙ্গে তার দুশমন চীনের ভাবসাব করিয়ে দিয়েছে। এখন তার দাদ নিতে হবে। এবং এর সঙ্গে জড়িত আছে আরেকটি ফোজী চাল। শেষ পর্যন্ত যদি চীনের সঙ্গে লেগে যায় তবে আফগানিস্তানের ঘাঁটি থেকেও চীনকে কিছুটা বিব্রত করা যাবে।

কিন্তু একটা ব্যাপার আমার মনে ধন্দ সৃষ্টি করেছে। পাঠকের স্মরণে আসতে পারে, আমান উল্লাকে বিতাড়িত করার পিছনে ছিলেন, যাকে প্রায় আফগানিস্তানের পোপ বলা যেতে পারে, সেই শোর বাজারের হজরৎ। ডাকু বাচ্চা ই সাকোও কাবুলের দিকে এগিয়ে আসার পূর্বেই তাঁর আদেশে শাহী ফৌজের সৈন্যরা বাগ-ই-বালা ত্যাগ করে যে যার বাড়ি চলে যায়। আমি পূর্বেই প্রায় শুধিয়েছিলুম, আর্ক এবং বাগ-ই-বালা দাউদ খান দখল করলেন কি করে? যতদূর জানা গেছে, বলবার মত কোনোই প্রতিরোধ সেখানকার সৈন্যরা দেয় নি—হয়তো বা কু’র পূর্বেই এরা আপন আপন গাঁয়ে শোর

বাজারের বর্তমান-গদ্দিন-নশীনের আদেশে চলে গিয়েছিল। এবং এটাও লক্ষ্য করেছি, সদর দাউদ সরকারী পদ্ধতিতে সাড়ম্বরে তাঁর প্রথম ভাষণেই বলেছেন, তাঁর নব্বই রাষ্ট্র যদিও রিপাবলিক তবু সেটা “ইসলামের ঐতিহ্যমুখারী” গঠিত হবে। বলা বাহুল্য সেটা স্ত্রী মজহব অমুখারী। তদুপরি দাউদ খান যখন দৃঢ়কণ্ঠে বলেন, পাকিস্তানের সঙ্গে বোঝাপড়ার মত অনেক কিছু অনেক দিন থেকেই তাঁর রয়েছে তখন শোর বাজার সঙ্গে সঙ্গে স্মরণে আনেন, স্বয়ং মরহুম জিন্না থেকে আরম্ভ করে কোন্ কোন্ পাক নায়ক শিয়া। এমন কি শিয়া না হয়েও জফরউল্লা এঁদের আরেক ধাপ নিচে—তিনি কাদিয়ানী। গোঁড়া আফগান সদাসর্বদা কাদিয়ানী মাত্রকেই ইসলাম-ভ্যাগী মুলহিদ বলে গণ্য করে এবং তারা ওয়াজিব উল-কল্-যাদের কতল করা ওয়াজিব। কাবুলবাসী জাত হিন্দু বা শিখের কাছ থেকে হয় তো বা জিজিয়া তোলা যায়, কিন্তু তাদের উপর অত্যাচার করার বিধান নেই। স্বয়ং আমান উল্লাহ আমলে শহর-কাজীর হুকুমে একজন তথাকথিত কাদিয়ানীকে পাথর ছুঁড়ে ছুঁড়ে মারা হয়। দাউদেরও শিয়াদের প্রতি নিজস্ব উৎকট জাতকোষ আছে। ১৯৬৩ খৃষ্টাব্দে ইরানের শিয়া শাহের প্ররোচনায় জহির তাঁকে প্রধানমন্ত্রীত্ব থেকে বরখাস্ত করে, সর্দারদের হিসেবে না নিয়ে, মধ্যবিত্ত শ্রেণীর সাদামাটা ডঃ ইউনুসকে প্রধান মন্ত্রীর পদ দেন।^১

শোর বাজার-যাজক-সম্প্রদায় আমান উল্লাহ বিরোধী ছিলেন বলে “ধর্ম বিদ্বেষী” সোভিয়েৎ আমান উল্লাহকে যতখানি পারে সাহায্য করে—সেটা অবশ্য বৎসামান্ত। কিন্তু তখন সোভিয়েৎ রাষ্ট্র মাত্র এগারো বৎসরের বালক। কম্যুনিষ্ট বৈরীরা বলে, সোভিয়েৎ ইতিমধ্যে ধর্মবাদের যথেষ্ট সহিষ্ণু হয়ে গিয়েছে, এমন কি প্রয়োজন হলে যাজক সম্প্রদায়ের সঙ্গে আঁতাত করতেও এখন তার বিশেষ কোনো বাধা নেই। ইতালীর শান্ত সংযত কম্যুনিষ্ট নেতা নাকি এ পথ স্বগম করে দেন।

এ সব জল্পনা-কল্পনা যদি সত্য হয় তবে একটা অভিজ্ঞতা-জাত তত্ত্ব এ-স্থলে স্মরণে রাখা ভালো। কাবুল রাজদূতাবাসের একাধিক ইংরেজ কূটনৈতিক আমাকে বলেন, আফগান ইতিহাসও সাক্ষ্য দেয়, বিদেশী কোনো রাষ্ট্রের মোটা রকমের মদ্য নিয়ে যিনিই এযাবত আফগান রাষ্ট্রের কর্ণধার হয়েছেন, তিনিই

১। ডঃ ইউনুস বুদ্ধিজীবী ও রবিতত্ত্ব। প্রধানমন্ত্রী হওয়ার পরের বৎসরই শান্তিনিকেতান এসে কবির স্মৃতির প্রতি শ্রদ্ধা জানান।

আজ হোক কাল হোক জনপ্রিয়তা হারান এবং তাঁকে হটাবার জন্য নূতন যড়যন্ত্র নূতন বিপ্লববাদীর অভাব হয় না। একটা প্যাস্টাইম শেষ হতে না হতে অল্প দুর্দৈবের কথা কল্পনা করতেও আমার মন বিকল হয়ে যায়। আমরা গরীব, আফগানিস্থান আমাদের চেয়েও নিঃস্ব। সেখানে অথবা শক্তিশাল্য রক্তপাত দাবিক দৈন্ত বুদ্ধি করার জন্য এই কুগ্রহের যোগাযোগ।

ভারত একদা আফগানিস্থানের প্রতিবেশী ছিল, এখন নয়। সে স্বীকৃতি দিয়েছে একটিমাত্র বিষয় বিবেচনা করার পর। যে কোনো কারণেই হোক, তার বিশ্বাস হয়েছে সদর দাউদের গণতান্ত্রিক প্রচেষ্টা সফল হবে। তদুপরি হয়তো বা কেউ কেউ বলবে, বাংলাদেশকে স্বীকৃতি দিতে যে বিলম্ব করেছিল সেটোর পুনরাবৃত্তি করো না। ব্যক্তিগতভাবে আমি অতি অবশ্য বাংলাদেশ ও আফগানিস্থানকে স্বীকৃতির ক্ষেত্রে একাসনে বসাই না, যতপি আমি চিরকালই আফগানের মঙ্গলাকাজী। নীতির দিক দিয়ে, মানবতার দৃষ্টিবিন্দু থেকে বাংলাদেশের দাবী বহু বহু উচ্চে।

মিঃ ভুট্টো পড়েছেন ফাটা বাঁশের মধ্যখানে। ওদিকে মুশিদ নিকসনও “অস্থূহতা” ও ওয়াটার-গেট দুই গেরোর চাপে পড়ে সদর ভুট্টোর ভেট নামঞ্জুর করেছেন, এদিকে পাক্ষেবী শিয়াবৈরী সদর দাউদ বড্ড বেশী মাত্রায় ভেট করতে চাইছেন যে।

রাজনীতি অবিস্থাসে

ভারতের এক প্রাচীন রাজা তাঁর দেশের সর্বোত্তম চিকিৎসক, কামশাস্ত্রবিদ এবং রাজনীতিজ্ঞকে ডেকে বললেন, “তোমরা সবাই যে যার শাস্ত্রে পর্বতপ্রমাণ কেতাব-পুঁথির যে সব কাঙ্ক্ষনজন্মা নির্মাণ করেছে সেগুলোতে আরোহণ করার প্রবৃত্তি এবং শক্তি আমার নেই। তোমরা তিনজন মিলে মাত্র একটা শ্লোকে আপন আপন বিত্তে পুরে দাও। ঐ দিয়েই আমার কাজ চলে যাবে।” এখানে অক্ষম লেখকের সমস্কোচে নিবেদন, আসলে রাজা চার শাস্ত্রের চার স্থপতিতকে ডেকেছিলেন, আমি চতুর্থ পণ্ডিতের বিষয়বস্তু তথা শ্লোকের চতুর্থীংশ বেমানুম ভুলে গিয়েছি। অতএব আন্ততোষ ও অন্ততোষ পাঠককে বক্ষমাণ ত্রিলেগেড-রেস দেখেই সম্বষ্ট হতে হবে।

বৈষ্ণবরাজ তাঁর বরাদ্দ শ্লোকাংশে লিখলেন: ‘জীর্ণে ভোজনং।’ অর্থাৎ ইতিপূর্বে যা খেয়েছে সেটা হজম—‘জীর্ণ’—হলে পর তবে ‘ভোজনং’ অর্থাৎ তখন

থাবে। এই বিসমিঞ্জাতেই ডাক্তার এবং কবিরাজে ছাড়াছাড়ি হয়ে গেল। ডাক্তারের আদেশ, রুটিনমাসিক, পানকচুয়ালি, প্রতিদিন একই সময়ে ভোজন! পক্ষান্তরে কবিরাজ বলছেন, পূর্বাহ্নের পূর্বাহ্ন হজম হলে পর আপনায় থেকেই ক্ষুধা পাবে, তখন খাবে। স্পষ্ট দেখা যাচ্ছে এটা ডাক্তারী প্রেসক্রিপশনের উল্টো বিধান। যেদিন শারীরিক পরিশ্রমের বাড়াবাড়ি সেদিন ক্ষিদে পায় তড়িৎতড়িৎ। যেদিন কার্যক্ষার কানমলায় উঠান-সমুজ পেরোনো প্রাণের দায়, সেদিন ক্ষিদে আদপেই পায় কি না পায়! অতএব পানকচুয়ালি ভোজন হয় কি প্রকারে? তত্পরি অতদিনের সুপার-ডাক্তার রোগ ধরতে না পারলেই বলেন, নার্ভাস—একদা যেমন বলতেন এলাজি। তা তাঁরা যা বলুন, যা কন—পাড়ার বার্লিক মালিক অধি সবাই জনে, হৃদয়মন বিকল থাকলে ক্ষিদে পেট ছেড়ে মাথায় চড়েন।

মমেকসদয় পাঠক ঈষৎ অতিষ্ঠ হয়ে বলবেন, কোথায় কাবুলের হানাহানি আর কোথায় তুমি করছো ডাক্তারবত্তি নিয়ে টানাটানি!

কনফেশন বা কৈফিয়ৎ

পয়লা কদম ফেলার নাম মুকদ্দমা, এর হুবহু সংস্কৃত প্রতিশব্দ অবতরণিকা। মুকদ্দমা বলতে আরবীতে মামলা দায়েরের পয়লা পর্ব—প্রিমা ফাশি কেস—বোঝায়। বাংলায় সাহুল্যে মোকদ্দমাটা বোঝায় এবং তারও বেশী আগা-পাশ-তলা মোকদ্দমা এবং তার সাথে আর পাঁচটা বিড়ম্বনা বোঝাতে হলে বলি, মামলা-মোকদ্দমা। ‘ইতিহাসের দর্শন’ শাস্ত্রের আবিষ্কর্তা ইব্ন খল ছন তাঁর বিশ্ব-ইতিহাসের অবতরণিকা ‘মুকদ্দমার’ জন্ম বিশ্ববিখ্যাত।

আসলে যা বলার কথা সেটি মোকদ্দমাতেই বলে নিতে হয়। আমারও “শাদীর পয়লা রাতেই বেরাল মারা” উচিত ছিল, অর্থাৎ বক্ষ্যমাণ ধারাবাহিকের পয়লা কিস্তিতেই। কিন্তু সে সময় ভাই-বেরাদর পাড়ার পাঁচো, ইয়ার হৌক হৌক করছেন সত্ত সত্ত তাজা কাবুলী মেওয়া চাখবার তরে। আমার ফরিয়াদ শুনবে কে?

বাংলাদেশের পাঠক আমাকে চেনেন অল্পই। এর ভিতরে অনেকেই আমার আমার উপর রাগত ভাব পোষণ করেন। মরহুম “পূর্ব পাকিস্তানের” সেক্রেটারি বোর্ড আমার সর্বনাশকল্পে মল্লিখিত প্রথম পুস্তক থেকে তাঁদের স্কল-পাঠ্য গ্রন্থ বেগরোয়া ঝালে-ঝালে-অবলে অর্থাৎ রাস সিক্স থেকে ম্যাট্রিক

অবধি দু'পাঁচ পাতা তুলে দিতেন। আর কে না জানে, এয়ুয়েলের আজরাইল না আসা পর্যন্ত—রবি-কবির ভাষায়, “অপাঠ্য সব পাঠ্য কেতাব সামনে আছে খোলা”—কোন মুখ পাঠ্য পুস্তককে পাঠের উপযোগী বলে মনে করে? বললে পেতায় যাবেন, “কাবুলী ওয়ালার” মত সরেস সরস গল্প ক্লাসে পড়াতে গিয়ে আমি হিমসিম খেয়েছি? বরঞ্চ বাচ্চাটাকে জোর করে কুইনিন গেলানো যায়, কিন্তু জোর করে রসগোল্লা গেলাতে গেলে সে যা লড়াই দেয় তার সামনে মুক্তি-ধোন্ধাও ভাবে মিঞা ওসমানীর জায়গায় একে জঙ্গীলাট বানালে ন'মাস আগেই স্বরাজ আসতো।

আমার লেখা ভালো না মন্দ তার সাফাই আমি গাইব কি? মোদ্ধা কথা—আমার রচনা পাঠ্যপুস্তকে তুলে সেটা জোর করে জোরসে যাদের গেলানো হয়েছে তাদের বর্তমান আবাস ঢাকার ভিন্ন ভিন্ন হল-এ। সাথে কি আমি ওসব পাড়া এড়িয়ে চলি!

সূর্যসেন হল, বাপস! নব পরিচয়

তাই আমি নতুন করে আমার পরিচয় দিতে চাই। প্রায় বিশ বৎসর ধরে আমার লেখা এ দেশে পাওয়া যেত কালে কথিনে। ওপার বাংলা আমায় কিছুটা চিনেছে ঐ দুই দশক ধরে। “পূর্বদেশের” বিজ্ঞপ্তি যে, আমি সনাতন “আকগানিস্তান আজকের দৃগপটে” ফেলে ‘ধারাবাহিকভাবে’ লিখব, এ খবরটা যদি পাক-চক্রে সেখানে পৌঁছয় তবে বটিয়া যে কী অটহাস্ত ছাড়বে সে আপনারা হাইকোর্ট দর্শনে না গিয়ে শ্রেফ বুড়ীগঙ্গার পারে বসেই বটিগঙ্গার জলমর্মরের সঙ্গে শুনতে পাবেন। ওরা এবং এ-পারে, বহু দূরের বগুড়াবাসীরা মাত্র গুহ তবুটি অবগত আছেন; পার্টিশেনের পরেই একটি বিশেষ দ্রব্য হেখাকার নওগাঁ থেকে চালান বন্ধ হয়ে যায়। ভক্তলোকের ছেলে সরাসরি নওগাঁ যাই কি প্রকারে? তাই সেটাকে বগুড়াবাসের কামুফ্লাজে ঢেকে সেখানে কয়েক মাস কাটাই। কিন্তু কপাল মন্দ। চীফ-সেক্রেটারী আজিজ আহমদ—আহা, কি ‘আজিজ’ প্যারা দোত্তই না পেয়েছিল মহাপুণ্যবান মরহুম পূর্ব পাকিস্তান—তিনি আমাকে হাতের কাছে না পেয়ে লাগলেন আমার ইষ্টিকুটুমের পিছনে। কিই বা করি তখন আমি আর। গুটি গুটি ফের কলকাতা। মেহেরবান আজিমুশ্শান আজিজ আহমদ খান জান-প্রাণ ভরে তল্লীর ঠাণ্ডী সাঁস ফেললেন! পাকের চেয়ে পাক মশরিকী পাকিস্তানকে

বরবাদ পয়মাল করার তরে যে বদ-বখৎ হিন্দুহানী এসেছিল হেথায়, সে-ইবলিস গেছে! “জিন্দাবাদ সাহেবজাদ আজিজ” যদিও তিনিই পূব পাক বাবদে যে পাক-পে-পাক সব-সে পহলী পালিসির (পালিসির খাটি আজিজী পাঞ্জাবী উচ্চারণ) পালিশ লাগিয়েছিলেন, তারই ফলে ডজন দুই বছর যেতে না যেতেই উপরকার দুই পাকের “ভাই বেরাদরী” ভণ্ডামির পলকা পলন্তরা উবে গিয়ে বেরিয়ে এল—গিল্টি, গিল্টি, নির্ভেজাল গিল্টি; আজিজের দুই চোখ, দিলজানের হুশমন রবিঠাকুরের কণ্ঠে তখন পাগলা মেহের আলীর চাঁৎকার “তফাত যাও, তফাত যাও। সব ঝুট হায়, সব ঝুট হায়।”

ব্ এক গদিশে চব্ব্ব-ই-নীলুফরী

নু আজিজ বজ্-আমদ নু নাদরী ॥

(“সুনীল নীলাম্বুজের স্নায়ু গভীর নীলাকাশ একটি বায়ের মত পরিবর্তিত হইয়াছে কি, না—নাদির এমন কি তাহার নাদরী হুকুম পর্যন্ত লোপ পাইল”—অবনীন্দ্রনাথ ঠাকুরের অনুবাদ। আমি শুধু প্রথম “নাদিরের” স্থলে আজিজ লোকটাকে দিয়ে নাম পরিবর্তন করেছি; স্বাধিকারপ্রমত্ত আজিজ “চোটা-ওয়ারা” নাদিরের মত ফরমান ঝাড়তেন বলে “নাদরী”র পরিবর্তন করার প্রয়োজন বোধ করি নি।)

মেহেরবান সম্পাদক, অকারণ অকুপণ অভাজন-অহুরক্ত পার্ঠক, আজ যদি প্রাণ খুলে দু’টি মনের কথা কই তবে অপরাধ নিয়ো নি। দিকি শতাব্দী ধরে ট্যা-ফু-টি করার উপায় ছিল না। ওপার বাংলাতেও না। এপারে যে আমার শতাধিক প্রিয়ের চেয়ে প্রিয়তর জন রয়েছে।

আচ্ছা, সে নয় আরেকদিন হবে।

গঞ্জিকা মিশ্রণ

নওগাঁয়ের সেই বিশেষ বস্তুটির সঙ্গে ‘গুল’ যোগ করে যে অনিবর্তনীয় রস তৈরী হয় আমি তারই রাজা—গুলমুগির। আলমুগিরের ওজনে টায় টায়। এর পুরো ইতিহাস বারাস্তরে।...নিতান্তই কপালের গেরো, গ্রহের গদিশে আমি দু’পাঁচজন গুণী সংস্রবে একাধিকবার আসি। তাদেরই ঝড়তি পড়তি মাল নিজের নামে চালিয়ে বাজারে কিঞ্চিৎ পসার হয়ে যায়। ‘কিন্তু প্রকৃত অবিমিশ্র সত্য:—গুরুগভীর তব্ব বা তথ্য ভেজাল না দিয়ে পরিবেশন করাটা আমার ধাতে নয় না, ত্রাকরী যেমন, আপন মায়ের জন্তে গয়না গড়ার সময়ও

সোনাতে খাদ মেশাবেই মেশাবে। আমি উভয় বাংলার ক্লাউন ভাঁড়। নিশ্চয়ই লক্ষ্য করেছেন, সার্কাসের ক্লাউন হরেক বাজীকর, প্রত্যেক গুস্তাদের কিছু-না-কিছু নকল করতে পারে। আশ্মো পারি।

অতএব প্রকৃত চাণক্য, আজকের দিনের রাজনৈতিক ভাগ্যকার আর্নাল্ডের কুক-এর অনুকরণে আমি অতি যৎসামান্য কিছু বলতে গেলেও তার সঙ্গে গাঁজা-গুল মিশে যায়। আমি মূল বক্তব্য নিজেকে কিছুতেই নীমাবদ্ধ করে রাখতে পারি নে। কবিত্ব রস রক্তে থাকলে বলতুম, নাক বরাবর মোকামের দিকে হনহন করে না এগিয়ে মোকা বেমোকায় আকছারই পথের দু'পাশে নেমে ফুল কুড়োই, প্রজাপতি-স্পন্দন ভ্রমর গুঞ্জে বার বার মুগ্ধ হয়ে হঠাৎ দেখি, তপ্তদিনের শেষে মেঘে মেঘে বেলা হয়ে গিয়েছে—এবং মনুজিলে মা দূর আস্ত। পথের পাশেই ঘুমিয়ে পড়ি। পষ্ট দেখতে পাচ্ছেন, এ তাবৎ বাঘ সিঙ্গির পেটের ভিতর যাই নি। সেই কুড়োনো ফুলের দু'চারটে পাঠকের সামনে অবরে সবরে পেশ না করতে পারলে আমার মেজাজ খাট্টা হয়ে যায়।

কামশাস্ত্রে দ্বিধিজয়ী পণ্ডিত লিখলেন, “তদ্বী সকাশে মুছাচারী” অর্থাৎ তদ্বী-শ্রামা পকবিধাদিরোপী তথা সর্ব নারীজনকে মুছ-আচারে জয় করবে। জার্মান দার্শনিক বলেছেন, “নারী সকাশে গমনকালে বেত্রদণ্ডটি নিয়ে যেতে ভুলো না—ফেরগিস ডি পাইটুশে নিষ্ট্” ; প্রাপ্তক কাম-পণ্ডিতের একদম বিরুদ্ধ বাণী, বিরুদ্ধ উপদেশ। আমার কোনো মন্তব্য নেই। আমি হাড়-হাল্লে জড়ভড়ত। তাই বেকার বখেড়া না বাড়িয়ে স্বাধীনতায় বিশ্বাস করি।

রাজনীতিবিদ পণ্ডিত দু'টি শব্দেই মোক্ষমতম তত্ত্ব “রাজনীতিতে অবিশ্বাস” প্রকাশ করলেন। অর্থাৎ রাজনীতির আগাপাগুলি অবিশ্বাসে গড়া।

রাজনীতিতে অবিশ্বাস নয়, অবিশ্বাসে রাজনীতি।

আমান বনাম নাদির

আমান উল্লা অবিশ্বাস দিয়ে কর্মারম্ভ করে থাকলেও আখেরে নীতি ভ্রষ্ট হয়ে রাজ্য খোয়ালেন।

নাদির শাহকে নির্বাসনে পাঠালেন। কিন্তু সসম্মানে। অর্থাৎ ফ্রান্সের রাজ-দূত রূপে। দারাপুত্রকে জামিনস্বরূপ কাবুলে আটকে রেখেছিলেন কি না, সেটা গুরুত্বব্যাঞ্জক। আমি কাবুলে রাজগোষ্ঠীর অনেক বালক-কিশোরকে চিনতুম। বেশ ক'জন আমার ছাত্র ছিল। কিন্তু জহির খানের কথা একবারও

শুন নি। হয়তো বা কয়েক বৎসর পর নাদির যখন রাজদূত-কর্মে ইস্তফা দিয়ে প্যারিসে স্থায়ীভাবে বসবাস করতে লাগলেন তখন স্বভাবজাত কোমল-হৃদয় আমান উল্লা নাদিরের দারাপুত্রকে স্বাধীনতা দিয়েছিলেন, কিংবা হয়তো গোড়ার থেকেই আটক রাখেন নি।

একটা কথা এখানে ভালো করে মনে গোঁথে নিতে হয়। নাদির ফ্রান্সে পৌঁছেই প্রথম বিশ্বযুদ্ধজয়ী মার্শাল পেঁতা এবং স্যঁা সির-এর ফরাসী অফিসারদের সঙ্গে যোগসূত্র স্থাপন করেন এবং আমি লোকমুখে শুনেছি, নাদির পেঁতাঁতে দিনের পর দিন বিরাট বিরাট মিলিটারী ম্যাপ খুলে যুদ্ধবিজ্ঞা অধ্যয়নে নিমগ্ন হতেন। একদিন আমান উল্লা তথ্ৎ হারাবেন আর তিনি স্বদেশ জয় করার জন্য লড়াই লড়বেন, এহেন আকাশ-কুসুম তিনি তখন চয়ন করেছিলেন কি না, সে তথ্য নির্ধারণ করতে কে? প্রবাদ বাক্য আছে, “ভাগ্যলক্ষ্মী” কোনো না কোনো সময়ে হাতে একটা স্ফোগ নিয়ে প্রতি মানুষের দোরে এসে আগল ধরে নাড়া দেন, কিন্তু অধিকাংশ ক্ষেত্রেই দেখেন, তাঁর কুপাধৃত জন সে স্ফোগের জন্য নিজেকে প্রস্তুত করে রাখে নি। নাদির অতি অবশ্যই ব্যত্যয়।.....একদিন ফ্রান্সে খবর পৌঁছল আমান উল্লা তথ্ৎ হারিয়ে দেশ-ত্যাগী হয়েছেন। নাদির তদুৎই স্বদেশমুখী হলেন। কিন্তু তিনি অর্থ-দীন, অস্ত্রহীন। কি করে তিনি শেষ পর্যন্ত জয়লাভ করলেন সে ইতিহাস দীর্ঘ। ভারতে তখন আমান উল্লার প্রতি মাত্ৰাধিক সহানুভূতি। নাদির কিন্তু আমান উল্লার পক্ষে না বিপক্ষে সে সম্বন্ধে কোনো উচ্চবাচ্য করলেন না। তিনি বললেন, “প্রথম কর্তব্য, ডাকু বাচ্চা ই-সকাওকে খেদানো; তখন দেখা যাবে।” তারপর “আফগান জনসাধারণ” তাঁকে সিংহাসন গ্রহণ করতে অহুরোধ জানালে তিনি স্বীকৃত হলেন। অবশ্য এ কথা সত্য, তখন তথ্ৎতের জন্য অত্ৰ কোনো প্রতিদ্বন্দ্বী ছিলেন না। বহুক্ষরা বীরভোগ্যা; যদিও এখানে অবাস্তর, তবু বহুজন-হিতায় বলে রাখা ভালো, উপস্থিত তিনি তবীরভোগ্যা।

প্রেসিডেন্ট দাউদ খান কিভাবে “নির্বাচিত” হয়েছেন সেটা সম্পূর্ণ অবাস্তর। কিন্তু তাজ্জব মানতে হয়, অবিশ্বাস-শাস্ত্রে অবিশ্বাসী হলেও জহির শা’র নিরেট অতি-বিশ্বাসের আহাম্মুকী দেখে। তিনি কি আদৌ জানতেন না, দাউদ খান কতখানি শক্তিশালী? সেটা তো পরিষ্কার বোঝা গেল একটি মাত্ৰ সাদামাটা তথ্য থেকে : ইহ সংসারে আর কোন্ হু দে’তার নায়ক চব্বিশ বণ্টার ভিতর কিংবা অত্ৰাধিককালের মধ্যে প্রথম স্বীকৃতি লাভ করার পর ঢাউশ ধামা নিয়ে বসতে পেরেছেন স্বীকৃতি লাভের কামতরুতলে। পটাপট পড়তে লাগলো

ছনিয়ার গোটা গোটা মোটা মোটা সরেস সব মেওয়া—কাবুলী মেওয়াকে সজ দেবার তরে, একটা হুস্তা ঘুরতে না ঘুরতে ! এন্তেক অভিমানভরে, গোসসা করে কমনওয়ায়েলথ বীবীকে তিন-তালাক দেনেওয়ালা হী-ম্যান, হজরত আলীর তরবারি নামধারী অপিচ বাংলাদেশকে-মেনে-নিতে-নিতান্তই-লজ্জাবতী নখরা-রানী সদর-ই-আলা আগা-ই-আপা মুহম্মদ জুলফিকার আলী ভুট্টো ।

সু-উচ্চ স্বীকৃতিভর শাখা থেকে তাঁর বাং-মাছ-পারা মোচড়-খাওয়া পতন-ভঙ্গির রঙ্গটা দেখতে আমার বড়ই সাধ যায় ।

অবিশ্বাসস্থ পুত্র

মিস্টার ভুট্টোর অত্যধিক ভয় পাবার এখনো কোনো কারণ নেই । রুশ, মার্কিন, চীন, ইরান সবাই যদি হাত গুটিয়ে বসে থাকে এবং মল্লভূমিতে স্ফুটুমাত্র সদর দাউদ পাকিস্তানের সদর ভুট্টোর মোকাবিলা করেন তবে ভুট্টোর বিশেষ কোনো দুশ্চিন্তার কারণ নেই । আমি কোনো স্টাটিসটিক্সের উপর নির্ভর করে এই ভাগ্যফল গণনা করি নি । ধরে নিলুম, দুই মল্লবীর লড়াই লাগার পর তাঁদের আপন আপন দেশে যা অন্ত্রশস্ত্র সৈন্যবল আছে তাই নিয়ে লড়ে যাবেন । কোনো পক্ষই বিদেশী কোনো রাষ্ট্রের কাছ থেকে একটি কানা-কড়ি কিংবা ডাড ব্লেটও পাবেন না । জানি, আজকের দিনে এ রকম একটা ভ্যাকুয়ামে দুই পক্ষ বেশী দিন লড়তে পারবেন না । মার্কিন, রুশ, চীন—তিন রাষ্ট্রই যে বিশ্বের একচ্ছত্রাধিপত্য চান এ রকম একটা সিদ্ধান্ত কেউই কসম খেয়ে করতে পারবেন না, কিন্তু সঙ্গে সঙ্গে এ তত্ত্বটা স্বীকার করে নিতেই হবে যে, এই তিন জনের প্রত্যেককেই প্রতিদিন ঘামের ফোঁটায় একে অন্যের কুমির দেখেন । মাঝরাতে হঠাৎ রাশা দুঃস্বপ্ন দেখে জেগে বসে ককিয়ে ওঠে, “ঐয-যা ! মার্কিন ব্যাটারা বুঝি কাছোজ গিলে ফেললে ! হঁ, কাল আবার রিপোর্ট পেয়েছি, মার্কিন মূর্গীটা এক ঝটকায় আরও এক ডজন এটম বম পেড়েছে । একুনে তা’হলে কত হল ? আমার ভাঁড়ারে ক’টা ?” মার্কিন ঐ একই দুঃস্বপ্ন দেখে, “বলশি ব্যাটারা যে বড্ড বেশী গুড়ি গুড়ি জাপানের সঙ্গে দোস্তী করার তরে এগোচ্ছে । আর মাটির তলায়, কিংবা ঐ বহুদূর আর্কটিকের সমুদ্রগর্ভে যদি এটম বম ফাটায় তবে হেথায় কি সেটা বহুপাতিতে ধরা পড়বে ? হঁ, সত্যি বটে বাবাজী ব্রেজনেফ এসেছিলেন বোষ্টমের নামাবলী পরে, বাজালেন শ্রীখোল, কিন্তু, দাদা কিসিংজার, ভুলে যেয়ো না, মাইরি, শ্রীযুত

মলটফও বৈষ্ণবতর চন্দনের এ্যাকড়া তিলক কপালে একে ঘোরতর-শক্তি
 ক্রীটিলারের সঙ্গে দু'দণ্ড রসালোপ করতে এসেছিলেন শ্রীকৃষ্ণাবন—বালিন
 কুঞ্জে। ফলঃ? সর্বশেষ ফল হিটলার গোটা মুল্লুকহুদু গেলেন টে'শে!"
 চীন কি স্বপ্ন দেখে তার ছোট্ট এ'বটি নমুনা বলে গেছেন সাধনোচিতধামপ্রাপ্ত
 জগদ্বাহির লাল। চীন নেতা নাকি ভাচ্ছিল্যভরে বলেছিলেন, "লড়াইয়ের
 নামে শিউরে উঠবে তোমরা, এরা-ওরা, আর-সবাই—সে তো বাংলা কথা!
 কিন্তু আমি ভরবো কোন্‌ দুঃখে! ছ'পাঁচ কোটি মরে গিয়ে তোমরা সবাই
 যখন চিংপটাং, তখনো আমার আরো ক'কোটি রেক্ত থাকবে, হিসেব করে
 দেখেছো? দুনিয়াটা দখল করতে তখন আমাদের গাদা-বন্দুকটারও দরকার
 হবে না।" জাপানও যে কোনো স্বপ্নই দেখছে না, কে বলবে? কুঞ্জ দুনিয়ার
 "জাহি জাহি" চিংকার বেপরোয়া ডোন্টো-কেয়ার করে ঐ যে হোথা ফ্রান্স
 পরশুদিন এটম বম ফাটালে, সেটা কি থয়রাতি হাসপাতাল খোলার হলু-
 ধনি?...অবিশ্বাস অবিশ্বাস, সর্ব বিশ্বে অবিশ্বাস! "শৃঙ্খল বিশ্বে অবিশ্বাসস্ত
 পুত্রা—"

অসকার ওয়াইল্ড বলেছেন, "আমাদের প্রত্যেকেই বৈশ্ব কিছু বেকার
 বাজে জিনিস আছে যেগুলো আমরা স্বচ্ছন্দে রাস্তায় ছুঁড়ে ফেলে দিতে পারি,
 কিন্তু ভয়, পাছে কেউ কুড়িয়ে নেয়!" আফগান দেশে মাইলের পর মাইল
 শুধু পাথর আর পাথর, কিংবা সিন্ধু দেশে বালি আর বালি; কিন্তু হলে কি
 হবে, আমি—মার্কিন যদি দখল না করি তবে বলশি ব্যাটা যে নেবে না, তারই
 বা কি পেতায়? ইণ্ডিয়াই বা কোন তক্কে তক্কে আছে কে জানে? এই হল
 বিশ্ব ভূগনের শঙ্কা, বিভীষিকা!

অতএব এটা নিতান্তই কল্পনা-বিলাস যে, দাউদ খান আর ভূট্টোর
 ব্যারিস্টারে রোঁদের পর রোঁদ লড়ে যাবেন আর দুনিয়ার কুঞ্জে নেশন রাস্তার
 হোঁড়াদের মত শুধু হাততালি দিয়েই মজাটা লুটে নেবেন। কথাটা খুঁই
 খাটি কিন্তু এই কল্পনা-বিলাসেও হুদুমাত্র যে আকাশ-কুসুম চয়ন করা হয়, তা'
 নয়। বিজ্ঞানীরা বিস্তর এক্সপেরিমেণ্টে প্রথম ভাকুয়ামে সফল হলে পরে
 স্বাভাবিক বাতাবরণের প্রভাবচুষ্ট অবস্থায় অর্থাৎ রুশ-মার্কিন-ইণ্ডিয়া-ইরানের
 আপন আপন স্বার্থসিদ্ধির মংলবের মাঝখানে—সেই এক্সপেরিমেণ্টের পুনরা-
 বৃত্তি করে প্রত্যক্ষ ফল লাভ করেন।

যদিমুখ্য

ভ্যাকুয়ামের লড়াইয়ে ব্যারিস্টারের বিশেষ ভয় পাবার কিছু নেই।

ধরে নিলুম, দাউদ খান প্রধানতঃ কুশ বা/এবং যে-কোনো জাতের কাছ থেকেই হোক অস্ত্রশস্ত্র বা কিছু জমায়েৎ অবস্থায় পেয়েছেন তথা জহির শাহ চঞ্জিষ বছর ধরে যা-সব কিনেছিলেন তাই নিয়ে নামলেন লড়াইয়ে। মোল্লাদের হুকুমে সেপাই পেতেও অসুবিধে হবে না। আর সরাসরি হুকুমটাও গোণ,—শোর-বাজার বারণ না করলেই হল। আসল যে যুক্তি শাহী ফৌজকে অসুপ্রাণিত উদ্ধুদ্ধ করবে, তার দিল্ জানে জোশ পরদা করবে সেটা অতি অবগুই—লুট করার সম্ভাবনা কতখানি? আফগান সরকার সেপাইদের যে কি মাইনে দেন সে আমার জানা আছে। পূর্বেই ধরে নিয়েছি অল্প কোনো রাষ্ট্র সদর দাউদকে কোনো অর্থ সাহায্য উপস্থিত করবে না। আর করলেও যা হবে সেটা আমরা বিলক্ষণ অসুমান করতে পারি। ইনফ্লেশন। আংকে উঠলে নাকি, সোনার বাংলার পাঠক? সিঁদুরে মেঘ দেখতে পেলে নাকি? কিন্তু পাঠান এই সুপ্রসিদ্ধ প্রতিষ্ঠানটি চেনে না।

ইনফ্লেশন

ঈশৎ অবাস্তর হলেও, পাঠক, তুমি উপকৃত হবে। বিশেষ উপস্থিত আমরা যখন কাবুল-পেশাওয়ার নিয়ে আলোচনা করছি। আমার জানা মতে যে মহাপুরুষ এ ক্ষেত্রে সর্বপ্রথম ইনফ্লেশন নামক গজব্‌টা অসুমান করতে পেরেছিলেন তিনি বাবুর বাদশা। হিন্দুস্থান জয় করার পর বাবুর বাদশার আমিররা কাবুলে ফিরে গিয়ে লুট-তরাজে বিস্তর ধন-দৌলত জমা করেছিলেন সেগুলো ছ'হাতে ওড়াবার জ্ঞান বাবুরের কাছ থেকে বিদায়ের অসুখতি চাইলেন। তিনি বিস্তর যুক্তিতর্ক দিয়ে বোঝাবার চেষ্টা করলেন যে হিন্দুস্থানের মত ঐশ্বর্যশালী বিরাট রাজত্ব ত্যাগ করে কাবুল-কান্দাহারের মত নিধন দেশে ফিরে যাওয়ার মত আহাম্মুকী তাঁর কল্পনাভীত। আমিররা পণ ছাড়েন না। শেষটার তিনি বা বললেন (আমি স্মৃতি থেকে বলছি, পাঠক “বাবুর-নামাতে” পাবেন) তার বিগলিতার্থ: ‘ধরুন, এখন কাবুল-বাজারে দৈনিক গুঠে এক হাজার আণ্ডা। আপনারা বিস্তর টাকা-কড়ি নিয়ে সেখানে উপস্থিত হওয়া মাত্রই তো সেখানে তিন হাজার আণ্ডা হাজির হবে না। কাবুল এবং

তার আশেপাশের উৎপাদন শক্তি তো আর রাতারাতি বেড়ে যেতে পারে না। আপনারা একে অল্পের সঙ্গে লড়ালড়ি করার ফলে আগুর দ্বায় তখন যাবে চ'ড়ে। যে আগু আগে এক পয়সা দিয়ে কিনতেন সেটা কিনবেন এক-টাকা দিয়ে, যে গালিচা কিনতেন একশ' টাকা দিয়ে সেটা কিনবেন এক হাজার টাকা দিয়ে। লাভটা তা হলে কি হল? আগে যে-রকম আমোদ-আহ্লাস করতেন এখনও করবেন ততখানিই। মাঝখানে শুধু কাঁড়িকাঁড়ি মোহর দিনার ঢালাই হবে মার।'

অবশ্যই আমিরা এই নৃশংস অর্থনৈতিক তত্ত্বটির কানাকড়িও বুঝতে পারেন নি। তাঁরা যে শেষ পন্থা বাবুর বাদশাহকে বর্জন করে কাবুল চলে যান নি তার অন্য কারণ ছিল। কিন্তু আমিদের দোষ দিলে তাঁদের প্রতি অবিচার করা হবে। দুইলোকে বলে বাংলাদেশে এখন ইনফ্লেশন। কেনবার জিনিস নেই, ওদিকে নোটের ছয়লাপ, ইনফ্লেশন হবে না তো কি, আসমান থেকে মন্না সলতা বরব? আমি নিজে জানি নে। মার্কিন মুল্লুকে তো কোন দ্রব্যের অভাব নেই তবে ডলার মার্কেটের ধাক্কায় বিশ্বজোড়া হুন্দুমার লেগে গেছে কেন? একাধিক গুণী বলছেন, নিম্ন কণ্ঠধার হওয়ার পর থেকেই শুরু হয়েছে ইনফ্লেশন, অবশ্য আমাদের তুলনায় ধূলি পরিমাণ এবং অর্থশাস্ত্রের প্রাচীন অর্বাচীন ডাঙর ব্যাঙ্কার প্রফেসর বাণিজ্যের কণ্ঠধার সবাই বলেছেন, এ-ইনফ্লেশনের কারণ এবং দাঁওয়াই যে মুনি বাংলাতে পারবেন তিনি অর্থশাস্ত্রের ইতিহাসে অজরামর হয়ে বিরাজ করবেন।

দুশমন বাইরে না ভিতরে

মোদ্দা কথায় ফিরে আসি।

কেবে সেই ১৯৫৩ থেকে দাউদ খান দাবী জানাচ্ছেন, ফ্রন্টিয়ার এলাকাকে স্বায়ত্তশাসন দাও, আর (হিটলারি কায়দায়) আমাকে দাও খাইবার পাস পেরিয়ে করাচী অবধি একটা করিডর। আমাদের একটা বন্দর না হলে চলবে কেন? পাঞ্জাবীরা বৃদ্ধ। তারা তখন চাইলে না কেন, খাইবার গিরিপথের পশ্চিম মুখ থেকে কাবুল অবধি একটা করিডর? কাবুলের গাছ-পাকা আঙুর, আপেল নাসপাতি, জরদ-আলু আলু বালু, শকৎ-আলু, গেলাস, চিলগুজা, বাদাম, আখরোট আপন হাতে পেড়ে পেড়ে না খেলে তাদের গায় গতি লাগবে কি করে? স্বাস্থ্য বরবাদ হয়ে যাবে না? ইয়াকি পেরেছ?

দাউদ পাকিস্তানকে আক্রমণ করবেন সঠিক কোথায়? বেলুচিস্তানের চমন অঞ্চলে না খাইবার পাস অঞ্চলে—না উভয়তঃ? হিটলারের পয়লা নম্বরী ট্যাক্স সাঁফোরা গাড়ি পঞ্চম রাশার দীর্ঘ পত্র অতিক্রম করতে করতেই ঘায়েল হয়ে যেত। ইয়া, এখানে অত দূরের পাজা নয়। কিন্তু ট্যাক্সগুলোও তেমন লয়েস নয়। আর রাস্তার চওড়াই? না ওসব কোনো কাজের কথা নয়। বোমারু প্লেন? হঃ! ইয়েহিয়া পূর্ব পাক হারালো, তবু জাবড়ে ধরে রইল তার প্লেনগুলো।

ফ্রটিয়ার নো-মেনস-ল্যাণ্ডের পাঠানদের লেলিয়ে দেওয়া যায় না?

লুটরাজ কোন অবস্থায়, কাকে করা যায়, কাকে করা যায় না, সেটা পুরুষাত্মক করে করে পাঠান এ বিষয়ে পৃথিবীর সেয়া স্পেশালিস্ট। টিক্কা খান কিভাবে নিরীহ, নিতান্ত নিরস্ত্র বেলুচের উপর বেদরদ বে-এক্টিয়ার কায়দায় বোমা ঝরাতে পারেন সে তো তারা বেলুচিস্তানে পাহারা দেবার সময় সচক্ষে দেখেছে, এবং এই বাংলাদেশেও তারই মদদে তারা লুট করার সময় পাজাবীদের খুব-একটা পিছনে ছিল না। তার আখেরী নতীজা কি হয়েছে, সেটা ফ্রটিয়ারের পাঠানরা অবগত হয়েছে।

হিটলার বার বার তাঁর জেনারেলদের বলতেন, অত সতর্ক হয়ে পা টিপে টিপে রুশ দেশে অভিযান চালাবার কোনো প্রয়োজন নেই। ঐ রুশ দেশটা ছবছ একটা ঝুরঝুরে কুঁড়ে ঘরের মত, দরজাটার কাঠও পচাহাজ। মারো জোরসে বুট দিয়ে গোটা দুই লাখি। হুড়মুড়িয়ে বেবাক ঘর ধ্বংস ধ্বংসাং।

রাশার বেলা রোগ নির্ণয়ে হিটলার গোভলেট করেছিলেন।

ব্যারিস্টার ভুট্টোর পশ্চিম-পাক বাড়িটা দেখে সঙ্কলের মনে কিন্তু, কিন্তু-কিন্তু নাও হতে পারে।

পরিবর্তনে অপরিবর্তনীয়—টীকা

জন্মের দিনই মাহবুবের নামকরণ হয় না, কিন্তু প্রবন্ধ লেখার প্রায়ভেই শিরনামা একটা না দিয়ে উপায় নেই। এ সুবাদে কবিগুরু একাধিকবার-বলা বিশেষ একটি মন্তব্যের কথা মনে পড়ল। তদুপরি বাইশে জীবন আসন্ন। প্রাচীন দিনের কথা। ১৯২১ সাল। রবীন্দ্রনাথ তখন ‘ষাট বছরের যুবক’। পূর্ণোন্মমে বিশ্বভারতীর সচোজাত কলেজ বিভাগে ক্লাস নিতেন। নিজের কবিতা উপস্থাপন এবং তাঁর প্রিয় ইংরেজ কবি শেলি কীটসের লিরিক। পাঠক হয়তো লক্ষ্য

করেছেন, ‘বলাকা’ কাব্যগ্রন্থে কবিতাগুলোর কোনো শিরনামা নেই। তিনি নিজের থেকেই বললেন, ‘কবিতার শিরনামা পড়ে পাঠক ধরে নেয়, গোটা কবিতাটা বুঝি ঐ নামটা সার্থক করার জগুই লেখা হয়েছে। তা তো নয়। কবিতা যখন উৎস থেকে বেরিয়ে যাত্রাপথে নামে তখন আপন গতিবেগে চলার সময় শিরোনামার প্রতি দৃষ্টি রেখে সোজা পথে এগিয়ে যায় না। সে ডাইনে বায়ে বাঁক নিয়ে নিয়ে তার নতুন নতুন রূপ দেখায়। (এই ভাবাংশটুকু কবি গানে বলেছেন, “নতুন নতুন বাঁকে বাঁকে গান দিয়ে যাই ধরিত্রীর/পাঠার ভেলা ভাসাই নীরে”)। মিসরের স্মৃতিটা থাকে চিনির টুকরোর ঠিক মাঝখানে। তাই বলে স্মৃতিটাই সব চেয়ে বেশী প্রাধান্য তো ধরেই না, ঐ স্মৃতিটার অস্তিত্ব সার্থক করার জগু মিসরি আপন সম্ভারও বিকাশ করে না। কবিতার বেলা তারও বেশী। কবিতা তার শিরনামার চতুর্দিকে ঘোরপাকও খায় না।’

বল্য বাহুল্য, আমি জরাজীর্ণ ছলনাময়ী স্মৃতির উপর নির্ভর করেই কবির বক্তব্যের নির্ধারিত নিবেদন করলুম। খোজা সম্প্রদায়ের লোক “জামাৎ-খানায়” তাদের ‘নামাজ’ শেষ করার পর যে রকম বলেন, ‘ভুলচুক, মৌলা, বখশো’ আমিও উল্লাসিক পাঠকের কাছে নিবেদন জানাই, ভুলচুক যা হয়েছে বখশিশ-রূপে মাফ করে দিয়ে।

কিন্তু ‘বলাকার’ পরের কাব্য-গ্রন্থ “পলাতকায়” কবি পুনরায় শিরনামা দেবার প্রণায় ফিরে গেলেন। বোধ হয়, নামের পরিবর্তে কবিতাতে অঙ্ক-শাস্ত্র-স্বলভ নহর লাগালে সেটা অপ্রিয় দর্শন তো হয়ই, তত্পরি এ সত্যও অস্বীকার করা যায় না যে, কোনো কোনো কবিতার শিরনামা আমার মত কবিত্বরসবঞ্চিত পাঠককে কবিতাটির মূল বক্তব্য বুঝে নিতে সাহায্য করে—অবশ্য তাবৎ কবিতাতেই যে মিসরের স্মৃতির মত একটা মূল সূত্র থাকবে এহেন ফংওয়া কোনো আলঙ্কারিকই এ-তাবত কবিকূলের স্বন্ধে চাপাননি।

বক্ষ্যমান ধারাবাহিকের জন্মদিনেই একটা নাম, নিতান্তই দিতে হয় বলে প্রথম লেখার কপালে সেন্টে দিয়েছিলুম। আজ তার ষষ্ঠী—যাকে আমার দেশে “ছটি”, উত্তরবঙ্গে বোধ হয় “যাইটলা” না কি যেন বলে। এদিনে অস্তুত নামটা সম্বন্ধে দু’একটা কথা বলতে হয়।

আসলে “পরিবর্তনে অপরিবর্তনীয়” বাক্যটি একটি ফরাসী প্রবাদ বাক্যের আবছায়া অনুবাদ। ‘প্ল্যু সা শাঁজ, প্ল্যু সে লা ম্যাম শোজ’—“যতই সে নিজকে বদলায়, ততই তার মূলরূপ একই থাকে”—যতই তার ‘পরিবর্তন’ হয় না কেন, ততই ধরা পড়ে, ‘সে অপরিবর্তনীয়’। এটাকেই অন্ত্যভাবে বল

হয়, “ইতিহাস নিজকে পুনরাবৃত্তি করে।” তার অর্থ যতই ভিন্ন দেশে ভিন্ন বেশে কোনো একটা ঘটনা ঘটুক না কেন, আখেরে ধরা পড়ে, ইতিহাস সাক্ষ্য দেয়, এ ঘটনাটা এমন কিছু সৃষ্টিছাড়া নতুন নয়। তাই এক শ্রেণীর ঐতিহাসিক দাদা আদমের আমল থেকে আজ পর্যন্ত এই বিরাট বহুঙ্করা খুঁজে বেড়ান ‘প্যাটার্নের’ সন্ধানে। যেমন কান্সারী শালে আমের প্যাটার্ন পশমের উপর সোনার জরি দিয়ে করা, বানারসী কিংখাপে সেই প্যাটার্নই রেশমের উপর রূপোর জরি দিয়ে করা, রাজশাহীর আম-সন্দেশে সেই প্যাটার্নই শ্রেফ ছানা চিনি দিয়ে গড়া। মালমশলা ঘাই হোক, নির্মিত ও বস্তুটির চেহারাটি একই। খোল নলচে যতই পালটান—যেই হুকো সেই হুকো। কিংবা বলতে পারেন, একটা পশম আরেকটা রেশম—হরে দরে হাঁটু জল। কিংবা বলতে পারেন, পাড়ার মেধো ওপাড়ার মধুসূদন। কিংবা—না থাক!

যাত্রারভেদেই বলে রাখা কর্তব্য, আমি কট্টর মোল্লাকুলজাত পাতি মোল্লা। আমার পূর্ব-পুরুষ ছিলেন রাজহাঁস, আমি ভাগ্যবিপর্যয়ে পাতিহাঁস। প্যাটার্ন হরেদরে একই। আমার পক্ষে মোল্লাদের নিন্দাকীর্তন, যে-শাখায় বসে আছি তারই মূল কর্তন। আমি অত পাঁড় কালিদাস বা শেখ চিল্লী নই। তা সে ঘাই হোক, মূল কথা এই, আফগানিস্থানের ইতিহাস মোল্লা-মোলবী ভিন্ন কল্পনা করা যায় না।

আমির হবীব উল্লা মোটের উপর স্বেচ্ছাই রাজত্ব করেছিলেন কিন্তু কেন জানি নে, শেষের দিকে হঠাৎ তাঁর শখ গেল বিলিতি কায়দা-কানুন অহুকরণ করতে। খুব সম্ভব তাঁর এবং রাজপরিবারের ছ’একজন রোগীকে বিলিতি ডাক্তার সারিয়ে দিয়েছিল বলে তাঁর বিশেষ জন্মে, বিলিতি আর পাঁচটা রীতিনীতি আমদানি করলে গোটা দেশটার ধন-দৌলত বেড়ে যাবে। সাধারণ জন ভাবে, আমান উল্লাই বুঝি সর্বপ্রথম বিলেত-পাগলা রোগে আক্রান্ত হয়ে রাতারাতি দেশটাকে গোর-সায়ব বানিয়ে দিতে চেয়েছিলেন। বস্তুত ছ’একটা ব্যাপারে তিনি আমান উল্লারও এক তলা উপরে বসে বিলিতি খুশবাই-বিলাস উপভোগ করতেন। হবীব উল্লার হারেমটি ছিল বাছাই বাছাই স্ত্রীসমীতে ভর্তি। কুঞ্জে আফগানিস্থানের তাবৎ কণ্ঠের তরো-বেতরো পরী হরী দিয়ে তিনি হারেমটিকে করে তুলেছিলেন বহু বৈচিত্র্যময় গুল-ই-বাকাওলীর গুলিস্তান। জানি নে, কি করে তাঁর নজরে পড়ে, রাশান ব্যালে নর্তকীদের কিছু ফটোগ্রাফ এবং রজিন ছবি। বড়ই পছন্দ হল তাঁর হাঁটুর ইঞ্চি ছয় উপর হঠাৎ বেন ছেঁটে দেওয়া সাতিশয় শর্ট সার্ট। হারেমের অপেক্ষাকৃত তরুণীর

পালকে তিনি সেই বেশে সাজিয়ে দিয়ে এক অজানা-অচেনা ভিনদেশী আনন্দ-দায়ী চিন্তাচঞ্চল্য অনুভব করলেন।

হারেমের ভিতর কি হয় না হয় সে নিয়ে মোল্লা সম্প্রদায়ের মাথা বামাবার কথা নয়। কিন্তু তবু এই বিজাতীয় বেশ—বেশাভাবও বলা চলে—উৎকট পল্লবিত বর্ণনাসহ তাঁদের কানে পৌঁছল। মোল্লাদের ভিতর রাজপ্রোহী মনোভাব দেখা দিল। সেইটেকে প্রথম উস্কিয়ে দিয়ে নসর উল্লা হয়ে গেলেন তাঁদের প্রিয়পাত্র। বহু বিচিত্র কৌশলে আমান উল্লাহর মাতা নসরকে হটিয়ে করে দিলেন আমান উল্লাহকে তাঁদের প্যার।। আখেরে হবীব উল্লা আততায়ীর হাতে প্রাণ হারান।

আমান উল্লাহও ঐ একইরূপে রাজ্য হারালেন। তাঁর মাতা, অসাধারণ বুদ্ধিমতী রমণী গোড়ার থেকেই বাবাজীকে ছঁশিয়ার করে দিয়েছিলেন, “আর যা করবার করিস, বিলিতি সং সাজিসনি।” হবীব উল্লাহকে তাতিয়েছিল ছবি, ফোটো; আমান উল্লাহকে খেপিয়ে দিল বিলিতি সিনেমা। কাবুলের সিনেমা হলে আমি যে সব বন্ধি ছবি দেখেছি সেগুলোর অনেকগুলো, সে আমলে তো নয়ই, এ আমলেও গোঁধ হয় উভয় বঙ্গের সদাশয় সেন্সর দেখবারই ব্যয়োগ পান না। মঞ্জুরী না-মঞ্জুরী কথাই ওঠে না।...প্যারিসের বুলভার, লণ্ডনের পিকডেলি সার্কাসের স্বপ্ন দেখছিলেন আমান বিলেত যাবার পূর্বেই। আচম্বিতে বাস্তবে নেমে মালুম হল, সিংহাসন নেই, তিনি পিতৃনগর কান্দাহারের পথমধ্যে পাড়িয়ে।

যুবরাজ ইনায়েৎ রাজা হলেন। একে তো তখৎ তাঁর জায সম্পত্তি, তত্পরি তিনি শরিয়তের এমন কোনো বিধান ভঙ্গ করেন নি যে তাঁর বাদশা হতে কারো কোনো আপত্তি থাকার কথা। কিন্তু শোর বাজারের হজরৎ রাজী হলেন না। ইনায়েৎ উল্লাহকে কিন্তু তখৎ-মূলক ত্যাগ করে বিদেশে চলে যাবার অনুমতি দেওয়া হল। তিনি পেনে চড়ার সময় স্বয়ং শোর বাজার এয়ারপোর্টে হাজির ছিলেন। সে পেনে আকাশে অদৃশ হওয়ার সঙ্গে সঙ্গে হজরৎ রানউয়ের উপর পাড়িয়ে উচ্চ কণ্ঠে আজান দিলেন। সময়টা কোনো নমাজের আসন্নকাল নয়। আজানটা প্রতীক; “আফগানিস্থান থেকে কুফ্রের শেষ চিহ্ন কোঁটিয়ে বের করা হল।” আমার ভালো লাগে নি।

সেই প্যাটার্নের পুনরাবিনয় হল চুয়াল্লিশ বৎসর পর। সদর হাউস সিংহাসনচ্যুত জহির পরিবারের অধিকাংশ জনকে পেনে করে বিদেশে চলে যেতে দিয়েছেন। বিবেচনা করি, এবারে কোনো আজানধ্বনি উচ্চারিত

হয় নি। এই যা তফাৎ! এই তফাৎটুকু থাকতেই “পরিবর্তন”টা চোখে আঙ্গুল দিয়ে “অপরিবর্তনীয়ের” দিকে নির্দেশ দিল। প্ল্যু সা শাঁজ— ইত্যাদি।

রিপাবলিক !

বাংলাদেশ ভারত উভয়ই দাউদী সরকারের সঙ্গে কূটনৈতিক সম্পর্ক স্থাপন করার সিদ্ধান্ত নিয়েছেন—আপনার আমার বলবার আর কি থাকতে পারে, কিন্তু ঐ রিপাবলিকের ঢেঁকিটা গিলতে আমি অক্ষম এবং অনিচ্ছুক। বলা নেই, কওয়া নেই, কাবুলীর সেই কাঁঠাল-খাওয়ার কাহিনী থেকে কাঁঠাল বের করে অকস্মাৎ আমার মাথায় ফাটানো! কবেকার সেই ১৯৩০।৩১ থেকে অত্যাধি কেউ তো কখনো রিপাবলিকের কথা পাড়েনি। সর্দারদের সবাইকে জিরোতে দিয়ে রাজা জহির যখন খানদানী ফিউডেল ঐতিহ্য ভঙ্গ করে গেরস্ত ঘরের ছেলে ডক্টর ইউসুফকে প্রধানমন্ত্রী করলেন তখন তো রাজা দেশটাকে গণতন্ত্রের সঙ্গে পরিচয় করিয়ে দিতে যাচ্ছিলেন—কই, তখনো তো কেউ রিপাবলিকের কথা তোলে নি। দাউদও ইউসুফকে মদদ দেবার ভরে হিন্দুকুশ উত্তোলন করেন নি। তিনি উত্থাভরে গোসসা ঘরে ঢুকে থিল দিলেন—গোড়াতে। পরে কি কি করলেন সেইটেই তো বিশ্বাসী জানতে চায়। জানবে নিশ্চয়ই, একদিন।

রিপাবলিক, জম্হুরিয়া যে নামে খুশী ডাকুন, পুরানো সেই হুকোটা এখন অবধি সেই ডাবা-হুকোটাই রইল।

শ্রাবণ হয়ে এল ফিরে

হঠাৎ শেষরাত্রি নামল আধো-আধো বৃষ্টি—রিম্ রিম্ রিম্ রিম্। সঙ্গে সঙ্গে পূর্বৈয়া হাওয়া জানলার পর্দাটাকে যেন নৌকোর ঝুলে-পড়া পালটাকে ফুলিয়ে ফাঁপিয়ে করে দিল পূর্ণাঙ্গী। মাঝে মাঝে বারিষতন কাস্ত দিচ্ছে, কিন্তু পূর্বৈয়া হাওয়ার সঙ্গে সঙ্গে হৃদয় দক্ষিণ সমুদ্র থেকে, তরঙ্গিত নদীধারার ঢেউয়ে ঢেউয়ে দোলায় দোলায় যে-বাতাস উত্তর পানে পাড়ি দিয়েছে মানস সরোবরের তীর্থধাত্রায়—সে আমারই বাড়ির এক কোণে বেণুবনে পূর্বৈয়া হাওয়াকে, গত বর্ষার দীর্ঘ বিরহের পর ঘন ঘন আলিঙ্গন করছে। বেণুবনের পাতায় পাতায় মুহূ কুজন-গুজন-মর্মর আমার মর্মে যেন বিলোল হিল্লোল তোলে ক্ষণে ক্ষণে। দখিন হাওয়া বইতে শুরু করেছিল মুহূ মুহূ, ভয়ে ভয়ে, কবে সেই শীতের শেষে। হিমালয়ের হিমানীমাখা নিষ্ঠুর শীতল উত্তরে হাওয়ার সঙ্গে লড়াই দিতে গিয়ে সে ভীক হার মেনেছিল প্রথম অভিযানে—হুহ করে আবার দীনদরিত্রের সর্বাঙ্গে কাঁপন তুলে ধেয়ে গিয়েছিল উত্তরী-হাওয়া দক্ষিণ থেকে দক্ষিণতর দিকে, যেন পলাতক, দখিন হাওয়ার বর্জিত রাজ্যে সম্মার্জনী সঞ্চালন করতে করতে। দখিন হাওয়া কিন্তু মনে মনে সাঙ্ঘনা মানে; জানে, একা সে-ই ভীক নয়, তার চেয়েও ভীক আছে, একটি ক্ষুদ্র পুষ্প—মাধবী। উত্তরের বাতাসকে শেষ অভিযানে সম্পূর্ণ পরাজিত করে আবার সে যখন বনে বনে আড়ালে আড়ালে কোণে কোণে ডালে ডালে তার বিজয় পতাকার কুসুম-কুসুম গরম পরশ বুলিয়ে দেবে, তখন সঙ্গে সঙ্গে ফুটে উঠবে পাকল পলাশ পারিজাত, করবী দেবে সাড়া, বকুল পাবে ছাড়া, শিরীষ উঠবে শিউরে, চমকি নয়ন মেলি চামেলি রইবে তাকিয়ে, অপলক দৃষ্টিতে। তবু ভীক মাধবীর বিধা যায় না, দক্ষিণ পবনের প্রাতি-বিজয় অভিযানের পরও, আঙ্গিনায় এসে যেন থমকে দাঁড়ায়—কিন্তু ঐ ভীকটি, ঐ শঙ্কিতা-হিয়া কম্পিতা-গ্রিয়া না এলে তো উৎসব অসম্পূর্ণ থেকে যাবে। গেয়ে ওঠে সবাই সম্মুখে :

হে মাধবী, বিধা কেন,

আসিবে কি ফিরিবে কি—

আঙ্গিনাতে বাহিরিতে

মন কেন গেল ঠেকি।

দেখেছি, দেখেছি, সব দেখেছি যুগ্মশেষের প্রথম বসন্তে।

দখিন বাতাস বসন্তে ঘুরে মরে একা একা। তারপর আকাশে শুরু হয়

গুরুগুরু—গ্রীষ্মের দহন দাহ সান্ন হয় যখন। নেমে আসে বারিধারা আর তখন বায়ু বর পূরবৈয়া। দুই পবনে ঐ বেগুবনে হয় তাদের পুনর্মিলন।

অমা ষামিনীর অঙ্ককার। পরিপূর্ণ নিস্তরুতা ছিন্ন করে আর কোনো শব্দ নেই—শুধু মৃদু ঝঝরে ক্ষণে ক্ষণে ক্ষীণ বরিষণ—ঝিম ঝিম ঝিম ঝিম। কখন যে বর্ষণ শান্ত হয় বুঝতে পারি নে। বাঁশের পাতার ভিতর দিয়ে পূব-দক্ষিণের বাতাস তোলে একই মর্মর ধ্বনি। এবারে এসে দেখি প্রতিবেশী তাঁর অশথ গাছটাকে কেটে ফেলেছেন। অশথের পাতা বাতাসের অতি সামান্য আভাস পেলেই আমাকে শোনাতে সারা দিনমান যেন ঝরণার গান। বাঁশবনের চেয়েও তার পল্লবে পল্লবে হিল্লোলে হিল্লোলে থরথর কম্পন দিয়ে ক্ষীণ বরিষণ ধ্বনির অহুঙ্করণ করে রুদ্ধ ভূষা-তপ্ত বৈশাখের দ্বিপ্রহরে, নিভ্রাহীন ত্রিঘামা ষামিনীতে পীড়াতুর জনকে ঐ অশথ অকারণ ছলনা দেয় বার বার। এখানে নয়, বীরভূম, ছাপরা, আশ্রা দিল্লীতে যেখানে দিনের পর দিন পুরোপুরি গ্রীষ্মকাল কাটে তাম্রসম বিবর্ণ আকাশ-বাতাসের মাঝখানে নিরুদ্ধ নিশ্বাসে নিরুদ্ভু নিরাশায়—তারপর আসে ধূসর পয়োধরহীন আষাঢ়, জনপদবধু তাকিয়ে থাকে মায়ামমতাহীন দিকচক্রবালের দিকে, আসে শ্রাবণ—কোথায় সে বিরহী স্বজ্ঞের মেঘ-শ্রেণী যায় দাক্ষিণ্য কঠিন পাষণপ্রায় অস্বরকে মধুর মেঘুর করে দেবে ?—এমন সময় বাতায়নপাশে, মৃদু পবন যখন অশথ-পল্লবে মর্মরধ্বনি তুলে বর্ষণের ঝিঝিঝির রব অহুঙ্করণ করে ধ্বনি-মরীচিকার নিষ্ঠুর মোহজাল পেতে কাতরজনকে ছলনা করে, তখন কবিগুরু সর্বশেষ কবিতা আসে স্মরণে, তার পরিপূর্ণ রুদ্ধ অর্থ নিয়ে—

“তোমার সৃষ্টির পথ রেখেছ আকীর্ণ করি বিচিত্র ছলনাজালে
হে ছলনাময়ী।

মিথ্যা বিশ্বাসের ফাঁদ পেতেছ নিপুণ হাতে সরল জীবনে।”

থাকুন দিল্লী, আশ্রা, দুইই থাকুন তাঁদের বিরাট সৌধ বিপুল বৈভব নিয়ে। আর, আর ঐ ‘মিথ্যা বিশ্বাসের বিচিত্র ছলনাজাল’ নিয়ে। আমার এখানে, এই নির্বন দেশে, সেই স্খাধারা আবার আশুক, আষাঢ় আকাশ ছেয়ে, এসো বৃষ্টির স্খবাস বাতাস বেয়ে।

আর আমার দুই আঁখি যাক হারিয়ে সজল ধারায় ঐ ছায়াময় দূরে, ধান ক্ষেতের উপর দিয়ে, ভরা গাছের কূলে কূলে, দেশ থেকে দেশান্তে, হয়তো বা জরাজীর্ণ এ জীবনের শেষপ্রান্তে।

ঐ নেমেছে ; এবারে কিন্তু ঝঝঝম বিষ্টি। বিষ্টি আর বিষ্টি। বেগুবন-

মর্যর, ছিন্ন কদলীপত্রের ঝঝর সব ছাপিয়ে দিয়ে। এবারে আর কোনো ছলনা নয়। উপরের দিকে তাকিয়ে দেখি, মেঘ-ভারে হয়ে পড়া আকাশ নীরঞ্জন অন্ধকারে বিলুপ্ত হয় নি। আমারই মত নিভ্রাহীন চোখ নিয়ে রাজ-পথের ধামিনী-জাগরিনী দিবাক্ষ প্রদীপমালার বিচ্ছুরিত জ্যোতি আকাশের নিম্নপ্রান্তে আতাত্র আরক্ত মূহ প্রলেপ দিয়ে আলোকিত করে রেখেছে। গ্রামাঞ্চলে দূর ভিন গাঁয়ে আগুন লাগলে যে রকম তার লালচে আভা পশু-পক্ষীর প্রাণেও আতঙ্কের সৃষ্টি করে।

হ্যা, আতঙ্ক। হিটলারও এই রকমেরই এক অর্নৈসর্গিক চন্দ্রালোকের বিবরণ শুনে শঙ্কাতুর কণ্ঠে শুদিয়েছিলেন, “কৃত্রিম চন্দ্রালোক ? সে আবার কি ?”

নিত্য দিনের প্রথাত্মধায়ী দ্বিপ্রহরে সামরিক মন্ত্রণাসভার দিবসের প্রথম অধিবেশন আরম্ভ হয়েছে। পশ্চিম-উত্তর রণাঙ্গণে মন্টুগমের তখন হল্যাণ্ডের ভিতর দিয়ে হামবুর্গ পানে এগোচ্ছেন। সে রণাঙ্গণে শত্রু-মিত্রের অগ্রগতি, পশ্চাৎ অপসরণ, তাদের বর্তমান ঠাঁটি ইত্যাদির সর্বশেষ প্রতিবেদন বলে যাচ্ছেন বিরাট ম্যাপে অঙ্গুলি নির্দেশ করে করে আঞ্চলিক এ্যাদর্ক। বলতে বলতে তিনি উল্লেখ করলেন, ‘অতিশয় অন্ধকার রাত্রি। এ রাত্রে মন্টুগমের পক্ষে আক্রমণ করা অসম্ভব। হঠাৎ বিরাট রণাঙ্গণ আলোকিত হল কৃত্রিম চন্দ্রালোকে—’

বিস্মিত হিটলার এ্যাদ-এর কথা মাঝখানে কেটে দিয়ে শুধালেন, “কৃত্রিম চন্দ্রালোক ! সে আবার কি ?” ধূম্ভজাল, কুয়াশা বহুকাল ধরে রণ-কৌশলে সুশরীচিত কিন্তু কৃত্রিম চন্দ্রালোক !

এ্যাদ : “পূর্বেই বলেছি, রাত্রি ছিল অত্যন্ত অন্ধকার। অমাবস্তার রাত্রেও হয়ে-পড়া রাশি রাশি মেঘ না থাকলে নীরঞ্জন অন্ধকার সৃষ্ট হয় না। মেঘগুলো ছিল তুষার ধবল। মন্টুগমেরি এ্যারপ্লেন-অন্বেষণকারী সব কটা সার্চলাইট মেঘের উপর তাগ্ করতে আদেশ দিলেন। সার্চসাইটের তীব্র রশ্মি মেঘে মেঘে প্রতিবিম্বিত হয়ে অতুজ্জ্বল যে-আলো সৃষ্টি করলো সেটা মেঘমুক্ত পুণিমার মত।”

এখানে বর্ষা নামে তার ঘনতম ঘনাবরণে। মাঝে মাঝে পশ্চিম থেকেও বৃষ্টি আসে—সে বৃষ্টি অতিদূর আরবসাগর থেকে বেরিয়ে এখানে পৌছতে পৌছতে দুর্বল হয়ে যায়। তাই বিরহী বন্ধ যে-রামগিরি জনকতনয়ার স্নান-পুণ্যোৎসবে অভিষিক্ত হয়েছিল তারই উপরে দাঁড়িয়ে মেঘপুঞ্জকে অহরোধ

করেছিল, ‘আমার বিরহবার্তা নিয়ে তুমি, হে মেঘ, অলকায় গমন করে আমাকে কৃতজ্ঞতা পাশে আবদ্ধ করো। কিন্তু আমি জানি, তুমি দয়ালু নাতা। যে-সব ভূখণ্ডের উপর দিয়ে তুমি ভেসে যাবে সেগুলি নির্মম গ্রীষ্মের অত্যাচারে বিবর্ণ শুষ্ক দগ্ধ প্রায়। কাতর নয়নে জনপদবধু উর্ধ্বে তোমার দিকে দৃষ্টিনিক্ষেপ করবে, বারিধারা ভিক্ষা চেয়ে। আমার অহরোধ, নিজেকে সম্পূর্ণ নিঃশেষ করো না, বিরহিণী প্রিয়াকে আমার সন্দেশ না দেওয়া পর্যন্ত।’

যে গামাধুরাজি যক্ষের কাতরতা শুনতে পায় নি তারা অলকার দিকে না গিয়ে মধ্যভারত, যুক্তপ্রদেশ, বিহার, রাঢ়ভূমিতে বিগলিত আত্মদান করতে করতে যখন দীর্ঘ যাত্রাশেষে এই পুণ্যভূমিতে পৌঁছয়, তাদের সঞ্চয় সেকালে প্রায় নিঃশেষ! কিন্তু, ভো ভো বর্ষণ-ক্লান্ত দূরদেশী মুসাফির! আমরা অল্লৈই সঙ্কষ্ট। যত অল্পং তদ মিষ্টং। তোমার পদধ্বনি পূর্বাপ্তে, পূর্বদেশে নন্দিত হোক।

ঐ, ঐ যে বৃষ্টি আসে মুক্ত কেশে, আঁচলখানি দোলে। বাতাসে বাতাসে বর্ষণসিক্ত জলভরা কণ্ঠে ভেসে আসছে ভোরের আজান। সাধ যায়, এই বর্ষণ মুখরিত নগরীর উপকণ্ঠ পেরিয়ে দেখে আসি, বুড়ীগঙ্গায় কতখানি জল বাড়লো। না, আমাকে কেউ যেতে দেবে না। এ বয়সে। বয়সের শেষে।

মনে পড়ল এক জাপানী কবির করুণ শেষ প্রশ্ন। ক্ষয়রোগে তিনি যাত্রার শেষপ্রান্তে প্রায় পৌঁছে গিয়েছেন। তাঁর জীবনের সবচেয়ে বড় আনন্দ ছিল, প্রতি বৎসর বাতায়নপাশে বসে অবিরল বরফপাত দর্শন। বরফ জমে উঠছে, মাঠে-বাটে-বাটে, জমে উঠছে, জমে উঠছে। তিনি দেখছেন, আর দেখছেন।

কিন্তু এবারে তুষার-বর্ষণ দর্শনার্থে তাঁর বিছানাতে উঠে বসার কঠিন বারণ। মাঠ-বাট দেখতে পাচ্ছেন না। জাপানী তিন কলির হাইকাই পদ্ধতিতে রচা তাঁর শেষ কবিতা রপে গছেন তিনি :—

শুধায়েছি বার বার, কত বার!

হায়, শুধু প্রশ্ন—এ আমার,

এবারেতে কত উঁচু হয়েছে তুষার?

হাউ অফটেন,

ছাত আই আসকট

হাও হাই ইজ দি স্নো? ?

ডানপিটে ছুঁদে

একাধিকবার পরাজিত হয়ে জহীর উদ্-দীন মুহম্মদ বাবুর মনস্থির করলেন, আপন পিতৃভূমি ফরগনা ‘পীর মানে না দেশে খেলে, পীর মানে না ঘরের বউয়ে’, নীতি অবলম্বন করে তাঁর প্রকৃত মূল্য নিতান্তই যখন সম্যক হৃদয়ঙ্গম করতে পারলো না, তখন ভাগ্যাঙ্ঘষণে দেশান্তর অভিযানই প্রশস্ততর। এ-যুগে, কিন্তু কি তুর্কমানিস্থান, কি আফগানিস্থান সর্বত্রই ভাগ্যাঙ্ঘষণকারীর সংখ্যা কমে আসছে। তাঁর প্রধান কারণ, সাফল্যের সর্বোচ্চ শিখরে আরোহণ করতে হলে যে গুণটি মাত্রাধিক, অপখাপ্ত পরিমাণে প্রয়োজন তার নাম আত্মবিশ্বাস। এ-যুগের সব চেয়ে নাম-করা এডভেনচারার আডলফ হিটলার চরিত্রের বিশ্লেষণ করতে গিয়ে ঐতিহাসিক, কূটনৈতিক, সংগ্রামবিদ, মনস্তাত্ত্বিক, অতিশয় সীমিত সংখ্যক তাঁর অন্তরঙ্গ জন এ্যাদ-দকঁা সেক্রেটারি স্টেনো পরিচারক ভ্যালো—এমন কি তাঁর বৈরিকুল পর্যন্ত এক বাক্যে তাঁর সর্বপ্রথম এবং সর্বপ্রধান যে-বৈশিষ্ট্যের উল্লেখ করেন সেটি তাঁর আত্মবিশ্বাস। তাঁর অবিচল সদাজাগ্রত প্রত্যয় ছিল, নিয়তি (প্রভিডেন্স) তাঁকে নির্বাচিত করেছেন, জার্মানির ভাগ্য পরিবর্তন করার জন্ত। পরাজয়ের পর পরাজয়, পুনরপি পরাজয়,—তথাপি তাঁর আত্মবিশ্বাস এবং সর্বশেষ সংগ্রামে তিনি বিজয়ী হবেনই হবেন সে প্রত্যয় দৃঢ় থেকে দৃঢ়তর হয়ে চলছিল তাঁর জীবনান্ত পর্যন্ত। তাঁর অতিশয় অন্তরঙ্গ, নিত্য সহচরগণ বিশ্বিত অবিশ্বাসের সঙ্গে লক্ষ্য করেছেন, তাঁর কল্পনাপ্রসূত স্বকৃত অনৈসর্গিক আত্মবিশ্বাসের এই ইলুজ্যাল। বস্তুত তিনি ঠিক কোন্ মুহূর্তে পরাজয় স্বীকার করে আত্মহত্যার জন্ত প্রস্তুত হলেন সেটা চিরকালই অভেদ্য রহস্য থেকে যাবে।...জহীর উদ্-দীন বাবুরের আত্মবিশ্বাস হিটলারের চেয়ে কোনো অংশে কম ছিল না। কিন্তু বাবুরের সহচরদের মধ্যে সে আত্মবিশ্বাসের প্রতিনিয়ত বর্ধমান দাঢ্য লিপিবদ্ধ করার মত লিপি-কৌশলী কেউই ছিলেন না, অপরঞ্চ বাবুর অতিশয় সযত্নে রোজ-নামচার মাধ্যমে তাঁর আত্ম-জীবনী রেখে গিয়েছেন; ওদিকে হিটলার এ ধরনের “অপকর্ম” রীতিমত বিপজ্জনক বলে মনে করতেন এবং তাঁর আন্তরিক বিশ্বাস ছিল, “যে ব্যক্তি সম্পূর্ণ পরিকল্পনা একান্ত একা-একাই করে, সফলতা কামনা করতে পারে একমাত্র সেইই”।

দলপতি মাত্রই আর্টিস্ট

এই সব এডভেনচারারদের সম্বন্ধে এতখানি সবিস্তর লেখার কারণ এই যে, পরিবর্তনে অপরিবর্তনীয় এ ধরনের লোক এখনও লুপ্ত হন নি। এঁদের সম্বন্ধে কিঞ্চিৎ ওয়াকিবহাল হতে হলে এঁদের ক্রমবিকাশ লক্ষ্য করতে হয়। এডভেনচারার হওয়া মাত্রই এঁদের সর্বপ্রথম কর্ম হয় সাজোপাজ যোগাড় করা। ঐতিহাসিক মাত্রেরই বিশ্বাসের অবধি নেই, চব্বিশ বছরের “অপদার্থ” যে-ভ্যাগাবণ্ড স্বদেশ অস্থিরা ত্যাগ করে ম্যানিকে ফ্যা-ফ্যা করে ঘুরে বেড়াচ্ছিল, প্রথম বিশ্ব যুদ্ধের পর যে পূর্ববং আশ্রয়-সম্বলহীন ট্রাম্প, সে কি করে তার চতুর্দিকে অপেক্ষাকৃত অল্প সময়ের মধ্যেই ঝাঁকে ঝাঁকে হরেরক রঙের চিড়িয়া যোগাড় করে ফেলল? এবং সম্পূর্ণ অবিশ্বাস্য বলে মনে হয়, তার ভিতর ছিলেন সে যুগের দুই নব্বয়ের জঙ্গীলাট জেনারেল লুডেনডর্ফ। অমুসন্ধান করলে দেখা যায়, আমরা যে “আত্মবিশ্বাস” নিয়ে আলোচনা আরম্ভ করেছি, দ্বিতীয় পর্যায়ে পাই আমরা বাহ্য প্রকাশ। এখানে দুঃসাহসিক ভাগ্যাস্থেয়ীকে আর্টিস্ট রূপে আত্মপ্রকাশ করতে হয়। আর্টিস্টের অন্ততম শ্রেষ্ঠ সংজ্ঞা দিতে গিয়ে ঋষি তলস্তয় বলেছেন, “যে ব্যক্তি আপন অমুভূতি অমুজনের ভিতর সঞ্চারিত করতে পারে সে আর্টিস্ট।” হিটলার তাঁর আত্মবিশ্বাস যে ভিন্ন ভিন্ন শ্রেণীর নর-নারীতে ভিন্ন ভিন্ন পদ্ধতিতে সঞ্চারিত করবার মত অলৌকিক শক্তি ধারণ করতেন সে সত্য তাঁর নিকটবর্তী প্রচুর শত্রুরা পর্যন্ত নিরতিশয় ক্ষোভ ও উদ্‌যাপন সঙ্গী করেছেন...বাবরের সে টেকনিক বিলক্ষণ আয়ত্তাধীন ছিল, তদুপরি ভাগ্যাস্থেয়ণের অকণোদয় থেকেই তাঁকে প্রত্যক্ষ সংগ্রামে নামতে হয়েছে। অসিহস্তে অশ্বপৃষ্ঠে রণাঙ্গনে যেখানেই সঙ্কটময় অবস্থা সেখানেই তিনি নির্ভয়ে তীরবেগে উপস্থিত হয়েছেন, যে কারণে একাধিক পরাজয়ের পরও দূরদর্শীজন তাঁকে পরিত্যাগ করে নি।

সাবধান! ভেজাল চিনে নেবেন।

অত্‌কার ভুট্টো, ইরানের শাহ—বাবরের তুলনায় শিশু। নিতান্তই যোগাযোগ এবং হতবুদ্ধি মজ্জমান জুস্তার শেষ জ্ঞান-তৃণ-খণ্ডরূপে প্রথম জনের কর্তৃত্ব লাভ, দ্বিতীয়জনও দ্রুতবেগে পলায়নের পর অবশেষে ক্রশের সদয় নিরপেক্ষতা ও ইংরেজের প্রতি নতিস্বীকার, এই দুই গ্রহের যোগাযোগের ফলে আপন পূর্ব সত্যায় প্রত্যাগমন! আমার মনে লয়, কৈশোরে চতুরজ

গেলায় গজচক্র অশ্বচক্র বড়েচক্র পুনঃ পুনঃ ঢেঁকিবং ভক্ষণ করার পর, আপন আপন দেশে যখন গেলবার মত আর কোনো ঢেঁকি কোনো চাবী বউই তামাশা দেখবার তরেও দিতে রাজী হল না, তখন দুজনাই সহজতর কূটনীতি-চতুরঙ্গ-অঙ্গণে রঙ্গ-ব্যঙ্গে সঙ্গ দিলেন। —একে অন্তকে।

নিম্ন আর পাঁচটা ভূঁইফোড় মাকিনের মত ‘খানদানী মনিম্বিদত্ত’ বাদশাহী হাতের পিঠ চাপড়ানোটা পাবার তরে হামেহাল বড্ডই ছোক ছোক করেন। তত্পরি, আড়াই-তিন হাজার বছরের প্রাচীনস্থ প্রাচীন রাজসিংহাসনে আসীন—জানি নে, হয়তো কুলে দুনিয়ার প্রাচীনতম মনার্কি, যতপি বর্তমান শাহটির পিতামহ-প্রপিতামহের প্রস্তাব তুলছি নে—সম্মুখে কোতুল প্রকাশ করলে শাহ-ইন-শাহের অমুগতজন অকস্মাৎ সাময়িক স্মৃতিস্তম্ভন বা আংশিক বধিরতায় আকান্ত হন। সর্বোপরি প্রশ্ন, দেড় হাজার বছরের প্রাচীন পেহলভি (সংস্কৃতে পল্লবী) পেতাং হঠাৎ করে ভুড়ভুড়ি দিয়ে উঠলো, কোন্ রসাতল থেকে? একদা যে রকম তারই অক্ষম অমুকরণে গব্বহরী মহিমায় আড়াই-তিন হাজার বছরের পুরনো গাক্কার (প্রাচীন পেশাওয়ার-জালালাবাদ অঞ্চল) ফান্দার আমাদের মত গাঁইয়া একুবদের চমক লাগবার তরে মরা লাশে ভূতের মত চাড়া দিয়ে উঠেছিল? এর খাতিম উল্-খিতাব হয়, যদিষ্ঠাৎ অকস্মাৎ সদব-ই-আলা ভূট্টো তাঁর এলাকার পঞ্চ সহস্রাধিক বর্ষীয় মোন-জো-দড়োর বলদ-মার্কী সীল স্টেটে কিছু একটা পাঁচহাজারী মনসব তলব করে তাবৎ পাপী-তাপী-পাকীজনকে শরীফ উল্-আশরাফ খানদানে তুলে নেন।

প্রাণনাথ ডাকো

শ্রুতিধর পাঠক! অস্বীকার করতে পারবে না, এই মাত্র সেদিন আমি তোমাকে ফেরার ওয়ার্নিং দিয়েছি, গুলতানী না করতে পারলে আমার দম বন্ধ হয়ে আসে। এবং আপসোসের কথা, বর্তমান গুলটি খুব সম্ভব তোমার ন’সিকে চেনা। কিন্তু পাঠক, আমরা সবাই চেনা জন, চেনা জিনিসকেই কি বেশী পছন্দ করি নে? যেলায় গিয়ে চেনা জনের মুখ খুঁজি, অচেনা লাই-ব্রেরীতে ঢুকলে তার দাম যাচাই করি চেনা বইয়ের সম্ভান নিয়ে, গোরস্তানে খুঁজি মরহুমদের চেনা নাম। তবু অতি সংক্ষেপেই সারছি। বাঙ্গাল গেছে শেয়ালদ বাজারে ঘটির তরকারি পট্টিতে। “বাইগনের সের কত?” ঘটি হেসে কুটি কুটি। “বাইগন! কি কইলে, মাইরি!” বাঙ্গাল—চটিভং:

“ক্যান, কইছি তো কইছি, অইছে কি?” ষটি: “ছো:! কিবা নাম, বাইগন! বেগুন—আহা, কী মিষ্টিই না শোনায়!” বাব্বাল—উচ্চহাস্যে: “হঃ! মিষ্টি নামেই যদি ডাকবা তয় ‘প্রাণনাথ’ ডাকো না ক্যান? স্মার কত প্রাণনাথের? ডাকর ডাকর প্রাণনাথ গুলাইন?”

শাহ, গওহর, গদিটা আরেকটু দড় হলে মিস্টার ভুট্টোও—সবাই এ নীতিতে আগাগো “প্রাণনাথ নীতির” প্রবর্তক প্রাণনাথ বাব্বালের অতিশয় অল্পগত বশব্দ শাকরেদ। “খানদানী খেতাবই যদি লইবা, তয় লওনা কইল-জাভা ভইরা পুরানার পুরানা, হিডারও পুরানা খানদানী খেতাব।” হিটলারও বলেছেন, “মিথ্যে যদি বলতেই চাও তবে পাতি মিথ্যে বলো না। বলো পাড় মিথ্যে - ইয়াবড়া-বড়া কেঁদো কেঁদো মিথ্যে। মিথ্যেটা ষত বিরাট কলেবর হলে, পাবলিক গিলবে সেটা তত সহজেই।”

নিখুন শাহ'-এর মেহেরবানী পেয়ে বে-এজেন্সার। কোন্‌ চাঁড়াল বামুনের হাতে দৈবযোগে পৈতে পেল—বুদু জানবে কি করে, বিটলেটা খাটি নদীয়ার মাল, না জিজিরা-মাকা ভেজাল—উল্লাসে নৃত্য ভরে ধানের মরাই খুলে দেয় না? অবশ্য নিখুনের মুক্ত হস্তে ট্যাঙ্ক, প্লেন ঢালার অণু কারণও আছে। কিন্তু তাঁর গোড়ার গলদ, শাহকে একটা মস্ত বড় এডভেনচারার বলে ধরে নেওয়া।...বরফ সদর দাঁউদের যা-হোক তা-হোক একটা ক্যালিবার আছে। লোকটা এডভেনচারার এবং গ্যামবলার। অসম্ভবের আশায় তিনি সম্ভাবনীয়-টাকে বাজী ধরতে রাজী আছেন।

ঐতিহাসিক দাবী

এবারে আমি যা বলতে যাচ্ছি, সেটা কোনো ঠাণ্ডা-মগজের লোক বিশ্বাস করতে চাইবে না। কিন্তু যে সত্য আমার প্রত্যক্ষ অভিজ্ঞতালব্ধ যে সত্যের সমর্থন আমি দীর্ঘকাল ধরে পেয়ে এনেছি সেগুলো এই দাঁউদ-স্ববাদে আমাকে বলতে হবে। বিশ্বাস না করলে কারো কোনো ক্ষতি হবে না।

(১) ১৯২৭ সালের গ্রীষ্মকালে আফগান স্বাধীনতা দিবসে (জুন্-এ) জনগণ তথা কাবুলস্থ সর্ব রাজদূতের উপস্থিতিতে প্রকাশ্য গণসভায় আমান উল্লা খন খন করতালি হৃৎকানির মাঝখানে নানা কথার মাঝখানে সদ্ভক্তে সগর্বে বলেন, “সিকন্দর শাহ পাঞ্জাব জয়ের পর বিরাট ভারত দখল না করে স্বদেশ প্রত্যাবর্তন করলো কেন? কারণ, ‘আমরা—আফগানরা—ভার ‘লেজ কেটে

দিয়েছিলুম' বলে," অর্থাৎ আফগানরা আলেকজান্ডারের লাইন অব কম্যান্ড-কেশন কেটে দিয়েছিল! বিগলিতার্থ: আফগান জাত সিকন্দর-বিজয়ী।

(২) আফগানিস্থানের প্রাচীন ইতিহাস কোনো আফগান লিখেছেন কি না জ্ঞানি নে। যে অর্বাচীন ইতিহাস কাবুলের ইস্কুল কলেজে পড়ানো হয় তার পনরো আনা, ভারতের গবেষণা-জাত ভারতে লিখিত ইতিহাস থেকে আফগানাংশ কেটে বের করে, আফগান জাতির গৌরব-গরিমা শতগুণ বৃদ্ধি করে স্থূল হস্তে প্রলেপ লাগানো দৃষ্টোক্তি।

(৩) সাধারণ আফগান নিরক্ষর। কাবুল কাম্বাহারের স্কুলবয় 'সে-ইতিহাসের' ছ'পাতা পড়ে বিশ্বাস করে, ভারতে ইংরেজাধিকার না হওয়া পর্যন্ত ঐ ভূখণ্ড ছিল আফগানিস্থানের কলোনী, জমিদারী—যা খুশী বলতে পারেন। মোক্ষা কথা: মুহম্মদ ঘোরীর আমল থেকে, বিনয় যাদের ভূষণ নয়, তাদের মতে গজনির মাহমুদের কাল থেকে ইংরেজ কর্তৃক পাক্কাব বিজিত হওয়ার প্রাক্কাল পর্যন্ত আফগানিস্থান হিন্দুস্থানের উপর রাজত্ব করেছে, সাতশ', মতান্তরে হাজার বৎসর ধরে। ই্যা, কোনো কোনো আফগান রাজা দিল্লী আগ্রায় কিছুকাল বাস করেছেন বটে। যদি বলা হয়—আর বলবেই বা কোন্ উন্মাদ—বাবুর তো তুর্কোমান, তিনি তো পাঠান বা আফগান নন, তবে অতিশয় সংশ্লিষ্ট ও সরল উত্তর: বাবুর ছিলেন কাবুলের রাজা। সেই কাবুল-রাজ দিল্লী জয় করেন। কিন্তু মৃত্যুর সময় আদেশ দেন, তাঁর মৃতদেহ যেন তাঁর "রাজধানী" কাবুলে গোর দেওয়া হয়। এর পর আর কি প্রমাণ চাই? বাবুর যে কাবুলের রাজা ছিলেন, সেটা তো তর্কাতীত! পরের মীমাংসাগুলো প্রথম সিদ্ধান্ত থেকে পিল পিল করে বেরোয়।

(৪) ইংরেজ কর্তৃক ভারত শাসন একটা অতি আকস্মিক অতিশয় সাময়িক দুঃস্থপ্ন মাত্র। আফগানিস্থান পুনরায় তার হস্তের উপনিবেশ জয় করবে: ঘোরী, গজনবী, লোধী (লোদী) এ সব কণ্ডয়, তাদের বাসভূমির নাম, এখনো কাবুলে নিত্যদিনের কাজকর্মে কথাবার্তায় ফিরে ফিরে আসে; হিন্দুস্থানে এ সব ইতিহাসের শুষ্কপত্র মুদ্রিত নামমাত্র। সরকারীভাবে প্রচারিত পাকিস্তানই বা কি, আর ভারতই বা কি, আর বাংলাদেশই বা কি? আসলে সব কটা মিলে ওটা অখণ্ড হিন্দুস্থান (ভারতের কটর সাম্প্রদায়িকবাদীরা এতচ্ছুৎনে অবশ্যই নিরতিশয় উল্লাস বোধ করবেন!)। সেইটে আমাদের প্রাপ্য।

(৫) সরদার দাউদ খান কাবুলের ওয়ারিসানের এই "অতিশয় সীমিত

বিনয়ভরে নমিত” দাবী-দাওয়ার কতখানি বিশ্বাস করেন, জানি নে, কিন্তু তিনি ঘে-দশ-বৎসর প্রধানমন্ত্রী ছিলেন, সে সময় স্বাধীন, বিকল্পে আফগানিস্থানের প্রদেশরূপে পথতুনিস্তান এবং পাকিস্থানের ভিতর দিয়ে করাচী অবধি করিডরের (পুরো-পাক্ষা সরকারী ওয়ারিসানস্বত্বে) পুনঃপুন দাবী জানিয়ে তথাকথিত ইতিহাসপুঙ্খুলবয়স্দের ডায়াম ফেভরিট হয়েছিলেন সেটা সর্ববাদীসম্মত। সে সব বয়স-রা এখন ‘ইস্টুডিনট’ এবং ফৌজী ‘আপিসর’—এরাই নাকি দাউদের প্রধান সহায়ক।

আমি জানি, আসমুজ্জ হিমাচল আফগানের এই দাবী, গৃহে প্রত্যাবর্ত আবুহোসেনের তথৎ দাবীর মত বুদ্ধির অগম্য, হাস্যস্বর বলে মনে করবে। তা হলে স্মরণ করিয়ে দিই প্রায় একশ’ বছর ধরে তৎকালীন ভারত-রাজ ইংরেজের সমুখে কাবুল-রাজ কখনো লাহোর মূলতান কখনো পেশাওয়ার আটক অবধি দাবী করেছেন। ইংরেজের কাছে তখন ঠিক আজকের মত ঐ রকম ‘দাবী’ বুদ্ধির অগম্য, হাস্যস্বর বলে মনে হয়েছে।

আর সত্যি বলতে কি, কোন্ দেশে এ ধরনের দাবীদার একদম নেই? তারতম্য শুধু সংখ্যাত্তে এবং দাবীর চৌহদ্দী নিয়ে। পঞ্চাশ বছর পূর্বে আমরা বুক ফুলিয়ে গেয়েছি, এখনও যে একেবারে ভুলে মেয়ে দিয়েছি তাই বা কিরে কেটে বলি কোন হিন্মতে—

“একদা বাহার বিজয় সেনানী

হেলায় লক্ষ্য করিল জয়।”

হেলায় !!

হাইকোর্ট দর্শনস্র দর্শনং

“বাক্সালের” হাইকোর্ট দর্শনের তবু একটা অর্থ আছে। কিন্তু যখন ইয়োরোপীয় এবং বিশেষ করে মার্কিন-বাক্সাল কলকাতা বা কাবুলের হাইকোর্ট দর্শনে যায় এবং সেখান থেকে দারুণ দারুণ রগরণে রিপোর্ট পাঠায় তখন ‘বাক্সালকে’ তসলিম জানাতে ইচ্ছে করে।

পূর্ব-বঙ্গবাদী একশ বছর ধরে জানতো, নোয়াখালি বা সন্দ্বীপের স্রুদ্রতম প্রান্তেও যদি খুন হয় এবং সদরের দায়রা-আদালতে যদি আসামীর ফাঁসির হুকুম হয়, তবে সে হুকুম কলকাতার হাইকোর্ট থেকে মঞ্জুরী না পাওয়া পর্যন্ত থাকে স্থলতে হয় না। রাষ্ট্রের তুলনার পূর্ব বাংলার গ্রামবাদী একটু বেশী

গরম মেজাজের হয়, তার আত্মসন্ধান জ্ঞান একটু বেশী টনটনে। উচ্চশিক্ষিত শাস্তিকামী নাগরিক এটাকে স্থলবিশেষে হিংস্র বলে মনে করতে পারে, কিন্তু আমার মত শক্তিহীন অর্থদীনকে দেশ-বিদেশে এত লাঞ্ছনা অবমাননা সঙ্কোচে সহ্য করতে হয়েছে, এবং হচ্ছে যে, সে রগচটা বাঙ্গালার ধৈর্যচ্যুতি এবং সঙ্গে সঙ্গে তার সখা সুপক বংশদণ্ডের অহুসঙ্কান দেখে ঈর্ষাকাতর হয়ে দীর্ঘশ্বাস ফেলে এবং অতি অবশ্যই তার মঙ্গল কামনা করে। সে কথা থাক। অতএব খুন-খারাবী দেখে দেখে অপেক্ষাকৃত অভ্যস্ত মিশ্বর উল্লা বা গদাই নমশ্রুত পাকেচক্রে যখন কলকাতা যায় তখন যদি সে সেই ভবনটি দেখতে চায় যার গর্ভগৃহে প্রতিদিন হির' করা হয়, কে ঝুলে ঝুলে লম্বমান অবস্থায় ইহলোক ত্যাগ করবে আর কে-ই বা রোগশয্যায় মা-ধরণীর এক থেকে সমান্তরাল রেখাবৎ বিদায় নেবে, তখন আমি গাঁইয়া আশ্চর্য হব কেন? শহুরে কলকেতাই ব্যাপারটা আদৌ বুঝতে পারে না, কারণ তার সীমাসরহদের ভিতর তার অতি সুদূর ক্ষীণ পরিচিতজনের কাউকেই কর্তৃদেশে রজ্জুবদ্ধাবস্থায় লম্বমান দেহে ইহলোক ত্যাগ করতে হয় নি কিংবা সে সম্ভাবনার সম্মুখীন হতে হয় নি। সে হাইকোর্টের মর্ম বুঝবে কি করে? তাই হাইকোর্টের প্রতি “বাঙ্গালার” গভীর শ্রদ্ধা, তার দর্শন-লাভ, তীর্থ-দর্শনের সমতুল বিবেচনা করাটা নিয়ে ঘটি ঠাট্টা-মস্তুরা করে।...ঢাকাতে যখন হাইকোর্ট নির্মাণ আরম্ভ হয়, তখন আমার কী উল্লাস, কী নৃত্য! আমি তখন কর্তা-ব্যক্তিদের পই পই করে অহুরোধ-উপরোধ করি—অবশ্য ফোন মেরান্নতীর নিষ্ফল প্রচেষ্টাতে নিত্য নিত্য পর্বতপ্রমাণ যা করতে হয় তার তুলনায় ধূলিপরিমাণ নশ্রবৎ—আমাদের হাইকোর্টটিকে যেন কলকাতার তুলনায় লাগসই জুৎমাফিক বেশ খানিকটে উচ্চতর পর্যায়ে রূপায়িত করেন—যাতে করে শ্রামবাজারের রকে বসে ঘটিদের সগর্বে আদেশ দিতে পারি, ঢাকা গিয়ে সেখানকার হাইকোর্ট দর্শনজনিত অশেষ পুণ্যার্জন করতে পারে! কেউ সুনলো না আমার ‘উচ্চাদর্শের’ প্রস্তাবটি! সুনলে কি হত? ঐ যে ১৬ ডিসেম্বর ১৯১১-এ হুদো-হুদো ইণ্ডিয়ান সেপাই হেথায় এসেছিল তারা আমাদের হাইকোর্ট দেখবার তরে মাথা উঁচু করতেই—ত্যাখ-তো-না-ত্যাখ—তাদের টুপি, পাগড়ী এন্ডেক মণ্ডি তক মন্তকচ্যুত হয়ে গড়াগড়ি যেত না? যে দু-চারটি শেষ কুট্টিবোঁদর এখনো লিকলিক করে বেঁচে আছে তারা সরেস সরেস গণ্ডাদশেক মস্তুরা-কিসসা বানিয়ে টেরচা নয়নের বীকা টিটকরি কেটে আপন জীবন ধন্য মেনে, স্বয়ং আপন জনাজার ব্যবস্থা করে দিয়ে কুটি বংশের শেষ প্রাণীপটি ফুঁ মেরে নিভিয়ে দিয়ে ড্যাং ড্যাং করে পুলসিরাং

পেরিয়ে যেত না? শুনতে পাই, কলকাতার লোক আজ নাকি আমাদের হানপ্তা করে। করবে না? দাসীর কথা বাসি হলে ফলে। তখন যদি হাইকোর্টটা উচু করে বানাতে তবে— যাক গে।

মার্কিন খটাজ ভুটাজ পুরাণ

কড়ি আছে মার্কিনের। পয়লা থাকতেই তাঁরা হাজির হয়েছেন কাবুলে— হাইকোর্ট দেখতে। ঝটপট একাধিক রিপোর্ট ভী তেমনাদের কাগজে বেরিয়েছে। কুলে এক দফা চোখ বুলিয়েই পুনরায় সেই সত্য হৃদয়ঙ্গম করলুম, পৌনঃপুনিক “পরিবর্তনেও অপরিবর্তনীয়” খুদা-দাদ আফগানিস্থানের জিন্দাবাদ শহর-ই-আলা কাবুল। অর্থাৎ কাবুল তথা আফগানিস্থান আপাতদৃষ্টিতে যতই পরিবর্তিত বলে মনে হোক না কেন, একটু ঘষলেই উপরকার গির্নট উপে যায়, আর বেরিয়ে পড়ে আসল দস্তা—খাজা মাল। তুলনা দিয়ে চোখের সামনে আনি, ফরেন মিনিষ্টার ভুট্টো, হঠাৎ আইয়ুবের বিরুদ্ধে তাঁর চেলাচেল্লি, “গণতন্ত্র চাই, পিপলস পার্টিই পিপল, তাদের হুকুমেই চলবে দেশ”, তারপর “অথবা পাকিস্তান যে সংবিধানই তৈরী করুক না কেন (১৯১১ শতকাল) পিপিপি সেটা মানবে না”, তারপর ঢাকাতে হত্যাকাণ্ড আরম্ভ হলে “শুকুর আলহামহুল্লাহ, পাকিস্তান ইজ সেভড”, তারপর “ভুল বলেছিলুম, এই পোড়ার দেশে গণতন্ত্র চলতে পারে না, চাই, সর্বাধিকারসম্পন্ন প্রেসিডেন্টের একচ্ছত্রাধিপত্য”— ইত্যাদি ইত্যাদি, পাঠককে আরো উদ্ধৃতি দিয়ে বেকার বিরক্ত করবো না। মোদ্দা কথা, তিনি যত বার যত তরো-বেতরো ভোল পালটান, ভেক বদলান, খনে যাত্রার দলের ইয়া দাড়ি গোপ-গুলা নারদমুনি সাজেন, খনে কামিয়ে-জুমিয়ে চাঁচা-ছোলা শ্রীরাধার সাজ ধরেন, একটি ভেংচি কেটেছেন কি না কেটেছেন সঙ্গে সঙ্গে বেরিয়ে পড়েন ডিক্টেটর ভুট্টো, যিনি তাঁর কলোনি মরহুম পূর্ব-পাকের উপর একদিন-না-একদিন কুঙ্গী সর্দারের ডাণ্ডা বুলোবেনই বুলোবেন। একেই বলে পরিবর্তনে অপরিবর্তনীয়। এক্ষেত্রে তাঁর মোলা মুশদিদ মিয়া নিম্নন। এতখানি সবিস্তর বুলিয়ে বলার কারণঃ এদানির আমার এক মিত্র, আইনকাহনে পয়লা নব্বী খলিফে বললেন, তাঁর ঘুঘু মক্কেলরা পর্যন্ত “পরিবর্তনে অপরিবর্তনীয়” তকমাটার অর্থ সঠিক ধরতে পারেন নি। এই নিয়ে তিনি কস্তি তিন, তিন দফে এফিডেভিট পেশ করা হল।

সেই ডাবা হুঁকে।

মার্কিনী রিপটে যে-সব মোক্ষম মোক্ষম খবরের উল্লেখ মাত্র নেই তার থেকেই আমি সত্য নির্ণয় করেছি।

“নেই তাই খাচ্ছো, থাকলে কোথা পেতে।

কহেন কবি কালিদাস পথে যেতে যেতে॥”

গোরুর ল্যাজটা কাটা পড়ে যাওয়ায় সেখানে যে ঘা হয়, মাছিগুলো তারই উপর মোচ্চব লাগিয়েছিল। মার্কিনী রিপোর্টের দগদগে ঘা থেকে আমি অক্লেশে অনুমান করলুম, আদি ল্যাজটার আকার-প্রকার গড়ন-টং কি ছিল এবং তৎসহ যুগপৎ আরেকটি ফালতো তত্ত্ব আবিষ্কার করে আমি বাঙ্গাল, বাঙ্গালদের সম্বন্ধে বড়ই স্লামা অনুভব করলুম : মার্কিনী রিপোর্টাররা নিতান্তই সস্তা মার্কিন-কাপড়; কাবুলের হাইকোর্টটা যে কোথায়, সে তত্ত্বটাও নিরূপণ করতে পারেন নি।

এনাঁদের এক মহাপ্রভু বলছেন, “প্রশস্ত ধূলিধূসরিত কাবুল উপত্যকার হেথাহোথা এলোপাতাড়ি ছড়িয়ে পড়ে আছে ভাঙ্গাচোরা বুড়ো কাবুল শহর, সেই আদিকালের ‘অপরিবর্তনীয়’ চেহারা নিয়ে। কিন্তু বাহদুশ্চে ভুলো না রে, মন। ‘পরিবর্তন’ এসেছে আগাপস্তলা প্রকম্পিত করে।”

বটে !! কী সে যুগান্তকারী খুনিয়া পরিবর্তনটি ?

“পূর্বে যেখানে ঢুলুঢুলু নয়নে আধো ঘুমে আধা-চেতন কাবুলী কাস্টমস কর্মচারী বাত্মীনের আধাখেঁচড়া তদারকী করে না করে হাতের অলস ইশারায় বিমানবন্দর থেকে তাদের বেরিয়ে যাবার পথ দেখিয়ে দিত, সেখানে” রোমহর্ষিত বিস্মিত মার্কিন বাঙ্গাল দেখলেন, “হাতে টমি-গান নিয়ে ঝাঁকে ঝাঁকে যোদ্ধা (অস্বারোহী কি না, বোঝা গেল না—লেখক) ট্যারমাকের উপর পাহারা দিচ্ছে, প্লেন থেকে নামবার পূর্বেই বাত্মীগণকে নিরাপত্তা-পুলিশ বাজিয়ে দেখে নিচ্ছে (ইম্পেকট করে)।”

মার্কিনের বিস্ময় দেখে আমারও বিস্ময়ে বাক্যক্ষুরণ হচ্ছে না।

আচ্ছা, পাঠক তুমিই বলো, কোন সে মূলুক, হটেনটট বৃশ্মেন যাদেরই হোক, যেখানে চল্লিশ বছরের স্মৃতিস্তম্ভিত রাজাকে বরখাস্ত করে কু দে’তা হলে বিমানবন্দর, রেল ইন্সটিশন জাহাজ বন্দর (কাবুলে এ ছুটোই নেই), ছাউনি, থানা গম্বুজের সামনে তিন ডবল সশস্ত্র সৈন্য মোতায়েন করা হয় না ? পঁচিশের কথা বাদ দাও, আইয়ুব যখন মেনি-বেড়াল মার্কী কু করেছিলেন

তখন রাজধানীতে না, প্রাদেশিক শহরিকা ঢাকা, তারো নিচের সিলেট কুমিল্লায় সেপাই শাস্ত্রী হৈ হৈ রৈ রৈ কাণ্ড করেনি ?

আরো গণ্ডা ছুই কারণ আছে যে-গুলো দফে দফে বলার কি প্রয়োজন ? ধুমুয়ারের সময় আন্তর্জাতিক আগলারদের অবোধ আগমন, প্রাক্তন রাজা জহীরের গুপ্তচর প্রেরণ, কু-জনিত ইনফ্রেশনে টু পাইস কামাবার তরে বিপ্লব চিড়িয়ার গমনাগমন, দাউদের রক্তদৃষ্টিতে বিপ্লব (প্রধানতঃ জহীরের) আত্ম-জনের যেটুকু সোনাদানা আছে সেটুকু সন্তায় ক্রয়করণ, বিশেষ করে জাল পাসপোর্টের সাহায্যে পাকিস্তানী চরদের অহরহ শুভাগমন, আরো কত না বহুবিচিত্র রবাহৃত জনগণ—অস্বাভাবিক অবস্থায় এদের সবাইকে মেকি সিকিটার মত ঘুরিয়ে ফিরিয়ে দেখতে হয়, ডবল জালের ছাঁকনির ভিতর দিয়ে ইস-পার উস-পার করতে হয়। এ কর্ম নিদ্রালু এক গণ্ডা কেরানী দিয়ে হয় না। বাংলা কথা !

বাচ্চাই সাকাও ছিল ডাকু। তত্পরি তার আমলে কাবুলের ভিতরে বাইরে কোনো এয়ার সার্ভিস ছিল না। তথাপি সে করেন অফিসের গুটিকয়েক জাঁদরেল কর্মচারীকে এয়ারপোর্টে মোতায়েন করেছিল। মার্কিন রিপোর্টার কাবুল-বাজারে ছ'চারটি নাতিবৃদ্ধ মুরুব্বীকে শুধালেই তো জানতে পেতেন, ব্যাপারটা রক্তিতর নূতনত্ব ধরে না—তাই বলছিলুম, হাইকোর্টটা যে কোন্ মোকামে অবস্থিত সে খবরটাও সায়েব ঘোগাড় করেন নি।

শেষ প্রশ্ন, এই ভোজবাজির লীলাখেলা ক'দিনের তরে ? পাঠক, আইয়ুবী-জঙ্গী চৌকিদারী এ দেশে কতদিন চলেছিল সে বাবদে তুমি স্পেশালিস্ট, আমি স্কুলবয়। টিমিগান হাতে থাকলে ঘুষ খাওয়ার সনাতন সিস্টেমে ঢোকার পন্থা সহজতর, প্রলোভন খরতর। আখেরে মায় আপিসার, বেবাক সেপাইকে ছাউনিতে ডেকে নিতে হয়—করাপশন আগাপান্তলা ছড়িয়ে পড়ার পূর্বে। আইয়ুবের গদিতে যখন ইয়াহিয়া আসন নিলেন তখন “ফিল্ড-মার্শালের” প্রতি অম্লরক্ত কোনো সেপাই-আপিসার উঠোে কু করলো না কেন ? উত্তরটি প্রাঞ্জল। সবাই করাপট। করাপট-জনের কোনো নেমক-হালানী থাকে না, কারো প্রতি।

কুটি নেই ? কেক খাব

কু যত নিবিয়েই সম্পন্ন হোক, ভোজ্যভব্যের দাম বাড়বেই। মার্কিন সংবাদ-দাতা সুসমাচার জানিয়েছেন, দাউদ মোটা মুনাফাখোরদের গুলি খাওয়াবার ব্যবস্থা করেছেন। ফলে চালের দাম নাকি অর্ধেক কমে গিয়েছে। মার্কিন হুদুমাত্র চালের কথাটা তোলায় বুঝতে পারলুম তাঁর পেটে এলেম কতখানি। কাবুলের সাধারণজন ভাত খায় না। ওটা অতিশয় বিরল বিলাস বস্তু। একশ' মাইল দূরের জলালাবাদ অঞ্চল, দু'শ মাইল দূরের পাকিস্তান থেকে বিস্তর পাহাড়-পর্বত ডিক্রিয়ে তগুলকে পৌছতে হয় কাবুলে। পাকিস্তানী চাল কালোবাজার মারফৎ। সাদায় ক'শ' গুণ টাকসো, জানিনে। কাবুলের পরমাণু লোকও নিত্য নিত্য পোলাও খায় না। বুনেদী ফার্সীতে প্রবাদ, "প্রতিদিন ঈদ নয় যে হালুয়া খাবে—হর রোজ ঈদ নীন্ত কে হালওয়া ব-খুরীদ"। কাবুলে হালুয়ার পরিবর্তে পোলাও বলে।

কথিত আছে, বাচ্চাই সাকাও রাজবাড়ীতে পয়লা খানার সময় দেখে, সমুখে আমান উল্লাহ প্রাসাদ-পাচক প্রস্তুত জাফরানের ভুরুভুরে খুশবাইদার পোলাও। সে নাকি লাথি মেরে ফেলে দিয়ে বলেছিল, "ঐ খেয়েই তো আমান উল্লাহ বিলকুল বুজ-দিল (ছাগলের কলিজাওলা ভীক) হয়ে যায়, আর রাজধানী ছেড়ে পালায় কান্দাহার।" সে নাকি কুটি, কিসমিস আর ছ'চিলতে পানীর—তার মামুলী খাবারই খেয়েছিল।

মার্কিন সাংবাদিকের অত্যুজ্জল রিপোর্ট তথা কিসমিসের স্মরণে আমার হৃদয়ে সাংবাদিক হয়ে ফোকটে ছ'পয়সা কামাবার প্রলোভন জ্বলজ্বল চিতার মত প্রজ্জ্বলিত হয়েছে—তছপরি পাওনাদারের ভয়ে বাড়ী থেকে বেরনো বন্ধ। ভাগ্যিস, আকছারই বিজলি মারে ফেল; তখন স্বজ্ঞকারের সঙ্গে আমার খুদা-দাদ ঘোরতর কৃষ্ণ চর্মবর্ণটি অক্লেশে মিশিয়ে দিয়ে মীরপুর রোডের মোড়ে এক ইয়ারের অন্দরে ছ'ছিলিম তামুক খেয়ে কলিজাড়া ঠাণ্ডা করে আসি।

ভাবছি, কালই বহির্বিশ্বে টেলিগ্রাম ঝাড়বো :

"ঢাকায় কিসমিসের সের আশি টাকায় উঠেছিল। সমাজসেবীদের ভীতি প্রদর্শনহেতু কাল চড়াকসে চল্লিশে নেমেছে।"

লুফে নেবে, স্মরণ, সন্ধ্যাই লুফে নেবে।

বাবুর-নামা অবহেলা বিপজ্জনক

বাবুর বাদশার নাম স্মরণে এলেই আমার কাণ্ডজ্ঞান লোপ পায়। একাধিক মিত্র অবগাই বলবেন, কটা লোকের আদৌ এই বিরল গুণটি থাকে যে সে তোমার কিংবা এবং তোমার মত আর পাঁচটা চুকুম-বুদাইয়ের মস্তিষ্কে ঘন ঘন আনাগোনা করবে? অথচ ইংরেজিতে এই কাণ্ডজ্ঞান সমাসটির অঙ্গবাদ কমন-সেন্স, এবং স্বয়ং ইংরেজই স্বীকার করে যে নামকরণের সময় ব্যাকরণে ভুল হয়ে গিয়েছে। কমনসেন্স সর্বদেশে সর্বকালে বড়ই আনকমন। বরঞ্চ এটাকে আন-কমন-সেন্স বা রেয়ার-সেন্স বলাই প্রশস্ততর—যিনি কিনা গুণীজনের চৈতন্যলোকেও নিতাস্তই ওয়াশ ইন এ ব্লু মুন, বাংলায় বলি রাজা শুক্লবাসে অবতীর্ণ হন! অর্থাৎ, অতিশয় কালেকশ্যনে, নিতাস্তই জীবনের বিরলতম শুভ মুহূর্তে। যেমন ধরুন এ-বাড়ির, পাশের বাড়ির, হয়তো বা আপনার বাড়ির টেলিফোনটি। এনার বেলাতেই বোকা যায়, ইনি মহাপুরুষ। অসাধারণ অর্থাৎ আন-কমন সেন্স দ্বারা যন্ত্রটি টাইটুভূর। সাতিশয় কালেভদ্রে আপনি এঁকে জাগ্রত অবস্থায় পাবেন। ছুটলোকে কয়, আমাদের রাজকর্মচারীরা এ বাবদে অলিম্পিক। আমি তীব্রকণ্ঠে, মোলামুরশিদের দোহাই দিয়ে, যদি পাঠক হিন্দু হন তবে গঙ্গাজলে আকণ্ঠ নিমজ্জিত অবস্থায় তামা-তুলসী স্পর্শ করে, ক্যাথলিক হলে তিনবার দেহের উত্তমার্ধে ক্রুশচিহ্ন এঁকে, বৌদ্ধ হলে উচ্চকণ্ঠে ত্রিশ্রয় মন্ত্রের শরণ নিয়ে জৈন হলে—থাক্, ঐ তো সেকুলার স্টেটের চিরন্তন শিরঃপীড়া, সর্ব্বাইকে আপন আপন অতিশয় গ্রাঘ্য হিন্দু দিতে হয়, এস্টেক বেতার-প্রতিষ্ঠানেও শপথ নিয়ে বলছি, এটা অতিশয় অগ্রায়। অলিম্পিকের কুলে গোল্ড-মেডেল পাবার গগনচুম্বী পাতালস্পর্শী কুন্তকর্ণবিজয়ী হক্ক ধরেন আমার টেলিফোনটি। অবিচল, অবিরল, নিশ্চল, স্তব্ধিমল এয় কাল-কালান্তর-ব্যাপী নিদ্রাটি। স্তব্ধিমল বলার স্রুতি: এনার নিদ্রাতে কোনো মঙ্গ নেই। যথা

শুধু বেঘোরে ঘুম ঘোরে

গরজে নাক বড় জোরে,

বাঘের ডাক মানে পরাভব।

আধারে মিশে গেছে আর সব ॥

(রবীন্দ্রনাথের সর্বাগ্রজ দ্বিজেন্দ্রনাথের কাব্য থেকে উদ্ধৃত)

আমার টেলিফোনটি নাসিকাগর্জনের মত ইতরজনহৃদয় কুকর্মদ্বারা ধ্যান

ধারণার নিযুক্ত প্রতিবেশীকে অবধা অত্যাচার করেন না। করলেই তো তাঁর সর্বনাশ। তদুপেই তাঁর কান দিয়ে

অনেক কথা বলে নেব

এবে তোমার কানে কানে

কত নিশীথ অঙ্ককারে

ছিল কত গোপন গানে ॥

অর্থাৎ তখন তাঁকে ফের কর্মক্ষেত্রে নামতে হবে।

টেলিফোন সম্বন্ধে এতখানি বলার প্রয়োজন হল এই কারণে যে, গত রবিবার ১১-৮ তারিখে আমি লিখেছিলুম আমাদের হাইকোর্টটিকে কলকাতার-টির ১৫৫ উচ্চতররূপে নির্মাণ করার জন্ত আমি হেথাকার “কর্তা-ব্যক্তিদের পই পই করে অত্যাচার করি—অবশ্য ফোন মেরামতীর নিফল প্রচেষ্টাতে নিত্য নিত্য পবিত্রপ্রমাণ যা করতে হয় তার তুলনায় ধূলিপরিমাণ নস্রবৎ”। ইয়াল্লা ছাপাতে বেরুলো, “কোন মেরামতীর নিফল প্রচেষ্টাতে নিত্য নিত্য ইত্যাদি অর্থাৎ “ফোন স্থলে” ‘কোন’ ছাপা হয়ে গিয়েছে। পূর্বে কিংবা পরে ফোনের কোনো ইঞ্জিত ছিল না বলে পাঠকের পক্ষে আগাগোড়া ঠাক্যটাই অযোধ্যা হয়ে গেল। কিংবা পাঠক ভাবলো, আমি একটা বুদ্ধ, কি একটা বাজে রসিকতা করেছি যার মাথামুণ্ড কোনো অর্থ হয় না—রস তো দূরের কথা। কিন্তু এর সঙ্গে তড়িবিড়ি একটা সত্য এস্থলে উল্লেখ না করলে অত্যাচার হবে। টেলিফোন বিভাগ সরকার চালান। যদি বা সাহস সঞ্চয় করে টেলিফোনের প্রতি বক্রোক্তি করবো বলে মনস্থির করেছিলুম, সরকার বাবদে আমার সতত সশঙ্কিত অবচেতন মন—যার জন্ম ইংরেজের গোলামীর যুগে—আমার কলমের কানটি আচ্ছাদে মলে দিয়ে শাসিয়েছে, “অমন কস্মট করতে যাঁস নি। ফোন না লিখে ল্যাখ কোন।” এবং কলমও তাই লিখেছে, ছাপাখানাও তাই ছাপিয়েছে। এর সঙ্গে এটাও বলা উচিত মনে করি, ছাপাখানা যতই ভুল করুক, সে আমাদের মত কাঁচা লেখকের কত যে বানান সংশোধন করে দেয় সে তবু কি কেউ জানে? নেশনাল প্রফেসর স্নানীতি চাটুঘ্যের নাম শুনেছেন নিশ্চয়ই। একদা অর্বাচীন এক সাহিত্যিক আমাদের সম্মুখে ছাপাখানার বিস্তার কুৎসা গেয়ে চলে যাওয়ার পর বাঘা বৈয়াকরণিক স্নানীতি চট্টো বললেন, “হঁঃ, ছাপাখানা যে আমাদের কত না বানান-ভুল শুধরে দিয়ে সমাজে ইচ্ছিত বাঁচায়, তার খবর এ-চ্যাংড়া জানবে কোথেকে?” আমি ঘন ঘন সম্মতি তথা কৃতজ্ঞতাসূচক মাথা নাড়িয়েছিলুম।

টেলিফোনের বেলাও তাই। ঐ বিভাগের কর্মচারীরা ভক্ত এবং ডাক্তারের সঙ্গে এঁদের অনেকটা মিল আছে। ডাক্তার কি কখনো রোগীকে বলে, “দাদা, যা গোরস্তান মার্কা নিউমোনিয়াটি ঝড়-বিস্ফিটে ষোগাড় করে এনেছ, এতে নিদেন তিন হপ্তার ধাক্কা!” ফোন-অফিসার কি করে বলেন, “ঝড়বিস্ফিটে ফোনের তারটির যা হাল হয়েছে, সে তো, দাদা নতুন তারের দাওয়াই না-আসা পর্যন্ত সারবার কথা নয়—সে তো দেড় মাসের ধাক্কা।” নিউমোনিয়া সারতে এক মাস লাগলেও কি আপনি ডাক্তারকে তাড়া লাগান? তবে? ফোনের বেলাই যত গোস্সা!

আমার ব্যক্তিগতভাবে একটা মন্তব্যই রয়েছে। ফোন মারফত আমার বেগুমার পাওনাদার আমাকে বেলা-অবেলায় আর হুনা দিতে পারে না। ঐ তো মাহুষ মাত্রেয়ই দোষ। ভালো দিকটা দেখে না; দেখে শুধু খারাপ দিকটা।

হঠাৎ মনে পড়লো, কাবুলের দূর-আলাপনী প্রতিষ্ঠানটির চেহারাটা। সেকেন্দা আরেকদিন হবে।

আহাম্মুকী

বিষয়টি গুরুতর। সমস্যাটি জটিল। আমার বিচ্ছেদ অত্যন্ত।

বাবুর বাদশা তাঁর ইয়ার আমীরদের মুদ্রাস্ফীতি বোঝাতে গিয়ে বলেছিলেন, “তোমরা কাঁড়া কাঁড়া দিনারমোহর নিয়ে কাবুল পৌছনমাত্রই তো কাবুলের উৎপাদনক্ষমতা সঙ্গে সঙ্গে আকাশ-ছোয়া লক্ষ মারবে না। বাজারে আগে ষে-রকম হাজারটা আঙা উঠতো সেই হাজারটাই উঠবে। মাঝখানে শুধু তোমাদের দরাদরির আড়া-আড়িতে এক পয়সার মাল এক টাকা দিয়ে কিনবে।”

ঠিক ঐ পরিস্থিতিটাই গড়ে তুলেছিলেন ইংরেজ কোম্পানির জাঁদয়েলরা, বাবুরের স্বৃত্যর তিনশ’ বছর পর, আজ থেকে দেড়শ’ বছর আগে। জঙ্গীলাট কীন কান্দাহার গজনী জয় করার পর বিপুল গৌরবে প্রবেশ করলেন কাবুলে এবং তাঁদের হাতের পুতুল শাহ শুজাকে তখতে বসিয়ে লেগে গেলেন বিপুলতর পরাক্রমে নববিজিত রাষ্ট্র আফগানিস্থানের উপর রাজত্ব করতে।

একে তো পুতুল রাজা মাত্রই আফগানের দু’চোখের বিষ, তছুপরি শুজা ইন্দ্রিয়পরায়ণ—জনসাধারণ করলে অসহযোগ। অর্থাৎ খুব একটা স্বেচ্ছায়

সেই সতের-আঠারো হাজার, কাবুলে মোতায়েন, ইংরেজ সেনাদলকে খাবার-দাবার, নিত্যপ্রয়োজনীয় জিনিস কাবুল উপত্যকার লোক এবং নিকটবর্তী জন-পদবাসী বেচতে চায় না। ওদিকে গোয়ার পাল চায়, “প্রতিদিন হালুয়া খেতে”। জিনিসপত্রের দাম চড়চড় করে চড়বার পূর্বেই “সদাশর” ভারতস্থ ইংরেজ সরকার ইনফ্লেশন-ইন্ডেক্সের জন্তু সৈন্ত এবং অফিসারদের বিলাস-ব্যসনের তরে পাঠাতে লাগলেন বে-হিসেব বে-শুমার বস্তা বস্তা মোহর, টাকা কড়ি। এমনিতেই, স্বাভাবিক অবস্থাতেই সতেরো-আঠারো হাজার কালতো, তায় খেতহস্তীকে পোষবার মত গম-মব ফসল, ভেড়া মূগী কাবুল উপত্যকা ও সেই দূর হিন্দুস্থান এলাকা পর্যন্ত জনপদ উৎপাদন করে না। মুদ্রাস্ফীতি ছাড়াই, অর্থনীতির সনাতন আইনেই প্রব্যাভাববশতঃ বাজারে লাগত আগুন। ইতি-মধ্যে আসছে, দিনের পর দিন হিন্দুস্থানের ভাণ্ডার উজাড় করে, সেখানকার তীব্র প্রতিবাদ, করুণ আত্ননাদ উপেক্ষা করে টাকার বি কাবুলের ইনফ্লেশন আগুনে ঢালবার তরে। গোরাগের ছাউনি শহর থেকে বেগ কিছুটা দূরে। শহরগামী গ্রামবাসী মাগাওলা মূগীওলাকে গোরা সেপাইরা করে চোটপাট এবং লুটপাট। ফলে সাপ্লাই গেল আরো কম—যোগানদার স্বদূর গ্রাম থেকে বেরতেই রাজী হয় না।

গোরা মার্কা আজব ইনফ্লেশন

কাবুল শহরের কাছে ইনফ্লেশন হুমা জাতীয় আজব চিড়িয়া নয়। মাহমুদ, তীমুর, নাদির বিস্তার লোক, বিস্তার না হোক, অল্প-বিস্তার ইনফ্লেশন ঘটিয়েছেন কাবুলে, লুটের টাকা ঢেলে। কিন্তু এবারের ইনফ্লেশনে মার খেল কাবুলের ফকির আমীর দুই পক্ষই। সে যা দাম সে দাম দিয়ে কুটি, আগা মটন আঙ্গুর, নাসপাতি, আপেল খেতে পারেন স্নেহ গোরা রায়রাই। ২৫ মার্চের পর টিক্কা গুজীরও নিত্যিনিত্য ছিল হালুয়া। আমীর মোল্লা গেরস্ত সবাই গেল একসঙ্গে ক্ষেপে।

ওদিকে ভারতের রাজকোশে মারাত্মক অর্থাব্যয়। রব ওঠেছে, সরকার মহলেই, “খর্চা কমাও, কড়ি বাঁচাও।” তখন এই পাগলা-অভিযান, ইটারনেল পিকনিকের খর্চা না কমিয়ে ইংরেজ করল আরেক গোমুখামী। মাসোহারা ঘুষ দিয়ে যে সব আফগান সর্দার-আমীরদের এতদিন কোনো গতিকে ঠেকিয়ে রেখেছিল গণবিক্ষোভের আবর্ত থেকে, তাদের ভাস্তা দিল কমিয়ে আর সঙ্গে

সঙ্গে তারা আর তাদের পুষ্টির পাল গেল ক্ষেপে। কোথায় না একদিকে গোরাদের বে-এক্কেয়ার খর্চা কমিয়ে, অন্যদিকে সর্দারদের ভাতা বাড়িয়ে এবং তাদের মাধ্যমে গেরস্তদের হাতে টাকার একাংশ পৌঁছিয়ে বাজারদরে ভারসাম্য আনা হবে, তা না, উল্টে দাঁড়ি-পাল্লার যে দিকটা হান্ডা হয়ে হয়ে হিন্দুকুশের চূড়ো ছুঁই ছুঁই করছিল তার থেকে আচমকা থাবা মেরে সরিয়ে নেওয়া হল তিন খাবলা। ভারি দিকটা এক ঝটকায় ঠাং করে ঠেকলো কাবুলের পাথরে।

জাহান্নমের পথে

উন্নত জনতা তিনজন ইংরেজ অফিসারকে বাড়ি থেকে টেনে বের করে খুন করলো কাবুলের রাজপথোপরি—চৌংকারে চৌংকারে আকাশ-বাতাস বিদৌর্ণ করে।

এর পরের কাহিনী সবাই জানেন। অশেষ লাঞ্ছনা অবমাননার পর প্রায় সাড়ে ষোল হাজার গোরা, নেটিভ—নেটিভ ষংসামাত্তরও কম—কাবুল থেকে বেকলো ভারতের পথে। সেই ভয়াবহ জগদ্দলক্ গিরিপথ, যেটাকে বাবুর পর্যন্ত সমঝে চলতেন, তারই ভিতর কচুকাটা হল শেষ লোকটি পর্যন্ত—না, মাত্র একজন ডাক্তার যখন কোনো গতিকে ছন্নের মত টলতে টলতে জলালাবাদের ইংরেজ ছাউনিতে পৌঁছল তখন সে অর্ধোন্মাদ। এটা আমাকে আর নতুন করে বলতে হবে না, এমন কি আমি স্বয়ং, মোটর ভেঙে ষাওয়ার দরুন, জগদ্দলকে যে-এক রাত্রি কাটাই সে কাহিনী উপস্থিত মূলতবী থাক।

সর্বজনীন সর্বদেশের প্রশ্নমালা

কাবুল শহরে আজও যদি অকস্মাৎ এক গাদা টাকা ফেলা হয় তবে ফল কি হবে? আফগানিস্থানে চিরকালই খাচ্ছাভাব। বহির্বিশ্ব থেকে যে গম ভাল আসবে—মাকিন রিপটারের শৌখীন চাল মাথাখ খাফুন—সেটা আসবে কোন দেশ থেকে, কোন পথ বেয়ে, সেই হঠাৎ-পাওয়া টাকার জোরে? (সে কড়ি কাবুলে ছেড়ে ইনফ্লেশন ডাকার কোনো অর্থ হয় না)। যে ছটো পথ দিয়ে প্রধান শহর কাবুল, গজনা, কান্দাহার, জলালাবাদ বহির্বিশ্বের সঙ্গে সংযুক্ত, সেগুলোর উপর দিয়ে একদা চলাচল করতো উট পাখা ইত্যাদি ভারবাহী পশু।

এখনো বেশী ভাগ তাই। তবে ইয়া, এখন ট্রাকও চলে। এহলে বলে রাখা ভালো, ট্রাকের ইসকুরু বন্ট থেকে আরম্ভ করে পেট্রলের শেষ ফোঁটা পর্যন্ত কিনতে হয় বিদেশ থেকে। এবং ছুটি রাস্তার একটা জগদলক জলালাবাদ হয়ে পৌছয় পাকিস্তানের পেশাওয়ারে, অল্পটিও পাকিস্তানের চমন-কুয়েটাতে।

পাকিস্তানের খুব একটা ফালতো গম ডাল আছে বলে শুনি নি। তবুপরি দুই দেশে খুব একটা দিল-জানের দোস্তী আছে এ কথা আরো কম শুনেছি। তবু পাকিস্তান হঠাৎ খামোখা ঝাউদ খানকে ভারতে কেনা বা মার্কিনদত্ত গম তার দেশের ভিতর দিয়ে পাস করতে দেবে না, এটা চট করে বিশ্বাস করা যায় না। পাকিস্তান খুব-একটা টাকার কুমীর তালেবর মূল্ক নয়। মধ্যবর্তী ব্যক্তি হামেশাই হু'পয়সা কামায়।

কিন্তু প্রশ্ন, আজ, যদি দাউদ খান রুশের সঙ্গে বড় বেশী ঢলাঢলি আরম্ভ করেন এবং মার্কিন চটে যায়, ফলে মার্কিন-পাকিস্তান ইরান এক জোট হয়ে পূর্ব-দক্ষিণ-পশ্চিমের পথ সীল করে দেয় তবে শুধুমাত্র উত্তরের পথ দিয়ে রুশ তাবৎ আফগানকে খানা-দানা দিয়ে বাঁচিয়ে রাখতে পারবে কি, চাইবে কি? আমার জানা নেই, পাঠক বলতে পারবেন, এযাবত রুশ ক'টা দেশকে খানা-দানা দিয়ে বাঁচিয়ে রেখেছে।

তাই আফগানিস্তানকে আপন পায়ে দাঁড়াতে হবে। কিন্তু তার পূর্বে প্রশ্ন, না হয় মেনে নিলুম জহীর' আর তাঁর ইয়ার-বখশীর ছিলেন করাপট্ট। কিন্তু আমান উল্লাহ? লোকটা তো তখুং হারালো প্রগতিশীল ছিল বলে। হবীব উল্লাহ ছিলেন অলস, কিন্তু তিনিও কি চেষ্ঠা দেন নি দেশটাকে সচ্ছল করার? তাঁর পূর্বের বাঘা বাঘা আবদুর রহমান, দোস্ত মুহম্মদ? এঁদের বলবুদ্ধির তারিফ বিস্তর বিচক্ষণ বিদেশী করেছেন। এঁদের মূলধন ছিল না? দাউদ খান যদি পান, তবে পাবেন, একা রুশের কাছ থেকে। হবীব, রহমান, দোস্ত পেতেন হু'পক্ষ থেকেই। সে শোনা-দানা তো তাঁরা চিবিয়ে খান নি। সে সে সব গেল কোথায়? যদি বলেন, আধুনিক বিজ্ঞানের দ্বারা অনেক কিছু করা যায়, তবে শুধোই, ভারত যে ছাব্বিশ বছর ধরে কুলে টেকনিক্যাল কল এন্ডেমালা করলো তার ফলে জনগণের দরিদ্রতা ঘুচলো কতখানি? তবু তো ভারত অনেক কিছু প্রাকৃতিক সম্পদ ধরে, উৎপাদন করে। নেই নেই করে বাংলাদেশেরও গরীবানা-স্বয়ং হু'একটা খুদাদাদ দোলত আছে, শিক্ষিত লোক আছেন, "নো-হাউ" গুণী আছেন। আমরাই কি ভবিষ্যৎ সম্বন্ধে স্বপ্ন-স্বপ্ন

দেখার খুব একটা সাহস পাই? আমি হাড়ে-মিষ্টি অপটিমিস্ট—আমার কথা বাদ দিন।

আফগানিস্থানের আছটা কি?

হাজার বছর পূর্বে একজন চৌকশ বাদশা আটখাট বৈধে আফগানিস্থানকে আপন পায়ে দাঁড় করাতে চেষ্টা করেছিলেন। তাঁর কথা আরেক দিন হবে।

*

* * *

সাধারণজনের বিশ্বাস, বিজ্ঞানের দৈনন্দিন ব্যবহার দুনিয়াটাকে হাজ-মুড়ো বদলে দিয়েছে। টেলিগ্রাফ, বেতার, বিজ্ঞান-বদৌলত নিত্য নিত্য নয়া নয়া দাঁওয়াই ইনজেকশন, খুদায় মালুম আরো কত কি! কিন্তু বিজ্ঞান যে আমাদের এই বাংলাদেশের কি ভয়ঙ্কর সর্বনাশ করেছে মাহুয শেদিকে নজর ফেলে না। এবং সব চেয়ে বড় ট্রাজেডি বলে মনে হয়, এই মুখ-পোড়া বিজ্ঞানের সাহায্যেই আমাদের সে সর্বনাশের অগ্রগতি ঠেকাতে হবে। এ ব্যাপারটা শুধু যে আমাদের বেলাই প্রযোজ্য তা নয়, কি আফগানিস্থান, কি ইরান এমনকি পূর্ব ইউরোপের একাধিক অল্পমত দেশও বিজ্ঞানের প্রকৃতির স্বরূপটা সঠিক ধরে উঠতে পারছে না। সবাই ভাবছে, একবার কোনো গতিকে গাদা গাদা টাকা পেয়ে গেলে তাই দিয়ে কিনে নেব লেটেস্ট মডেলের যন্ত্রপাতি, তৈরী করবো ছদো ছদো মাল—ইংলণ্ড, জার্মানি, আমেরিকা যে রকম করেছে আর সম্বৎসরে চুধে-ভাতে থাকে,—আমাদের বেলাও হবে তাই।

এই বাংলাদেশের ইতিহাস ধারা পড়েছেন তাঁরাই জানেন, এ-দেশ বহু শতাব্দী ধরে অসাধারণ বিস্তারিত ছিল। চতুর্দশ শতাব্দীতে ভূপৃষ্ঠটক ইবন-বতুতা বাংলাদেশ দেখার পর বলেছিলেন, এত সস্তায় (এত বিচিত্র) জিনিস তিনি আর কোথাও দেখেন নি। চীনের মত বিশাল ধনবান রাষ্ট্র, নানা রকমের দ্রব্য নির্মাণে সিদ্ধহস্ত বহু শত বৎসর ধরে পৃথিবীতে অল্প কোনো রাষ্ট্র ছিল না। সেই চীন দেশের লোক বহু শত বৎসর ধরে বাংলাদেশে নিত্য-নিয়ত এসেছে নিপুণ হস্তে নির্মিত বহু বিচিত্র পণ্যসম্ভারের জন্য। সেসব বস্তুর ফিরিস্তি, এ দেশের সমৃদ্ধি সাচ্ছল্যের বিবরণ চীনা ভাষা থেকে অনুবাদিত হয়ে এ দেশে যখন প্রকাশিত হয় তখন আমাদের মত অল্প লোক বিশ্বাসই করতে পারি নি, এত সব অদ্ভুত অদ্ভুত প্রয়োজনীয় তথা বিলাস বস্তু এই দেশেরই লোক একদা নির্মাণ করেছে। কিন্তু সে-দিনের ঐশ্বর্য নিয়ে আলোচনা আজ আমার বিষয়বস্তু নয়। আমার উদ্দেশ্য, ভিন্ন ভিন্ন দরিদ্রদেশ

কি প্রকারে একদা ধনবান হয় এবং আবার সেই দরিদ্রতায় ফিরে যায়। পাঠক যদি বাংলাদেশের কথা মনে রেখে তাদের সঙ্গে সে-দেশ মিলিয়ে তুলনা করে নেন, তবেই আমার উদ্দেশ্য সফল হয়। বহু দেশের বহুবিচিত্র উত্থান-পতনের বহুরূপী ঘটনা, তাদের ধনোপার্জন শিল্পোন্নয়ন প্রচেষ্টা ইত্যাদির প্রত্যেকটি অঙ্গ নিয়ে তার সঙ্গে এ দেশের একই প্রচেষ্টা, সাফল্যলাভ, অধঃপতন তুলনা করতে গেলে এ রচনার নির্ধারিত তত্ত্ব বে-সামাল কলেবরে পরিবর্তিত হবে। রহমান রক্ষতু!

অসামান্য মাত্রা একটি বিষয়ের প্রতি এখানে পাঠকের দৃষ্টি আকর্ষণ করি। একাধিক শুল্কজন দৃঢ়কণ্ঠে বলেছেন, ইংরেজ আগমনের প্রাক্কাল পর্যন্ত এ দেশ দরিদ্র ছিল না। মাত্র শতকরা ষাটজন লোক চাষবাস করতো, শতকরা চল্লিশজন শিল্পজীব্য নির্মাণে নিযুক্ত থাকতো। ইংরেজ যেমন যেমন কলে তৈরী সস্তা মাল এ দেশে ছাড়তে আরম্ভ করলো—নানা কৌশলে দেশের ধনদৌলত লুণ্ঠন করে জনসাধারণের ক্রয়ক্ষমতা কমিয়ে আনার কর্মটা অবশ্যই সঙ্গে সঙ্গে প্রতিদিন বেড়েই চলছিল—তেমন তেমন এ দেশের কুটির-শিল্প লোপ পেতে লাগলো। শিল্পীদের ধনোপার্জনের পন্থা বন্ধ হয়ে যাওয়ার ফলে তাদের সামনে রইল শুধু চাষের কাজ। পূর্বে যে জমি এ দেশের ষাটজনকে কাজে যোগাত, ক্রমে ক্রমে সেটা নব্বুই-পঁচানব্বুইয়ে গিয়ে দাঁড়ালো। জমি সে-ভার, তত্পরি জনসংখ্যা-বৃদ্ধির চাপ সহিতে পারবে কেন? দেশের দারিদ্র্য চরমে গিয়ে পৌঁছল।

রাজার এক্সপেরিমেণ্ট এক্সপেরিমেণ্টের রাজা

গজনির মাহমুদ বাদশা উত্তমরূপেই লক্ষ্য করেছিলেন ভারতের উৎপাদন ক্ষমতা, শিল্পনৈপুণ্য, শিল্পজীব্য-বৈচিত্র্য এবং প্রাচুর্য। এসব রক্ষতানী করে যুগ যুগ ধরে সঞ্চিত হয়েছিল ভারতের অতুল ধনসম্পদ। কথিত আছে, সর্বশুদ্ধ অষ্টাদশবার তিনি ভারতলক্ষ্মী-ভাণ্ডার লুণ্ঠন করেন। এই অষ্টাদশ অভিযানের চেয়ে অল্প লোমহর্ষক একটি মাত্র সংগ্রাম নিয়ে অষ্টাদশ পর্ব মহাভারত লেখা হয়েছে। কুরুক্ষেত্রের যুদ্ধান্তে শূন্য আশান, মাহমুদের প্রতি অভিযানান্তে গজনিতে বৃহত্তর স্বর্ণাভান। পাঠান্তরে সপ্তদশ অভিযানের উল্লেখ আছে। এ পাঠও গ্রহণযোগ্য। মহাভারতের মূলপর্ব মূল মহাকাব্যের পক্ষে সম্পূর্ণ অবাস্তব, সে তত্ত্ব অনস্বীকার্য। অতএব সপ্তদশ পর্বে সম্পন্ন মহাভারত অনাস্ব্যস্তি নয়।

সর্ব ঐতিহাসিক সম্পূর্ণ একমত যে, মাহমুদের লুণ্ঠনের ফলে এ দেশের ধনদৌলত সর্বনাশ। রক্তক্ষরণের মত বেরিয়ে গিয়ে (এপোলিং ড্রেন অব ওয়েলথ) সম্পূর্ণ দেশটাকে হীনবল অসাড় করে দিয়েছিল। এই লুণ্ঠনের খতিয়ান, দফে দফে ব্যয়াম দিয়ে এর পরিমাণ ও মূল্য নিরূপণ সম্পূর্ণ অসম্ভব। একমাত্র নাগরকোট-এর মত দ্বিতীয় বা ইন্টার ক্লাস নগরিকা থেকে তিনি পান, সাতলক্ষ সোনার মোহর, সাতশ' মণ সোনা এবং রূপার পাত, দু'মণ খাঁটি সোনার তাল, দু'হাজার মণ খাঁটি রূপার তাল এবং কুড়ি মণ হীরে, পাশা, মুক্তা ইত্যাদি। বলা বাহুল্য, এ-ইনভেনট্রিতে হস্তীঅশ্ব কামধেহু, অস্ত্রশস্ত্র, বহুবিধ ধাতু, বিচিত্র কারুকার্যময় পট্টিবস্ত্র, কাষ্ঠদ্রব্যাদি—শতাব্দিক আইটেম ধরা হয় নি। একটা অভিযানে, মাত্র একটা নগরিকা থেকে যদি এতখানি সম্পদ লুণ্ঠিত হতে পারে তবে সপ্তদশ অষ্টাদশ অষ্টাদশে অগণ্য নগরে কতখানি পাওয়া যায় তার কল্পনাও অসম্ভব। মাত্র এই 'পরশুদিন' ১২৪৫-এ দ্বিতীয় বিশ্বযুদ্ধের শেষে মিত্রপক্ষ ইয়োরোপে কি পরিমাণ, কত বিচিত্র বস্তু, মায় গুণায় গুণায় সমুচা কারখানা আপন আপন দেশে বাজেয়াপ্ত-জাহাজে করে নিয়ে গিয়েছিলেন, তারই কি লেখাজোখা হয়?

বস্তুত মাহমুদ কি পরিমাণ সম্পদ স্বদেশে নিয়ে গিয়েছিলেন সেইটেই এখানে প্রধান বক্তব্য নয়। কত রাজা কত লুটই না করছেন, সে-সব নিয়ে আলোচনা বুঝা। এই 'শাস্তি'-কালেই যা-লুট পৃথিবীর সবত্র "ভারত ধর্মত" মায় ওয়াটার গেট হচ্ছে তারই খবর রাখে ক'জন? এবং সব চেয়ে সর্বমুখ্য লুণ্ঠন—দেশের ভিতর যখন "রাজার হস্ত, করে সমস্ত কালালের ধন চুরি!"

আমার বক্তব্য এর সঙ্গে সংশ্লিষ্ট বটে কিন্তু ঈষৎ ভিন্ন প্রকৃতির।

এক বাক্যে সর্বজন স্বীকার করেছেন, সুলতান মাহমুদ ছিলেন অসাধারণ গুণগ্রাহী, সর্বমুখী-গুণসম্পন্ন বিদগ্ধ পুরুষ। কবি, সাহিত্যিক, ঐতিহাসিক, পণ্ডিত, জ্ঞানবিজ্ঞানের গুণীজনকে তিনি এমনই অকাতরে অর্থসম্পদ দান করতেন যে দেশ-দেশান্তর থেকে প্রতিভাবান অসংখ্য গুণীজ্ঞানী তত্ত্ববিদ সেই শুষ্ক কঠিন সৌন্দর্যহীন, প্রাকৃতিক সর্বসম্পদে নিরঙ্কুশ বিবাজিত গজদী শহরে জমায়েত হয়েছেন, সমস্ত জীবন সেখানে কাটিয়েছেন। আজ থেকে বছর বিশ-ত্রিশ পূর্বে রাজা মাহমুদের সভাকবি ফিরদৌসী, সভাপণ্ডিত অল-বীকনী সহস্র বাবিকী প্রাচ্য-প্রতীচ্যের বিদ্বজ্জন সাড়ম্বরে উদ্‌ঘোষন করেছেন। অল বীকনী সংস্কৃত জানতেন। ভারতের অপরাধ জ্ঞানবিজ্ঞানের পুস্তকাধি অধ্যয়ন করা সত্ত্বেও তিনি বা অস্ত্র কোনো সভাপণ্ডিত অর্থনীতি নিয়ে বাদশার সঙ্গে

আলাপ-আলোচনা করেন নি, এটা অবিস্মৃত।

. তত্পরি মাহমুদ তো মাত্র একবার ভারতবর্ষ লুট করে সে-ধন গজনীতে ছড়িয়ে দিয়ে তার কুফল হুফল দেখেন নি। অধিকাংশ লুণ্ঠনকারীরা মাহমুদের মত, পরবর্তীকালে বাবুরের মত পর্যবেক্ষণশীল ও অভিজ্ঞতাপ্রসূত জ্ঞানকর্মে নিয়োজিত করার মত জ্ঞানী ছিলেন না; তত্পরি তারা বার বার পুনর্বীর লুণ্ঠন করার মত সুযোগ-কুযোগ পান নি যে আপন অভিজ্ঞতা কাজে লাগাতে পারেন। কিন্তু হু'একবার লুট করার পর স্থলতান মাহমুদ নিশ্চয়ই অর্থ কি, ব্যবসাবাণিজ্যে অর্থের গুরুত্ব কি, অর্থের সফল ও নিষ্ফল প্রয়োগ সম্বন্ধে অনেক-খানি গভীরে প্রবেশ করতে পেরেছিলেন, এই আমার ব্যক্তিগত দৃঢ় বিশ্বাস।

লুট করা ধনদৌলত স্বল্পমাত্রা সঞ্চয় করা বা নিছক উড়িয়ে দেওয়াই যদি তাঁর উদ্দেশ্য হত, তবে তিনি প্রতিবারে প্রধানতঃ বন্দী করে অথবা অর্থের প্রলোভন দেখিয়ে সর্বপ্রকারের আর্টিজান, ছুতোয়, তাঁতী, স্থপতি, প্রস্তর কর্তনকারী, স্বর্ণকার, তাম্রকার, বস্ত্রত হেন শিল্প নেই যার দক্ষ হস্তরী—পালে পালে তিনি স্বদূর গজনীতে নিয়ে যান নি। অতি অবশ্যই তিনি প্রতিমা-নির্মাণকারীদের সন্ধানে কন্ঠিনকালেও বেরোন নি, ঐ যা এক মাত্র ব্যত্যয়। তাঁর উদ্দেশ্য বুঝতে বিন্দুমাত্র অসুবিধা হয় না। কোথায় সে শীতল মলয় আর শস্যশ্রামলা ফুলকুসুমিতক্রমদল শোভিনী মাতা? সেই নির্জলা নিষ্ফলা, সেই পোড়ারমুখো দেশটাকে তিনি চেয়েছিলেন ফলপ্রসূ করতে, কিন্তু কী সে দেশ! তবে কি না, আমি কোন দেশ সম্বন্ধে কি বলি না বলি, কোন দেশের কি ব্যয়ান দিই না দিই, তারই উপর যদি হুচতুর জন আস্থা রাখতেন তবে তো আমি এ্যান্ডিনে বিলেত, নিদেন কাবুলের ফরেন মিনিস্টার হয়ে যেতুম! তা হলে শুধু, সর্বশাস্ত্রবিচারদক্ষ পর্যবেক্ষণ শক্তিতে শার্লক হোমস মাহমুদরানা ধীর কাছে নিতান্ত দুগ্ধপোষ্য শিশুর মত 'আবদিয়া', সেই বাবুর বাদশা গজনী সম্বন্ধে কি বলেছেন,—অমুবাদ প্রিন্সিপ্যাল ইব্রাহীম খাঁর।

গজনীর স্বরূপ

"গজনী একটা দরিদ্র নগণ্য স্থান। আমি ভেবে হামেশাই তাজ্জব বোধ করেছি যে, হিন্দুস্তান খুরাসানের ধারা অধীশ্বর ছিলেন তাঁরা খুরাসানকে বাদ দিয়ে এমন একটা নগণ্য স্থানকে কি করে রাজধানী করেছিলেন।...গজনী ছোট দেশ। এখানে কৃষিকাজ অতি কঠিন। যে-জমি এক বছর আবাদ হয়,

পর বছর সে জমি ফের ভাঙতে হয়।” অথচ বাবুরই বলছেন, গজনী অঞ্চলে পানির অভাব নেই। তত্পরি মাহমুদ এখানে কৃষির জন্য তিনটে বাঁধ তৈরী করেছিলেন। “তার একটার উচ্চতা প্রায় চল্লিশ-পঞ্চাশ গজ!” বাবুর স্বখন গজনী বান তখন তার একটি বাঁধ সম্পূর্ণ বিধ্বস্ত, অষ্টটি মেরামতির জন্য বাবুর কিছু টাকা পাঠিয়ে বলছেন, “আমি আশা করি আল্লার রহমে বাঁধটি নিশ্চয়ই আবার নির্মিত হবে।” তৃতীয়টি তখনও কার্যক্ষম। তাবৎ গজনী জেলা ঘুরে বাবুর বলবার মত যা পেলেন সে “গজনীর আজুর কাবুলের আজুরের চেয়েও ভালো, এখানে তরমুজের উৎপাদনও অনেক বেশী, আপেলও খুব ভাল।” এবং আরো তাজ্জব লাগার কথা যে “গজনীর প্রধান চাষ লাল রং উৎপাদক এক প্রকার লতা। এটি বেশ লাভজনক কৃষি। এ লতা প্রচুর পরিমাণে হিন্দু-স্তানে চালান হয়।”

একাই এক লক্ষ

খুঁটিয়ে খুঁটিয়ে যতই পড়ি ততই সন্দেহ দৃঢ়তর হয়, যে ক’টি দ্রব্য বাবুরের আমলেও গজনীতে উদ্ভব, সেগুলো কারো না কারো চেষ্টার ফলে উৎকৃষ্ট পর্যায়ে তোলা হয়েছে। আমার পক্ষে প্রমাণ করা কঠিন, কিন্তু আমার বিশ্বাস, মাহমুদ ভালো করেই বুঝেছিলেন, বিদেশ থেকে যত সোনা এনেই গজনীতে ছড়াও না কেন, বিদেশীরা সেই টাকার লোভে যতই উৎকৃষ্ট বিলাসবাসনের জিনিস এমন কি খাচাদ্রব্যাদিও গজনীতে এনে বিক্রি করুক না কেন, লুটের টাকাও একদিন নিঃশেষ হয়ে যাবে—যদি না কৃষি এবং শিল্পজাত দ্রব্য দেশ উৎপাদন করতে পারে। এই যে লতার কথা বাবুর বলছেন, এর থেকেও সন্দেহ হয়, মাহমুদ রফতানীর জন্য এটার চাষ প্রবর্তন করিয়েছিলেন। হতুগ্রী এনেছিলেন সর্বপ্রকারের—পোড়ার দেশের লোক যদি কোনো একটা শিল্প শিখে নিতে পারে। কিন্তু পরিষ্কার বোঝা যায়, তিনি যি ঢালছিলেন ভস্মে। ভারতের অর্বাচীন ঐতিহাসিকরা বলেন, মাহমুদের স্বর্ণতৃষা ছিল অস্বাভাবিক। আমার মনে হয়, প্রতি প্রচেষ্টাতে নিষ্ফল হয়ে, লোকটা আবার বেরুতো নয়া ক্যাপিটালের সন্ধানে। আমরা যে রকম এক-একটা ফাইভ-ইয়ার প্লেন শেষে নিরাশ হয়ে ফের বেরুই ডিকার ঝুলি কাঁধে করে। এ কথা সত্য, গজনী শহর-টাকে মাহমুদের মৃত্যুর কয়েক বৎসর পর ঘোর-অধিপতির পুড়িয়ে ভস্মে পরিণত করেছিলেন। কিন্তু এ রকম কত শহর কতবার লুট করে পুড়িয়ে ফেলা

হয়েছে—কোনো প্রকারের উৎপাদন ক্ষমতা থাকলে সে-নগর ফের পুনর্জন্ম লাভ করে। গজনী এক থাকতেই থতম।

হিন্দুস্তানের বিরাট স্বর্ণভাণ্ডার বার বার লুট করে, সে দেশটাকে প্রায় ফতুর করে দিয়ে, কুলে দৌলত পাড় দেশপ্রেমী একজনে সুলতান মাহমুদ অকাতরে ঢাললেন ঐটুকু এক চিলতে গজনী অঞ্চলে। আজকের দিনে একশ জার্মান বা রুশ “নো-হাউ” খেতহস্তীকে পুষতে গেলে আমাদের বেন্টখানা তিন ফুটো টাইট করতে হয়! মাহমুদ এনেছিলেন হাজার হাজার “নো-হাউ” হুয়ুয়ী জলের দরে। পুরো-পাকা প্র্যানিংয়ের জন্ত তাঁর সভায় বিজ্ঞানের অভাব ছিল না।

সেই দোস্ত মুহম্মদের আমল থেকে আজকের প্রেসিডেন্ট দাউদ। অপরিবর্তনীয়তে কি এমন পরিবর্তন ঘটলো, কি এমন সোনাদানা ছুটলো—তাও ধারকর্জার—যে “রিপাবলিক্” নামক নয়া নাম দিতেই কুলে আফগান মূল্যকে মধু-দুধের ছরলাপ লেগে গেল?

তা হলে আর ভাবনা কি? কাল থেকে ঢাকার নাম পালটে বলবো লণ্ডন, “পূর্বদেশের” নাম পালটে বলবো, “দি টাইমস”, আর, হে পাঠক, তোমারও আয়ের অঙ্ক হ্রাশ করে উঠে যাবে লণ্ডনবাসীর কাঁধ মিলিয়ে। ঘরে ঘরে টি-ভি, গারাজে গারাজে মোটর। বছরে দেড় মাস ছুটি মস্কিকালোতে !!

সাধারণ আচরণ

কাবুল থেকে ১৮ই আগস্ট প্রেরিত, কলকাতার ১২ আগস্ট প্রকাশিত খবরে প্রকাশ, পাকিস্তান জাতীয় আওয়ামী দলের নেতা গাউস বখশ বিজ্ঞেনজো এবং আতা উল্লা খান মেংগলের গ্রেফতারীতে আফগান সরকার উদ্বেগ প্রকাশ করেছেন।

ফলে আফগান পররাষ্ট্র মন্ত্রণালয় কাবুলে অবস্থিত পাক রাষ্ট্রদূতকে এডেলো পাঠিয়েছেন এবং গ্রেফতারীর বয়ান দিতে বলেছেন।

ধরে নেওয়া যেতে পারে, আফগান পররাষ্ট্র বিভাগ শুধু যে জনসাধারণকে তাঁদের প্রাপ্তকৃত উদ্বেগের কথা জানিয়েছেন তাই নয়, পাক রাষ্ট্রদূতকে সর্বপ্রথম এই চিত্তবৈকল্যের দুঃসংবাদ জানিয়েই তাঁকে “অভ্যর্থনা” জানাবেন। কাগজে বেরিয়েছে “ডেকে পাঠান” অতএব হয়তো অভ্যর্থনার কোনো প্রশ্নই ওঠে না।

তুনেছি, এদেশে নাকি ইংরেজ আমলে হোম মিনিষ্টার বা স্টেট সেক্রেটারী

ফাঁসীর আসামীর করুণাভিষ্কার আবেদন না-মঞ্জুর করলেও পত্রশেষে পাদনামার লিগতেন, “মহাশয় আপনার একান্ত বশীভূত ভৃত্য হওয়ার গৌরব প্রাপ্ত” অমুক—“আই হাত দি অনার টু বী, স্যার, ইণ্ডার মোস্ট অবিডিয়েন্ট সারভেণ্ট” লেখার পর নাম সহী করতেন। প্রকৃত সত্য নিরুপণার্থে ছুঁচারণন ইয়ার-বংশীকে এই সাতিশয় সিভিল প্রশ্নটি শুধোলে তাঁরা রীতিমত মিলিটারি হাঁক ছেড়ে গাঁক গাঁক করে যে-সব অশ্রাব্য উত্তর দিলেন তার থেকে অনুমান করলুম, তাঁদের প্রতি কখনো সরকার এমন অনুগ্রহ করেন নি যে, জৈনিক নৈবৈতনিক রাষ্ট্রীয় কর্মচারী স্বহস্তে সসম্মানে একটি প্রয়োজনাতীত সুদীর্ঘ নেক-টাই তাঁদের গলায় পরিয়ে, পায়ের নিচের টুলটি এক ঝটকায় সরিয়ে দিয়ে, কবিরের ভাষায় “দোহুল দোলায়” দোহুল্যমান করবে। তথাপি আমার মনে ধোঁকা রয়ে গেল, সদাশয় সরকার এবশ্রকার দুর্লভ গৌরব দেখালে তাঁরা মহারাণীর জন্মদিনে প্রদত্ত খেতাবের মত সে নেকটাই গ্রীবাদেশে পরিধান করতেন কি, না। আমার প্রশ্ন, আদব-কায়দার প্রটোকল সংক্রান্ত।

সচরাচর কাবুলে এগানা-বেগানা কেউ এলেই উচ্চকণ্ঠে সম্বর্ধনা জানানো হয়, “আহুন, আহুন, আসতে আজ্ঞা হোক—ব-ফরমাইদ, তশরীফ আনয়ন করুন—তশরীফ বিয়ারিদ, আপনার কদম মবারক হোক—কদম তান মবারক, আপনার চশম রৌশন হোক—চশমে তান রওশন।” সম্পূর্ণ পাঠটি বেহুদ দরাজ পত্রিকায় গুনজাইশ নেহায়েত তজ। আমি মজবুর হয়ে মখ তসরে কাবুলের সিভিল প্রটোকলটি সেরে নিলুম।

কিন্তু এখানে কার্যকরী হবে, ডিপ্লোম্যাটিক অর্থাৎ কূটনৈতিক কিংবা, রাজদূত সমাগম-মূলত রাজনৈতিক প্রটোকল। সে প্রটোকল বহুরূপী। যেমন ধরুন একটি সুপরিচিত নজীর : বালিনহ ফরাসী রাজদূত কুলোঁত্র পূর্বাঙ্কে এন্তেলা দিয়ে গিয়েছেন জর্মন ফরেন অফিসে—জর্মন পররাষ্ট্র মন্ত্রী যোখিম ফন রিবেন্ট্রুপকে স্বহস্তে একটি মহামূল্যবান রাজপত্র সমর্পণ করতে। রিবেন্ট্রুপ কেমন, ফরেন অফিসের নগণ্য ফুট-ফরমাইশের ছ্যামড়াডা তক জানে সে দাঁজলটি কি।

বিশেষক দৌবারিক ঘর উন্মোচন করে উচ্চকণ্ঠে উচ্চায়ে, “হিজ এক-সেলেনসি সম্মানিত ফরাসী রাষ্ট্রের পরিপূর্ণ অধিকারাদার (প্লেনিপোটেন-শিয়ারি) রাষ্ট্রদূত সর্বোচ্চ সম্মানাদিগতি মসিয়ো কুলোঁত্র।” গৃহমধ্যে উচ্চাসনে বসে আছেন এক দিকে ফন রিবেনট্রুপ। সম্মুখে বী-টাম ফুটবল খেলার মত বৃহৎ টেবিল। অন্তর্দিকে অভ্যাগতের অস্ত্র একখানা নাভি-

উচ্চাসন। কুলোঁত্র অস্ত্রদিনের মত ফরাসী ভাষায় বুজুর বা জর্মনে গুটন টাঁথ বলবেন না। ঘে-চেয়ারে বসার কথা, সেটাকে উপেক্ষা করে ঝুজু কঠিন মেরুদণ্ড টান টান করে খাড়া দাঁড়িয়ে স্বল্পমাত্র গ্রীবাটি ক্ষণতরে পোয়াটাক ইকি নিচু করে বাও করবেন। রিবেন্ট্রপও উঠে দাঁড়িয়ে সম-মেরুদণ্ডে বাও করবেন, মেহমানকে অস্ত্রদিনের মত আসন গ্রহণ করতে অনুরোধ জানাবেন না বা হ্যাণ্ডশেকের জন্ত হাত বাড়াবেন না। বলা বাহুল্য, দুজনারই মুখমণ্ডল দেখে মনে হবে দুজনাই দারুণ কোষ্ঠকাঠিন্য।

আমি একটি প্রকৃত ঘটনারই বিবরণ দিচ্ছি। এটা ঘটেছিল ৩ সেপ্টেম্বর ১৯৩৯-এ। তার আগে আরেকটা ঘটনার উল্লেখ করে নিই। আজ ২২ আগস্ট। চৌত্রিশ বৎসর পূর্বে ঠিক গতকাল আমাদের প্রাপ্তবয়স্ক রিবেন্ট্রপ গিয়েছিলেন মস্কো। সেখানে তাঁকে দেওয়া হয়েছিল এমনই সম্মান, যেটা রাজার রাজার কপালেও কালেকশ্বিনে লেখা থাকে। রিবেন্ট্রপ তাঁর প্রভু হিটলারের হয়ে স্তালিনের সঙ্গে বিশ্বসংসারের অপ্ৰত্যাশিত অকল্পনীয় এক মৈত্রীচুক্তিতে স্বাক্ষর করার পর স্তালিন চেঁচিয়ে উঠলেন, “প গালে, প গালে—গেলাশ গেলাশ।” সঙ্গে সঙ্গে জনা ছয় কমরেড হস্তদস্ত হয়ে ছুটে এলেন সমবেত কমরেডদের জন্ত সেই জায়-আমলের ফেনসি গেলাস, আর ইহলোকের সর্বশ্রেষ্ঠ শ্রামপেন। ফটাকট বোতলের কর্ক লম্ফ মেরে ঠোঁকর দেয় ছাতে। শ্রামপেন বইতে লাগল যেন, জাহুবী-যমুনা, বিগলিত করুণা, নাহি তার তুলনা। স্তালিন মদ খেতে পারতেন জালা জালা। আর-সব কমরেড টেবিলের তলায় বেহেড মাতাল হয়ে অচৈতন্ত হওয়ার পরও স্তালিন একা একা চালিয়ে যেতে পারতেন আরেক পাল শুষ্ক-কণ্ঠ নয় কমরেড না আসা পর্যন্ত। তাদের অবস্থাও হতো তদ্বৎ। হিটলার ছিলেন নিরামিষ-ভোজী, মধ্যে বিরাগ। অথচ তাঁর দোস্ত ছিলেন পাড় পীনেওলা, ফোটোগ্রাফার হফমান। তাঁকে রিবেন্ট্রপের সঙ্গে পাঠিয়েছেন, মৈত্রী-পরবের ছবি তুলতে, আর স্তালিনের সঙ্গে সুধাপানে পাশা দিতে। হফমানই সে জলসার রসময়—উভয়ার্থে—সরাসরী বর্ণনা দিয়েছেন, হিটলার গত হওয়ার পর তাঁর কেতাবে “হিটলার ছিলেন আমার দোস্ত”। এটা হল সৌজন্যের প্রটোকল সুধাপান ম্যাচ ও সেই প্রটোকল অনুযায়ী ড্র বায়।

সে সন্ধ্যায় হিটলার তাঁর সাক্ষপাৎসহ জর্মনিতে পাহাড়ের উপর দাঁড়িয়ে আকাশে “উত্তরের আলো” দেখছিলেন। নৈসর্গিক এই স্মরণশি মাঝে মাঝে দেখা যায়। হিটলারের অন্তঃসত্ত্বা নির্মাণের মন্ত্রী স্পের (যুদ্ধ চালানার অপরাধে

কুড়ি বৎসর জেল খেটে বেরবার পর) তাঁর অনবদ্য গ্রন্থ “স্মৃতিচারণ” গ্রন্থে লিখেছেন, সমস্ত আকাশ টকটকে লালে লাল হয়ে গিয়েছে, আমাদের হাত মুখ যেন সে লালের ছোপে লাল হয়ে গিয়েছে। লালের সেই লীলা-খেলায় আমাদের মন যেন অদ্ভুত এক চিন্তায় নিমজ্জিত। হঠাৎ হিটলার তাঁর অন্ততম মিলিটারি এ্যাডজুটেন্টের দিকে ঘুরে দাঁড়িয়ে বললেন “গাদা গাদা রক্তের মত দেখাচ্ছে। মনে হচ্ছে, এবারে বিনা রক্তপাতে আমরা সফল হব না।”

আমার এক বোন এবং সিলেটের আরো কে জন বলছিলেন, তাঁরা ১৯১১-এর ২৫ মার্চে রক্তে রান্ধা অস্বাভাবিক টকটকে লাল সূর্যাস্ত দেখেছিলেন। এঁদের দুজনাই অতিশয় ধর্মনিষ্ঠ, সর্ব কুসংস্কারবঞ্চিত। তবু নাকি তাঁদের মনে এক অজানা অশান্তি অনেকক্ষণ ধরে জেগে রয়েছিল।

হিটলারি হেকমত

শাক সে-কথা। খুব একটা দূরে চলে আসি নি। আর সামনেই ওরা সেপ্টেম্বর। কুলৌত্র রিবেনট্রপ দুজনাই যেন আজন্ম মুক বধির—এতক্ষণ অবধি। অতঃপর কুলৌত্র প্রতিটি শব্দ যেন হরফ গুনে গুনে পড়ে গেলেন জার্মানির বিরুদ্ধে ফ্রান্সের যুদ্ধ-ঘোষণা। ঘোষণাস্ত্রে এম্বলে রিবেনট্রপ ত্রিবিধ পশার যে কোনো একটা বেছে নিতে পারেন। নীরবে ঘোষণাপত্র গ্রহণ করতে পারেন, কিংবা বলতে পারেন তিনি এ ঘোষণা আন্তর্জাতিক বিধিবিধান বিরোধী বে-আইনীরূপে গণ্য করে ঘোষণাটা রিজেক্ট করছেন, কিংবা ঘোষণা সহজে আপন মস্তব্য প্রকাশ করতে পারেন। রিবেনট্রপ কথায় বদনে, প্রকৃতিদত্ত তাঁর বেতমীজ কণ্ঠে অতি দীর্ঘ এক বিবৃতি পড়ে যেতে লাগলেন—অবশ্য দুই পালোয়ানই তখনো ঝাণ্ডার ডাণ্ডার মত দাঁড়িয়ে রয়েছে, নড়ন চড়ন-নট-কিছু—দফে দফে ব্যান করলেন ফ্রান্সের অগুণতি অপরাধ, বর্তমান পরিস্থিতির জন্ত নীরস্ত্র নিরবচ্ছিন্ন গুণাগার হারামী একমাত্র ফ্রান্সই, জার্মান গলাজলে ধোয়া তুলসী পাতাটি। সর্বশেষে কণ্ঠস্বর এক পর্দা চড়িয়ে বললেন, যুদ্ধ যদি লাগে তবে ফ্রান্সই সর্বাংশে দায়ী।

মসিয়ো কুলৌত্র স্থিরদৃষ্টিতে রিবেনট্রপের দিকে তাকিয়ে দুটি মাত্র শব্দ বললেন, “লিগ্তোয়ার জুজরা”—“বিচারিবে ইতিহাস”। বুধা বাক্য। ইতিহাসই সর্বশ্রেষ্ঠ এবং সর্বশেষ বিচারক।

প্রথম দর্শনের মাথা নিচু করে বাও করা থেকে মাথা পরিমাণ কমিয়ে

পুনরায় বাওয়া করার আভাসটুকু ছুঁইয়ে কুলোঁজ ধীর পদক্ষেপে গ্রহণ করলেন। ব্যস। ইরানী জবানে বলে, “অতঃপর আলোচনার গালিচাখানি গুটিয়ে গুটিয়ে রোল করে বোম্বা পাকিয়ে ঘরের এককোণে দাঁড় করিয়ে রাখা হল।”

এ-ধরনের ঘোষণার শেষে প্রথম পাঠেই, উভয় দেশের ইলচির স্বদেশ প্রত্যাগমন বাব্বাহাদি সম্বন্ধে দু-একটি নিতান্তই প্রাতি পরিবর্তনে অপরিবর্তনীয় ফরমূলা থাকে। আমার টায়-টায় মনে নেই। এ ছনিয়ার নাতিহ্রস্ব জিন্মগীর চন্দ রোজের মুসাফিরীতে এ-তাবৎ “তোকে আমি দেখে নেবো” চারটি মাত্র শব্দ বলে কাউকে নিরস্ত্র কথাকাটাকাটির নির্জলা যোঝায়ুঝিতেও দাওয়ার জ্ঞানাতে এ ভীক আদার ব্যাপারী ধারকর্জ করেও হিম্মটুকু যোগাড় করতে পারে নি—সে রাখবে মানওয়ারী আহাজের খবর!

কাবুলী কায়দা

বেলুচিস্তানে কয়েকজন হোমরাসোমরাকে গ্রেফতার করা হয়েছে। তাঁরা যতই গেরেমভারী হন না কেন, তাই নিয়ে আফগানিস্তান হিটলারি হেকমতে তুল কালাম কাও করবে অর্থাৎ সেটাকে আন্তর্জাতিক আইনে যাকে বলে ‘কাজুস বেঞ্জি’—‘ওয়ার কজ’, ‘যুদ্ধ ঘোষণার ক্ষত্র যথেষ্ট কারণ’ এ কথা বলবে না। অবশ্য আমাদের সকলেরই ব্যক্তিগত অভিজ্ঞতা বলে খুন জখমের মত মারাত্মক ব্যাপারের মূল কারণ খুঁজতে গিয়ে প্রায়ই শেষটায় দেখি, অতি তুচ্ছ “কারণে” বিবাদের সূত্রপাত হয়েছিল। বড় বড় যুদ্ধের পিছনে আকছায়ই দেখা গেছে, যে কারণে আখেরে লড়াই শুরু হয় সেটা কোনো কারণই নয় ইতিহাস বার বার সে সাক্ষ্য দেয়। উপস্থিত আফগান পক্ষ কি ভাবে তাঁদের বক্তব্য, আপত্তি, প্রতিবাদ, শাসানো যেটাই হোক পেশ করবেন বা চোখ রাঙ্গাবেন তার উপর আখেরী নতীজা অনেকখানি নির্ভর করছে। আমরা তাই একাধিক কাল্পনিক ছবি আঁকতে পারি মাত্র :

আফগান পররাষ্ট্রমন্ত্রী, স্বয়ং সরদার দাউদ বা তাঁর প্রতিনিধি : বেলুচিস্তানে এ-সব কি হচ্ছে ?

মি: ভুট্টোর নির্দেশ অহুঘায়ী পাক রাষ্ট্রদূত (যদি মোলায়েম হওয়ার নির্দেশ থাকে) “হেঁ হেঁ হেঁ ! কিছু না, কিছুটা না।” (যদি গরম নির্দেশ থাকে) “তোমার ভাতে কি ভেটকি-লোচন ?”

আফগান পক্ষ : “বটে! আমার তাতে কি? এ-সব জুলুম চলবে না। দেশ শান্ত করো।”

পাক পক্ষ : “ওটা আমার ঘরোয়া ব্যাপার।” এই ঘরোয়া-ব্যাপারের জিগির গেয়ে গেয়ে পাকিস্তানের গলায় কড়া পড়ে গেছে।

আ প : “নিতান্তই আন্তর্জাতিক, দ্বি-রাষ্ট্রীয় ব্যাপার এটা। দেশের লোককে বেধড়ক ঠাণ্ডাবে, তারা শুধু বেলুচ নয়, পাঠানও বিস্তর, তারা সীমান্ত পেরিয়ে আমার দেশে বামেলা লাগাচ্ছে, এদেশের পাঠানকে তোমার দেশের পাঠান দিবারান্তির তাতাচ্ছে, তোমার সঙ্গে লড়াই দিতে।”

পা প : “তোমার দেশ তুমি সামলাও।”

আ প : “ইত্তিয়ার বাড়ে একবার লক্ষ লক্ষ বাঙ্গালী চাপিয়ে যে আক্কেল-সেলামীটা দিলে তার পরও তোমার হুঁশ হল না?”

পা প : “কেন, খারাপটা কি হল? ইয়াহিয়া গেছে, বেশ হয়েছে। আমরা ‘নরুন দিয়ে হাঁড়ি পেলুম তাক ডুমাডুম ডুম।’ আমরা ইয়েহিয়া দিয়ে ভুট্টো পেলুম, তাক ডুমাডুম ডুম। জানে লুকমান, বিচারে সুলেমান, বুদ্ধিতে—”

আ প (বাধা দিয়ে) “সুলেমান শব্বের সঙ্গে মিল একটা বিশেষ জনের আছে, কিন্তু—”

পা প : (বাধা না মেনে)

“সুধা পানে এজ্জিদ শা।

জঙ্গী লড়ায়ে কামাল পাশা ॥

ফলসফাতে আফলাতুন—”

অকস্মাৎ দৌবারিকের প্রবেশ। হস্তদস্ত হয়ে বললে, “বাঙ্গালা দেশ, না কি ঘেন নাম, সেখান থেকে কিছু লোক সৌদরী, না কি ঘেন লকড়ি, না লাঠি—নিয়ে এসেছে।”

আ প : “কি তাজ্জব! পাকিস্তানের লোকটা গেল কোথায়?”

ঘরে বাইরে, জেলে বাইরে

বিংশ শতাব্দীর যে-একটি সম্পূর্ণ নূতন পরিবর্তন দেশের শিক্ষাদীক্ষার সঙ্গে সংশ্লিষ্ট সবাইকে একদা চিন্তিত করে তোলে এবং আজ যেটা নিতান্ত বৃড়ো-হাবড়া ছাড়া আর-সবাই অত্যন্ত স্বাভাবিক বলে ধরে নেয়, সেটা ছাত্রদের রাজনীতিতে যোগ দেওয়া নিয়ে। আজ যদি ঢাকাতে কোনো একটা ঘটনা

সর্বসাধারণের মনে গভীর ক্ষোভের সৃষ্টি করে এবং পর দিন তারই ফলে দেখা যায়, আপিস-আদালত-দোকানপাট বন্ধ, বেতার কথা কয় না, কাগজওয়ালা কাগজ দেয় নি আর রাস্তায় রাস্তায় বিরাট বিরাট মিছিল কুজে শহরটাকে গিলে ফেললে, শুধু—শুধু কোনো মিছিলে একটি মাত্র ছাত্র—সরি—ছাত্রীছাত্র নেই, তবে আপনার-আমার মন কি ধরনের ঝাঁকুনি, বরঞ্চ বলা উচিত, কি ধরনের বিজ্ঞলির শক্ খাবে সেটা কল্পনা করতে পারেন কি? কারণ শুধিবে যদি শুনতে পান, ছাত্র-ছাত্রীরা বাড়িতে হোস্টেলে দোর খিল দিয়ে পাঠ্যবই পড়ছে এবং বলছে, প্রশাসনে ধোগ দিলে লেখা-পড়া করবো কখন? তোমরা মিছিল করে গণতন্ত্র, শৈব্রতন্ত্র, জুস্তাতন্ত্র, যে চপের গবরনমেন্টই কায়ম করো না কেন, দু’দিন বাদে সেটা চালাবার জন্ত আমরাই তো হব মন্ত্রী, সেক্রেটারী, পার্লামেন্টের মেম্বর, ডাক্তার, উকিল, ইঞ্জিনিয়ার। এখন যদি রাজনীতি, অর্থনীতি, এডমিনিস্ট্রেশন, গরুরহ ভালো করে না শিখি, তবে সরকারের রূপটা পাণ্টে কিই বা এমন পাকা ধান ঘরে তুলবে তোমরা?”

সত্যিই তো। ৪৭-এ যখন ভারত সরকার তৈরী হল, তখন দেখা গেল যেসব আয়োজকসংগঠন নেতারা মন্ত্রী হলেন, যারা পার্লামেন্টের মেম্বর হলেন, তাঁদের বেশীর ভাগই কলেজজীবন থেকে পরিণত বয়স পর্যন্ত কাটিয়েছেন জেলে জেলে। মাঝে-মিথিলে আম-কাঁঠালের ছুটিটা-আমটা পেয়েছেন বটে, কিংবা অতীব অফারনে, হঠাৎ করে গাঁধী বড়লাটে একটা ফয়সালা হয়ে যাওয়ার বরকতে এবং ঐ স্বাধীন জেলগুলোর চুনকাম-মেরামতী, তদুপরি জেল-সাম্রাজ্যের ইনসপেক্টর জেনারেল গোরা রায়দের বহুদিনের প্রাণ্য “হোম” যাওয়ার মূলতুবী ফালো ছুটি যখন আর কিছুতেই ঠেকিয়ে রাখা যায় না, এহেন ত্রাহম্পর্শ উপলক্ষে তাঁদেরও কিছুদিনের তরে নেটিভ হোম দেখার জন্ত মহামান্ন সভ্যদের রাজসিক অতিথিশালা থেকে কোঁটিয়ে বের করে দেওয়া হয়েছে—এ-সত্যটাও অস্বীকার করা যায় না। ততোধিক অস্বীকার করা যায় না, কেউ গেরিয়েছেন খুঁড়িয়ে খুঁড়িয়ে, কেউ ডিগ্রিহীন জ্বর-যক্ষা নিয়ে, কেউ বা স্ট্রেংগরে শুয়ে শুয়ে বাড়ি এসেছেন, যাতে করে তাঁর হাড়িগুলো বাপ-পিতেমোর হাড়ির সঙ্গে সম্মিলিত হয় : সরকারী ইংরিজিতে বলা হয় যাতে করে “হিজ বোনস আর গ্যাদার্ড আনটু হিজ ফোর-ফাদার্স,” অথবা একই স্থানে পিতৃপুরুষের ভ্রমের সঙ্গে তাঁর ভ্রম মিলিত হবে বলে।

স্বহই হোন আর নিম-মরাই হোন, ঐ চন্দ্ররোজের ফুরসতে তাঁরা যে মার্শাল মার্কস কেইনস লাসকি পড়ে বিচ্ছাদিপ্গজ পণ্ডিত হয়ে যাবেন কিংবা

দেশের বাজেট কিভাবে চৌকশ ব্যালানস করে বানাতে হয়, অথবা নামকে-
ওয়াস্তে যে সব এসেমব্লির তখনো সেসন হচ্ছে, সেগুলো নিত্যদিন এটেও করে
তর্কাতর্কি, নন-কনফিডেন্সের ঘোল খাওয়ানোর কারদা-কেতা রপ্ত করে নেবেন
এমনভরো ভুরাশা করা যায় না।

আমার পাপ মন থেকে কেমন যেন একটা বেয়াদব সন্দেহ কিছুতেই দূর
হতে চায় না, মহাত্মা গান্ধী তাই বোধ হয়, স্বরাজ লাভের পর সভয়ে পার্লামেন্টের
ছায়াটি পর্যন্ত মাড়ান নি। হিন্দু মহাসভার হামলাতে কুপোকাং হয়ে
যেতেন না তিনি? আপনারা বলবেন, “ক্যান? বারিসডরিডা তেনার পাস
করা আছিল না?” হঃ! খুব আছিল! কলকাতা পার্কে বিলিতি কাপড়
পোড়ানোর জন্ত যখন একদিন আসামী হয়ে দাঁড়ালেন, ততদিনে বেবাক ব্যারি-
স্টারি বিছো কর্পূর হয়ে উপে গিয়েছে—হাওয়ার হাওয়ার! সঠিক মনে নেই,
কাকে উকিল পাঞ্চি ছিলেন। আমাদের চাটগাঁয়ের সেনগুপ্তকে? তিনি
তখন জেলে না বাইরে, তাও ভুলে গিয়েছি। বাইরে থাকলে তাঁকেই ধরা
উচিত ছিল। তাই বলছিলুম, আইনের এলেম যদি তাঁর পেটে এক দানাও
থাকতো তবে কি তিনি নিদেন একটা ডেপুটি মিনিস্টারও হতে পারতেন না!
পক্ষান্তরে স্বরণে আনুন, গান্ধী যে রকম পালিমেণ্টের মুখ দর্শন করেন নি, লেট
ব্যারিস্টার জিন্নাও ছবছ তেমনি জেলের মুখ দর্শন করেন নি। তিনি কাইদ-ই
আজম, সদর-ই-পাকিস্তান হবেন না, তো হবে কে? গান্ধী?

এই জেলের কথা যখন নিত্যন্ত উঠলোই তখন রবীন্দ্রনাথের কথা মনে
পড়লো। তিনি তো কোনো প্রকারের দেশ-সেবা করেন নি, কোনো প্রকারের
“বাণী” রেখে যান নি, তাই বলছি। রবীন্দ্রনাথ যখনই খবর পেতেন তাঁর কোনো
প্রাক্তন ছাত্র, কোনো ছাত্র বা শিক্ষকের আত্মীয় ভগ্নস্বাস্থ্য নিয়ে জেল থেকে
বেরিয়েছে বা তার কোনো পরিচিত রুগ্ন যুবুরি পিছনে পুলিশ বড্ডবেশী ভাড়া
লাগাচ্ছে, সে ক্রমাগত স্থান পরিবর্তন করতে বাধ্য হচ্ছে, তখন তাকে ডেকে
পাঠিয়ে বলতেন, “এখানে থাক। শরীরটা সারিয়ে নে। লাইব্রেরি রয়েছে।
পড়াশোনা কর।” যদি তাঁর মনে হতো, পুলিশ নাছোড় বন্দা, তাহলে টেগার্টকে
জানিয়ে দিতেন, “আমার এখানে অমুক এসেছে, রুগ্ন শরীর সারাতে। আমি
কথা দিচ্ছি, সে যতদিন এখানে আছে, এ্যাকটিভ পলিটিকস করবে না।”
কেন জানিনে, টেগার্ট কবির কথা শুনতেন এবং আরেকটি ঘটনার কথা আমি
ভালো করে জানি। রবীন্দ্রনাথের বনিষ্ঠ এক সুবা, এ-দেশে কম্যুনিজমের
উদয়-কালে সে-সমত্বাদের অত্যাংসাহী সমর্থক ও প্রচারক হয়ে যায়। টেগার্ট

যে-কোনো কারণেই হোক, তাঁকে ধরতে চান নি। কবিকে জানান, “অমুককে বলুন না, সে মন্ডো চলে যাক। কম্যুনিজম স্বচক্ষে দেখে আসুক। আমি তাকে পাসপোর্ট দেব।” হয়তো টেগার্ট ভেবেছিলেন, দূর থেকে অনেক জিনিসই স্মরণ দেখায়, কবি বায়রণের ভাষায়, —

“সে যেন জীর্ণ প্রাসাদ ঘেরিয়া

গ্রামা লতিকার শোভা,

নিকটে ধূসর জর্জর অতি

দূর হতে মনোলোভা।”

যুবার সঙ্গে আমার বালিনে দেখা হয়। টেগার্টের আশা আধাআধি সফল হয়েছিল। ভব্রলোক তখন স্তালিনের নাম শুনলে ক্ষেপে যেতেন। মন্ডো থেকে দৃঢ় ফিরে এসেছেন। তাঁর মতবাদ হয় স্তালিনের পছন্দ হয় নি কিংবা অন্য যে কোনো কারণেই হোক, তাঁকে রাশা ছেড়ে বালিন চলে আসতে হয়। কিন্তু মার্কসিজমে দৃঢ়তর বিশ্বাস এবং আস্থা নিয়ে তিনি কম্যুনিজমের জন্মভূমি ত্যাগ করেছিলেন।

পলিটিক্‌স্-হীন ছাত্রসমাজ ?

কল্পনাও করা যায় না, কি গুমোট গরমে এই ঢাকায়, কি কাবুলের মোলায়েম ঠাণ্ডায়—আজকের দিনে।

গুন গুন করছি,

রজনী নিদ্রাহীন
দীর্ঘদন্ধ দিন,
আরাম নাহি যে জানে।
ভয় নাহি ভয় নাহি,
গগনে রয়েছে চাহি
জানি ঝঞ্ঝার বেশে
দিবে দেখা তুমি এসে
একদা তাপিত প্রাণে॥

রাত দুটো বাজতে চললো। আল্লা মেহেরবান। ঝঞ্ঝা থাক মাথায়। ঝঞ্ঝার গুরু সাইক্লোনের ক্রপায় এ-দেশটা যায়-যায়। মোলায়েম ঠাণ্ডা হাওয়া আসছে। বৃষ্টিগঙ্গা ছাড়িয়ে, বাংলাদেশ রাইফেলসের বিরাট মাঠ পেরিয়ে, চাঁদমারি টিলাটার বেগুনের ভিতর দিয়ে। কিন্তু হায়, কোথায় সে বেগুন—দেড় বছর আগেও যা ছিল? টিলাটার নিচ দিয়ে বারো মাস বেয়ে যায় ক্ষীণ জলধারা, কচুরিপানা ঠেসে ঠেলে এগোয়, ছোট্ট নালা বেয়ে সাত-মসজিদ-রাস্তার দিকে। আর বর্ষার তার কি দাপট! এই এখন মুহূ পানে আকাশ-ছোয়া বাঁশ তুলে তুলে এ-ওর গায়ে পড়ে মুহূ মর্মর গানে মর্মের বাণী শোনাতো, কানে কানে, কত গোপন গানে গানে। আর বর্ষার আকাশ-বাতাসের দাপটের সময় দেখেছি, অরণ্য হতাশ প্রাণে, আকাশে ললাট হানে—শহীদের মাতারা যেন আকাশে মাথা কুটছে, বিরাম না মেনে চলছে তাদের ক্রন্দন!

সে বেগুন দেড় বছরে আজ প্রায় নিঃশেষ। যে পারে, যায় ইচ্ছে কেটে নিয়ে গেল প্রথম দীর্ঘাক্ষীদের। এখন কচি বাঁশগুলো যখন কাটে, তখন আমি হুকানে আব্বুল গুজ্জ দাঁতে দাঁত কাটি। হাউসমানের কবিতায় পড়েছিলুম, হতভাগার ফাঁদী হবে পরের দিন ভোরে। নিরেট অঙ্ককারে চোখ মেলে সমস্ত রাত ধরে শুনছে, খট খট শব্দ। বাইরে ফাঁদীকাঠ তৈরী করছে মিস্ত্রিরা—তারই পেরেক ঠোকার খট খট আওয়াজ রাতভর। ঐ কাঠেই সে ঝুলবে; খাড়ে দড়ি বেঁধে দেবে ফাঁসুড়ে। হাউসমান কবিতা শেষ করেছেন এই বলে,

ঘে-ঝাড় খুঁড়াতালা তৈরী করেছিলেন অশ্রু উদ্দেশ্য নিয়ে... মট করে মটকাবার জন্ত না।

শেষ বাঁশ কাটা হয়ে গেলে আমিও শান্ত পাবো। কিন্তু মরবে আরেক জন।

যে-টিলাটার উপর চাঁদমারির পাঁচিল, সেটা নালার সঞ্চয়সর বয়ে যাওয়া পানিতে, বিশেষ করে বর্ষার প্রবল আঘাতে খেন ক্ষয়ে গিয়ে ধসে নেমে পাঁচিলটা ছড়মুড়িয়ে ভেঙ্গে না পড়ে, তাই টিলাটার সাহুদেহ, নালার কিনারা অবধি সমস্তটা ছেয়ে বাঁশ লাগিয়েছিলেন সেই দূরদর্শী গুলী ঘিনি চাঁদমারির পুরো প্ল্যানটা তৈরী করেছিলেন—তিনি বান্ধালা। আমার মত মূর্খও বাঁশবনের তত্বটা বুঝতে পারে। এখন অন্ধকার—কৃষ্ণা দশমী; বলতে পারবো না, আর ক’টা কচি বাচ্চা বাঁশ অবশিষ্ট আছে। দিনের আলোতে গুনতে দেড় আঙ্গুলের বেশী লাগবে না।... লোকে বলে, “যাক্ না কেন জোয়ার জলে। থাক্ না কেন বাঘে। কোন অভাগা জাগে।” আমার তাতে কি! ভাঙবে ব্যাটা পাঁচিলটা।

ছাত্ররা বলেন, “পেশাদারী পলিটিশিয়ান দেশের কথা যত না ভাবে, নিজের স্বার্থের কথা ভাবে ঢের ঢের বেশী (নিউগেটের পর কে অস্বীকার করবে এ তত্বটা?)। আমরা এখনো সংসারে ভুড়িয়ে পড়ি নি। আমরা করাপট হব না, চট করে। পারলে হুঁচর জন করাপট প্রফেশনালদের ঠ্যাঙ্গাতেও আমাদের বাধবে না।” কথাটার মধ্যে ও বাইরে গভীর জ্ঞান ও আত্মবিশ্বাস স্বপ্রকাশ। প্রাচ্যের পলিটিকসে করাপশন বেশী বলেই এ-ভূখণ্ডে প্রথম ছাত্র আন্দোলন আরম্ভ হয়। কাবুল পর্যন্ত পৌছতে একটুখানি সময় লেগেছে। বছর দশেক পূর্বে কাবুল পালিমেন্টে বোর্কাহান, অনবগুষ্টিতা একজন মহিলা সদস্য লেকচার দিতে উঠলে, প্রাচীন-পন্থী কট্টর আরেক সদস্য ছুটে গিয়ে, তাকে আক্রমণ করে, তাঁর জামা-কাপড় ছিঁড়তে আরম্ভ করে। নিরুপায় হয়ে তিনি পালি-মেণ্টগৃহ ত্যাগ করে প্রাণপণ ছুটে গিয়ে একটা হস্টেলে ঢোকেন।

ছাত্ররা তাঁকে আশ্রয় দেয়। খবর পেলেম এবারে তারা খোলা ময়দানে নেমেছে। তাদের ভিতর মাও, মস্কো, র্যাডিকাল তিন দলই আছে। ভাবছি, সিরীজের শিয়োনামাটা পাঁটাবো কি না।

*

* *

মোন-জো দড়োর বংশধর দড় বেলুচ

‘মৃত’, ইংরিজি ‘মর্টেল’ ‘মার্ডার’, ফরাসী ‘মর’, জার্মান ‘মর্ড’, ফারসী ‘মুর (দন)’, গ্রীক ‘ত্রতস’—ইণ্ডো-ইয়োরোপীয়ান সর্ব ভাষাতেই ‘মরা’ অর্থে সংস্কৃত ‘মৃ’=‘মরা’ পাওয়া যায়। বর্তমান দিনে উত্তর ভারতের সব ভাষাতেই ঐ ‘মৃ’ পাওয়া যায়, বাংলায় ‘মরা’, হিন্দীতে ‘মরণা’ ইত্যাদি ইত্যাদি।

সিদ্ধীতেও ঐ ‘মো’ দিয়েই ‘মর’ মাহুষের সর্বশেষ ইচ্ছা-অনিচ্ছাকৃত কর্মটি প্রকাশ করা হয়। সেই ‘মো’-এর সঙ্গে ‘ন’ যোগ দিয়ে ‘মৃত’ শব্দের বহুবচন নির্মাণ করা হয় : ফলে সিদ্ধীতে ‘মোন’ শব্দের অর্থ ‘মৃতরা’। উচ্চারণ করার সময় সিদ্ধীরা আমাদের মত ‘মোন’ বা ‘মন’-এর মত করেন না। আমরা, পূর্ব বাংলায়, যে রকম মেঠাই ‘মোহনভোগ’ উচ্চারণ করার সময় ‘মোহন’ শব্দের ‘হ’টি ‘অ’-এ পরিণত করে ‘মোটা’ আরেকটু লম্বা করে দি, সিদ্ধীরাও ঠিক তেমনি উচ্চারণ করেন, যেন শব্দটা ‘মোঅন’। বাংলায় আমরা যে রকম ‘বড়র পীরিতি বালির বাধ’ বাক্যটিতে বড়লোকদের সঙ্গে তাঁদের পীরিতির সম্পর্ক বোঝাবার জন্য ‘র’ অক্ষর যোগ দি, কিংবা ইংরিজিতে ‘ফুলস প্যারাডাইজ’—‘আহাম্মকের স্বর্গ’, ‘ডগস টেল’—কুকুরের ল্যাজ বাক্যে এপস-ট্রফি এবং ‘এস’ অক্ষর যোগ করি, হিন্দুস্তানীতে ‘রহমতকা বেটা’—রহমতের ছেলে বাক্যে ‘কা’ জুড়ি, সিদ্ধীরা তেমনি ‘মৃতদের টিলা’ আপন ভাষাতে লেখেন ‘মোন-জো দড়ো’, উচ্চারণ করেন প্রাগুক্ত পদ্ধতিতে—‘মোঅন (কিন্তু ‘মো’ আর ‘অ’-এর মাঝখানে আরবীর হামজার মত সামান্য আমরা একটুখানি থেমে ঘাই, সেটা করা হবে না, ‘মো’-র ও-কারটা শুধু দীর্ঘতর করতে হবে) জো দড়ো’।

প্রাচীন সিদ্ধু-সভ্যতার ভগ্নস্বপ্ন যে স্থলে আছে, তার আশপাশের আধুনিক জনগণের মধ্যে একটা বহুদিনকার কিংবদন্তী প্রচলিত ছিল, ঐ টিলার নিচে বিস্তর মৃতজন রয়েছে। সঠিক কিন্তু তড়িঘড়ি অহুমান করে বসবেন না, যে ঐ (লারকানা) অঞ্চলের জনপদবাসী—সিদ্ধুর চার-পাঁচ হাজার বংশরের মৃত, পৃথিবীর অন্ততম প্রাচীনতম সভ্যতার স্মরণে টিলা অঞ্চলের নাম দিয়েছিল মোন-জো দড়ো। বস্তুত তাদের ধারণা ছিল, একদা ওখানে প্রাচীন বৌদ্ধদের বিহার-ভূমি ছিল।

আমি লোকমুখে যা শুনেছি সে অহুযায়ী পরলোকগত রাখালদাস বন্দ্যোপাধ্যায় যখন এই টিলাটি প্রথম দেখেন, তখন এটাকে কোনো বৌদ্ধস্থলের

ভগ্নাবশেষ বলেই ধরে নিয়েছিলেন, কারণ হিউয়েন সাং তাঁর ভ্রমণবৃত্তান্তে উল্লেখ করেছেন যে, তাঁর সময়ে সিদ্ধু দেশের রাজা যদিও হিন্দু ছিলেন, তবু সে দেশে যথেষ্ট বৌদ্ধ বিহার সম্ভারাম আছে। যতদূর মনে পড়ে, রাখালদাস টিলা খোঁড়ার সঙ্গে সঙ্গে প্রথম পান বৌদ্ধ-নিদর্শন, আরো গভীরে যাওয়ার পর বেকুলো এমন সব বস্তু, যা রাখালদাসের মত সুপণ্ডিত প্রত্নতাত্ত্বিক পৃথিবীর কোনো যাদুঘরে বা তার দর্শনীয় বস্তুর ছবিতে দেখেন নি। অর্বাচীন প্রত্ন-তাত্ত্বিক হলে হয়তো এগুলো অবহেলা করতো, এবং চিরতরে না হলেও বিখ-জন হয়তো বহু শতাব্দী অপেক্ষা করার পর এ সভ্যতার সন্ধান পেত। রাখাল-দাস প্রথম দর্শনেই বুঝতে পেরেছিলেন এর অনন্ততা ও নিশ্চয়ই ‘ইউরেকা’ হুকার রব ছেড়েছিলেন।

গোড়াতে বহু পণ্ডিতই ধারণা করেছিলেন, সিদ্ধু সভ্যতা উত্তর সিদ্ধু থেকে পাঞ্জাব (হারাপ্পা) অঞ্চলেই সীমাবদ্ধ ছিল। পরে দেখা গেল, সুদূর প্রসারিত ছিল এ-সভ্যতা। তা’হলে সমস্তা দাঁড়ায়, এত বড় বৃহৎ সভ্যতাকে সম্পূর্ণ নিমূল-নিশ্চিহ্ন করাটা তো খুব একটা সম্ভাব্য সাধারণ ব্যাপার নয়। আমি কোনো সহজত্তর পাই নি, এটা না বললেও চলবে।

এ-সভ্যতা অস্তিত বেলুচিস্তান অবধি যে সম্প্রসারিত ছিল সেটা পরে প্রমাণিত হয়েছে। কিন্তু অত্য়কার মোন-জো দড়ো অঞ্চলের সিদ্ধীদের কোনো-কিছুতেই যে-রকম প্রাচীন সিদ্ধু সভ্যতার কোনো চিহ্ন পাওয়া যায় না (ঐ লায়কানা অঞ্চলের অধিবাসী মিঃ ভুট্টো আজ সেই বিদগ্ধ অতিপ্রাচীন সভ্যতার বংশধর রূপে বড়ঝাট্টাই করেন কি না, সেটা দুর্ভাগ্যক্রমে বাংলাদেশের রাজ-নৈতিকরা বলতে পারবেন না) ঠিক তেমনি অত্য়কার বেলুচদের কি চিন্তা, কি জীবনধারণ সিদ্ধু সভ্যতার চিহ্নমাত্র নেই। বস্তুত (ভবিষ্যতের) পথতুনিস্তান, বর্তমান আফগানিস্তান, বেলুচিস্তান, তুর্কমানিস্তান প্রভৃতি ভূখণ্ডে যেখানে পর পর বৌদ্ধ সভ্যতা হিন্দু-সভ্যতা, সর্বশেষে হিন্দু-বৌদ্ধ মিলিত সভ্যতা প্রচলিত ছিল সেখানে এগুলোর সন্ধান আজ আর পাওয়া যায় না, অর্থাৎ এদের জীবনের উপর ওরা কোনো প্রভাবই রেখে যায় নি। এমন কি ইয়োরোপের শিক্ষিত খৃষ্টান সম্প্রদায়ের উপর হীদেন গ্রীক, রোমান এমন কি বর্বর টিউটন যে গভীর দাগ কেটে গেছে তার শতাংশের একাংশও না। পরবর্তীকালে এই বাংলাদেশে যেভাবে ইসলাম গ্রহণ করেছে, এ দেশের চাষা জেলে যতখানি ইসলাম মেনে চলে, পাঠান বেলুচ উজবেক, কিজিলবাস (ইয়েহিয়ার কওম) তার হু’ানা পরিমাণও না। এবং আমার পক্ষে অষ্টহাস্ত সংবরণ করা বড়ই মুশকিল মালুম

হয়, যখন পাঞ্জাবী সেপাই, এমন কি তথাকথিত শিক্ষিত পাঞ্জাবী মুসলমান আপন ইসলাম নিয়ে দৃষ্ট প্রকাশ করে,—ডান হাতে গেলাশ বাঁ হাত সাধরে সম-রতি-সখার কাঁধে রেখে। ব্যত্যয় অবশ্যই আছে ; উপস্থিত সে-আলোচনা থাক।

বেলুচ পাঠানদের মনোগুস্তি বুঝতে হলে উজ্জান গাঙে আমাদের চলে যেতে হবে হাজার বছর চারেক পূর্বে। পণ্ডিতরা বলেন, মোটামুটি ঐ সময়েই আর্যেরা ইরান হয়ে এ-দেশে আসে। এদের এক অংশ ইরানে বসতি স্থাপন করে। গোড়ার দিকে জীবিকা নির্বাহের জন্ত এদের প্রধান পন্থা ছিল, গবাদি পশুপালন এবং পরসম্পদ লুণ্ঠন। এবং আর্যদের দেশ-দেশান্তরে অভিযানের সময় যারা যে-অঞ্চলে রয়ে গেল তারা স্থায়ী বসবাস নির্মাণ না করে যাযাবর বৃত্তিই প্রচলিত রাখল। ..এ-স্থলে স্মরণে রাখা উচিত, যৎসামান্য কৃষিকর্ম দ্বারা মাহুয জীবন ধারণ করতে পারে না। উন্নত কৃষিকর্ম শিখতে মাহুযের হাজার হাজার বৎসর সময় লেগেছে।

খৃ পূ ছয়শত বৎসর পূর্বে ইরানের কিছু লোক কৃষিকর্ম ও কৃষির প্রকৃত মূল্য বুঝতে পেরে গিয়েছে। এদের নেতা ছিলেন জরথুষ্ট্র (ইংরিজিতে জোরো-আস্তর—চলতি ফার্সীতে জরতুস্ট্র জরথুস—জার্মান দার্শনিক নীৎশে কিন্তু জার্মান জরথুষ্ট্রই লিখেছেন)। ইনি ইরানের বল্প অঞ্চলের রাজা গুশতাসপকে তাঁর ধর্মে দীক্ষিত করতে সমর্থ হন—ভারতের পার্সী সম্প্রদায় এই জরথুষ্ট্রী ধর্মাবলম্বী। কিন্তু এহ বাহ্য। প্রত্যেক ধর্মের একটা নূতন অর্থনৈতিক ব্যবস্থা থাকে। জরথুষ্ট্র রাজা গুশতাসপকে বোঝাতে সক্ষম হলেন, যাযাবরবৃত্তি লুণ্ঠন ও শুধুমাত্র গোপালন দ্বারা কোনো সমাজ চিরতরে আপন খাণ্ডসমস্তা সমাধান করতে পারে না, এবং যারা প্রতি বৎসর পালিত পশুর খাণ্ড ঘাস-পাতা-ভরা উর্বরা জমির সন্ধানে দেশ দেশান্তর ঘুরে বেড়াতে বাধ্য, অর্থাৎ যারা চিরদিনের যাযাবর, তাদের দ্বারা আপাতদৃষ্টিতেই কোনো সভ্য-সমাজ নির্মাণ করা সম্পূর্ণ অসম্ভব। তখন আরম্ভ হল সংগ্রাম দু দলে—যারা পরীক্ষা-নিরীক্ষার ফলে উন্নতমানের কৃষিকার্যে সক্ষম হয়ে স্থায়ী বসবাস নির্মাণ করে সভ্যতার গোড়া-পত্তন করতে থাকে, অর্থাৎ জরথুষ্ট্র-গুশতাসপের অর্থনীতিতে বিশ্বাসী—এবং যাদের রস্কে নিত্য নিত্য স্থান পরিবর্তনের, ঘুরে ঘুরে মরার নেশা, যে নেশা পরিপূর্ণ সভ্য মাহুযের শরীর থেকেও কখনো সম্পূর্ণ লোপ পায় না, যে নেশার আবেশে বিদগ্ধ নাগরিক কবি গেয়ে ওঠে,

“ইহার চেয়ে হতেম যদি

আরব বেহুয়িন !

চরণতলে বিশাল যক্ষ

दिशच्छ विनीन ।

বর্ষা হাতে, ভরসা আছে

मदाई निरुद्धेश

মরুর ঝড় যেমন বহে

मकल बाधाहीन ॥”

গৃহী এবং যাযাববে এ-দ্বন্দ্ব চির পুরাতন তথা স্বতি সনাতন, নিত্য পরিবর্তনে অপরিবর্তনীয়। কথিত আছে চেক্সিসের মলোলায় বিস্তর রাজ্য জয় করার পরও যখন যাযাবর বৃত্তি ছাড়তে বিমুখ, তাঁবু ছেড়ে প্রাসাদে থাকতে নারাজ তখন চেক্সিসের প্রধান মন্ত্রী বলেছিলেন, “ঘোড়ায় চড়ে রাজ্য জয় করা যায়, কিন্তু ঘোড়ার পিঠে বসে রাজত্ব করা যায় না” (অত্যন্ত ভিন্নার্থে বলা চলে “ইয়াহিয়া ট্যাংকে চড়ে বঙ্গ রাজ্য জয় করতে পারেন, কিন্তু ট্যাংকে চড়ে রাজত্ব করতে পারবেন না”)।” ইয়োরোপে এখনো বিস্তর বেদে ঘুরে বেড়ায়—হিপি তাদেরই ভেজাল সয়াবীন তেল—কোনো সরকারই বিস্তর প্রলোভন দেখিয়েও ওদের কোথাও বসাতে পারেন নি।...কথিত আছে, জরথুষ্ট্র যখন যাযাবরের বিরুদ্ধে যুদ্ধে লিপ্ত গৃহীদের জগ্ন পরম প্রভু আহরমজদার পূজা করছেন (জরথুষ্ট্রীরা অগ্নির উপাসনা করে না, অগ্নিকে সর্বাধিক পাক সৃষ্টিক্রমে গভীর শ্রদ্ধা জানায়) তখন শত্রুপক্ষ কর্তৃক নিহত হন।

বেলুচা ভাষা ও পাঠানের পশতো ভাষা দুইই প্রাচীন জেঙ্গে (জরথুষ্ট্রীয় ইরানী ভাষা ; ঐ ভাষায় ধর্মগ্রন্থ আবেস্তা রচিত বলে একে আবেস্তান বা আবেস্তাও বলা হয়) থেকে উৎপন্ন, বা বিবর্তিত, বলা যেতে পারে। প্রাগুক্ত সংগ্রামে বেলুচ ও পাঠান হেরে গিয়েও সম্পূর্ণ হারে নি। আড়াই হাজার বছর পূর্বও তারা গৃহী বটে, যাযাবরও বটে। গৃহস্থরূপী পাঠান বেলুচ অতিশয় অল্পবয়স্ক জমিতে কিছুটা চাষবাস করে বটে, কিন্তু প্রতি বৎসর তাদের বৃহৎ অংশ উর্বর চারণভূমির সন্ধানে জরু-গরু, ভেড়া-খচ্চর নিয়ে বেরিয়ে পড়ে। পাকিস্তান, আফগানিস্তান, ইরান, চীন কোনো দেশের কোনো সীমান্তের রক্তির পরোয়া তারা করে না। কারো ধড়ে ছুটো মুণ্ড নেই,—দাউদ, ভুট্টো, শাহ, কারোরই—যে, ওদের কাছ থেকে পাসপোর্ট চাইবার হিম্মৎ—হেকামতী দেখাবেন। ঐ অতি পুরাতন যাযাবর বৃন্তির সঙ্গে অতি অবশ্যই তারা বহু সনাতন লুঠন-ধর্মটি ন'সিকে তোলাজ দিয়ে বাঁচিয়ে রেখেছে। বস্তুত ঐটেই তাদের প্রফেশন, চাষবাস নিভাস্তাই একটা নগণ্য “হবী”—স্ট্যাম্প কালেক্ট করার

মত। পাকিস্তানের শহরে পাঠান বেলুচ অটোনমি চায় না স্বাধীন হতে চায়—অতটা খবর নেবার মত কুরসং আমার নেই, অত এলেম আমার পেটেও ধরে না। কিন্তু প্রহ্ম, শহরের বাইরে যারা থাকে তারা কবে কোন রাজাকে খাজনা-ট্যাকসো দিয়েছে, শুনি। উন্টে তারা সাবসিডি পায়। খাইবার পাসের দু-পাশের পাঠানদের কারো বাচ্চা হলে প্রথম ছুট দেয় পেশাওয়ার বাগে। সেখানে নামটা “পত্রপাঠ” রেজিস্ট্রি করিয়ে নিয়ে তবে যায় ধীরে-স্থে মৌল্লার বাড়িতে। তিনি ততোধিক আস্তে-বাস্তে একটা তোলা নাম ঠিক করে দেন—কি যেন একখানা কেতাব থেকে, যদিও স্থবে আফগানিস্তান, পাকিস্তান, বেলুচিস্তান, পাঠানিস্তান জানে, তিনি একবর্ণও পড়তে পারেন না, আলিফের নামে ঠাণ্ডা!

এরা আরো স্বাধীন হবে কি করে? গোল মার্বেল কি গোলতর করা যায়? স্বয়ং ষাণ্মুখট বলেন নি, লিলি ফুলটিকে রঙ মাখিয়ে আরো রঙিন করতে যায় কে?

আর যদি নিতান্তই কোনো পাঠানকে শুধোন, “হে ইয়ার! পাকিস্তান হিন্দুস্তান যদি তোমাদের নিয়ে লড়াই লাগায়, তবে তোমরা কোন পক্ষ নিয়ে লড়বে?” তবে সে-পাঠান অনেকক্ষণ ধরে তার পাগড়ির তাজটা দড়ি দলার মত পাকাতে পাকাতে বলবে, “আগা জান! ছুটো কুকুর যদি একটা হাড়ি নিয়ে লড়াই লাগায়, হাড়িটা কি কোনো পক্ষ নিয়ে লড়ে?”

ওয়াটার গেটের পানি সিদ্ধুজল

ফার্সীতে বলে, “দেবর আয়েদ, দুরুস্ত আয়েদ” “দেব্রিতে যা আসে, দুরুস্ত হয়ে আসে।” “দেবর”—তেহরানের ফার্সীতে “দীর”—শব্দটা, “ধীরে ধীরে” অর্থও ধরে। ওয়াটার-গেটের নোনাঙ্গল পিণ্ডিতে পৌছেছে ধীরে ধীরে। এমনিতেই বাংলায় বলে “দেখি না, জ্বাঙ্কের জল কদুর অবধি গড়ায়”—তাতে এসে জুটলো গেট ভেঙে হুড়মুড়িয়ে ওয়াটার গেটের পানি, ওদিকে সিদ্ধুতে বান জেগেছে। একেবারে খাজা তেরোম্পাশ (ত্র্যাহম্পাশ), মাইরি! বলবে ‘সামবাজারী’ খাস কলকাতাই। সিদ্ধুর এই বান বার বার সাত বার মোন-জো-দড়োকে নাকানি-চুবুনি খাওয়ালে পর ওখানকার লোক ভিত্তিবিয়ক্ত হয়ে জর-গর নিয়ে কেটে পড়লো, কিংবা হয়তো সাত বায়ের বার সাত হাত পানিমেঁ বারেল হল। কিন্তু এ আন্দাজটা বোধ হয় ধোপের পানিতে টেকে না।

চল্লিশ-তেতাল্লিশ বছর আগে মার্শাল সাহেব যখন বিরাট ডবল ইটের খান মার্কা টাউস তিন-ভলুমী মোন-জো-দড়ো প্রকাশ করলেন তখন আর পাঁচজন মত আমিও পাণ্ডিত্য ফলাবার তরে তার উপর হৃদয় দিয়ে আছড়ে পড়েছিলাম। মোন-জো আখেরে বানের জলে খতম হয়েছিল কি না, এ প্রশ্নটা তখন শুধালে ভালোমানুষ, অন্তত এ-বাবদে লেটেস্ট থিয়োরি কি সেটা বলতে পারতুম; লেটেস্ট বললুম এই কারণে যে, কেতাব বেরবার আগে পত্র-পত্রিকায় কিছু সভ্যতা নিয়ে এক্সের আলোচনা বাদ-প্রতিবাদ তো হয়েই ছিল, বেরবার পর দুনিয়ার কুলে গুলী-জ্ঞানী তত্ত্ববিদ মাথায় গামছা বেঁধে লেগে গেলেন, হয় মার্শালকে ধায়েল করতে, নয় তাঁকে আসমানে চড়াতে। স্বচতুর পাঠককে বলে দেবার কোন দরকার নেই, দুসরা দলের বেশির ভাগই ছিলেন ইংরেজ। সে সময় আমার এক আইরিশ গুরু বলেছিলেন, সীলগুলোর উপর যে লিপি খোদাই করা আছে সেটা পড়তে না পারা পর্যন্ত চিত্তিরবিচিত্তির থিয়োরি গড়া বিলকুল বেকার—হাওয়ার কোমরে রশি বাঁধার মত। এর পর বৃদ্ধ গুরু তাঁর জীবনের শেষ দশ বৎসর কাটান লিপি পাঠের নিফল প্রচেষ্টাতে। সে কাহিনী আর কোন স্রব্দে না হয় বলবো। কিন্তু কিছু লিপির চেয়ে ঢের রগরগে লিপি ওয়াটার-গেট মামলা নিয়ে—মিঃ নিক্সন যে টেপ-লিপি যথের ধনের মত জাবড়ে ধরে বসে আছেন। প্রকাশ পেলে সে লিপি কিছু অনায়াসে পড়তে পারবে, মার্কিন স্কুল বয় তক্। উহঁ, হ'লো না। সন্দেহ-পিচেশ মার্কিন অমার্কিন দুশমনজন বলছে, পড়তে পারবে বটে, কিন্তু কত লিপি কত পাশওই না ভেজাল ঢুকিয়ে মূল লিপি পয়মাল করেছে—যাকে শাস্ত্রীয় ভাষায় বলা হয়, প্রাক্ষিপ্ত, ইন্টারপলেশন। নিক্সনই লিপিটি নিয়ে যে ছিনি-মিনি খেলবেন না, এমনতরো সাধু মহাশয় তো তিনি নাও হতে পারেন। বস্তুত আখেরে যখন নিঃসন্দেহে ধরা পড়লো নিক্সনের সাক্ষোপাক্ষের প্রায় সব কটা ই ফোর টুয়েন্টির ফ্রেসকোজ, তথাপি, তখনও যারা তাঁর ব্যক্তিগত সত্যতার কেতন গেয়েই চলেছে তাদের উদ্দেশে এক বিদগ্ধ ঠোট-কাটা মার্কিন নাগরী বলেন, ‘একটা খাপটি মারা ব্রুথেল-বাড়ি কাল যদি ধরা পড়ে, তবে বাড়িউলী অক্ষতযোনি কুমারী কতা হবে—এ হেন ছরাশা করো না।’ তাই আফসোস, হে মুশকিল-পানা মহদরানা, এ গজব-মুসিবতের ওস্তে তুমি কোথায় ছিলিমে দম মেরে শিবনেজ হয়ে ছরিপত্তীর খোওয়াব দেখছো ?

সে অদেখা লিপির অজানা বাণী কিন্তু সাত সমুদ্র পেরিয়ে পৌঁছে গিয়েছে বিশেষ করে ইরান আর তার সাকী পাকিস্তানে। নইলে মিস্টার আজীজ আহমদ

অকস্মাৎ তাঁর পূর্ব নীতি ত্যাগ করে বঙ্গ-প্রীতি দেখাতে আরম্ভ করলেন কেন ? আমি তো শুনেছি, দুই পাকিস্তানে যে ছাড়াছাড়ি হয়ে গেল তার জন্ত কার্যত মিঃ আহমদই দায়ী। করাচী-পিণ্ডির নেতারা গোড়ার দিকে মরহুম খুঃ-পাকে কি পলিসি নেবেন স্বভাবতই সে সম্বন্ধে পাকাপাকি মন-স্থির করতে পারছিলেন না। তাই কার্যক্ষেত্রে উপস্থিত সর্বাধিকারী আজীজই অনেক সময় কেন্দ্রীয় সরকারকে নীতি বাবদেও সত্বপদেশ দিতেন—সে নীতি মোহ-গোলক-নীতি। অবশ্য বর্তমান মিঃ আজীজ যদি প্রাক্তন চীপ সেক্রেটারী সেই আজীজই হন ?—তবু ভালো, যার মারফতই একটা সমঝোতা হোক না কেন। দিল্লীর এক বাদশা নাকি খারাপ জায়গা থেকে একটি সুন্দরী আনায়ে পর, উজীর বিরক্তি প্রকাশ করেন। বাদশা বললেন, ‘হালুয়া ভাল জিনিস, তা সে যে দোকান থেকেই আশুক না কেন—হালওয়া নাকি অশু, কে আজ হর দুকান বাশদ।’ এ স্থলে বলতে হবে, যেই নিয়ে আশুক না কেন।

লাইন অব রিট্রীট খোলা রাখো

তাই বলছিলুম “সেই ভাল, সেই ভাল।” আমরা চিরকালই শান্তি কামনা করেছি। তত্পরি ডানা-কাটা পরী কে না ভালোবাসে ? ডানা-কাটা পরী পাকিস্তানকে কিয়ামততক দুশমনের নজরে দেখবো, লায়লীকে মজহুর চোখে দেখবো না, এমন কিরে কসম আমি কখনো গিলিনি—বাকী এন্টালির মৌলা-আলী। তবে কি না, অতীতের জাবর কেটে মনে ধোঁকা লেগে রয়, “মুসলিম বেঙ্গল” বুলি কপচানো আগাপাস্তলা পালটে “বাংলাদেশ” নামক ঢেঁকি গিলতে পিণ্ডির ইয়ার-আজীজানের কতখানি সময় লাগবে ? আপনারা যা ভাবতে চান, ভাবুন, আমার সন্দেহ-পিচেল মন জানে, পিণ্ডির ইয়াররা অবশ্যই আরো বিস্তর গাজ খেলাবেন। এতক্ষণে আলবৎ তেনাদের এডভোকেট জেনারেল, লীগের একসপারটগুপ্তি বলে গেছেন, চুক্তিটির ফস্কে গেরো, লুপ হোল, কোন শব্দে, কোন ফুলস্টপ সেমিকলোনে আছে, চুক্তিটায় সাদা কালিতে এমন কিসব লেখা আছে বাদের বদৌলতে তেনারা চটসে বেরিয়ে যাবেন খোলা মাঠে, আর আমাদের বেলা দেখবো, ফস্কে গেরো বজ্জ-বীধন, ফাঁসির গিঁটে টাইট হতে হতে কণ্ঠখাস কুঙ্কপ্রায়। (এবং আমাদেরও উচিত, এই একই কর্মে লিপ্ত হওয়া। কোনো কোনো দেশ গোপনে বিদেশেও পাঠায়) তুলনায় এনে শ্রবণ করাই, ইতিমধ্যে নিকসন ক’বার দ্বিবি দিরেছেন, আমার মনে নেই,

সুপ্রীম কোর্ট “ডেফিনিট” রায় না দেওয়া পর্যন্ত তিনি টেপ-এর দলিল হাতছাড়া করবেন না, না, না। কিন্তু কুলে হুনিয়ার চেলাচেল্লি সবেও “ডেফিনিট” বলতে তিনি কি বোঝেন, সে প্রশ্নটা সাফ ইনকার করে তিনি থামুশ! অথচ স্পষ্ট দেখতে পাচ্ছি, ঐ “ডেফিনিট” কথাটা এ-প্রসঙ্গে বিলকূল ফজুল, বেকার। সুপ্রীম কোর্ট কেন, আমাদের মহল্লার বেকুব ছোড়াটা ঐ যে সেদিন তৃতীয় শ্রেণীর শক্তিসম্পন্ন হাকিম হ’ল, সেও তো কখনো ‘ইনডেফিনিট’ এমন কোনো রায় দেয় নি, যার তেত্রিশটা অর্থ করা যায়। হয় জেলে যাও, নয় বাড়ি যাও—মাত্র দুটো অর্থওয়ালা ইনডেফিনিট রায়ও সে কখনো দেয় নি। ছোকরাকে শুধান গিয়ে, সে যখন ট্রেনিঙে ছিল, তখন তার গুরু তাকে বলেছেন কি, “রায় দেবে ডেফিনিট, সে রায়ের বিসমিল্লাতে লাল কালি দিয়ে লিখবে, ‘ডেফিনিট’ জাজমেন্ট অব হাকিম আমুক।” সেটা হবে “ভেজা জল” বলার মত। শুকনো জল আমি কখনো দেখি নি। স্পষ্ট বোঝা যাচ্ছে নিষ্কর্মা “ডেফিনিট” শব্দটা এন্তেমাল করা হয়েছে, রায়টা আখেরে বিপক্ষে গেলে “নিষ্কর্মাটা” কর্মে লাগাবার জন্ত। একেই বলে আইনের ফাঁক, ল’-এর লুপ-হোল। গুরু নিকসন যে ভেঙ্কি দেখালেন, পিণ্ডির চেলার কি গুরুমারা বিড়ে দেখাতে কম যাবেন? এবং আমাদেরও এটা রথ করা অতিশয় উচিত। চুক্তি ভাঙবার জন্ত নয়, যে ভাঙতে চায়, তার মোকাবিলা করার তরে।

কিন্তু সরল পাঠক, এই পোড়াগুরুর ভাঁ-ভাঁতে কান দিযো না। বরঞ্চ গান ধরো,

“নিশিদিন ভরসা রাখিস
ওরে মন হবেই চবে।”

পোষ মাস কেবা কার

পাঠানের হাহাকার

অবতরণিকাটি হয়তো মেকদারমাফিক হল না।

কারণ, চিন্তাশীল পাঠক হয়তো ভাবছেন, নিরক্ষর পাঠান বেলুচে এ-সব কথার মারপ্যাচ, আইনের ফাঁকি ফকিকারির কি আর বোঝে? এমনতরো মারাত্মক ভুল করবেন না। পাঠানের বাচ্চা মায়ের গর্ভ থেকে বেরোবার সঙ্গে সঙ্গেই শুনেতে পায়, “করারনামা, করারনাদ।” ওদের কণ্ঠে কণ্ঠে হর-হামেশা লড়াইফসাদ এবং নিত্য নিত্যে সলা-সুলেহ লেগেই আছে—করার-নামা,

করার-দাদ দিয়ে হয় তার অতিশয় সাময়িক তৎকালীন এবং কণ্ঠজ্বর অল্প-সংবরণ, আর্মিস্টিস। পীস ট্রিটি চিরন্তনী-শান্তি এহেন আজগবি সমাস তারা কখনো শোনে নি। করার ভাঙাতে চেম্পিয়ন হিটলার রিবেন্ট্রপ পাঠানের কাছে হেসে-খেলে ছ'দশ বছর তালিম নিতে পারেন—করার-দাদে দফে দফে চুক্তি নির্মাণ, লুপহোল রক্ষণ, এবং তার বদৌলত চুক্তিপত্র থেকে মান-ইজ্জত বাঁচিয়ে, সমস্রমে, একতরফা নিষ্ক্রমণ, এ-সব বাবদে যাবতীয় ফন্দি-ফিকির, সন্ধি-সুদ্বকের সম্রাট পাঠান। খাস কাবুলে কেউ কখনো এপয়েন্টমেন্ট লেটার পায় না। পায়, চুক্তি-পত্র (করার-দাদ)। বেস্তমারে কপি সহই করতে হবে আপনাকে—আপনি পাবেন কুলে একখানা। সরকার চাপ দিতে চাইলে দশ খানা কপি বেরিয়ে আসবে এক লহমায়। আপনি চাপ দিতে চাইলে সরকারের তাবৎ কপি গায়েব—গভীর কণ্ঠে বলবে “গুমা শুদ”, গুম হয়ে গিয়েছে। তারো বড়ো, হয়তো বলবে কোনো করার-দাদ “নেই, ছিলও না” “নীন্ত-ন-বুদ”—যার থেকে বাংলা “নাস্তা-নাবুদ” কথাটা এসেছে। বিশেষ না হয় চলন্তিকা খুলে দেখুন।

পাঠান বেলুচ নিরক্ষর। কিন্তু প্রত্যেকটি করার নামা তারা জের-জবর তক মনে গের্গে রাখে। কিন্তু এহ বাহ।

বললে পেতায় যাবেন না, শতাব্দিক বংসর ধরে ব্রিটিশ, শিখ, রুশ, আফগান, ইরান, পাকিস্তান, হিন্দুস্থান—এঁদের ভিতর আপোসে কি সব চুক্তি-নামা তৈরি হল, কালি শুকোবার আগেই সেগুলোকে এক পক্ষ টুকরো টুকরো করলো (তিক্তা তিক্তা করদনদা'), এ-সব সাকুল্যে সংবাদ তাদের নখের ডগায়। এরই উপর নির্ভর করছে তার প্রধান আমদানী—লুটতরাজ। পূর্বেই বলেছি, চাষ-আবাদ তার কাছে অনেকটা আমরা ঘে-রকম পুরনো খবরের কাগজ বিক্রি করে এক খেপ রিক্সভাড়া তুলি-কি-না-তুলি গোছ। বিশেষ করে তার শ্রেন-দৃষ্টি পূর্বে ছিল ব্রিটিশের প্রতি, এখন “নেকনজর” ফেলে পাক-সরকারের দিকে। যখনই ঘে-সরকার, কি আফগান, কি পাকসরকার ছশমনের হামলা বা সে-ভয়ে বেকাবু, তখনই পাঠান বেলুচের মোকা। আর আঞ্জার কুদরতে আজকাল পাঠানের বারোয়ারি ডুইংকম, ছোটাসে ছোটো চায়ের দোকানেও বেতার। এখন হাওয়ার যার তাজাসে তাজা খবর। অন্ততঃ পাঁচটা দেশ পশতু জবানে পরম্পরবিরোধী খবর দেয় প্রতিদিন। আর আফগান চালিত কাবুল-বেতার এবং পাক্তাবী চালিত পাক-বেতারে বাক-যুদ্ধ—জংগে জবান—লেগে যায় তখন সে বেহন আরাম বোধ করে—তার দিল খুশ, জান-ভ-র-র-র।

এই যে পাক, হিন্দ, বালালায় ত্রিভুজাকৃতি করার-দাদ হতে চললো এই বে-মুবারক আখবার হুবে পাঠানিস্তানের দিল-জান কলিজা-গুদা “তিকা তিকা” করে দেবে। এতে করে পাক তার পূর্ব সীমান্ত সামলে নিলো। সাস্তনা এই-টুকু, পাক সরকারের প্রতি অগ্রসর কয়েক হাজার জাতভাই পাঠান সেপাই দেশে ফিরে এলে তাদের তাড়িয়ে যদি কিছু-একটা করা যায়। সদর দাউদও সেটা হিসেবে নিচ্ছেন। স্বেচ্ছায়, সজ্ঞানে, আপন খুশিতে দাউদের হংকারে বিব্রত, পিণ্ডি সরকার যুদ্ধ-বন্দীদের ফেরত নিচ্ছেন এই হুদিনে, বিশেষ করে নিকসনের হুদিন যাদের আপন হুদিন—এটা বিশ্বাস করা কঠিন।

পাক-পক্ষ দিল্লীতে প্রায় এক পক্ষ ধরে কেন গাঁহপই, টালবাহানা করলেন, সেটা এখানে বসে আমি বলতে পারি, পাঠান জানে, তার প্রতিবেশী আফগান জানে, বেলুচ অবশ্য অতখানি ওয়াকিফ-হাল নয়। সে কাহিনী দীর্ঘ। বারাস্তরে।

সেকাল একাল

ছেলেটা ডান হাত পেতে দিচ্ছে আর তার উপর পড়ছে সপাং করে লম্বা লিকলিকে কাঁটাওলা চাবুকের বাড়ি। অশ্রুট কণ্ঠে সে বলছে, “বরায়ে খুদা” আর এগিয়ে দিচ্ছে বাঁ হাত। ফের চাবুকের ঘা। এবারে ছেলেটা বললে “বরায়ে রহুল”, এগিয়ে দিচ্ছে ডান হাত। করে করে চলতো ইঙ্কুল-বয়কে চাবুক মারা—খাস কাবুল শহরে—একদা। ছেলেটা তসবী জপার মত এক বার বলে “বর য়ে খুদা” পরের বার বলে “রায়ে রহুল” “বরায়ে খুদা” “বর য়ে রহুল” “বরায়ে—।” অর্থাৎ “আল্লাহ ওয়াশ্তে (মাফ করে দিন)” “রহুলের ওয়াশ্তে (মাফ করে দিন)।” কিন্তু আমাদের মত “আর করবো না, পণ্ডিত-মশাই কিংবা কসম খাচ্ছি মোলবী সাহেব, আমি তামাক খাই নি। আমি খুমুচ্ছিলাম, কে জানি নে হজুর আমার হাত দিয়ে তামাক খেয়ে গিয়েছে” এসব চেঞ্জাচেঞ্জি, বেকহরীর ফরিয়াদ, রেহাই পাওয়ার জন্ত অহুন্নয়-বিনয় আমাদের মত আমাদের বাপ-দাদার মত কাবুলী ছাত্র করে না। আমাদের বেকহরীর ফরিয়াদ আমরা করেছি আমাদের ঐতিহ্য অহুন্নয়ী—ছেলেবেলায়। কাবুলের ইঙ্কুল বয় তিকল-ই-মকতব করে তার ঐতিহ্যহান্যকারী। “বরায়ে খুদা, বরায়ে রহুল” ভিন্ন অন্য রা’টি কেড়েছো কি মরেছো! বেতের রেশন আরো দশ ঘা বেড়ে যাবে তৎক্ষণাতের ছ’ লহমা আগেই—আজ ফোরন দো লহমা পেশতর।

কিন্তু হায়, ইতিমধ্যে “ব্যাকরণে” ভুল করে ফেলেছি, ধরতে পারেন নি তো ? তাই—ই তো আগা-ই-আগা সম্পাদক-চক্রের চক্রবর্তী আমার বেত্তমার ভুলে ভতি লেখা বেদম ছাপিয়ে দিয়ে আমাকে নাচান, আপনাদেরও নাচান। বলুন, বুকে হাত রেখে বলুন, আপনারা ক’জন সম্পাদক সা’বের চোখে আঙ্গুল দিয়ে আমার অশ্লীলতা গলং দেখিয়ে খাট্টা জ্বানে শাসিয়েছেন, আমার ধারাবাহিকের ধারা বন্ধ করতে ? তা সে যাক গে। না করে ভালোই করেছেন।...হ্যাঁ, ভুলটা কি করলুম, সেই কথাই হচ্ছে। বলে ফেলেছি “রেশন বেড়ে যাবে”। তা কখনো হয় ? কি হিন্দুস্থান, কি পাকিস্তান, কি এই সোনার বাংলা—কবে মশাই, কোন্ মুহূর্তে রেশন বাড়ে ? রেশন কমেতে দেখেছি, বাড়তে দেখেছি কে, কবে, কোন রাজা শুকুবারে, কোন হীরের বাংলায় ? সে তা হলে সাপের ঠ্যাং দেখেছে, অমাবস্তায় পূর্ণচন্দ্র দেখেছে।

বাস্তিনাদো

কিন্তু এ ধরনের বেত্রাঘাত কাবুলে ডাল ভাত। দেখতেই যদি হয়, তবে দেখে নেবেন, বাস্তিনাদো। আমি কখনো দেখি নি, তবে হতভাগার গোংরা-নোটা শুনেছি, অতি অনিচ্ছায়।

আমাদের হস্টেলে একজন আরেকজনের তলপেটের এক পাশে মাঝারি সাইজের একটা ছোরা ফাঁসিয়ে দেয়। প্রিন্সিপাল গরুর কোয়াটারে ছিলেন না। আমাকেই যেতে হল। যতদূর মনে পড়ছে, চিংকার চেঁচামেচি কিছুই হয় নি। বাগানে গাছতলায় ছেলেটাকে শুইয়া রেখে তাকে ঘিরে রয়েছে কয়েকজন। তার মুখ ছাছ পচা মাছের পেটের মত ঘিনঝিনে পাকাশ। একটা ছেলে কামিছ তুলে দেখালে পেটপিঠ পেঁচিয়ে লালে লাল চণ্ডা ব্যাণ্ডেজ, চোখে না দেখলে বিশ্বাস করতুম না, কী জঘন্ত নোংরা কাপড় ছিঁড়ে পট্ট বঁধা হয়েছে। আরেকটা ছেলে বললে, নাড়িভূঁড়ি হড়হড়িয়ে বেরিয়ে গিয়েছিল, সে আর তার দোস্ত দুজনাতে চেপেচুপে কোনো-গতিকে ঢুকিয়ে দিয়ে পট্ট বেঁধেছে—বুঝলুম, এক গাদা মাল ঘে-রকম ছোট স্টকেসে যেখানে যা খুশি ঢুকিয়ে ডালার উপর দাঁড়িয়ে একজন লাফায়, অল্পজন কজা বন্ধ করার চেষ্টা দেয়, তারই অহুসরণে কর্মটি সম্পন্ন করা হয়েছে। পট্টের উপর নিচ দিয়ে ক্রমাগত রক্ত চুইয়ে চুইয়ে বেরুচ্ছে। আততায়ীকে একটা গাছের সঙ্গে আঠেপৃষ্ঠে বেঁধে রাখা হয়েছে।

ছেলেটা ভিঁমি যায় নি, তবুও। বিড় বিড় করে কি যেন বলছে। ভাবলুম, ভুল বকছে। না, একটা ছেলে বললে, আমাকে সে কি যেন বলতে চায়, আমি যেন কাছে গিয়ে কান পেতে শুনি। কাছে যেতে আধ-মরা গলায় বললে, আমি যেন তার সব অপরাধ মাফ করে দি। আমি বললুম, “তুমি আবার কি অপরাধ করলে? সেরে ওঠো, সব ঠিক হয়ে যাবে।” ছেলেটা ‘আহ’ বলে চোখ বন্ধ করলো।

এর পরের কাহিনী দীর্ঘ। উপস্থিত সুখবরটা জানাই। দেড় মাস পর সে হাসপাতাল ছেড়ে ফের ক্লাসে ফিরে এল। কিন্তু এহ বাহু।

আমাদের ফরাসী অধ্যক্ষটি ছিলেন চৌকশ লোক, পুলিশকে তুলিয়ে ভালিয়ে বিদায় দিয়ে, দফতরের কাবুলী হেড ক্লার্ক, খাজাঞ্চী, অনুবাদককে বললেন এ-দেশের প্রথাভাষায় বিচার করে আভতায়ীকে যেন সাজা দেওয়া হয়।

ঠাঁরা স্থির করলেন পূর্ব কথিত বাস্তিনাদো। আমার কিন্তু শোনা কথা। ছেলেটাকে মাটিতে বুক রেখে টান টান করে শোয়ানো হল। হাত দুটো সামনের দিকে প্রসারিত। দুহাতের উপর মাটির সঙ্গে জোঁরছে চেপে ধরে দাঁড়ালো মিলিটারি বুট পরা দুই চাপরাসী, হু’পায়ের গোছা সবুট চেপে দাঁড়ালো আরো দু’জন চাপরাসী। আরো জনা চারেক বুট দিয়ে পিঠ-কাঁধ সর্বাক্ষ চেপে ধরে দাঁড়ালো চতুর্দিকে। তার পর পায়ের তলাতে—জানি নে কি ধরনের—চাবুক দিয়ে বেতের পর বেতের বেদম গুনে গুনে মার। বার দশের পর পায়ের তলা হু’টোতে, আর এক রত্তি চামড়া অবশিষ্ট রইল না। লাল ক্ষতবিক্ষত জখমের উপর আরো কত ঘা মারা হয়েছিল সেটা আমি আর শুনে চাই নি। ..দিন দশেক পরে একদিন দেখি, কুষ্ঠরোগীর মত পটি দিয়ে পা দু’টো সর্বাক্ষ মোড়া অবস্থায় হু’টো লাঠিতে ভর দিয়ে দিয়ে পা দু’টো মাটি ছোঁয়-কি-না-ছোঁয় অবস্থায় প্রাতঃকৃত্য সারতে যাচ্ছে। মাস দুই পর ফের ক্লাসে এল।

আর সব সহপাঠীরা মন্তব্য করেছিল, “ছেলেটার দারুণ বরাভ-জোর। বিদেশী অধ্যক্ষ মধ্যস্থ না হলে, নির্ঘাত জেলে পাথর ভাঙতে হত নিদেন পাঁচটি বৎসর।” অগ্র অত্যাচারের কথাটা সবাই জানতো—আসলে যে কারণে অধ্যক্ষ মধ্যস্থ হয়েছিলেন। জেলের সম-রত্তি-প্রবণ গার্ড সেপাইদের হাত থেকে ছোকরার নিস্তার থাকতো না।...এতদিনে এ-সব পাশবিক দণ্ডদান মকুব হয়ে যাওয়ারই কথা।

রণাজনে নব-নায়ক ছাত্রসমাজ

আফগানিস্তানে যুগ-পরিবর্তনের সঙ্গে সঙ্গে খুব যে একটা আত্মস্ত পরিবর্তন হয়েছে এমত বিশ্বাস করার কারণ নেই। তবে একটা সত্য স্বীকার করতেই হবে; প্রাচ্যপ্রতীচ্যের আর-পাঁচটা দেশের মত দু'তিনটে নগরে, বিশেষ করে কাবুল বিশ্ববিদ্যালয়ের ছাত্রেরা এদানি নানা বিষয়ে সচেতন হয়ে গিয়েছে। এটা অতিশয় স্বাভাবিক যুগধর্ম। বছরের পর বছর কলেজ-বিশ্ববিদ্যালয়ে ইতিহাস, রাজনীতি, অর্থনীতি, নানা পাঠ্যপুস্তক মারফৎ বিশ্ব সংবাদ পড়ানো হবে, আর ছাত্রেরা সেই প্রাচীন সর্বাধিকারী রাজশক্তির তখনো মেনে নেবে— তা রাজা যতই মেহেরবান হন না কেন—ফল ভালো হোক, মন্দ হোক—সে-বিদ্যা প্রয়োগ করার প্রলোভন তার অতি অবশ্যই হবে। যেমন, দশ-বিশ বছর ধরে সেপাই অফিসারকে কুচকাওয়াজ, সমরবিদ্যা শেখানো হবে, আর তারা জল-জ্যাম লড়াইয়ে নেমে সেটা কখনো কাজে লাগিয়ে পরখ করে দেখতে চাইবে না, এটা নিতান্তই তুরাশা মাত্র। এবং বয়স বাড়ার সঙ্গে সঙ্গে বাদশা জহীর যে ঘোবনের সাম্য ঐক্য স্বাধীনতার কথা ভুলে গিয়ে রাজশক্তিকে দৃঢ়তর এবং ব্যাপকতর করতে চেয়েছিলেন সেটা স্মারসঙ্গত না হলেও স্বাভাবিক, এমন কি আংশিক গণতন্ত্রমূলক সংবিধান মঞ্জুর করার সঙ্গে সঙ্গে তিনি পলিটিকসে একটা “রাজার দল” ‘কিংস পার্টি’ স্থাপনা করতে চেয়েছিলেন, হুবহু যে-কাজটি লিংহাসন ত্যাগ করার পূর্ব মুহূর্ত পর্যন্ত ডাক অব উইনজর করতে রাজী হন নি। পক্ষান্তরে ছাত্ররাও সেফুলার শিক্ষার ফল স্বরূপ এবং মস্তবের ভিতরে বাইরে মোল্লাদের হাত থেকে নিষ্কৃতি পাওয়ার দরুন রাজনীতিতে ঢলে পড়লো পেণ্ডুলামের অন্ত প্রান্তে: বাইরের থেকে সাহায্য পেয়ে তারা হয়ে দাঁড়ালো মার্কস, মাও এবং এককাট্টা চরমপন্থীতে। তারই ফলে ১৯৬৯ সালে তাদের বিক্ষোভ, দাবী, স্ট্রাইক—গোটা আন্দোলনটা সর্বাংশে রাজনৈতিক ছিল না, ছাত্রসমাজের নিছক স্বপ্ন-সুবিধা কল্যাণকল্পে একাধিক স্ট্রাইকের আয়োজনও হয়েছিল—পুলিশের সঙ্গে ভীষণ সংঘর্ষে আন্দোলন এমনই মারাত্মক আকার ধারণ করলো যে, কর্তৃপক্ষকে বাধ্য হয়ে ছয় মাস কাল বিশ্ববিদ্যালয় বন্ধ রাখতে হল।

এর ফলে কিন্তু একটা তত্ত্ব জনসাধারণ, বিশেষ করে মোল্লাদের কাছে স্পষ্ট হয়ে গেল: সক্রিয় রাজনৈতিক আন্দোলনে বর্তমানে সর্বক্ষেত্রে সর্বপ্রধান শক্তিমাত্র ছাত্ররাই। পক্ষান্তরে এ কথাও সত্য যে, জনপদ অঞ্চলে

কওমদের ভিতর যেমন অশিক্ষিতের সংখ্যা অধিকতর ঠিক তারই সঙ্গে কাঁধ মিলিয়ে তাদের ধর্মোন্মাদনা মারাত্মক এবং সর্ব প্রগতিশীল সংস্কার তারা ঘৃণা করে।

তৎসঙ্গেও ছাত্রসমাজ তাদের মাও মার্কস আন্দোলন আরো জোরদার করে তুলতে লাগল এবং তার বিপজ্জনক প্রতিক্রিয়া দেখা দিল ১৯৭০-এ। লেনিনের বাৎসরিক জন্মদিনে একখানি কম্যুনিষ্ট পত্রিকা তাঁর স্মরণে রচিত একটি কবিতাতে এমন সব প্রশস্তিসূচক হামদ ও নাৎ দোওয়াদরুদের শব্দ ব্যবহার করলো, যেগুলো সচরাচর আল্লা রসুলের স্মরণেই উচ্চারিত হয়।

তীব্র প্রতিবাদ, বিস্তীর্ণ জনপদব্যাপী প্রচণ্ড আন্দোলন আরম্ভ করলেন মোল্লারা। যে-সব কওম তাঁদের সহায়তা করলো তাদের সংখ্যাও নগণ্য নয়। এবং সেই কুখ্যাত শিনওয়ারী কওম, যারা সর্বপ্রথম বাদশা আমানউল্লাহ বিরুদ্ধে সশস্ত্র বিদ্রোহ ঘোষণা করে, এবারেও তারা এমনই ষাণ্ডারের মত রক্তরূপ ধারণ করলো যে অবশেষে ট্যাঙ্কসহ শাহী ফৌজ তাদের আক্রমণ করে ঐ অঞ্চলে স্বাভাবিক অবস্থা ফিরিয়ে আনলো।

লেনিনের প্রতি এই সব উচ্ছাসময়ী প্রশস্তি এবং মোল্লা সম্প্রদায়ের প্রবল প্রতিক্রিয়ার শেষ ফল এই দাঁড়ালো যে, কাবুল বিশ্ববিদ্যালয়ে “ধর্ম সম্বন্ধীয়” একটা নূতন শাখা প্রবর্তন করা হল। এ-শাখার চালকগণ অহরহ সজাগ দৃষ্টি রাখেন, ‘ইসলামের স্বার্থ রক্ষার্থে’ অর্থাৎ সাধারণ ছাত্রসমাজের সামান্ত্রিক মতবাদ, কার্যকলাপ তাঁদের মনঃপুত না হলে ‘কুফর’ বিদ্যা’ হুকুমরবসহ তীব্র প্রতিবাদ তুমুল আন্দোলন সৃষ্টি করেন।

দাউদ খান নাকি প্রথম দিন থেকেই ছাত্রসমাজের সমর্থন পেয়েছেন। তা’হলে স্বতই স্বীকার করতে হয়, ছাত্রকুলবৈরী মোল্লা সম্প্রদায় তাঁরও বৈরী! কিন্তু আমার ব্যক্তিগত বিশ্বাস, দাউদ মোল্লাদের এক বৃহৎ অংশের স্বীকৃতি পেয়েছেন। দাউদ দিবাক্ষ নন। তিনি জানেন, মোল্লা ও তাঁদের চেলা কওমরা ছাত্রদের চেয়ে সংখ্যায় ঢের বেশী।

ছাত্ররূপ একটা ঝুড়িতে দাউদ তাঁর কুলে আঙা রেখে আরব্যারজনীর অন-নশশারের খোঁওয়াব দেখবেন না।

নামে কি করে।

গোলাপে যে নামে ডাকো, গন্ধ বিতরে

এক নিম্নন-বৈরী মার্কিনই হতাশ হয়ে বলছিল, “ওয়াটারগেট কেলেঙ্কারি ভালো করে বুঝতে হলে সকলের পয়লা এক ঝুড়ি নাম সড়গড় মুখস্থ করতে হয়। কটা লোকের সে সময়, সে উৎসাহ আছে? তার পর মুখস্থ করতে হবে তাঁদের পূর্ব-কাতি কেরামতীর ইতিহাস। কে রিপাবলিকান, কে ডেমোক্রট; কে রিপাবলিকান বটেন কিন্তু ওয়াটের-গেটের কেলেঙ্কারির ঘেষাতে হয়ে গেছেন রিপাবলিকানদের চাই নিম্নন-বিরোধী, কারা পয়লা-নম্বরী রিপাবলিকান এবং নিম্ননের অকারণ মেহেরবাণীতে কনট্রাক্ট পারমিট গররহ পেয়ে তাঁর প্রতি এখনো নেমক-হালাল, বিপদে পড়ে নিম্নন কাকে কাকে জলাদের হাতে না-হক সঁপে দিয়েছেন ইত্যাদি ইত্যাদি দফে দফে নাম-কাম মুখস্থ করতে পারেন—খুদ মার্কিন-ইয়াকি পাঠকই ক’জন? তবু যারা টি-ভিতে ওয়াটারগেট তদন্তের জলসা আগুবাচ্চাসহ গুপ্তিস্থ অহুভব করতে করতে নিত্য নিত্য দেখেছেন তাঁদের পক্ষে মামলাটার গভীরে ঢোকা খানিকটে সহজ হয়েছে। কিন্তু প্রাচ্যে এত-সব বয়নাক্স-আবদার বরদাস্ত করে আপন বিচার-বুদ্ধি প্রয়োগ করে শেষ রায় দিতে পারেন ক’জন স্পেশালিস্ট?”

আমি সায় দিয়ে বললাম, “আমরা বরঞ্চ ব্রিটিশের তরো-বেতরো নামের কিছুটা হদীস পাই, কিন্তু তোমাদের মার্কিন জাতটা ইংরেজ, জার্মান, ডাচ, ফরাসি, আরো কত বেশমার জাত-উপজাত দিয়ে গড়া আস্ত একটা জগাখিচুড়ির লাবড়া-বাঁটা। ঐ ধরো মামলার সঙ্গে অক্সিজ-আলিজনে বিজড়িত, নিম্ননের ঘরোয়া, ছয়াইট হাউসের চাই চাই সচিব, কর্মকর্তাদের ইসমে মবারকের ফিরিস্তি : সকলের পয়লা যে দুই মহাপ্রভু এ-ফিরিস্তি গুস্ত করেন, তাঁদের নাম খাটি জার্মান এরলিম্যান, হালডেম্যান। অবশ্যই সাদামাটা মার্কিন নাগরিক কুলে ভিনজাতের নাম উচ্চারণ করে মাতৃভাষা ইংরিজি কায়দায়। এই সোনার বাংলাতেই উল্লাসিক পণ্ডিত মশাই মুকুলেশ্বর রহমান লেখেন মুকুলেশ্বর রহমান-এর পরিবর্তে। তারপর ধরুন, ক্রমসফেলট, ক্লাইন, কোলি, সিংগলার এগুলো নিঃসংশেহে জার্মান নাম। ফরাসী নাম অপেক্ষাকৃত কম। কিন্তু জাতে ভারি। খুদ ভাইস প্রেসিডেন্টের নাম এ্যাগনো ফরাসী উচ্চারণ আইনো। এনার বিরুদ্ধেও ফৌজদারী তদন্ত চলছে, নানাবিধ “নজরানা” নিয়ে। এবং হাসি পায়, যখন “আইনোর” মূল অর্থ স্বরণে আসে। প্রথম অর্থ মেঘশাবক, পরের

অর্থ সাধু-সরল-পবিত্র! হবহু ঐ অর্থ ধরেন এরলিষমান। এ-নামের সরল অর্থ “সরল”! “সাধু, অনারেবল!” অধিকাংশ ঘড়েল জনের বিশ্বাস, ইনি ওয়াটারগেট তদন্ত কমিশনে যে সাক্ষ্য দেন তার চোদ্দ আনা খুট। ঐ সময় জর্মনিবাসী এক জর্মন, সুদূর স্বদেশ থেকে, বিখ্যাত এক মার্কিন সাপ্তাহিকে এরলিষমানের ‘সরলার্থের’ প্রতি সাদা-মাটা মার্কিন নাগরিকের দৃষ্টি আকর্ষণ করে তাদের তরে ব্যঙ্গ-রসের খোরাক যোগান।

কিন্তু এহ বাহু।

প্রেসিডেন্ট; না দেশের মঙ্গল?

ভূট্টো সাহেবের যে রকম আজীজ, হিটলারের বরমান, হবহু ঠিক তেমনি মিঃ নিক্সনের মহামাণ্ড মিঃ হেনরি এ কিসিংগার। আমি জানি, একমাত্র খাস জর্মন ভিন্ন তামাম দুনিয়া উচ্চারণ করে কিসিংগার। এশ্বেক বিবিসি। পাঠক, একটু ধৈর্য ধরুন, পরে তাবত গুহ্য তথ্যতত্ত্ব স্বপ্রকাশ হয়ে যাবে। এহলে বলা অপ্রয়োজনীয় যে আজীজ বরমান কিসিংগার চরিত্রে অতি অবশ্যই তফাৎ আছে; মিঃ ভূট্টোর দোষগুণ যাই থাক, তিনি কখনো আজীজের ম্যাড়া বনবেন না। বাকিদের কথা ক্রমশঃ প্রকাশ্য। কিন্তু এহনে সাতিশয় প্রয়োজনীয়, পাঠক যেন এই কিসিংগার প্রভুর প্রতি একটু নজর রাখেন। কিন্তু এঁর প্রেম বাংলাদেশ কখনোই পাবে না। কারণ ইনি ধর্মে, কর্মে সববিষয়ে কট্টর ইহুদি। ইহুদিজনহুলত তাঁর বিরাট নাসা-বহু, তথা ঘন-কুক্ষিত প্রায় নীগ্রোদম কেশ যেন পাঠক তার কোটোতে লক্ষ্য করেন। বিস্তর নৃতত্ত্ববিদের অভিমত, ফেরাউনের দাসত্বকালে, মিসরস্থ নীগ্রোদের সঙ্গে সংমিশ্রণের ফলে ইহুদিদের মস্তকে এই কুক্ষিত কেশের উদ্ভব।...স্বভাবতই ইহুদি কিসিংগার তথাকথিত ইজরায়েলকে জানপ্রাণ দিয়ে মহাবৎ করেন; পক্ষান্তরে আমরা ফলশ্রুতীর গৃহহারা আরবদের মঙ্গল কামনা করি। তাঁরা যেন একদিন স্বদেশে সন্মান ফিরে যেতে পারে আমরা সেই প্রার্থনা করি—শরণার্থী হয়ে তিন দেশে বাস করার পীড়া আমরা জানিনে, তো জানেন নিক্সন? তিন দিন আগে তিনি এক প্রেস কনফারেন্সে বলেন, “আরব-ইজরায়েলের মোকাবেলায় আমি নিরপেক্ষ (পাঠক বিশ্বাস করতে চান, তো করুন, সেটা আপনার মজি)। আমি চাই শান্তি।” পাঠক লক্ষ্য করবেন, “আমি চাই বিচার, আমি চাই জাষ্টিস, ইনসাফ” এ কথা হজুর বলেননি, কন্ধিনকালেও তাঁর মুখ থেকে শুনি নি। কিন্তু শান্তি তো অতি

সহজেই হয়। মিশর, লেবানন, জর্ডান, লিবিয়াকে অন্ততঃ একশ' বছরের তরে শাস্ত করার জন্য যথেষ্ট এটম বম্ব নিকসনের ভাণ্ডারে আছে। শাস্তি ভল তো এই “পাঘণ্ডরাই” করছে। ইজরায়েল তো শব্দার্থে নিষ্পাপ—এরলিযমান, এ্যাগনোর মত! নিকসন তো এই মতই পোষণ করেন। তাঁর পিছনের ছায়াটি—কিসিংগার—তিনি তো টুইয়ে দেবার তাতিয়ে দেবার তরে আছেনই। তবে কিনা, সে শাস্তিটা হবে গোরস্তানের শাস্তি।

এই স্ববাদে আরেকটি তত্ত্ব-কথার উল্লেখ করি। কিছু দিন পূর্বে আমি চিন্তাশীল পাঠককে হাঁশিয়ার করে দিয়েছিলুম, তাঁরা যেন নিকসনের চেলা ইরানের বাদশায় প্রতি একটু নজর রাখেন। উপস্থিত সেন-নজরটাকে কিছু দিনের জন্য ছুটি দিতে পারেন। কারণ শাহ ইতিমধ্যে বিকল-ইনজিনওয়াল। নিকসন-জাহাজটি ত্যাগ করে আরেকটা উত্তম জাহাজে চড়েছেন। তিনি দেখলেন, নিকসনের ইঞ্জিন বিকল করে দিয়েছে ওয়াটারগেটের বেনো-পানি হড়হড়িয়ে তার সর্বান্নে প্রবেশ ক'রে। ওদিকে সর্দার দাউদ গদিতে বসতে না বসতেই ক্রশ তাঁকে ঈদের (আনন্দের) আলিঙ্গন জানিয়েছে। এদিকে শুধু ওয়াটারগেট না, কুচক্রীরা নিক্সন আধা-আইনী বে-আইনীভাবে তাঁর প্রাইভেট বাড়ি ছোটো কতখানি পরসায় খাড়া করেছেন সেটা ক্রমশঃ উপন্যাসের মত প্রকাশ করছে। এবং কিছু কিছু অহুসন্ধান আরম্ভ হয়ে গিয়েছে, ভিয়েটনাম গদ্যরহ ছাড়াও তিনি কারণ-অকারণে পরিপূর্ণ শাস্তিময় দেশেও গোপনে টাকা, অস্ত্রশস্ত্র টেলেছেন কি পরিমাণ? শাহ স্পষ্ট দেখতে পেলেন, শ্রদ্ধা আবেগে যতদূরই গড়াক, না-গড়াক—প্রভু নিক্সন হুম করে আর কোম্পানির মাল বেশ কিছুকাল ধরে ইরানের দরিয়াকে ঢালবার হিম্মৎ পাবেন না। অর্থাৎ কি না, কিসিংগার মুনিব নিক্সনকে সে “পরামিশ” দেবেন না। মার্কিনীরা বলছে, দেশের স্বার্থের তরে ভূমি যত চাও টাকা ঢালো, কিন্তু আপন প্রভুত্ব বাড়াবার জন্য নয়।

ইতিমধ্যে আরেকটা কাণ্ড ঘটলো। মার্কিন স্প্রীমকোর্টের প্রাক্তন প্রধান বিচারপতি, নিকসনের দ্বিতীয় ইলেকশনের স্প্রীম কর্ণধার মিঃ মিচেলকে বাধ্য হয়ে সাক্ষ্য দিতে হয় ওয়াটারগেট তদন্তে। এক সিনেটর কিংবা ফরিয়াদী উকিল প্রশ্ন করেন, “তা হলে বলুন, আপনি দেশের স্বার্থকে নিকসনের স্বার্থের চেয়ে বড় করে দেখেন কিনা?” উত্তরে তিনি সগর্বে বলেন, “নিকসনের প্রেসিডেন্টরূপে জয়লাভকে আমি বৃহত্তর বলে মনে করি।” (!!) এই পরশু-দিনতক বিবিসি'র বিশ্বালোচনার সদৃশগণ এই বিকট নীতির উল্লেখ করে

বেকুবের মত বার বার তাক্কব মেনেছেন। অতএব যদিভ্যং সরল পথচারী মার্কিন প্রশ্ন শুধায়, “হুজুর তা হজে ইরানে এবং ১৯৭১-এ ইরানের মারফত (তৎকালীন) পশ্চিম পাকিস্তানে যে টাকা বন্দুক কামানটা ঢাললেন সেটা কি আপন লেজ মোটা করার জন্তে, না মার্কিন মুন্সুকের স্বার্থে?” —এ-প্রশ্নটা তো ছিদ্ৰাঘেবীর না-হক প্রশ্ন নয়। অতএব শাহও তড়িঘড়ি তাঁর প্রধানমন্ত্রীকে পাঠালেন মস্কো বাগে—দাঁউদের গদি দখলের তিন সপ্তাহ যেতে না যেতে। খুদায় মালুম, দফে দফে কত দফেই না নয়া জাহাজে চড়ে প্রধানমন্ত্রী করার-দাদ করার-নামা সই করলেন। শাহ ওদিকে পিণ্ডিকে পরামর্শ দিলেন, উপস্থিত জো-সো প্রকারের একটা সমঝোতা ইণ্ডিয়া বাংলাদেশের সঙ্গে করে নাও। আমাদের রাশি এখন বেহদ বদ-বখৎ কম-বখৎ! আর পারো যদি, ঝটপট রুশ-কিশ্-তীতে সওয়ার হও—না হয়, গলুইটাতেই হু’দিকে পা ঝুলিয়ে খোওয়াব দেখ, ‘খোড়ায় চড়িয়া মর্দ ইটিয়া চলিল’, ইকিয়া নয়, ইটিয়া। কিন্তু পিণ্ডি যে চীনা-কাহুর সঙ্গে বড্ড বেশী পৌরিত্তির লেটপেট করে বসে আছেন! এখন শ্রাম না কুল? তবে—আজীজ যার নাম, রুশের সঙ্গে আজীজী করতে কতক্ষণ! কুলে ছুনিয়া তাঁর খেশ-কুটুম “—বস্তুধৈব কুটুমকং”—বলেছেন স্বয়ং চাণক্য! তবে কি না চন্দ্রাবতী কুঞ্জে যেতে হবে চীনা বঁধুয়ার আজিনা দিয়া।

সংক্ষিপ্ত কিসিংগার কাহিনী

বিশেষ করে বাংলাদেশের লোকের শ্রবণে থাকার কথা শ্রীযুক্ত কিসিংগারের (ডাক নাম ‘কিস!’) যুঁতিটি। ইনি খাঁটি ইহুদি। জন্ম জার্মানির ফ্রাট শহরে। নাৎসিরা তাঁর কোনো ক্ষয়ক্ষতি করার পূর্বেই পিতা-মাতা তাঁর পনরো বছর বয়সে তাঁকে নিয়ে আমেরিকায় পাליয়ে আসতে সক্ষম হন। কি করে তিনি শেষটায় নিকসনের একমাত্র উপদেষ্টার আসন পেলেন সে কাহিনী দীর্ঘ, অতএব বারাস্তরে। ...’৭১ ডিসেম্বরের যুদ্ধ লাগার আগে এবং পরে এবং এখনো (যদিও ঠিক এখনুনি বড়ই বেকায়দায়) ইনি পাকিস্তানের মিলিটারি জুঁটাকে যে কোনো উপায়েই হোক খোদার খাসির মত পোষ্টাই খোরাক দিয়ে দিয়ে তাগড়া করে রাখতে চান। কেন? এইটে তাঁর সর্ববিশ্ব সম্বন্ধে যে পূর্ণাঙ্গ দর্শন তারই একটি ক্ষুদ্র অংশ—ইরান-আফগান পাক-ভারত-বাংলাদেশ নিয়ে তার বড় একটা অধ্যায়। নিকসনকে তিনি এই মন্ত্রে দীক্ষিত করেন ধীরে ধীরে।

সে-কাহিনীও দীর্ঘ, আলোচনা বারাস্তরে। এই দর্শনাত্মক ন'মাস ধরে নিকসন বাইরে নিরপেক্ষতার ভড়ং করতেন—যদিও সেটা এতই টুনকো ছিল যে, সামান্য ঠোঁট মারতেই চৌচির হয়েছে একাধিক বার। অন্যর মহলে কিসিংগারের নেতৃত্ব আখেরী “জাহি জাহি” যে গোপনস্ত গোপন সভা ৩, ৪, ৫, ৬, ৮ ডিসেম্বরে ৭১-এ হয়েছিল, সেগুলোর চিচিং ফাঁক করে দেন প্রাতঃস্মরণীয় প্রখ্যাত কলাম-লেখক জ্যাক এণ্ডারসন মার্কিন সংবাদপত্রে, ৫ জানুয়ারী ১৯৭২-এ। কি নির্দাক্ষণ বেহায়া ভগুমী চালিয়েছিলেন মুনিব চাকর হুঁজনাতে। হতে হয়ে কিসিংগার সবাইকে শুধোচ্ছেন, কি কৌশলে গোপনে পাক-সরকারকে অস্ত্রশস্ত্র সরবরাহ করা যায়? বিশেষজ্ঞরা মাথা নেড়ে বলছেন, ইরান, তুর্কীর মারফত ও হয় না। (পাঠানো হয়েছিল, আমরা জানি—লেখক)। শেষটায় কিসিংগার অতিষ্ঠ হয়ে বলছেন, “আমরা একটা স্টেটমেন্ট দেব বই কি। আমরা, এই খেন অনেকটা সাধারণভাবে (ইন জেনারেল টার্মস)—অর্থাৎ ধরি মাছ না ছুঁই পানি ধরনের বলবো, পূর্ব-পাকে একটা পলিটিকাল গুনজাইশ ‘একোমডেশন’—অর্থাৎ সন্ধি না, চুক্তি না, (ছয় পয়েন্ট মাথায় থাকুন।—লেখক) করে নেওয়ার পক্ষপাতী—আমরা। কিন্তু কোনো ধরা-বাঁধার মত (স্পেসিফিকস) অবশ্যই কিছু বলবো না, ইঙ্গিতও দেব না—যেমন ধরো মুজীবকে মুক্তি দেওয়ার মত।” এটা অন্যর মহলে।

বৈঠকখানায় নিকসনের পরিজাহি চীৎকার “অস্ত্র সম্বরণ করো, অস্ত্র সম্বরণ করো।”

ধন্ত, সেই সিলেটা কবি, যিনি নিচের অমূল্য স্মৃতিচিহ্নটি রচয়েছিলেন।
আমি শুধু “হতীন মার” (সংমা-র) বদলে “কিসিংগার” ব্যবহার করেছি :—

“কিসিংগারের কথাগুলি

মধু-রসর বাণী

তলা দিয়া গুড়ি কাটাইন

উপরে ঢালইন পানী ॥”

ছায়ার কার্যরূপ

বহু দিন ধরে ছের হাইনরিষ এ. কিসিংগার কলকাঠি নেড়েছেন। কোনো রকমের সরকারী দায়িত্ব গ্রহণ না করে মিঃ নিকসনের হয়ে ডিয়েতনাম বাবদে আলোচনা সভায় নেতৃত্ব করেছেন, বার বার। কূটনৈতিক “অসুস্থতায়” তিনি

ভূগেছেন অর্থাৎ যেখানে কোনো অসুস্থতা প্রকৃতপক্ষে নেই, অথচ ডিপ্লোমেটকে যে কোনো কারণেই হোক কিছুদিন গা-ঢাকা দিতে হবে, তখন তিনি যে ব্যায়ামের ভান বা ভণ্ডামী করেন সেটাকে বছর পঞ্চাশ ধরে ডিপ্লোমেটিক ইলনেন্স বলা হয়। ছেলেবেলায় আমরা অনেকেই “ক্লাসিক ইলনেন্সে”, ভূগেছি, অর্থাৎ ক্লাসে না যাবার জন্য “পেট-কামড়ানো” “দাঁত” ইত্যাদির শরণ নিয়েছি এবং দ্বিতীয়টার উভয়ার্থে বাহ্যিক প্রমাণ স্বরূপ বদনা-হস্তে ঘন ঘন, কগনো বা জ্রুতপদে, কখনো বা কাংরাতে কাংরাতে, বিশেষস্থলে গমনাগমন করেছি। হের কিংসিংগার কূটনৈতিক অসুস্থতায় অকস্মাৎ ইসলামাবাদে কাতর হয়ে মারী পাহাড়ে যান, এবং তারপর তেমনি অকস্মাৎ উদয় হলেন চীন দেশে, যেন ডুব-সাঁতার কেটে, বড়ীগঙ্গা পেরিয়ে হাশ করে কৌকড়ানো চুলস্বচ্ছ মাথা তুলে বিশ্বজনের বিস্ময় লাগালেন। দুনিয়ার লোক তাঁকে চিনে ফেলার পরও তিনি যতদূর সম্ভব পর্দার আড়ালে থাকাকা দানিশমন্দের সর্বোত্তম নিফৎ বলে মনে করেন। এ কর্মে তাঁর গুরু বরমান—হিটলারের ছায়া। ইহুদীজ কিংসিংগার নাৎসি বৈরী জর্মনরূপে জন্ম নিয়েছিলেন ফ্রুট শহরে। কুখ্যাত হ্যারনবের্গ শহরের গা-ঘেঁষে এ শহর। নাৎসিবৈরী কিংসিংগার পাঁড় নাৎসি বরমানের ঠিক উল্টোটা করবেন এই তো আমরা প্রত্যাশা করবো, কিন্তু কার্যক্ষেত্রে তা হয় না। ইংরেজ ফৌজী আপিসাররা নেটিভ পাঞ্জাবী আপিসারদের উপর যে চোটপাট করতো, তাই নিয়ে পাঞ্জাবীদের মনস্তাপের অন্ত ছিল না—যদিও তার বিরুদ্ধে ফরিয়াদ তারা বড় একটা করতো না। তার কারণ অগ্রজ সবিস্তর বলেছি, পুনরাবৃত্তি নিষ্প্রয়োজন। আবার এই পাঞ্জাবীরাই যখন একদিন ব্রিটিশ-রাহ-মুক্ত হল তখন তারা এদেশে যা করলো সে তো ব্রিটিশকে সব দিক দিয়ে লজ্জা দিতে পারে।

আমার মনে তাই নিত্য একটা আশঙ্কা জেগে আছে, পাঞ্জাবী ফৌজ এবং তাদের চেলা-চামুড়ারা যে সব নিষ্ঠুরতা এ দেশে করেছে আমরা যেন তারই পুনরাবৃত্তি করে না বসি। আমাদের মধ্যে যাদের চিত্ত দুর্বল, যারা একমাত্র অহঙ্করণ ছাড়া স্বাধীনভাবে চিন্তা করে আপন কর্মপন্থা বেছে নিতে পারে না, তাদের কিছু লোক কিছুটা নিষ্ঠুরতা করবেই, কিন্তু আল্লার কাছে বার বার করণ আবেদন জানাই, ওটা যেন আমাদের রক্তমাংসে প্রবেশ না করতে পারে, আমাদের ইমান যেন আচ্ছন্ন না করে তোলে। এইটেই আমার এ জীবনে আমি সবচেয়ে বেশী ভয়িয়েছি। অকারণে নয়। যুগে যুগে গুলীজানীরা সাবধান বাণী শুনিয়েছেন, “পাশাচার নিখুঁল করো, কিন্তু সে পাপের কালিমা

যেন তোমার গাঙ্গ স্পর্শ না করতে পারে। তার চেয়ে পাপাচারী হাতে শহীদ হওয়া ঢের ঢের ভালো।”.....আমি জানি, এ প্রস্তাবনাটি এখানে সম্পূর্ণ অবাস্তব না হলেও এতখানি সবিস্তর বলাটা মাত্রা ছাড়িয়ে গেছে, কিন্তু যে ভয় আমাকে আজীবন নিঃসন্দেহে সবচেয়ে বেশী শঙ্কাতুর করে রেখেছে সেটা এ-জীবনে অন্তত একবার সংক্ষেপে উল্লেখ না করে থাকতে পারলুম না। বহু পরিবর্তনের ভিতর দিয়েও যুগ-যুগ-ধাবিত নিষ্ঠুরতা অপরিবর্তনীয় রয়ে গেছে—এই তো সর্বনাশ!

কিসিংগার দেশত্যাগী হন পনেরো বৎসর বয়সে। নাৎসিরা ক্ষমতা লাভের প্রায় চার বৎসর আগের থেকে, দেশময় না হলেও ফ্যুট-ল্যুরনবর্গ অঞ্চলে যে নিষ্ঠুরতা দিয়ে জনগণের—বিশেষ করে ইহুদীদের—মনে ভ্রাসের সঞ্চার করে, তার লক্ষণ যেন আমি কিসিংগারের কার্যকলাপে মাঝে মাঝে দেখতে পাই। খাঁটি নিষ্ঠুরতাটার কথা হচ্ছে না। মানুষ যে নিষ্ঠুর হয় সেটা সর্বত্রই বোঝাবার জন্য যে তার শক্তি অসীম, তোমার একমাত্র কাজ তার বশ্বতা স্বীকার করা। কবির ভাষায়,

“পালোয়ানের চেলারা সব
ওঠে সেদিন থেকে,
ফোসে সর্প হিংসা-দর্প
সকল পৃথ্বী ব্যোপে,
বীভৎস তার ক্রুধার জ্বালায়
জাগে দানব ভায়া
গজি বলে ‘আমিই সত্য,
দেবতা মিথ্যা মায়া’।”

ব্রাউন-শার্ট, এস এস, হিমলার হিটলারের গর্জন—তারাই সত্য। তাদের পশুবলেই সত্য শেষটার একদিন লোপ পেল। কিন্তু হায়, এখনো আজো তাদের দর্প দৃষ্ট তনতে পাই বহু জার্মান পলিটিসিয়ানের জলজ্যান্ত কণ্ঠে, কটিনেণ্টে, মার্কিন মুলুকে। হাঁ, দেশকালপাত্র ভেদে অবশ্যই কখনো নিষ্ঠুর রূপে কখনো বা মৃদু কণ্ঠে সে স্বৈরতন্ত্র—ডিক্টেটরি—আত্মপ্রকাশ করে। তার ক্রুরতম নীতিধর্ম-হীন স্বপ্রকাশ ইজরায়েলের গোড়াপত্তনের দিন থেকে। এই ইহুদীরাই সবচেয়ে বেশী নিৰ্বাতিত হয়েছিল হিটলারের হাতে। হিটলার অবশেষে আইন পাল করলেন ইহুদীদের কোন রাষ্ট্রাধিকার নেই, জার্মানি তাদের মাতৃভূমি নয়। এবং সবচেয়ে বড় বিষয়, রুডতম ট্রায়েডি—এই সব বাস্তবায়ন ইহুদীরাই ফলশ্রুতি

গিয়ে লেগে গেল সন্ধান দিয়ে খুঁচিয়ে খুঁচিয়ে নয়-নারী, আবাল-বৃদ্ধ শিশুকে আরবদের আপন মাতৃভূমি থেকে বাস্তুহারা করতে। কিসিংগার পরিবার বাস্তুহারা হয়ে পেয়ে গেলেন, বিপুলতর রাষ্ট্র আমেরিকা—যেন বিশ্বভূবন হুবিধার পরিবর্তে।

ভিন দেশে আশ্রয় নেওয়ার পর কটর আত্মাভিমানী জন তার ঐতিহ্যগত আচার-ব্যবহার জোরসে পাকড়ে ধরে থাকে, সাধারণ জন সে দেশের জনশ্রোতে গা ভাসিয়ে দেয়, আর ভাগ্যাহেষ্টী স্ববিধাবাদী জন সর্ব ঐতিহ্য, সর্ব বৈশিষ্ট্য বিসর্জন দেয় শুদ্ধমাত্র সাফল্য লাভের তরে। পিতা কিসিংগার কোন পক্ষী ছিলেন, বলা কঠিন। পুত্র ওসব পুরনো কাস্থন্দী খাঁটতে চান না, তিনি যে নিজকে একেবারে আগা পান্তলা খাঁটির খাঁটি বনেদী খান্নানী মার্কিন রূপে পরিচিত করতে চান সে বিষয়ে মার্কিন-অমার্কিন সবাই নিঃসন্দেহ।

নামটা নিয়েই শুরু করি। প্রথম নাম, হেনরি। জর্মনে বলে হাইনরিখ, ফরাসীতে বলে, আরি। ছেলেবেলায় নিশ্চয়ই তাঁকে সর্বাই হাইনরিখ নামে ডেকেছে, তিনিও তাই লিখেছেন। ইহুদী কবি হাইনরিখ হাইনে অধিকাংশ জীবন কাটান প্যারিসে নির্বাসনে। কিন্তু তাঁর ছিল গভীর দেশপ্ৰীতি তথা আত্মাভিমান। তিনি হাইনরিখকে পাণ্টে তার ফরাসীরূপ “আরি” লেখার প্রয়োজন কখনো বোধ করেননি। রোজোভেন্ট পরিবার গোড়ার থেকেই সর্বাইকে উত্তমরূপে বঝিয়ে দিয়েছিলেন, তাঁরা জাতে ডাচ এবং ইংরেজী কায়দায় রুজভেন্ট উচ্চারণ তাঁরা পছন্দ করেন না। কিসিংগার উচ্চারণের বেলাও তাই। প্রাক্তন জর্মন প্রধানমন্ত্রী কিসিংগারের শেষাংশের উচ্চারণ যে ‘—গার’, এবং ‘জার’ নয় সে তথ্য সবাই জানে। বক্ষ্যমান হাইনরিখ কিসিংগার ইচ্ছে করলেই পাঁচজনের দৃষ্টি সেদিকে আকৃষ্ট করে নির্দেশ দিতে পারেন ‘জার’ না করে যেন ‘গার’ উচ্চারণ করা যায়। কিন্তু তিনি আমাদের পাড়ার হরিশ চন্দ্র সান্যালের লিখিত হরস সি শ্রাণ্ডাল এবং কালিপর্দ মিত্রের পরিবর্তে ব্ল্যাক ফুটেড ফ্রেণ্ডই পছন্দ করেছেন। এনারা খাস সায়েব হতে চেয়েছিলেন, উনি চেয়েছিলেন নির্ভেজাল মার্কিন হতে। হেনরি আর কিসিংগারের মাঝখানে একটা ইংরিজি অক্ষর “এ” আছে। অক্ষরটা কোন নামের আঙক্ষর সেটা আবিষ্কার করতে সক্ষম হইনি। বিবেচনা করি, খুনীয়া লোটকা বনবোওরীলা টিপিকাল ইহুদি নামই হবে, খাঁর অন্নাত, অধোত ইহুদি খুসবাইটি দূর-দরাজতক ভরপুর ম ম করে। অতএব ও নামটা চেপে যাও বিচক্ষণ বড়িয়ালের মত, শুদ্ধমাত্র ‘এ’ দিয়ে বাকিটা রাখো।

এতপানি ছড়িয়ে ছিটিয়ে কেবলমাত্র কিসিংগারের নামটি নিয়ে লোফালুফি করার মাধ্যমে আমি শুধু মাফ চেয়ে বলতে চাই, তুমি যে ইহুদি তুমি যে জাত-মার্কিন নও, সেটা চেপে গিয়ে মার্কিনদের হত্মকরণ করো কেন? (টু ইমিটেট-এর অজ্ঞবাদ ‘অত্মকরণ’; টু এপ-এর অজ্ঞবাদ ‘হত্মকরণ’)। ইহুদিদের ভিতর বেসুয়ার সজ্জন আছেন, মার্কিনদের চেয়ে অমার্কিনদের ভিতর ভজ্জন বে-এস্তুহা বেশী।

এ সব সবারি অতিশয় সাধারণ। কিন্তু অসাধারণ নাকি কিসিংগারের প্রতিভা এবং মানবিক গুণরাজির সংমিশ্রণ।—এ সত্য মার্কিন মুল্লুকের উত্তম উত্তম রাজনীতিবিদরা স্বীকার করেছেন। রবার্ট মেকনামারার মতামতের মূল্য নিশ্চয়ই বহুগুণ-গ্রাহ্য। তিনি বলেন, কিসিংগারের ভিতর তিনটি অসাধারণ গুণের সমন্বয় হয়েছে; জার্মানদের কর্ম করার সুবিশুদ্ধ শৃঙ্খলাবদ্ধ পদ্ধতি (সিসটেম্যাটিক রীতিবদ্ধতা), ফরাসীদের স্পর্শকাতরতা এবং মার্কিনদের উত্তম (কাজকর্মে অফুরন্ত উৎসাহ, অদম্য নিষ্ঠা)। তাঁর ডক্টরেট থিসিস :২৫৭ খৃষ্টাব্দে প্রকাশিত হয়, নাম “এটম বম এবং পররাষ্ট্র নীতি”—“কের্গাফেন উনট আউস-ভেটিংগে অলিটিক।” এই পুস্তক। ঐ বৎসরই পরিবর্তিত আকারে “এ ওয়ার্ল্ড রিস্টোর্ড” নামে প্রকাশিত হয়।

ইউনিভার্সিটিতে কিসিংগার অতি সহজেই অধ্যাপক পদ পান। পরবর্তী-কালে তিনি প্রেসিডেন্ট নিকসনের উপদেষ্টারূপে নিযুক্ত হলে এক সুরাসিক গুণী তাঁকে ‘প্রফেসর’ এবং ‘প্রেসিডেন্ট’ দুই শব্দের সমন্বয় করে সম্বোধন করেন “মিঃ প্রফেসিডেন্ট বলে।” নানা গুণ থাকা সত্ত্বেও কিসিংগারের কেমন যেন জন-সমাজে নিজের ব্যক্তিত্ব ও উপস্থিতি অথবা দৃঢ়তাসহ প্রকাশ করার একটা সচেতন প্রচেষ্টা লেগে থাকে এবং আপন বুদ্ধিবৃত্তি (ইন্টেলেকট) সম্বন্ধে প্রকাশ পায় তাঁর সীমাহীন ঔদ্ধত্য। এ মস্তব্যটা আমার কাছে বড় অদ্ভুত ঠেকে। নাৎসিরা যখন ইহুদিদের উপর চোটপাট করছে সে সময়টা কিসিংগারের বারো থেকে পনরো আয়ুষ্কাল—আমি ঠিক সেই ক’ বৎসরেই বন বিশ্ববিদ্যালয়ের ছাত্র। আমার সহপাঠী ইহুদিরা যে তখন কতখানি মানসিক দুশ্চিন্তায় পীড়িত এবং ভবিষ্যৎ সম্বন্ধে শঙ্কায়িত ছিলেন সে স্বত্তি আমার কখনো ম্লান হবে না। এঁরা যে তখন হীনমন্ততার (ইনফেরিয়রিটি কমপ্লেক্সের) সহজ শিকার হবেন, সেটা অনায়াসেই বোঝা যায়। তাই মনে আসে আবার সেই নীতিবাক্য : জালিম তার জুলুমের অনেকখানি রেখে যায় তার শিকারের (মজলুমের) চরিত্রসত্তায়। এরই প্রতিক্রিয়া স্বরূপ দেখা যায়, তার চিন্তাধারার

কার্যকলাপে অহেতুক দণ্ড, অকারণ অপমানজনক আচরণ।

নিক্সনের কর্ণধার, “প্রাইভেট নয়নঘর” ডিটেকটিভ উপস্থাপনের হী-ম্যান হীরো “ওয়াশিংটন ০০২”; এবং সর্বশেষে “প্রভুর বিবেক স্পন্দন” এই হর-ফন-মোলা কিসিংগার। ইনি নিজের কার্ণধার কন্ঠস্বর তরে কখনো কোন ডেপুটি রাখেন নি—বরমানও রাখেন না—অধঃস্তন কর্মচারীদের কড়া মানা, তাঁরা ঘেন কখনো সরাসরি নিক্সনের সম্মুখীন না হয়। তদুপরি তিনি কংগ্রেস, ব্যুরোক্রাটি এমন কি গণশক্তির আধার ভোটারদের অতিশয় তাক্ষিল্যের চোখে দেখেন। তাঁর মতে, স্থূল পররাষ্ট্র নীতি চালাবার পথে এরা হুইসেনস, বেকার বাঘেলায় বাধা মাত্র।

ইনি হতে চলেছেন, কিংবা ইতিমধ্যে হয়ে গেছেন পররাষ্ট্র-মন্ত্রী। এবারে লাগবে ভাষ্যমতীর খেল—অবশ্য ওয়াটারগেট-ফাঁড়াটা কাটাতে পারলে। পাঠক সেদিকে নজর রাখবেন। নইলে আমি এতখানি লিখতে যাবো কেন? অথচ তাঁর পূর্ণাঙ্গ জীবনদর্শন সম্বন্ধে এখনো কিছু বলা হয় নি। হবে। ধীরে রজনী, ধীরে।

সাধু সাবধান ।

প্রথম লেখাতেই যদি লেখক লম্বা-চৌড়া আত্মপরিচয় দিতে আরম্ভ করেন, তবে পাঠকমাত্রই বিরক্ত হয়। সে-পরিচয় দিতে হয় ধীরে ধীরে, টাপেটোপে, মোকা-মাফিক। এই বেলা তারই একটি ক্ষুদ্র অংশ নিতান্তই বাধ্য হয়ে দিতে হচ্ছে।

অস্বীকার করবো না, একদা টুকলি করেই হোক, এগজামিনারকে প্রলোভন দেখিয়েই হোক, দু'একটা আজেবাজে পরীক্ষা পাস করেছিলুম। তার পর মাঝে-মধ্যে দু'একখানা বই, পত্র-পত্রিকাও পড়েছি। কিন্তু স্বরাজ পাওয়ার বছর দশেক পর থেকে দেখতে পেলুম, কি ভারত, কি (মরহুম) পূব-পাক সরকার উঠে-পড়ে লেগে গেছেন, অশিক্ষিতকে শিক্ষিত করতে এবং যেটা আপনাদের কাছে অবিখ্যাত মনে হতে পারে,—শিক্ষিতকে অশিক্ষিত করতে। খবর এল, সরকার হার্ড-কারেনসি বাঁচাতে চান। ইংরেজ আমলে এবং স্বাধীনতার গোড়ার দিকে থ্যাকার দাশগুপ্ত কোম্পানীকে নেটিভ-টাকা মেড়ে দিলেই তারা ইংরেজি, ফরাসী, জার্মান যে-ভাষার যে-বই চান, আনিয়ে দিত। এখন আর সেটি চলবে না। সরকার বাছাই বাছাই কোম্পানিকে বিদেশী মুদ্রার 'কোটা' দেবেন। আপনি কি বই চান, তাদের জানাবেন। তাঁরা ব্যবস্থা করবেন। সরল পাঠক, উল্লাসে নৃত্য জুড়েছেন তো? আমারও চিত্ত জুড়ালো! উল্লাসভরে বইয়ের অর্ডার দি। নো রিপ্লাই। কেন? খবর নিয়ে জানলুম, পুস্তকবিক্রেতারা যে 'কোটা' পান তাই দিয়ে জাহাজ জাহাজ টিকটিকি নভেল আর খাবস্তুসংস্কৃতির বই আনান ৪০ থেকে ৬০ পার্সেন্ট কমিশন! আর আমি চেয়েছি, হের ডক্টর কিসিংগারের জার্মান ভাষায় লেখা কেতাব,—“এটম বমের ভয় দেখিয়ে কি প্রকারে বিশ্বশান্তি স্থাপন করা যায়,” মোটামুটি কেতাবের নাম ঐ। সে-বই একখানা আনালে পুস্তকবিক্রেতা কোনো কমিশনই পাবেন না, কিংবা পাঁচ পার্সেন্ট! আমার এক ক্যাপিটালিষ্টি পয়সাদার কম্যুনিষ্টি ইয়ার অনেক ঝুলোঝুলি করার পর পুস্তকবিক্রেতা, সত্য সত্যই মোটা কমিশনের লোভ কাটিয়ে তাঁকে বললেন, আমি যদি একই কেতাবের—আবার বলছি একই কেতাব, পাঁচখানা ভিন্ন ভিন্ন বই নয়—একই কেতাবের পাঁচ কপি এক অর্ডারেই কিনি, তবে তাঁরা বিষয়টি মেহেরবাগীসহ বিবেচনা করে দেখবেন। শুধু পাঠক, একই বইয়ের পাঁচ কপি! আচ্ছা বলুন তো, খুদে জ্যোৎস্নাকে যদি একই রং-ঢেঁক, ছব্বছ একই ধরনের, পাঁচখানা

কার্বন-কপির মত পাঁচটা স্বামী দেওয়া হতো তা'হলে তিনি কি চাঁদ-পানা মুখ করে পাঁচ দফে কবুল পড়তেন ?...এবং তুলবেন না, তাঁকে রোজা টাকা ঢালতে হয় নি। তা সে থাক গে। কিন্তু এখানে বলে রাখি, আমি সরকারের সমালোচনা কক্ষিকালেও করি নে। বরঞ্চ না খেয়ে মরবো, তবু হাক্কার-স্ট্রাইক করতে আমি রাজী নই। সরকার বইয়ের বদলে গোবর কিনে যদি দেশের খাদ্য উৎপাদন বাড়িয়ে নিরন্নকে অন্ন দিতে পারেন, তবে আপত্তি করার মত অত বড় পাষাণ আমি নই। আর ব্যক্তিগতভাবে আমার কীই বা লাভ-লোকসান ? আমি ছিলাম অশিক্ষিত, থাকবো অশিক্ষিত। পূর্বোক্ত জার্মান বই পেলে আমি কি রাতারাতি শহীদুজ্জা হয়ে যেতুম ? লাইব্রেরীর চাপরাসী দিন-ভর হাজার হাজার বইয়ের মধ্যখানে বাস করে শেষটায় কি শিক্ষামন্ত্রীর পদে প্রমোশন পায় ? তবে প্রসঙ্গটা তুললুম কেন ? বলেই ফেলি। আজ আবার শব-ই-বরাৎ ! মাঝে মাঝে এ-বই সে-বইয়ের রেফারেন্স দিয়ে সরল পাঠককে তাক লাগাবার কুমৎলব আমার হয়। তখন যেন আমার কথা বিশ্বাস করে ফাঁদে পা দেবেন না।

শক্তির ভারসাম্য

হের ডক্টর ফিল হাইনরিখ কিসিংগারের চিন্তাজগতের গুরু প্রখ্যাত রাজ-নীতিবিদ, তৎকালীন অস্ট্রিয়া হাঙ্গেরীর ফরেন মিনিস্টার (১৮০৯--১৮২১) ক্লেমেনস মেটারনিষ। নেপোলিয়নের পতনের পর লণ্ডনও ইয়োরোপে যখন রাষ্ট্রে রাষ্ট্রে স্ববো-শাম কামড়াকামড়ি চলছে, তখন মেটারনিষ প্রধান রাষ্ট্রগুলিকে ভিয়েনাতে নিমন্ত্রণ করে একত্র করতে সক্ষম হন। শুধু তাই নয়, তাঁরই যুক্তিতর্ক অসাধারণ মেলামেশা করার ক্ষমতা ইয়োরোপের রাষ্ট্রগুলির মধ্যে সীমা-নির্ধারণ করতে সমর্থ হয়। আজকের দিনে বারা ইউনাইটেড নেশনসের কার্যকলাপ চোখ মেলে দেখেন তারা এ কর্মটি সম্পূর্ণ অবিখ্যাত বলে মনে করবেন। মেটারনিষ ভাগ-বাঁটোয়ারা করার সময় যে নীতি অবলম্বন করেন সেটা আজও 'মেটারনিষ সিস্টেম' নামে প্রখ্যাত। এ নীতির মূলে ছিল ভারসাম্য। অর্থাৎ ইয়োরোপকে এমনভাবে বিভক্ত করতে হবে, যাতে করে কোনো রাষ্ট্রই যেন বড় বেশী বলবান না হতে পারে, এবং শেষটায় গুণ্ডার মত ছুঁলা রাষ্ট্রের কান পাকড়ে আপন স্বার্থ গুছিয়ে না নিতে পারে।* অপকর্মের ভিতর ঐ ভিয়েনা কংগ্রেসে সিংহলকে আনুষ্ঠানিক-

ভাবে ইংরেজের হাতে তুলে দেওয়া হয়। কিন্তু কয়েক বছর যেতে না যেতেই—পাঠক, ঠিক ধরেছো—ইংরেজই সকলের পয়লা কংগ্রেসের পরবর্তী অধিবেশনের ডাক্তা ত্যাগ করে আপন চর-এ ঘাপটি মেরে বসে রইল। নীতিটার দিশ্য় কিন্তু ইংরেজই মালুম করতে পেরেছিল সব চেয়ে বেশী। এ সব দলাদলির একশ' বছর পরও প্রধানমন্ত্রী চেম্বারলেন ইয়োরোপের ভারসাম্য রাখবার জন্য হিটলারকে খাইয়ে-দাইয়ে পোস্টাই করেছিলেন স্তালিনের সঙ্গে আখেরে লড়বে বলে।

বাংলাদেশ-পাকিস্তান

গুলি খান-খানা খান

পাঠক অর্ধেক হবেন না। কারণ এ ছাড়া অন্য গতি নেই। কে বিশ্বাস করবে বলুন, সুদূর মার্কিন যুক্তকের ওয়াটারগেট কেলেঙ্কারির সঙ্গে এই গরীব বেচারী বাংলাদেশের—বাংলাদেশ কেন, কুলে বিখের বরাং বিজড়িত। ‘বরাং’ শব্দটি ইচ্ছে করেই বললুম। কারণ শবেবরাতের রাত্রেই বেতারে গুনতে পেলুম, (পরের দিন খবরের কাগজ ছুটিতে ছিলেন বলে সে খবর পাকাপাকি-ভাবে জানতে পারলুম না, পাঠক আমার তরে আধেক ইঞ্চি মার্জিন বা গুজাইশ রাখবেন) যে-হের ডক্টর কিসিংগার তাঁর মিত্র, পররাষ্ট্র-মন্ত্রী রজার্সকে ঠেলা মেরে সরিয়ে, আপন ছায়ারূপ পরিত্যাগ করে কায়ারূপ ধারণ করতে যাচ্ছেন, অর্থাৎ তাঁর গদ্বিতে বসবেন, তিনি সিনেট সদস্যদের এক প্রশ্নের উত্তরে বললেন, ‘নাটকীয় তেমন কিছু একটা পরিবর্তন ঘটে নি, তবে গত ছ’মাস ধরে ভারত এবং বাংলাদেশের সঙ্গে আমাদের সম্পর্ক উন্নতি লাভ করেছে।’ কাঠরসিক ফোড়ন দেবে, ওয়ার্স থেকে ব্যাড-এ এসেছে, নিকুটতর থেকে নিকুটে পৌঁছেছে। এর পর মুহূর্তেই বলবেন, “কিন্তু পাকিস্তানের বড় বেশী ক্ষয়ক্ষতি হয়ে গিয়েছে, তাকে সাহায্য করতে হবে।” আহা, বাছা রে, পূব-পাককে পেঁদিয়ে পেঁদিয়ে তোমার হাতে বড় ব্যথা ধরেছে। এসো, যাহু, একটা গোল্ড ইনজেকশন দি। পরে, চাই কি, এক খালুই এটম-আণ্ডা পাঠিয়ে দেব’ধন।

স্মরণে আসছে না, বলেছি কি না, কিসিংগার-নিম্বন গলাডা কাড্যা ফালা-ই-লেও মি: ভুট্টোকে ফোজী জুস্তার “ফী নারি—” পড়তে দেবেন না। হ্যাঁ, জুস্তার খুঁটি এ-দিক ও-দিক সরাস, ছু-চারটেকে রাজসিক পেনসন দাও—কিন্তু হাঁক দিলে যেন পুতুরের ওপার থেকে লাঠি হাতে তড়িঘড়ি ঝুঁকলে হাজির

হয়। আর ঐ বস্তা-পচা সিন্টেমে জুতার বেশী লোককে ইলচির পাগড়ি পরিবেশন দেশ পাঠিয়ে না। কে জানে, কবে লেগে যাবে ভারত, আফগান, রুশ-চীন কার সঙ্গে। এশ্বক বেলুচ পাঠানকে ঠাণ্ডাবার তরে টিক্কা খানের তো কুইনটপ্পেট ভাই নেই! জুতা ভাঙলে ওদের ঠেকাবে কে?

হঠাৎ কিসিকার এ-হিম্মৎ ঘোঁড়াড় করলেন কোথা থেকে? এ্যাঙ্কিন তো প্রভু-ভৃত্য—অথবা ভৃত্যের বেশে ‘প্রভু—হু’জনাই তো গোরস্তানী খাম্বী এখতেয়ার করছিলেন। ঝপাঝপ স্টেটমেন্ট, দেমাতি, এশ্বক প্রেস-কনফারেন্স দিতে শুরু করেছেন হজুর, আর ইয়ার বুক ফুলিয়ে সিনেটের সামনে বলছেন, “পাকিস্তানকে মদদ দিয়েছিলুম—বেশ করেছিলুম। ফের দেবো” ছুঁচো জ্যাক এণ্ডারসনকো মারো গুলি—সেটা বলেছেন মনে মনে। আর স্বয়ং নিম্নন ওয়াটারগেট তদন্তের চেয়ারম্যান, ভাইস-চেয়ারম্যান, সিনেটরদের খেতাব দিয়েছেন, কিচিরমিচির করনেওলা সব কথাতেই ‘না-মনজুর! না মনজুর!’ ‘চিল্লি মারার নবাব সায়েবের পাল’—ইংরেজিতে “জাটারিং নবাবস অব নিগেটিভজম”। কবি নিম্ননের তা’হলে এই ন’অক্ষরের অল্পপ্রাসের প্রতি বিলক্ষণ দিল-চম্পী আছে। আমার বাংলা তর্জমাটা বড্ড কুশাদা হয়ে গেল, কিন্তু পাঠক লক্ষ্য করবেন, মূল ইংরেজিতে ‘নবাব’ শব্দটি আছে, সায়েবী উচ্চারণ অবিশিষ্ট “নইবব”। নিম্নন এখানেই কাস্ত দেন নি। স্বয়ং কটু বাক্যের জঁহাঁবাজ ‘নইবব’ নিম্নন মেহমান জাপানী প্রধানমন্ত্রীর ‘স্বাস্থ্য পান’ করার সময় বলেছেন, “ওরা সব সামলাক তাদের গম-পেরেশানী, ফালতো হাবিজাবির আক্রোশ”—ভাবখানা এই, “আমি এগিয়ে যাবো ড্যাং ড্যাং করে”। ইংরেজ সচরাচর এ ধরনের বিদেশীয় বড়কাটাইয়ে ভতি বগল-বাজানোর উপর নজর দেয় না। কিন্তু এহলে তাঁদেরই এক পয়লা নম্বরী সম্পাদক বলেছেন, “উঁহ! এবার থেকে হজুরকেই ঐ গম-পেরেশানী দিয়ে নিতি নিতি লাঞ্চ ডিনার খেতে হবে।” হয়তো হবে, কিন্তু আমার মনে লয়, হাওয়া ঘেন হঠাৎ করে উল্টো দিকে ভর করেছে।

রতি-বল-বর্ধক কিসিংগারী সালসা

মেটারনিব নীতিতে—শক্তির ভারসাম্যে—কিসিংগারের অচল বিশ্বাস। কিন্তু এই নীতিটা হালফিল কাজে খাটাতে হবে অল্প পন্থায়। মার্কিনের হাতে আছে এটম বম্বের ডাণ্ডা। সেই ডাণ্ডার ভয় দেখিয়ে ছনিয়ার কুন্ডে রাষ্ট্রকে বলে দেব, কে

কতখানি শক্তিবান হবার অহুমতি পেল। এইটেই ছিল ডঃ কিসিংগার-খীসিসের মূল বক্তব্য। বইখানা পড়ে নিশ্চয় তদুপেই মুগ্ধ হয়েছিলেন। ক্ষমতা লাভের পর নিশ্চয় ডেকে পাঠালেন কিসিংগারকে ঐ “শক্তির ভারসাম্য” কাজে লাগাতে। এখানে দু’টি তথ্য বলে নেওয়া ভালো। কিসিংগারের মতে, ‘শক্তির ভারসাম্য’ তো বটেই, কিন্তু সেটা এখন আসবে এটম বম্বের “ভীতির ভারসাম্য” রূপে, কিন্তু নিজকে থাকতে হবে শক্তিমান। এবং তাঁর আপন মাতৃভাষা জার্মানে কিসিঙ্গার ঝেড়েছেন একটি লাখ কথার এক কথা : “মাখট ইসট ডের গ্রেয়াসটে আফ্রিডিসিয়াকুম”—অর্থাৎ “পলিটিকাল শক্তিই (‘মাখট’ ইংরিজি ‘মাইট’) সর্বোৎকৃষ্ট আফ্রিডিসিয়াক’—যে ঔষধ রতিশক্তি বাড়িয়ে দেয়, পঞ্জিকায় যে-সব মলম-বড়ির চটকদার বিজ্ঞাপন অঙ্কেরও চোখ এড়াতে পারে না, তার ভজ্ঞ নাম এফ্রিডিসিয়াক। দ্বিতীয় তথ্য, দুশমন পরাজিত হলেও মজলুমের উপর তার প্রভাব রেখে যায়—এটা পূর্বেই বলেছি। শক্তির উপাসক হিটলার দেখিয়েছেন, শক্তিতে ভাটার টান লাগার সম্ভাবনা দেখলেই শক্তির ভড়ং দেখাবে মাসল ফুলিয়ে, উরু খাবড়ে। এটা তো ভালো করে রপ্ত করেছেনই কিসিঙ্গার, তদুপরি হিটলারের গুরু শক্তির মূর্তিমান প্রতীক বিসমার্ক (ইনি মেটারনিষের সত্বপদেশ নিতেন আখছারই) সম্বন্ধে দীর্ঘ প্রামাণিক প্রবন্ধ লিখে তাঁরই পন্থায় শক্তি সাধনায় নিজকে বহুপূর্বে চালিত করেছেন।

আকস্মিক না প্ল্যান-মাফিক

এইবারে কিসিঙ্গার নেমেছেন মজলুমিতে। তাঁর অন্তরঙ্গ সখা পররাষ্ট্র সচিব রজার্স, ধীর সাহায্য তিনি নিয়েছেন রাজনীতিতে ছায়াসরূপে পদার্পণ-কালে, অরূপভাবে, তাঁকে সরিয়ে তিনি সম্পূর্ণ আত্মপ্রকাশ করেছেন প্রথর দিবালোকে। ভিয়েনা কংগ্রেসের শক্তিসাম্য নির্মাণকালে তাঁর মানস-গুরু মেটারনিষও ছিলেন প্রচণ্ড শক্তিমান অস্ট্রিয়ার পররাষ্ট্র-মন্ত্রী। রণাঙ্গনে নেমে কিসিঙ্গার কোন্ ইঙ্গিরাভীত শঙ্কখনি বাজিয়েছেন, জানি নে, কোন অদৃষ্ট ইঙ্গিত দিয়েছেন বুঝি নি কিন্তু ফলস্বরূপ এ ক’দিনে কি কি ঘটনো লক্ষ্য করুন। সব কটাই কিসিংগার নীতি অমুঘায়ী।

১। ইজরায়েল অকস্মাৎ আক্রমণ দ্বারা সীরিয়ার বিমান বাহিনীর এক বৃহৎ অংশ পত্ন করেছে পরশুদিন। সীরিয়া রীতিমত ধরাশায়ী।

২। জনাব আজীজ আহমদ অকুঠ তর্কাতীত ভাষায় বলেছেন, সর্বশেষ

যুদ্ধবন্দীকে পাকিস্তানে পাঠাও। তাদের বিরুদ্ধে কোনো মোকদ্দমা চালাতে পারবে না। উইনাইটেড নেশনে ঢোকান প্রস্তাব তার পর। চীন আছে সেখানে পুরো মদত দিতে—আমাকে। কোথায় গেল উভয়পক্ষের সমাসনে বসে আলোচনার সমঝোতাটা? এই সুর-পরিবর্তন বিশ্বরাজনীতিতে ভয়ঙ্কর কিছু নয়, কিন্তু বাংলাদেশ এবং পরোক্ষভাবে আফগানিস্তানের পক্ষে জবর গুরুত্ব ধরে।

৩। সদর দাউদ মার্কিনের চেলা না হয়েও কিসিংগারের অদৃশ ইঙ্গিত দেখতে পেয়েছেন। তাড়াতাড়ি পাঠিয়েছেন আগা মুহাম্মদ নঈমকে কমরেড ব্রেজনেভের কাছে। কি বৃত্তান্ত কিছুই জানা যায় নি। দাউদ যে আজীজের কণ্ঠস্বরে পরিবর্তন লক্ষ্য করেছেন তাই নয়, কিসিংগার যে পাকিস্তানকে সাহায্য করবেন (দাউদ জানেন, সে সাহায্য গোপনে সেরা সেরা অস্ত্রশস্ত্রের রূপ নেবে) সেটা কিসিংগার সিনেটের সামনে স্পষ্ট ভাষায় বলে দিয়েছেন। নিম্ননাদির দৃঢ় বিশ্বাস ক্রশের সাহায্য নিয়ে দাউদ ‘কু’ সমাপন করেছেন, ব্রিটিশ বলে অসম্ভব নয়, তবে ক্রশ যে আগের থেকেই কু’র খবর জানতো সেটা সন্দেহাতীত।

৪। সবচেয়ে মারাত্মক চিলি রাষ্ট্রের কু। নিউইয়ার্ক টাইমস বলেছে, চিলির কু’র আগের দিনই যুক্তরাষ্ট্র পরিকল্পনাটির খবর জানতো। মার্কিন সহকারী পররাষ্ট্র-মন্ত্রী সিনেটের সামনে এই সাক্ষ্যই দিয়েছেন। হোয়াইট হাউসের মুখপাত্র বটপট তার দেয়ালি (প্রতিবাদ) প্রকাশ করেছেন ও যুক্তরাজ্যের সুরকারী ব্রটিং পেপার দিয়ে আড়াই ফোটা কুস্তারাক্ষণ শুনিয়ে দিয়েছেন। তিনি অস্বংক্রিয় গোপন টেপ-রেকর্ডের জ্ঞান ফুঁপিয়ে ফুঁপিয়ে কৈদে থাকলে সে টেপ মহাফিজখানার সষত্রে রাখা হয়েছে কি না, স্ত্রীম কোর্ট গোঁ ধরে সেটা চেয়ে বসলে সদর নিম্নন সেটা দেবেন কিনা, তা এখনো প্রকাশ পায়নি।

এতগুলো দ্বিধাজয় কি দৈবযোগে, গ্রহ-নক্ষত্রের কেরামতিতে ঘটলো? এর সঙ্গে বিজড়িত আছে আরো তিনটি ঘটনা। (১) যে আদালতে ওয়াটার-গেট কমিটির পক্ষ থেকে নিম্ননের উপর হুকুমজারি চাইছে, তিনি যেন তদন্ত সম্প্রসারিত টেপগুলো কমিটিকে দিয়ে দেন, সে আদালত সরাসরি রায় না দিয়ে একটি স্থলে প্রস্তাব করেছেন। অনেকে মনে করেন, নিম্নন-বৈরী-ভাব যেভাবে দ্রুত কমে যাচ্ছে তাতে করে আদালত দেশের বিরাটতর স্বার্থের খাতিরে এটা করেছেন। কিন্তু নিম্নন গরম। পূর্বেই একাধিকবার শুনিয়েছি, কি কেরামতির বদৌলত এ সব ঘটছে? এখন শুধোই হজুরের আকস্মিক এ

গরমাইয়ের অথচ কি ? তিনি আদালতকে পাল্টা প্রশ্ন করেছেন, কিন্তু এতে করে আমার “প্রশাসনিক স্বয়ংসম্পূর্ণ স্বাধিকার”—খুদ-মুখতারী—ফুল হবে না তো ? অর্থাৎ ভবিষ্যতে ফের অন্য কিছু চেয়ে বসলে আমাকে বিনা ওজর-আপত্তে হুড়-হুড় করে কুলে চীজ টেলে দিতে হবে না তো ? আদালত সঙ্গে সঙ্গে অভয় দিয়ে বলেছেন, “আরে না, না, না।” এ সব প্রশ্ন, হঠাৎ এই মধুর মধুর মোলায়েমীটা আদালতের খাসলতে এল কোথেকে ? আদালতের এহেন গুংজাইশ প্রচেষ্টা যে বড্ডই অভিনব ঠেকছে ! আমরাও স্থলেহ চাই, কিন্তু এতখানি আক্রা দরে ?

(২) আরভিন তদন্ত কমিটি নিয়েছিলেন ছুটি—১৫ই অক্টোবর পর্যন্ত। হঠাৎ খবর এল, আরভিন মেম্বারদের জানিয়েছেন, ছুটি বাতিল, কমিটি বসবে ২৪শে সেপ্টেম্বর। কেন ? অনেকেই বলছেন, যেভাবে ঝড়ের বেগে হাওয়া পাল্টাচ্ছে, তার থেকে অহুমান করা সম্পূর্ণ অসম্ভব নয়, যে মোতাবেক ১৫ই অক্টোবরতক আরভিন কমিটি ছুটি উপভোগ করে ঐদিন কমিটি ঘরে এলে হয় তো দেখবেন, দরওয়াজা বন্ধ, পাইক-বরকন্দাজ হাওয়া, আসামী-করিয়াদি গায়েব।

(৩) অবস্থার অধঃপতন দেখে স্বয়ং কেনেডী আসরে নেমেছেন।

মানতেই হবে, বাবাজীবন কিসিংগারের পেটে এস্টের এলেম গিজ গিজ করছে।

কি ভয় দেখালেন তিনি ? তার সারাংশ এইমাত্র শুনলুম, বেতারে। অবশ্য তিনি জিভ কেটে বলবেন, তওবা, তওবা। থাকসার ইহুদীর পোলাডা দেখাবে ভয়—মহাপরাক্রান্ত আরভিন কমিটি, কংগ্রেস সিনেটকে ! তওবা, তওবা !...অতএব বারাস্তরে।

প্রেমালাপ বনাম বৈজ্ঞ-বিমান

পাড়া-পড়শী কারো কাছ থেকে এক খণ্ড মার্কিন সংবিধান লিপি যোগাড় করতে পারবো এমনভরো বাতুলাশা আমরা করি না। আর, যোগাড় হলে লাভটাই বা কি ? ওয়াটারগেটের টেপেরেকর্ড প্রেসিডেন্ট নিক্সন আদালতের হাতে সমর্পণ করতে বাধ্য কি না, সংবিধান এ-সমস্তার কি নির্দেশ দেয়, এই নিয়েই তো যত মাথা ফাটাফাটি। তদন্ত কমিটি বলছেন, দিতে বাধ্য। নিক্সন বলছেন, না। তুলনামূলক যুক্তি দিয়ে বলছেন, প্রেসিডেন্ট তাঁর ব্যক্তিগত কর্ম-

চারীদের সঙ্গে যে সলা-পরামর্শ করেন সেগুলো পুতপবিত্র মুকন্দস। যেমন মক্কেল এবং উকীলে যেসব অস্ত্ররক্ষ আলোচনা হয়, স্বামী-স্ত্রীতে নিভুতে যে গুফতো-গো হয় সেগুলো পবিত্র। অর্থাৎ কোনো আদালতই সেগুলো মোক্ষম হুঁম দ্বারা সংগ্রহ করতে পারেন না, জজ এগুলো একা একা গোপনে পড়তেও পারেন না, প্রকাশ্য আদালতে সর্বজন সমক্ষে ফাঁস করে দেওয়ার তো কথাই ওঠে না। জরৈনক টীকাকার উত্তরে বলেন, যে-দুটো উদাহরণ নিম্ন পেশ করলেন সে-দুটো যদি আইনত মেনে নেওয়া হয়, তবে সঙ্গে সঙ্গে আরেকটি উদাহরণ অতি অবশ্যই মানতে হবে, এবং ঘড়িয়াল নিম্ন সে উদাহরণটা চেপে গেলেন কেন?—ডাক্তারে রোগীতে যে গোপন আলাপ হয় সেটাও সেক্রেড। প্রাতোর চেয়ে বয়সে বড়, ইয়োরোপে যিনি “চিকিৎসা-শাস্ত্রের জনক” রূপে পরিচিত সেই গ্রীক বৈদ্যরাজ হিপপো-ক্রাতেস তাঁর শিষ্যদের দিয়ে শপথ করিয়ে নিতেন “আমি যা কিছু সর্বাপেক্ষা পুত-পবিত্র (সেক্রেড) বলে স্বীকার করি, তাদের নামে প্রজ্ঞাভক্তিসহ (সলেমলি) শপথ করছি, আমি চিকিৎসাকর্ম নিষ্ঠাসহ সমাপন করবো, ইত্যাদি ইত্যাদি”.....এখানে একের পর এক ভিন্ন ভিন্ন কর্তব্য সম্বন্ধে শপথ নেওয়ার পর সর্বশেষে শপথ করতে হত—“রোগী এবং তার সংশ্লিষ্ট জন সম্বন্ধে আমি যা-কিছু দেখতে পাবো, শুনে পাবো, যেগুলো সম্বন্ধে কোনো কিছু বলা অসুচিত সেগুলো আমি অজ্ঞাত গোপন রূপে রক্ষা করবো (ইনভায়োলেবল সীক্রেট)।” ত্রিশ-চল্লিশ বৎসর পূর্বে আমাদের উপমহাদেশেও ডাক্তারদের সনদ নেওয়ার সময় এই কসম নিতে হত। এখনো কোনো কোনো বৃদ্ধ চিকিৎসকের চেধারে এই শপথলিপি ফ্রেমে বাঁধানো অবস্থায় দেখা যায়। আজকের দিনে.....যাক, অগ্রিয় কথা।

নিম্ননের উত্তরে যে টীকাকার রোগীর গোপন কথার পবিত্রতা সম্বন্ধে উল্লেখ করেছেন তিনি খুব সম্ভব আড়াই হাজার বছরের পুরনো সর্ববিশ্ব-সম্মানিত এ শপথের কথা স্মরণ করিয়ে দিয়ে তার দোহাই দেবার কোনো প্রয়োজন অসম্ভব করেন নি। আসল কথা, নিম্ননের দুশমন জরৈনক সিনেটরকে ঘায়েল করার জন্ত হোয়াইট হাউস কর্তৃক সেই সিনেটরের চিকিৎসকের দফতর থেকে রোগীর সঙ্গে চিকিৎসকের গোপন আলাপচারির রেকর্ড চুরি করানো হয়—হুহু যে-কায়দার ওয়াটারগেট থেকে দলিল-দস্তাবেজ পেশাদারী চোর মারফৎ চুরি করানো হয়।

নিম্ননের বিবৃতি যিনি তৈরী করে দেন তিনি নিশ্চয়ই আস্ত একটি গর্দভ। উকিল-মক্কেল, স্বামী-স্ত্রীতে কথাবার্তার পবিত্রতা নিয়ে উদাহরণ দেবার কীই

বা ছিল প্রয়োজন? করলেই যে রোগী-বৈদের পবিত্রতর কথোপকথন উদাহরণ আপনার থেকেই এসে যাবে, সেটা এক লহমার তরেও তার মাথায় খেলে নি? তাজ্জব! এবং সেই পবিত্রতা ভঙ্গ করেছেন নিম্ননের আপন খাস কর্মচারিগণ!

স্কুল-বয় কিসিংগারের ভাইভা

আমি কিন্তু ভিন্ন উদ্দেশ্য নিয়ে মার্কিন সংবিধান-লিপির তালাশ করছিলুম। কয়েকদিন ধরে ডঃ কিসিংগারকে মার্কিন সিনেটের একটা বিশেষ কমিটির সামনে সশরীরে উপস্থিত হয়ে মার্কিন ফরেন-পলিসি নিয়ে হরেক রকম প্রশ্নের উত্তর দিতে হচ্ছে। যেন ভাইভা পরীক্ষা। ইতিমধ্যে এক মার্কিন বেতার-কেন্দ্র বললে, ছুঁজন মেম্বর নাকি বলেছেন, তাঁরা কিসিংগারকে ফরেন মিনি-স্টারের নোকরিটা দিতে চান না। ব্যাপারটা তবে কি? আমরা তো জান-তুম, গণতন্ত্র-শাসিত রাজ্যে প্রধানমন্ত্রী বা সক্রিয় প্রেসিডেন্ট তাঁর পছন্দসই মন্ত্রী নিয়োগ করেন, খুশীমত ডিসমিস করেন গণ-পরিষদ, এমন কি আপন মন্ত্রী-মণ্ডলী-কেবিনেটের কোনো তোয়াক্কা না ধরে। তাই ধরে নিচ্ছি, প্রাপ্তক কমিটি যদি কিসিংগারকে গোলা দিয়ে না পাশ করে দেন, তবে নিম্নন ভেটো মেরে না-পাশিটা বাতিল করে দিতে পারেন। কিংবা এটাও সম্ভব যে, কিসিংগার যেহেতু জাত-মার্কিন (এমেরিকান মিটিজেন বাই বার্থ) নন, যোল বছর বয়সে স্টেটসে এসে ডিমসাইল্ড নাগরিকত্ব পান, তাই সূক্ষ্মত্ম এ ধরনের উমেদারকেই হয়তো তাদের নির্ভেজাল “মার্কিনত্ব” প্রমাণ করতে হয়। শুনেছি, জাত-ইতালিয়ান ভিন্ন অল্প কেউ হোলি পোপ হতে পারেন না, তথা ভিন-ধর্ম থেকে দীক্ষিত খৃষ্টান পাত্রী সমাজে বিশেষ একটা পদের (যেমন বিশপের) উপরে যেতে পারেন না। আমার এ-খবর যদি ভুল হয়, ক্যাথলিক সমাজ দয়া করে অপরাধ নেবেন না। তা সে যাই হোক, স্বয়ং প্রেসিডেন্ট কর্তৃক নির্বাচিত দেশের মুকুব্বীস্থানীয় ফরেন মিনিস্টার একটা স্কুল বয়ের মত ভাইভা দিচ্ছেন এ তসবীরটা আমার কাছে কেমন যেন খাপছাড়া বদধং মনে হয়।

তাজহীন আগ্রা ?

এরই সঙ্গে সম্পর্কিত আরেকটা খবর আমাকে আরো বেকুব বানিয়ে দিয়েছে। এতে বলা হয়েছে প্রধানমন্ত্রী মিঃ ভুট্টো স্টেটসে মিঃ নিক্সনের সঙ্গে দু'বার দেখা করবেন, উনোতে বক্তৃতা দেবেন, নেশনাল প্রেস ক্লাবেও তাই—এবং অবশ্যই সেখানে নানাবিধ প্রশ্নের উত্তর দেবেন, এমন কি নিক্সনের বিরুদ্ধবাদী নেতাগণ যথা হামফ্রি, ফুলব্রাইট এবং কেনেডীর সঙ্গে মোলাকাত করবেন। সিনেটের ফরেন রিলেশন কমিটির মেম্বর এঁদের দু'জন। কিন্তু হু ফরেন মিনিষ্টার, কার্ণত সে পদে বহাল—ডঃ কিসিংগারের নাম কই ? মিঃ ভুট্টো নিশ্চয়ই তাঁর ন'মাস ধরে কপচানো বুলি ভুলে গিয়ে ওয়াটার-গেটের মত ঘরোয়া ব্যাপার নিয়ে নিক্সনের সঙ্গে দু'দিন ধরে রসলাপ করবেন না। এশ্বেক সিনেটের ফরেন কমিটির সঙ্গে দেখা করবেন, কিন্তু খুদে ফরেন মিনিষ্টার কিসিংগারের সঙ্গে দেখা করবেন বলে কোনো উল্লেখ নেই, এটা কি করে সম্ভবপর হয় ? ডিসেম্বরের প্রথম সপ্তাহে ইয়েহিয়াকে মদদ দেবার জন্য প্রতিদিন জরুরী মিটিংএ সভাপতিত্ব করেছেন যে কিসিংগার ! চীনে যে লোমহর্ষক মূল্যকাত হল মাও এবং নিক্সনে, সেখানে উপস্থিত ছিলেন প্রধান আলোচনার সময় আর দু'জন মাত্র লোক—চীনের প্রধানমন্ত্রী চু এবং কিসিংগার। মার্কিন ফরেন মিনিষ্টার রজার্স নিতাস্তই বাহাররূপে দলের সঙ্গে ছিলেন বটে কিন্তু সে সভায় তাঁকে ডাকা হয় নি। মাও যখন নিক্সনকে তাঁর আপন বাড়ীতে দাওয়াত করলেন তখন দাওয়াত পেলেন কিসিংগার—কোথায় রজার্স ? চীনের প্রাচীর দেখবার জন্য নিক্সন গেলেন সদলবলে ; পিকিংএ রয়ে গেলেন কিসিংগার, চুর সঙ্গে ফাইনাল কথাবার্তায় (হয়তো গোপন চুক্তির !) রূপ-রেখা দেবার জন্য ! চু বলেছেন, “ঐ একটা লোক যার সঙ্গে তর্কাতর্কি করা যায়।” সর্বপ্রথম মোলাকাতের সময় পাছে কোন ফজুল প্রটোকলবশতঃ কিসিংগার উপস্থিত না থাকেন, তাই মাও আগে-ভাগেই নিক্সনকে জানিয়ে রেখেছিলেন কিসিংগার অতি অবশ্যই যেন সে মোলাকাতে হাজির থাকেন। বিশ্বজন সে সময়েই একেবাক্যে স্বীকার করে নিয়েছে, চীন-মার্কিন ঐক্যাত্তের একমাত্র ঘটক ত্রীযুক্ত কিসিংগার। অনেকেরই বিশ্বাস, তাঁর সম্মতি ছাড়া নিক্সন নিশ্চয়ই ভুট্টোকে গদিতে বসাতেন না। এবং একটা তেতো হক বাং যদি মেনে নেওয়া হয় যে, ইয়েহিয়াকে ব্যাক করে নিক্সন মার খান নি, কিল হজম করেছেন কিসিংগার, তবে এটাও খুবই স্বাভাবিক যে, কিসিংগার

পুরো মদদ দেবেন মিঃ ভুট্টোকে, সে পরাজয়ের কালিমা যতখানি পারেন তাঁকে দিয়ে মোছাবার জন্ত। একটু শঙ্কাও যে নেই, বলবে কে?—ইহুদা সন্তান কিসিংগার দাদ নেবার তালে থাকবে না, এ ভরসাই বা দেবে কে? সেই কিসিংগারের নাম নেই, ভুট্টো যাদের দর্শন করতে যাচ্ছেন ওয়াশিংটনে, তার ফিরিস্তিতে? তার চেয়ে পাঠক বললেই পারেন, “আগ্রা যাবো নামজাদা সব এয়ারত দেখতে”—ফিরিস্তিতে দেখি, তাজমহলের নাম নেই। হল না। বরঞ্চ বলি, সর্ব ফিল্ম বাবদে জউরী গুনি ‘ঘটি’ বললে, “চললুম ঢাকা, দেখবো সরেস সরেস ফিল্ম।” তার নোট-বুকে তাকিয়ে দেখি, চিত্তহারিণী “তারকা” কবরী দেবী যে সব ফিল্ম ধস্ত করেছেন তার একটারও নাম নেই বেকুবের ফিরিস্তিতে!...ভুট্টো কিসিংগারে দেখা হবে নিশ্চয়ই, কিন্তু তার উল্লেখ নেই, কেন? তবে কি কিসিংগারের এখন কোনো ধরনের রাজনৈতিক ইন্দ্রত পিরিয়ড যাচ্ছে?

অসাধারণ মেটারনিষ বিরাট কংগ্রেসে যে রকম আপন ব্যক্তিত্বের ম্যাজিক বাঁশী বাজিয়ে দশটা নেশনকে নাচাতে পারতেন, ঠিক তেমনি বল-রমে নিজে নাচতে পারতেন অপূর্ব লাস্ত-লালিত্যসহ সমস্ত রাত। তাঁর স্মরণে গদগদ কণ্ঠে কিসিংগার বলেছেন, “কি কেবিনেটে, কি লেডিজদের অন্তরঙ্গ অভ্যর্থনা কক্ষে—সাঁলোতে—তাঁর চলন-বৈঠন, অনায়াস আচরণ ছিল প্রকৃত রোম্যান্টিকের মত। কেবিনেট সাঁলোর সম্মেলন করতে পেরেছিলেন তিনিই। অধ্যাপক কিসিংগার আজকের দিনে গুমডোমুখো পলিটিশিয়ানদের দেখে দীর্ঘশ্বাস ফেলে ভাবতেন, কত না দূরে অন্তহীন স্রুদূরে চলে এসেছে এরা, সেই গোরব এবং মাধুর্যময় যুগ থেকে—রাজনীতিকলা আর জীবন-চালনা-কলা দুটোর সমন্বয় করতে জানে না এরা। আজ সবাই বলছে কিসিংগার এ সমন্বয় করতে সম্পূর্ণ সক্ষম হয়েছে। আবার মেটারনিষের মতই কিসিংগার বিশ্বাস করেন, রাজনীতি একটা আর্ট—কলা-বিশেষ। সে আর্ট জ্ঞান-বিজ্ঞানের উপর নির্মিত হয়েছে অবশ্যই, কিন্তু আদর্শবাদের সঙ্গে তার কানাকড়িরও সম্পর্ক নেই। পৃথিবী দূরে থাক, মানুষের ভিতরও কোনো পরিবর্তন আনার সংকল্প কিসিংগারের পরিকল্পনাতে নেই। তাঁর কাছে জ্ঞান-অজ্ঞান বলতে কিছুই নেই। তিনি চান, উপস্থিত পৃথিবীতে যে সব রাষ্ট্রবল আছে সেগুলোকে নিয়ন্ত্রণ দ্বারা এমন একটা সামঞ্জস্য নিয়ে আসা (সে নিয়ন্ত্রণ করার সময় কোনো আদর্শবাদের প্রদ্বীপে ওঠে না; নিয়ন্ত্রণটা সাধু নেবে, না অসাধু সে নির্বাচনে সম্পূর্ণ সে নিয়ন্ত্রণ) যাতে করে রাষ্ট্রবলগুলো এমনভাবে ঐ পে

গ্রুপে বিভক্ত হয় যে যুদ্ধজনিত অশান্তির সৃষ্টি না হতে পারে।

কে জানে, তবে কিসিংগার কখনো মুখ ফুটে বলেন নি, বাংলাদেশের স্বাধীনতা আন্দোলনকে তিনি হয়তো আখেরী বিশ্বশান্তির প্রতিবন্ধকরূপে ধরে নিয়েছিলেন এবং সেটাকে ইয়েহিয়া'র দমনপ্রচেষ্টা তিনি নেকনজরে দেখেছিলেন। ঠিক ঐ কারণেই, বিশ্বের ছোট বড় সব শক্তিকে গ্রুপে গ্রুপে ফেলার জন্য বেলুচ-পাঠানের অটোনমি তিনি পছন্দ করবেন না। তাঁর শখের ভারশাম্যের জন্য তাঁর হাতে মেলা অস্ত্রশস্ত্র আছে।

কিন্তু অস্ত্রশস্ত্রই কি শেষ সত্য ?

গুজোরব তথা তুলনাত্মক শব্দতত্ত্ব

গুজোরব প্রতিষ্ঠানটির রাজধানী কোথায় ? ঐষ্—যা ! বেবাক ভুলে গিয়েছিলুম, বিশাধিক বৎসর ধরে দুই বাংলায় পুস্তক পত্র-পত্রিকার আদান-প্রদান প্রায় সম্পূর্ণ বন্ধ হয়ে গিয়েছিল। ফলে দুই বাংলার লেখার ধরন, বিশেষ করে বিভিন্ন ভাষা থেকে শব্দ গ্রহণ, বাংলাতে একদা সুপ্রচলিত কিন্তু বঙ্কিম রবীন্দ্রনাথ কর্তৃক অব্যবহৃত ‘যাবনিক’ শব্দের পুনর্জীবন লাভ, নতুন নতুন শব্দনির্মাণ ইত্যাদি দুই বাংলায়, স্বভাবতই, এক পথ ধরে চলে নি। যে গুজোরব শব্দ দিয়ে লেখাটি আরম্ভ করেছি সেটা খুব বেশী দিনের পুরনো নয়। গুজোব-এর ‘গুজো’ আর জনরবের ‘রব’—একুনে গুজোরব।.....ইংরেজীতেও এ ধরনের বেশ কিছু শব্দ ইদানীং তৈরী হয়েছে। ‘স্বগ’ শব্দটি একেবারে চ্যাংড়া না হলেও খানদানীত্ব পেতে অর্থাৎ মোলারেম প্রেমের কবিতায়, ফুল-ডোরে বাঁধা কুলনায়, আসন পেতে এখনো তার সময় লাগবে। লগুনের কুয়াশায় পথহারা খাস লগুনবাসীই ল্যাম্প-পোস্টটাকে পুলিশম্যান ভেবে তার কাছে পথের সন্ধান নেয়, খুদ পুলিশম্যান আপন বীট-এ পথ হারিয়ে কারো বাড়ীর ঘণ্টা বাজিয়ে গৃহস্থকে শুধায়, স্নমুখের রাস্তাটার নাম কি ? কোনো দিন যদি বেলা তিনটে থেকে প্রায় সাতটা-আটটা অবধি কুয়াশা না কাটে তবে ষাট হাজারের কাছাকাছি ডেলি-প্যাসেঞ্জার ইয়ার-দোস্তের (যদি বরাত জোরে তাদের বাড়ী খুঁজে পায়) বাড়ীতে রাত কাটায়, বেশীর ভাগ হোটеле আশ্রয় নেয়।...তত্পরি লক্ষ লক্ষ চিমনি থেকে যে ধূঁয়ো ওঠে সেটা কুয়াশা ফুটো করে উপরের দিকে উধাও হতে পারে না বলে তার সঙ্গে মিশে গিয়ে তৈরী হয় স্বগ। “স্বোকের” স্বআর ‘কগের’ গ নিয়ে তৈরী হল স্বগ। কলকাতায়ও

শ্রম হয়, কিন্তু লগনের তুলনায় একদম রন্ধী—পানসে। ঢাকার ভেজাল বে-আইনী বিয়ারের মত। নির্জলা জল। তা সে থাক গে। কলকাতার শ্রমকে বলে ধূঁয়াশা—ধূঁয়া প্রাস কুয়াশার শা মতান্তরে ধূঁয়া'র ধূঁ প্রাস কুয়াশার শাশা। হরেন্দরে হাঁটু পানি। এককালে মডার্ন কবিতায় দারুণ চালু ছিল ধূঁসর কথাটা—জীবনটা ধূঁসর, প্রেমটা ধূঁসর, ডাস্টবিনের প'চা ইটুরটা ধূঁসর, রিকশার চীনা গনিকাটা ধূঁসর, মডার্ন কবিতার বিক্রিটা ধূঁসর—গয়রহ। এখন ধূঁসর শব্দটাই ধূঁসর হয়ে উঠে গিয়েছে। এদানির জোর কাটতি ধূঁয়া শার। মস্ত্রীর চাকুরি দেবার ওয়াদাটা ধূঁয়াশা, মিলির প্রেম-নিবেদনটা ধূঁয়াশা, তার জিল্টিংটাও ধূঁয়াশা, বিষ খেয়ে আত্মহত্যা করার চেষ্টাও ধূঁয়াশা—কারণ জিজিরায় তৈরী বিষটা ছিল ভেজালের ধূঁয়াশায় ভর্তি।

পরিবর্তনে অপরিবর্তনীয় গুজোরব

গুজোরব জিনিসটা ধূঁয়াশা, তা সে 'মার্কিন টাইম' বা 'নিউজ উইক' পত্রিকার ধোপত্বকৃত কেতা-মাফিকই বেকরক, কিংবা কাবুলের বাজারে, চা-খানাতে "গপ" রূপে ছুই পাগড়ি পাশাপাশি এসে ফিসফিসিয়েই বেকরক। এই দেখুন না, নিদেন দিন পাঁচ হবে, সম্ভ্রান্ত মার্কিনী একখানা দৈনিক একটা চিড়িয়া উড়িয়ে দিল, ভাইসপ্রেসিডেন্ট এ্যাগনো হপ্তা থানেকের ভিতর নোকরি ইন্তিকা দেবেন; তাঁর বিরুদ্ধে ঘুষ রিশওয়াদ খাওয়ার মোকদ্দমা উঠবে বলে তিনি খবর পেয়েছেন। সঙ্গে সঙ্গেই লেগে গেজ ধুন্দুয়ার। দক্ষিণ আমেরিকার কুইটো বেতার থেকে শুরু করে ছনিয়ার হেন কেন্দ্র নেই যে সেটা নিয়ে লুফোলুফি করছে না। রাত দু'টার সময় স্টকহলম (মাফ করবেন, আমি কিসিংগারি কায়দার ইংরেজের অল্পকরণে স্টকহোম লিখতে পারবো না!) খুললাম, তাদের ইলেকশনের শেষ ফলাফল জানবার তরে,—তারাও গেণ্ডেরী খেলছে ঐ এ্যাগনোকে নিয়ে। বৃন্দাবনে গোপীরা একদা ঘেরকম বলতেন, "কাহ্ন বিনে গীত নেই।" ওদিকে খুদ এ্যাগনো চুপ, নিস্তন্ন খামুশ। যেন "পাড়াপড়শির ঘুম নেই, বরের খোজ নেই।"

কাবুলী কায়দা

কাবুল-বাজার যে “গপ”-এর চিড়িয়া ছাড়ে সেটা পাকড়ানো সহজ কর্ম নয়। কারণ, সেটা সরকারের কানে পৌঁছলে তার ডিরেক্টর চিড়িয়া ওড়ানেওলার সন্ধানে চর লাগান। অতএব কাবুলের “বাজার-গপ” শোনবার তরে শাস্ত্রাধিকার চাই। মার্কিন তো পাতাই পাবে না, আর আজকের দিনের ইংরেজ শাস্ত্রাধিক অর্থাভাবে ডকে উঠি উঠি করছেন। রুশ পায় সরকারী সংবাদ, খাস প্যারা দোস্তই আউওয়াল হিসাবে সকলের পয়লা। তাই বাজার-গপের হিস্তেও সে খানিকটে পায়। তত্পরি তার আরেকটা দোসরা জরিয়াও আছে। সরকার দাউদের যে একটা গোপন মন্ত্রণাসভা থাকবে, সেটা খুবই স্বাভাবিক। কিন্তু সে সভার সভ্য, যোল থেকে আঠাশ, ক’জন—সে বাবদে কাবুল বাজারও দাড়ি চুলকোয়, পাগড়ির সাজ নিয়ে দড়ি পাকায়, কিন্তু মুখে রা’টি কাড়ে না। তবে কি না, একটা সত্য কেউ বড়-একটা অস্বীকার করে না। দাউদ কু’টা যে করতে সক্ষম হয়েছেন, তার পিছনে ছিলেন বেশ এক পাল মস্কোতে ফৌজী তালিম প্রাপ্ত আফগান অফিসার।

তাদের যে ক’জন মন্ত্রণাসভায় হস্তত: আসন পেয়েছেন, তাঁরা যে আফগানিস্তানকে আখেরে কম্যুনিষ্ট রাষ্ট্ররূপে তৈরী হবার জন্ত সংস্কার বিধি-বিধান প্রবর্তন করতে চাইবেন সেটাও সম্পূর্ণ স্বাভাবিক।

ছাত্র বনাম মোল্লা

প্রাচ্যের অল্পদূরত দেশগুলোতে ছাত্র-সমাজ আজ অশেষ শক্তি ধারণ করে। ছুটিতে তারা যখন শহর থেকে গ্রামে ফিরে যায় তখন সেখানে সর্বত্র চালায় পলিটিক্‌স্। মোল্লাদের মল্লভূমি প্রধানত মসজিদের মক্তবে। তাদের সেখানে সম্পূর্ণ ভিন্ন জীবন-দর্শন। দাউদ দেশের কুলে মক্তব এবং যে ছ-পাঁচটা বে-সরকারী নিতাস্তই জুনিয়ার মাদ্রাসা আছে সেগুলো সরকারী শিক্ষা মন্ত্রণালয়ের হাতে তুলে দিয়েছেন। কাবুল থেকে ধর্মনিরপেক্ষ শিক্ষাবিদরা বেরিয়েছেন কুজ শহর এবং গ্রামাঞ্চলে সে-সব মক্তব মাদ্রাসা পরিদর্শন করতে ও তত্ত্ব-তথ্য সংগ্রহ করতে।

দাউদ যদি সত্যসত্যই তাঁর প্ল্যান পূরণের শেষ পর্বন্ত চালিয়ে যেতে চান, তবে যে-সব মোল্লারা এখনো তার বিরোধিতা করেন নি তাঁরাও যে বিগড়ে

যাবেন সে বিষয়ে সন্দেহ করবার কোনো কারণ নেই। তথ্যস্বেষ্টী যে-সব শিক্ষাবিদ সফরে বেরিয়েছেন তাঁরা সৃষ্টিছাড়া কোনো নয়া তথ্য আবিষ্কার করবেন কি? মক্তব-মাদ্রাসার পাঠ্যপুস্তক নিসাব তো কাবুল শহরে বসে বসেই যোগাড় করা যায়। সেগুলোতে আছে কি? ফার্সী ভাষা শেখার কায়দা-কেতা, কুরান শরীফ পাঠ, শেখ সাদীর অতুলনীয় কবিতা এবং নামাজ শুদ্ধরূপে পড়ার জন্ত দোওয়া-দরুদ। আর মাদ্রাসায় এ সবেরই অপেক্ষাকৃত উন্নত পর্যায়ে পাঠ্যপুস্তক এবং স্বকঠিন আরবী শেখাবার নিফল প্রচেষ্টা। ইমাম আবু হানীফা সাহেবের ফিকাহ—অতি সংক্ষিপ্ত রূপে পড়ানোর ব্যবস্থা থাকে, কিন্তু প্রাতঃস্মরণীয় ইমামের স্মৃতিস্মৃতি, পরিপূর্ণ বুদ্ধিসম্মত (রেশনাল) যুক্তিতর্ক বোঝাবার মত শিক্ষাদীক্ষার সুযোগ পেয়েছেন ক’জন আফগান মোল্লা-মুদররিস? পড়াবার তো কোন প্রয়াস উঠে না। কিন্তু এহ বাহ। আমলে শিক্ষাবিদরা তন্ন তন্ন করে খুঁজবেন, ওসব কেতাবে রাষ্ট্রদ্রোহ শেখায় এমন আছে কি সব শিক্ষা, আদেশ, ফৎওয়া। এবং হবেন নসিকে নিরাশ। ইমাম সাহেবের আমল ছিল ইসলামের সুবর্ণ যুগ। সে-আমলে কোন্ ফত্বাহ বেকার মাথা ঘামিয়েছেন রাষ্ট্রদ্রোহের ফৎওয়া নির্মাণ করার তরে?

বস্তুত মোল্লারা যখন কোনো কণ্ঠস্বরে কাবুলের রাষ্ট্রপতির বিরুদ্ধে উত্তেজিত করেন তখন তাঁরা আটঘাট বেঁধে আট গজী ফৎওয়া লিখে সেইটে তাদের সামনে উচ্চকণ্ঠে পাঠ করে ফজুল ওয়াক্ত খচা করেন না। মক্তব মাদ্রাসায় এমনতেই খামোখা, রাষ্ট্রের প্রতি আহুগত্য বা বিদ্রোহ কোনোটাই শেখান না। লুটতরাজের জন্তই হোক, বা অন্য যে কোনো “কারণেই” হোক মোল্লারা যখন আফগানকে কাবুলের বিরুদ্ধে লেলিয়ে দেন তখন তারা নিতান্ত ফাউ স্বরূপ মক্তবের বাচ্চাদের সামনে হয়তো বা গরম গরম দু’একটি ওরাজ ঝাড়েন। সেগুলো সম্পূর্ণ অরিজিনাল, তাঁদের আপন মস্তিষ্ক-প্রসূত; পাঠ্য-পুস্তক বা নিসাবের সঙ্গে তার কোনো সম্পর্ক নেই—আজকের দিনের শহরে ভাষায় এগুলো কমপিউলি একস্ট্রা-কারিকুলার।

মোল্লাদের ঘরে বন্দুক-কামান কিছুই নেই। তৎসত্ত্বেও প্রায় দেড়শ’ বছর ধরে তারা ইংরেজের পুরো-পাকা ফৌজকে কয়েকবার খেদিয়ে খেঁটিয়ে পেঁদিয়ে বেয় করে দিয়েছে আফগানিস্তান থেকে। আমান-উল্লাহ মত একাধিক বাদশাকেও তারা বায়েল করেছে অশিক্ষিত পাঠানকে উদ্ধে দিয়ে।

লরদার দাউদের পক্ষে আছে ছাত্ররা। কিন্তু দাউদের দেশ বাংলাদেশের মত নয়। কোথায় সন্দীপ, কোথায় বরিশালের অজ পাড়াগাঁ—ওসব জায়গা

থেকে ছাত্ররা পড়াশুনা করতে আসে সদরে, চট্টগ্রাম, সিলেট ঢাকায়। তারাই একদিন ছড়িয়ে দিয়েছিল আপন আপন গ্রামে গ্রামে মুক্তিসংগ্রামের আহ্বান। ধন্য তারা, জয় হোক তাদের।

কিন্তু সদর দাউদের ছাত্র সমাজ তো এখনো কাবুল, জালালাবাদ ইত্যাদি কয়েকটি নগরের খাটি বাসিন্দা। জনপদের সঙ্গে তাদের যোগসূত্র নেই। সেখানে—?

আমাদের মনে শংকা জেগেছে। কারণ আমরা গরীব। গরীব আফ-গানিস্তানের তরে আমাদের দরদ আছে। সরদার দাউদের সংস্কার প্রচেষ্টা সফল হোক, এই আমাদের কামনা। কিন্তু এই কি তার পন্থা?...অবশ্য তিনি যদি রাজ্যের “রাজ্যের” মোল্লাগণকে তনখা দিয়ে সরকারী শিক্ষকরূপে নিযুক্ত করেন তবে অল্প কথা। কিন্তু তার তরে অত কড়ি কই?

কু দে’তার দুসরা জুতা

দুসরা বুট দড়াম করে পড়ে নি। বিলকুল ঠাহর করতে পারি নি। আবার গোবলেট করে ফেলেছি। ফিনসে শুরু করি।

জার আমলের খানদানী ঘরের ছেলেরা কলেজ, মিলিটারি আকাদেমির ছোকরারা শেষ পাশ দিয়ে, কিংবা ফেল মারার পর কন্টিনেন্ট যেত আপন শিক্ষা-অশিক্ষার উপর পালিশের জেল্লাই লাগাতে। আদ্রেই প্যাড্রোভিচ জমিতফ যথারীতি বালিন-ভিয়েনা সমাপনান্তে পৌঁছেছে ফ্রেনসে। সেখানে চতুর্দিকে ফুলে ফুলে ছয়লাপ, কিস্তি প্রভৃতি মজাদি বেজায় সস্তা আর ছুঁড়ি-গুলোর এ্যাসন মাইরি-মাইরি চেহারা যে জানটা তব্ব-র-র তাজা হয়ে যায়। তোমার সঙ্গে পান করবে, নাচবে, কত গোপন গানে গানে বলবে তোমায় কানে কানে, “সিন্নোর, আমি তোমায় ভালোবাসি, চিরকাল তোমার হয়েই থাকবো” কিন্তু মুশকিল, একমাত্র তোমাকেই না, আরো পাঁচজনকে ঐ একই দিবি দেয়। ওদের বিপদ, ওরা কাউকে কখনো “না” বলতে শেখে নি—পাড়াতে কারো কারো প্যারা নাম “বিশ্ব-তোষক”। আমাদের আদ্রেইকে পায় কে? প্রতি রাজিই বাসর-রাজি—বিনা পাজী। একরাতে তিনটেয় হোটেল ফিরে দুমদাম করে নেচে নেচে কাপড় ছাড়তে ছাড়তে ড্রাম করে একখানা বুট ছুঁড়ে মেয়েছে কাঠের পার্টিশনের উপর। সঙ্গে সঙ্গে পাশের কামরা থেকে হুকার, “হেই জংলী, অত গোলমাল করছিস কেন? ঘুমতে দিবি না?” আদ্রেই

বড় লজ্জা পেল। চুপসে খাটের উপর বসে, বিলকুল আওরাজমাত্র না করে, দুসরা বুটটি আঁসে আ-স-তে রেখে দিল খাটেরই উপর। তার পর অঘোরে নিদ্রা। ঘণ্টা তিনেক পর তার বেঘোর নিদ্রা ভেঙ্গে গেল, পার্টিশনের উপর জোর খটখটানি শুনে। পাশের কামরার লোকটা চোঁচাচ্ছে, “ওরে মাতাল, দুসরা বুটটা ছুঁড়ে মারবি কখন? আমি অপেক্ষা করছি যে। তারপর ঘুমুতে যাবো।”

আমার হয়েছে তাই। এই, মাত্র গেল রববার দিন, লিখছিলুম, দাঁউদ যে সব রিফর্ম শুরু করেছেন তাই নিয়ে আমার ডর-ডর করছে। দুসরা বুটটা যে কখন দড়াম করে পড়বে তারই পিভিক্ষেয় ছিলুম। হঠাৎ কাগজে দেখি, ওমা! দুসরা কু দে’-তা কবে ইতিমধ্যে চুপসে হয়ে গেছে, আমি টেরটি পর্যন্ত পাই নি। রববার দিন ভর-রাত হুনিয়ার কুলে বেতার ম ম করছিল, কাবুলে দ্বিতীয় কু’র বাচ্চাটিকে প্রসবালয় থেকে সরাসরি গোরস্থানে নিয়ে যাওয়া হয়েছে। কিংবা বলতে পারেন, কাবুলী বউয়ের গর্ভপাত হয়েছে। কাবুল প্রচার করছে, সরদার দাঁউদকে ক্ষয়ত্যাচ্যুত করার জন্য কিছু ফোজী অফিসার এবং কিছু সাধারণ নাগরিক চক্রান্ত করার সময় ধরা পড়ে যান। তাঁদের ফোজী বিচার হবে।

এ বিষয়ে মন্তব্য করার পূর্বে “দুসরা বুটের” চুটকিলাটিতে ক্ষণতরে ফিরে যাই। গল্পটি আকছারই কাজে আসে। দোস্ত শুধোলেন, “কি হে, চাকরীটা পেলে?”

“দুসরা বুটের তরে অপেক্ষা করছি?”

??

‘বুঝলে না?’ চাকরীটা কে পাবে তার ডিসিশন হয়ে গিয়েছে কাল সন্ধ্যায়? এনাউন্সমেন্ট হবে আজ সন্ধ্যায়। দুসরা বুট ছোঁড়া হয়ে গিয়েছে কাল সন্ধ্যায়—আমি ধবরটা পাব আজ সন্ধ্যায়।” এ ধরনের কারবার আমাদের জীবনে নিত্যকার।

খাঁটি কু, না জিজিরা মার্কো?

এ জীবনে একটা তথাকথিত কুকে আমি যেন অকুস্থলে, যেন বকসিঙ্কের রিংসাইডে বসে দেখবার সুযোগ পেয়েছিলুম। সে কু’ সত্য না ভাষা জোচ্চুরি এ নিয়ে এখনো তর্কাতর্কির অবসান হয় নি। ২০ জুন ১৯৩৪-এ হিটলারের

হকুম্‌ কয়েকশ' লোককে বিনা বিচারে গুলি করে মারা হয়। এদের মধ্যে সর্বপ্রধান ছিলেন রোয়াম। হিটলার যে একদিন জার্মানির নিরঙ্কুশ একনায়ক লাভ করেন তার জন্তই এই রোয়ামের আশ্রাণ পরিশ্রমকে ক্রেডিট দিতে হয় চৌদ্দ আনা। হিটলারকে যে দু'তিনটি লোক “তুমি” বলে সম্বোধন করতেন, রোয়াম ছিলেন তাঁদেরই একজন। সেই রোয়াম এবং তাঁর অন্তরঙ্গ বন্ধু ও সহকর্মী সব ক'জনাকেই খতম করা হয় ২০ জুন, হিটলার সর্বনায়কত্ব পাওয়ার ঠিক দেড় বছর পর। অজুহাত হিসেবে হিটলার ওজস্বিনী বক্তৃতা দিয়ে দেশের লোককে জানালেন, এ সব পিশাচরা কু দ্বারা তাঁকে ও নাৎসি পার্টিকে সম্মুখে বিনাশ করতে চেয়েছিল; তিনি পূর্বাঙ্কেই যড়যন্ত্রের সন্ধান পেয়ে আপন দায়িত্বে তাদের মৃত্যুদণ্ডে দণ্ডিত করেছেন।

রোয়াম যে কোনো প্রকারের কু'র যড়যন্ত্র করেছিলেন, সেটা প্রচুর প্রমাণাণ্ডা সঙ্গেও সে সময়ে প্রমাণ করা যায় নি; আজ দোষটা চৌদ্দ আনা পড়ে হিটলার, গ্যোরিক্স ও হিমলারের ঘাড়ে।

এটাকে বলা হয় পার্জ—জোলাপ। আকস্মিক আগাপাস্তলা পাল্টে দিয়ে যখন স্বৈরতন্ত্রে বিশ্বাসী একটা দল ক্ষমতা লাভ করে তখন সঙ্গে সঙ্গেই তাদের মধ্যে স্বার্থে স্বার্থে লাগে সংঘাত এবং কত যে হীনতা নীচতা তখন দলের ভিতরে বাইরে বেরিয়ে পড়ে সে বাবদে আমার মত অগা আর নতুন করে বলবে কি? বিশেষত আমার লেখা পড়েন ক'জন প্রাণী! এবং একমাত্র আমার মহামূল্যবান তত্ত্বকথা ছাড়া তাঁরা অগ্র কারো লেখা—এন্তেক গোপাল-ভাঁড় তক—পড়েন না, এ হেন মিথ্যা স্বীকৃতি হলে আমি এই লহমায় আমার সাদা কলমটি কালো বাজারে বিক্রি করে দেব।

চক্রান্তে চক্রান্তে যখন দলপতিকে বাধ্য হয়ে এক পক্ষ নিতে হয়, তখন বহু ক্ষেত্রেই অপর পক্ষকে খতম করা ভিন্ন ফ্যারারের গত্যন্তর থাকে না। এ তত্ত্ব-কথাটা আমার নয়। ধীরা শক্তির উপাসনা করেন, তাঁদের অনেকেই এ নীতিতে বিশ্বাসী। সর্ব ফ্যারারকেই তখন স্বভাবতই বলতে হয়, ওরা দেশের দুশমন, ওদের মতলব ছিল নয় একটা কু করে দেশের সর্বনাশ করা।...এটা বহু বৎসর ধরে একটা প্যাটার্ণে পরিণত হয়েছে। স্তালিন, মুসসোলীনি সব্বাই এটার এন্তেমাল করেছেন। কেউ বেশী কেউ কম।

তাই প্রথম প্রশ্ন, সত্যই কি আফগান জঙ্গী বিমান বাহিনীর কমান্ডার-ইন-চীফ জেনারেল আবদুর রজ্জাক, প্রাক্তন প্রধানমন্ত্রী মেইওয়ান্দওয়ানা, গবর্নর, খান মুহম্মদ একটা বিপ্লব ঘটাবার তাগে ছিলেন, না দাউদ তাঁর নবপ্রবর্তিত

মোজা-বিরোধী আইন প্রবর্তন করার ফলে নিজেই বুঝতে পারলেন যে তাঁর জনপ্রিয়তা দ্রুতগতিতে কমে যাচ্ছে, এবং এই তিন ব্যক্তি নিষ্ক্রিয় থাকা সত্ত্বেও জনসাধারণ/মোজাগণ/“ইসলামী রাষ্ট্র” পাকিস্তান-প্রেমীগণ তাঁদের দিকে তাকিয়ে আছে। অতএব বেলা থাকতেই এদের জেলে পুরে সম্পূর্ণ নিষ্ক্রিয় করে দিতে হবে কিংবা অল্প খর্চায় গোটা কয়েক বুলেট দিয়ে।

আসলের চেয়ে ভালো কিসিংগারী ভেজাল

পাঠক, আমার পাক্সা ইরাদা ছিল, কাবুলী কু—মন-গড়া হোক আর জলজ্যান্তই হোক—তার পিছনে কল-কাঠি নাড়াবার তরে পাকিস্তান, রাশা, শাহের মারফৎ আমেরিকা, কে কতখানি উৎসুক সেই নিয়ে এ লেখাটি শেষ করবো। উপরের অল্পচ্ছেদ সম্প্রসারিত করতে যাওয়ার এক ফাঁকে বেতারটির কর্ণমর্দন করতেই শুনি, “মার্কিন কণ্ঠ” মার্কিনী উচ্চারণে বলছেন, কিছুক্ষণের মধ্যেই শ্রীযুক্ত হেনরি কিসিংজারের বক্তৃতা শুনতে পাবেন। করেন মিনিস্টার হওয়ার পর এই তাঁর প্রথম বক্তৃতা। আমি আশা করেছিলুম, আজ সোমবার, আমাদের সমরানুযায়ী রাত দশটায় ওয়াটারগেটের মূলতুবী যে মোকদমাটা ফের শুরু হওয়ার কথা, শুনবো সেটা। এ মোকদমাটা যে কেন ছ সপ্তাহের ছুটি না-মঞ্জুর করে তিন সপ্তাহ এগিয়ে আনা হচ্ছে তার অল্প-বিস্তর আলোচনা আমি পূর্ববর্তী সংখ্যায় করেছিলুম। আমার আশা ছিল, সেই মোকদমাটা হয়তো বা “মার্কিন কণ্ঠ” সরাসরি আদালত থেকে বেতারিত করবে, নইলে নিদেন একটা ধারা কাহিনী তো বটেই। পাঠক, বিবেচনা করুন, কোনটা বেশী রূপরূপে হত !

তবু মন্দের ভালো। আমি এ তাবৎ কিসিংগারী “বক্তৃত্ব” কখনো শুনি নি। আমার প্রধান কোতূহল : কিসিংগার জীবনের প্রথম পনরো বছর কাটিয়েছেন জার্মানির ফ্রুদে ফ্যুর্ট শহরে। মাতৃভাষা তাঁর জার্মান এবং ঐ ফ্রুদে শহরে নিত্য নিত্য ইংরিজি বলার স্বযোগ স্ববিধে নিতান্তই নগণ্য—বস্তুত মার্কিন বিশ্ববিদ্যালয়ে তিনি তাঁর ডক্টরেট থিসিস লেখেন জার্মানে।

খলিফে ছেলে মশাই, খলিফে ব্যক্তি। যা ইংরিজী ছাড়লে—কার সাধি বলে তাঁর মাতৃভাষা ইংরিজি নয়। শুধু কি তাই, যদিও এই চৌকশ বড়িয়ালাটি মার্কিনেই খাস জাত-মার্কিনকেও চিট দিতে চান ঝালে-ঝোলে-অঘলে, তবু ইংরিজি উচ্চারণের বেলা নাকি-স্বরে, ‘র’ অক্ষরকে ‘ড়’ করে,

চিবিয়ে চিবিয়ে, টেনে টেনে “বেটাড় এ্যাণ্ড বিগাড়” মার্কিনী ইংরিজি বললেন না। রপ্ত করেছেন মার্কিন আর খাস ইংরিজির মধ্যখানের এমন একটি উচ্চারণ যেটা দুই দেশেই কদর পাবে। শুধু লক্ষ্য করলুম তাঁর ‘চ’ উচ্চারণে কিঞ্চিৎ জার্মান আড় রয়ে গেছে। কারণ জার্মান ভাষায় “চ” ধ্বনিটি আদৌ নেই। কিন্তু আমার এই মিহিন মুখতা-চুনীতে পাঠক কান দেবেন না। মোক্ষা কথা : আমি অল্প কোন জার্মানকে এ হেন উৎকৃষ্ট ইংরিজি বলতে শুনি নি।

আর বক্তৃতার বিষয়বস্তু ? সেটা বারাস্তরে হবে। উপস্থিত তাঁর একটি আঙ্গব বাৎ শোনাই। তিনি বললেন, ভারত পাকিস্তান ও বাংলাদেশের সম্পর্ক উন্নতির দিকে। খাস ঢাকায় যদি এই বচনামুতটি ঝাড়া হত তা হলে ডাইনে বাঁয়ে চটসে তাকিয়ে নিয়ে বলতুম “আশ্তে কয়েন কত্তা, ঘোয়ায় হাসবো।”

পরলোকগত বাদাম প্যাঁচ

বহুকাল গেছে কেটে। প্যাঁচটাও গেছে উঠে। অতএব সে প্যাঁচের টেকনি-ক্যাল নামটাও যে ঘুড়িয়ালারা ভুলে যাবে তাতে আর তাঙ্কব মানার কি আছে ? সে আমলে কলকাতায় বসন্তের আকাশ ছেয়ে যেত কত না চিত্র-বিচিত্র ঘুড়িতে। কিন্তু বাল্যদেব মাংজাহীন গুড্ডির সঙ্গে প্যাঁচ লাগানোটা আমরা রীতিমত ইতরতা বলে মনে করতুম। উপরের আকাশে চলত এ-পাড়া ও-পাড়ার বাহুরদের ভিতর উপর-প্যাঁচ, নীচের প্যাঁচ, ঢিলের প্যাঁচ, স্ততো ফুরিয়ে গেলে টানের প্যাঁচ, এ প্যাঁচটা কিন্তু অনেকেই ‘ফাউল’ বলে বিবেচনা করতেন—চলত অনেক রকমের বিমান-যুদ্ধ। এমন সময় অতিশয় কালেকশ্বিনে বাহুরদের গুরুকুলের কোনো এক বাগু চড় চড় করে চড়াভেন, এ-পাড়া ও-পাড়ার কুলে ঘুড়ির উপরের গুরে, তাঁর অতি গরীবী চেহারার সাদামাটা ঘুড়িখানা। সেখানে থাওয়াভেন ঘুড়িটাকে একটা গুত্তা বা মুত্তা। সমুচা দখিনা আসমান বেঁটিয়ে তাঁর ঘুড়িটা প্যাঁচে জোড়া ডবল ঘুড়ি, সিঙ্গিল ঘুড়ি সব কটার স্ততো জড়িয়ে নিয়ে, দোভলার ছাত ছুঁই ছুঁই করে সোঁ সোঁ করে উঠত ফের স্বর্গপানে “হাগ’র দিগে”। ওঠার সময় একটা একটা করে কুলে ঘুড়ি যেত কেটে—যেসব ঘুড়ি আপোসে প্যাঁচ খেলছিল তারাও জোড়ায় জোড়ায় হাওয়ায় হাওয়ায় দোল খেতে খেতে হয়ে যেত হাওয়া। বদুর মনে পড়ে, এটাকে বলতো “বাদাম প্যাঁচ”—নোকোর বাদাম পালের সঙ্গে হয়তো

কোনো মিল আছে।

আজ কোথায় সে গুনি, যিনি ভিন্ন বাদাম-এর খেল দেখাবেন ? আকাশ বাগে তাকিয়ে দেখুন, বেসুয়ার কত না চিড়িয়া।

দিশী ঘুড়ি

আমরা “নিকট প্রাচ্যের” নিরীহ প্রাণী। আমাদের কারবার ইরান, আফগান, পাক-ভারত নিয়ে। (১) রাজা দাউদ আপন দেশের জনগণের মন কতখানি পেয়েছেন সেটা বাতলাবে কে? হুসরা কু’ আসছে না কি? শুদিকে বিদ্রোহী পাক-বেলুচ-পাঠান তাঁর দিকে তাকিয়ে আছে। (২) ভুট্টো গেলেন, অগম অভিনারে—ইয়াংকি সাগর পারে, লাঠি-শড়কি, রামদা-ঝাঁটার সন্ধানে, (৩) শাহ খেন পস্তাচ্ছেন, ভাবছেন—মাকিন না রুশ, রুশ না মাকিন, খ্রীরাধিকা চম্ভাবলী, কারে রাখি কারে ফেলি। (৪) মেঘমল্লারে সারাদিন-মান, গুনি ঝর্ণার গান, মাক করবেন, গুনি লারকানাগান—বেচারী গুরুজী (কলকাতা-গামীদের বলে রাখি, হোথায় শিখ মাত্রকেই ‘সর্দারজী’ না বলে ‘গুরুজী’ সম্বোধন করলে তাদের মেহেরবাণী পাবেন বেশী) স্বরণ সিং মিঃ ভুট্টোর লাগাতার ভারতের শিকারে—জারী-মসৌয়ার গান স্ববো-খাম শোনে আর উত্তর প্রতিবাদ দেমাতি লিখতে লিখতে তাঁর জানটা পানি। বস্তুত আমি ২১।১২।১১-এর ডিসেম্বরেই গুরুগভীর প্রস্তাব করেছিলুম যে, শুধুমাত্র ভারত নিয়ে মিঃ ভুট্টোর কটু-কাটব্য তেরি-মেরির উত্তর দেবার তরে দিল্লীর করেন আশিস খেন একটা আলাদা দফতর খোলে। নইলে বেচারী স্বরণ সিং ফুর্সৎ পাবেন কোথায়, তিনি যে করেন মিনিষ্টার, কটুকাটব্য, মিথ্যা ভাষণের দেমাতি প্রদান ভিন্ন দু’একটা গঠনমূলক কাজও তিনি করে থাকেন, সেটা হাতে-নাতে দেখিয়ে দেবার ? এই পররাষ্ট্র-মন্ত্রী গুরু স্বরণ সিং—ঢাকায় তিনি এসেছেন ক’বার ? তাঁর সম্মানিত ধর্মের একটি মহৎ শির-তীর্থও তো এখানে। আমার নিতান্ত ব্যক্তিগত অভিমত, তিনি তাঁর তীর্থদর্শনে ঢাকায় আরো বন বন এলে উভয় দেশেরই মঙ্গল হত, ভুল বোঝাবুঝি কমতো। পাঠক, তাই কিন্তু ঠাউরাবেন না, জনাব হাকসর চেষ্টার কোনো ক্রটি করছেন। সম্রাস্ত হাকসর গোষ্ঠীকে দিল্লী ইলাহাবাদে কে না চেনে—আমার মত নগণ্য ব্যক্তিও সে-পরিবারে যোগলাই বহুবার ভ্রমকালে বিস্তর ফার্সী, উর্দু কাব্যরস উপভোগ করেছে। মাননীয় সম্পাদক, পাঠকমণ্ডলী যদি অপরাধ না নেন, তবে বলি,

আমার মনে হয় জনাব হাকসরের মত সর্বার্থে ভ্রলোকের পলিটিকস ত্যাগ করাই ভালো। তা সে যাকগে; ভারত, বাংলাদেশ, গুরুজী, জনাব হাকসরকে ‘রিফর্ম’ করার ভার আল্লাহ্‌তায়ালার আমার স্বস্তে সমর্পণ করেন নি—শুধু আলহামহুলিল্লাহ।

তিন না চার

এই যে চার দফে ইরান থেকে বাংলাদেশের নিত্যদিনের পরিবর্তনে অপরিবর্তনীয় ঘটনার ফিরিঙ্গি দিলুম, তার সঙ্গে যোগ দিতে হয়, তিন মহাশক্তির বহুরূপী কার্যকলাপ—চীন, রুশ আর মার্কিন দেশের নয়। বিশেষ করে তৃতীয়টির। কারণ বহু বৎসর ধরে মার্কিনরা জাপানকে বার বার বলেছে, “আমরা প্রাচ্যের পুলিশম্যান, আর তোমরা স্বভাবতই, অর্থাৎ নৈসর্গিক পদ্ধতিতেই আমাদের পয়লা নম্বরী দোস্তু।” অবশ্য এই মার্কিনী পুলিশম্যানের টহল মারার কায়দা বড়ই আজব। আর পাঁচটা দেশে গেরস্ত-জন ট্যাকসো দেয়, সে টাকায় লাঠি-সড়কি, দরকার হলে বন্দুক, পিস্তল কিনে পুলিশকে দেওয়া হয়। মার্কিন পুলিশ কিন্তু উল্টে গেরস্ত ইরান, পাকিস্তান গয়রহকে ছদো ছদো বন্দুক-কামান দেয়, ‘বেয়াড়া’ পাড়া-পড়শীকে ঠ্যাঙাবার জ্ঞাত। নিজের শরীরটা যতখানি পারে বাঁচিয়ে রাখে। তাই-না মোলানা সা’দীর পূর্ববঙ্গীয় ভ্রাতা গেয়েছেন :

কত কেরামতি জানোরে বান্দা

কত কেরামতি জানো,

শুকনায় বইস্যারে বান্দা

পানির মাছ টানো

“সব ইহুদী হো জায়গা”

এই তিন শক্তির বাইরে আরেকটি শক্তি লোকচক্ষুর আড়ালে বহু বহু বৎসর ধরে সরাসরি এবং প্রয়োজন হলে মার্কিন সরকারকে দিয়ে আপন কাজ গুছিয়ে নিয়েছে এবং—জানেন জীহোভা—আরো কত যুগ ধরে তাদের বিচরণভূমিতে দাবড়ে বেড়াবে তারা, কিন্তু অতিশয় সঙ্কোপনে। পাঠকের স্বরণে আসতে পারে, ১৯৭১ বসন্তে যখন শেখ (ইয়েহিয়া) ভুট্টোতে আলাপ-আলোচনা

হচ্ছিল তখন মিঃ ভুট্টো ম্যাজিসিয়নের মত আচানক তাঁর ছাট থেকে একটি তিসরা চিড়িয়া বের করেছিলেন। তার পূর্বে তিনি স্ববো শাম জপতেন ‘আমি আছি ভুট্টো, আর তুমি আছ শেখ।’ হঠাৎ বলে বসলেন ‘আর আছে ঐ তিসরা চিড়িয়া, দি আমি।’ যারা জুস্তার কেছা জানতো না, তারা তো পড়ল আসমান থেকে।...আমার বক্তব্য—অকস্মাৎ এই যে চতুর্থ শক্তি আমদানী করলুম সেটা কিন্তু ঐ আপস্টার্ট অপদার্থ গুলাম মুহম্মদ ইসকান্দার মির্জার গাফিলীর ছাওয়াস মিলিটারি জুন্টা নয়। এর ইতিহাস অতি দীর্ঘ, ইনি বিশ্ব-ইহুদী শক্তি, কিন্তু আসলে এনার তাগদ বাড়লো যেমন যেমন নিগ্রো দাসদের রক্ত শুষে, রেড-ইণ্ডিয়ানদের কতল করে, মার্কিন-ইয়াংকির ন্যাজ মোটা হতে লাগলো, ব্রাংকো খুলিটা বদবো-দার গ্যাসে ভর্তি হতে লাগলো। মার্কিনী ইহুদীদের লুকায়িত শক্তির বয়ান দেবার মত শক্তি ইহ-সংসারে কারো নেই। ইজরায়েল রাষ্ট্র নির্মাণের সময় থেকে ছ’ পাঁচজন লোক এদের সম্বন্ধে সচেতন হয়েছেন, কিন্তু আজ পর্যন্ত নাম-করার মত কোনো আমেরিকান তাদের গোপন বিষ নিয়ে কথা পেড়ে সেটা ফাঁস করে দেবার মত হিম্মত দেখাতে পারেননি। সত্যি মিথ্যে জানিনে, আমাকে এক মার্কিনই বলেন, এ শতাব্দীতে কোনো মহাপ্রভুই ইহুদীদের চটিয়ে আমেরিকার প্রেসিডেন্ট হতে পারেন নি। কিন্তু এ সত্যটা জানি, ক্ষুদ্র মাইনরিটি ইহুদীদের দাপটে যুক্তরাষ্ট্রের কোন কোন রাষ্ট্রে “মার্চেন্ট অব ভেনিস” প্রকাশ্যে মঞ্চস্থ করলে সেটা বে-আইনী কর্ম, ফল—শ্রীবরবাস! অবশ্য ইহুদী শাইলক চরিত্র বাদ দিয়ে নাটকটি অভিনয় করলে হয়তো বা আপনি ইহুদী সম্প্রদায়ের কাছ থেকে সুপ-প্রেট সাইজের একটি সোনার মেডেল পেয়ে যেতে পারেন। তবে কিনা, সেটা পাকা স্যাকরাকে দিয়ে যাচাই করে নিতে ভুলবেন না।

ইহুদী কিসিংগার এখন পায়লোয়ান যুক্তরাষ্ট্রের ফরেন মিনিস্টার। তিনি কর্মভার গ্রহণ করে সর্বপ্রথম যে কার্যে হস্তক্ষেপ করেছেন, সেটি ইহুদী ও আরবদের মধ্যে দোস্তী স্থাপনা করার। ওয়াহ! ওয়াহ!! তবে কি না, আরবরা হয়তো তাদের পক্ষ থেকে আইবমানের সম্মত ভাই থাকলে তাকে পাঠাতে পারে। অবশ্য তিনিও কিসিংগারের মত নিরপেক্ষ “মধ্যস্থতা” করবেন মাত্র। তাজ্জব, ইহুদী মিনিস্টারের তর সইল না, গদ্বিতে বসতে না বসতেই দেলেন ছুট ইজরেয়েলে জাত-ভাইয়ের কণ্টা এটম বম দরকার তার তত্ত্বাবাশ করতে। ইয়া, মালিক!

ক্লশদেশ কবে কোন্ আদিমযুগে ১১১৭-এ কমুনিষ্ট হয়ে যায়। সেই

থেকে আজ পর্যন্ত সাতিশয় কাল-ভাত্র কানে এসেছে, কিছুসংখ্যক রুশদেশীয় ইহুদী প্যালেস্টাইন, পরবর্তীকালে ইজরায়েলে, চিরতরে যেতে চায়, আর জেদী বলশীরা তাদের যেতে দিচ্ছে না। তার পর বছর পাঁচসাত আর কেউ রা কাড়তো না।

ওমা! হঠাৎ দেখি, মার্কিন কংগ্রেস, না সিনেট, না কি সেন, গোঁ ধরেছেন, রুশ যদি ইহুদীদের ছেড়ে না দেয় তবে তারা যুক্তরাষ্ট্রের সঙ্গে ব্যবসা করার ব্যাপারে পয়লা স্বযোগ পাবে না। এই ব্র্যাকমেলের হুমকির পিছনে কে? মার্কিন ইহুদীরা যে অষ্টগ্রহর তওরীং তিলাওং করে এ দুনিয়ার মুসাফিরী খতম করে, এ-সব নখর ফানী বখেড়া নিয়ে দাড়ি ঘামায় না, এই নবীন তত্ত্বটি আয়ত্ত করে বড়ই উল্লাস বোধ করলুম। কিন্তু হায়, সঙ্গে সঙ্গে আরেকটা খবর মনে পড়ে যাওয়াতে আমার উল্লাসটা বরবাদ হয়ে গেল। যুক্তরাষ্ট্রের ফরেন মিনিষ্টার যে এখন এক ইহুদী মহারাজ। যার কাছে একদা বাংলাদেশের মুক্তি-যুদ্ধ ছিল নিতান্তই ঘরোয়া ব্যাপার, আজ রুশদেশের কোথায় কোন গোপন কোণে ক'গুণা ইহুদী বাস করে, তাদের “খাহিস” হয়ে গেল “অকৃত্রিম আন্তর্জাতিক গুরুতর সমস্যা।”

বিশালতর ইজরায়েল ?

এদের বের করে আনতে পারলে আরব-ইজরায়েল ব্যাপারে নিরঙ্কুশ “নিরপেক্ষ” ইহুদীকুলগোরব কিসিংগার এদের জমিজমা বরবাড়ি দেবেন কোথায়? নিশ্চয়ই মারাত্মক রকমের “অভার-পপুলেটেড্” আমেরিকায় নয়। সে কি করে হয়, পাগল নাকি ?

ভাবছি, ক হাজার আরব মুসলমানকে খেদিবে এদের জগ্রে স্থান করবেন নিরপেক্ষ কিসিংগার কোথায়?—ফলস্বীনে, সীন্নিয়া লেবানন জয় করে ?

গোড়াতেই তাই নিবেদন করেছিলুম, নিকট প্রাচ্যের গোটা চারেক ঘুড়ি, বিশ্বের গোটা চারেক শক্তির ঘুড়ি, কোথায় রুশের ইহুদী ঘুড়ি আর কোথায় মার্কিন ইহুদী ঘুড়ি, তার কাপ্তেন কিসিংগারের রাম-মাগাওলা অতগুলো ঘুড়ি ঝেঁটিয়ে, একজোট করে, বাদাম প্যাচে সব-কটাকে কাটবো, হেন এলেম আজ্ঞা দেননি।

“দূরকে করিলে নিকট বৈরী”

আমাদের বিশ্বাস্ত সাধক কবি লালন ফকির গেয়েছেন,

হাতের কাছে পাইনে খবর

খুঁজতে গেলাম দিল্লী শহর

জার্মান কবি গোটেও বলেছেন

দূরে দূরে তুমি কেন খুঁজে মরো

সুখ সে তো সদা হেথায় আছে

শিখে নাও শুধু তারে ধরিবারে

সুখ সে রয়েছে হাতের কাছে ।

সুখের বেলা হবেও বা । কিন্তু দুঃখটা খুব সম্ভব আসে দূরের থেকে । কারণ দুঃখটার উৎপত্তি যদি ‘হাতের কাছেই’ হত তবে তাকে ধরবার কায়দাটা রপ্ত করে নিয়ে টুটিটা চেপে ধরে তাকে অঙ্কুরেই বিনাশ করতুম না ?

“নিকট প্রাচ্যের” সর্বনাশ তো তৈরী হয় দূর বিদেশে, আমাদের ধরা-ছোঁওয়ার বাইরে । বাংলাদেশ ভারত আফগানিস্তানের দম বন্ধ করার জন্ত দাড়ি পাকানো হয় দূরে বহু দূরে উজ্জয়িনীপুরে, থুড়ি, দম্ভালিনীপুরে । তত্পরি আমার ব্যক্তিগত অতি গভীর বিশ্বাস সে দুঃখ নিবারণার্থে ভিন দেশের দিকে তাকিয়ে থাকটার মত আকাট আহাম্মুখি আর কিছুই হতে পারে না । আপনার আমার আপন দেশের লোক আপন ধর্মের ভাই যে ভাবে দুঃশমনের সঙ্গে হাত মিলিয়ে আপনাকে আমাকে দুঃখ-বেদনা দিল, তার পরও ভরসা রাখব বিদেশীর উপর ? কার্ল মার্কসের উপর আমার অসীম শ্রদ্ধা । তিনি বিশ্ব প্রলেতারিয়ার প্রতি ঐক্যবদ্ধ হতে যে আদেশ দিয়েছেন সেটা বাংলাদেশের সর্ব জনের উপর খাটে । এ দেশের মধ্যবিত্ত শ্রেণী যে শোচনীয় জীবন ধারণ করে তার চেয়ে বিলেতের তথাকথিত প্রলেতারিয়ার জীবন শতগুণে শ্রেয়ঃ । আর এদেশে সত্যকার ধনী ধারা, ফুলে উঠেছেন ধারা, তাঁদের প্রতি ঐক্যের আহ্বান জানাবার রত্তিভর প্রয়োজন নেই । তাঁরা বাস্তবঘুর পাল । সময় থাকতেই এক লম্ফে আমাদের সঙ্গে মিশে গিয়ে গোলে হরিবোল দেবেন । আমার শুধু আশঙ্কা আখেরে নেতৃত্বটা না তাঁদের হাতেই চলে যায় । যা হয়েছে শত বার হয়েছে, এদেশে, ভিন দেশে, সর্ব দেশ—অতীতে । তাই থাক এ প্রসঙ্গ উপস্থিত থামা-চাপা ।

বিশ্ব ইহুদী

বলছিলুম, আসমানে বিস্তর চিড়িয়া “বাদাম পাঁচের” করকরে মাজা লাটাইয়ে তো নেইই, তার উপর একটা বিরাট বাজ পাখী আসমানী যন্ত্রে সঙ্গে তার আগাপান্তলা এমনই মিলিয়ে দিয়ে আচানক ছেঁ। মাঝে যে তার কোনো কিছুই ধরা-ছোঁওয়ার ভিতরে আসে না। নেই নেই করে তবু ছুঁ পাঁচজন মার্কিন আছেন যারা বাজটাকে চেনেন—কিন্তু ওর সম্বন্ধে মুখটি খুলেছেন কি তাঁদের রাজনৈতিক জীবনের ইন্না লিল্লাহী—

বিশ্ব ইহুদী, ইহুদীত্ব জায়েনিজমের কেন্দ্রভূমি এখন আমেরিকায়। একদা ছিল অস্ট্রিয়া ও জার্মানিতে। মেটারনিষের যে ভিয়েনা-কংগ্রেসের কথা কিসিংগার স্ববাদে উল্লেখ করেছিলুম সে কংগ্রেসে সর্ব নেশনের উদ্দেশ্যে যে সব অনুরোধ আদেশ জানানো হয়, তারই একটা—ইহুদিদের ব্যাপকতর রাষ্ট্রাধিকার দেবার জন্য, বিশেষ করে জার্মানিতে। সাথে কি আর জার্মান ইহুদি কিসিংগার মেটারনিষকে গুরু বলে মেনে নিয়েছিলেন! সম্পূর্ণ অবাস্তুর নয় বলে মনে প্রশ্ন জাগে শিশু কিসিংগার কি একদিন গুরুর মত ইতিহাসে তাঁর নাম রেখে যেতে পারবেন? সে আলোচনা ক্রমশঃ আলোচ্য ও প্রকাশ্য; উপস্থিত একটি তথ্য পাঠকের স্মরণে এনে দি—জার্মানির মহাকাবি হাইনরিখ হাইনের বয়স আঠারো—ভিয়েনা কংগ্রেসের সময়। সে কংগ্রেসের সুপারিশ অনুযায়ী অধিকার লাভের ফলে কয়েক বৎসরের মধ্যেই বালিনে প্রগতিশীল বুদ্ধিজীবী ইহুদীরা আপন প্রতিষ্ঠান নির্মাণ করেন ও যুবা হাইনে সেটিতে সোৎসাহে যোগদান করেন। সদস্যরা আনন্দে আটখানা হয়ে হাইনেকে কোলে তুলে নেন, কারণ তখন হাইনের খ্যাতি জার্মানির ভিতরে বাইরে সর্বত্র ছড়িয়ে পড়েছে। শতাধিক বৎসর ধরে যে হাইনের খ্যাতি অত্যাধিক ক্রমবর্ধমান, নবজাতকসম অল্পান পদদলিত প্রণয় নিবেদনের মর্মদাহ সরলতম ভাষায় প্রকাশ করতে আজো যার সমকক্ষ কেউ নেই, অনুভূতির ভুবনে তাঁকে প্রবঞ্চিত করতে পারবে কোন কৃত্রিম আত্মসত্ত্বের প্রতিষ্ঠান! ইহুদিদের এ সব প্রতিষ্ঠানের মূলনীতি ছিল, তারা জেহোভার নির্বাচিত সর্বশ্রেষ্ঠ মানব সন্তান, তাদের প্রাচীন কীর্তির কাছে কি মিসর কি বাবিলন বিশেষ করে গইম (অ-ইহুদী তুচ্ছার্থে, যে রকম আমাদের ভাষায় অনার্য কাকের প্রভৃতি শব্দ আছে) গ্রীক-রোমান ভারতীয় আর্য সভ্যতা দুঃখপোষ্য শিশুবৎ—এবং সবচেয়ে মোক্ষমতম তত্ত্ব তাঁদের ‘মসীয়া’ (আরবীতে মসিহ মাহদী অর্থে) একদিন ধরাতলে অবতীর্ণ হয়ে

গিয়ে ইহুদীকুলকে শেষ খাঙ্কা দিয়ে বিনাশ করবেন, না হাইনের সংদৃষ্টান্ত অম্লসরণ করে শুল্কে আলোক-লতার মত দোহুলামান হৃদয়ভাপে ভরা ইজরায়েলী রাষ্ট্রের ফাহুসটাকে ফাটিয়ে দিয়ে তাঁর স্বজাতি ইহুদী কণ্ডমকে বাঁচাতে সক্ষম হবেন ? তা যদি পারেন—বিরাট বস্তুকরায়, আল্লার কুশাধা দুনিয়ায় নিরীহজনকে ভিটেমাটি থেকে উচ্ছেদ না করেও বিশ্ব ইহুদীর উমদা-গুস্তাইস হয়—তবে তিনি হাইনের খ্যাতিকেও ছাড়িয়ে যেতে পারবেন। হজরৎ মুসা যে রকম একটা ইহুদী কণ্ডমের ত্রাণকর্তারূপে আবির্ভূত হয়েছিলেন।

* * * *

একটা মজাদার দিলচসপ সার্কাসের ক্লাউন ঢঙ্কর খবর পাঠককে না জানিয়ে লেখাটা শেষ করতে পারছিলেন। যারা জানেন তাঁরা অপরাধ নেবেন না। তেসরা রমজানের সেহরীর সময় বেতার নাড়াতেই হঠাৎ শুনি সিলেটা বাংলা ! উচ্চারণ মোটামুটি ভালোই, খবর দিচ্ছে মিঃ ভুট্টোর দ্বিধিজয় বাবদ। তার পর সালস্কার সবিস্তর বয়ান দিলে, যে সব বাঙ্গালী পাকিস্তান থেকে শিগ্গীরই বাংলাদেশ ফিরে যাবেন তাঁদের কেনাকাটা সম্বন্ধে তাঁরা খবর পেয়েছেন বাংলাদেশে সব মাল বড্ড আক্রা, ইণ্ডিয়ার আমদানী মাল বড্ড নিরেস।

ঠিক এই ধরনের ব্রডকাস্ট করা হয়েছিল '৭১-এর নবেম্বর-ডিসেম্বরে, বিলাতবাসী সিলেটাদের জ্ঞাত। উদ্দেশ্যটা চটসে বোঝা যেত যদিও সেটা কামুফ্লামের চেষ্টা জোরসে করা হয়েছিল, “ভাই বিলেতবাসী সিলেটটীগণ, পূর্ব পাকের সর্বত্র পরিপূর্ণ সালামত। তোমরা আত্মীয়স্বজনকে যে টাকা পাঠাও সেটা বন্ধ করো না। সরকারের জরীয়ায় পাঠিয়ে কিন্তু।” এই শেষটাই ছিল আসল মংলব। আমি অবশ্য স্থানাভাববশত অতি সংক্ষেপে সারছি।

এবারে মংলব দুটো : যুদ্ধবন্দীদের বিচার করে কি হবে ? এই তো বাঙ্গালীরা ফিরে যাচ্ছে দেশে। বউ-বাচ্চার সঙ্গে মিলিত হবে। ঐ বন্দীদেরই বা আটকে রেখেছো কেন, তাদের কি বউ-বাচ্চা নেই ? দ্বিতীয় ভুট্টো সাব চান, বাংলাদেশের সঙ্গে দোস্তী করতে। পুরনো কথা ভুলে যাওয়াই ভালো। দুই দেশে দোস্তী হলে উপকার উভয়ত : গয়রহ গয়রহ।

তোলা হল না একটি কথা : কূটনৈতিক সম্পর্ক সম্বন্ধে স্পীকটি নট, নট কিচ্ছু। ভারী মজার প্রশংগাত। রসে টাইটুখর। বারাস্তরে হবে।

লগুনী স্বীকৃত বাংলাদেশ ?

রাত পোনে তিনটে থেকে সোয়া তিনটে অবধি সিলেটা ভাষায় পাক বেতার বিলেতবাসী সিলেটীদের জন্য প্রোগ্রাম দেয়। দুটি ছেলে ও একটি মেয়ে। নিজেদের নামও বলেছে তারা, আমার মনে নেই। আমি বাড়িয়ে বলছিলাম, কিন্তু মনে হল, তাদের কণ্ঠস্বর বড়ই প্রাণহীন। ১৯৭১-এর নবেম্বর ডিসেম্বরে যারা এই প্রোগ্রামটি আঞ্জাম করতো তাদের বেশ দু'তিনজন গাঁক গাঁক করে হুঙ্কার ছাড়তো, তাদের কণ্ঠস্বরে আত্মবিশ্বাসের স্পষ্ট আভাস থাকতো। বেচারীরা জানতো না, তাদের দিন ঘনিয়ে এসেছে। ঠিক মনে নেই, ষোল-সতেরো ডিসেম্বরে সে প্রোগ্রাম উঠে গেল। ওদের সম্বন্ধে একটা কথা কিন্তু নিঃসন্দেহে বলা যায়। ওরা প্রতিদিন নিজেদের সিলেটা সম্বন্ধে সচেতন হচ্ছিল এবং খাটি সিলেটার দিকে এগিয়ে যাচ্ছিল। যেমন, প্রথম দিন প্রোগ্রাম পরিচিতির সময় শেষ দফায় বললে, সর্বশেষে সিলেট থেকে যারা আপন আপন “আত্মীয়-স্বজনকে” খবর পাঠাবেন, সেগুলো আপনারা শুনতে পাবেন। কিন্তু “আত্মীয়-স্বজন” সমাসটি আমরা বড়ই শাজ-বাজ ব্যবহার করি। পরের দিন ঘোষক “আত্মীয়-স্বজনের” পরিবর্তে বললে “ভাই-বরাদর”। আমি মনে মনে বললুম “লেডকার তরক্কী অইছে। মাশা আল্লা।” পরের দিন ছোকরা একেবারে বন্দর-বাজারের চৌকে পৌঁছে গেল। বললে “খেশ-কুটুমর লগে মাতিবা।” আমি ফাল দিয়ে উঠে বললুম, “সাবাশ! ওতত বেটার চাকু মাগি দিছে।” পাঠক হয়তো তপ্ত-গরম হয়ে খাট্টা গেরাবী দেবেন, “তুমি তো বড় বইতল, মশায়! বাংলাদেশের খেলাফে আজ্জবাজ্জ বকছে, আর তুমি বলছো, সাবাশ!” আহা—আমি ভাষাটার কথা বলছি, তার বক্তব্যের—কিতাবের টেকনিক্যাল পরিভাষায় যাকে বলি “মুন”, সেটার—তারিফ করতে যাবো কেন? সেটা তো গাছে আর মাছে সূমা বন্দর-বাজারী গফ। তা সে থাকগে, এর পরের প্রস্তাব পাড়ার পূর্বে, ইতিমধ্যে পূর্বোক্ত “গেরাবী” শব্দটি খাস সিলেট-নাগরিক ভিন্ন অল্প সিলেটা এবং আর পাঁচজন আঞ্চলিক ভাষাসম্প্রদায়ীজনকে বুঝিয়ে দি। টিপ্পনী কাটা, গহার বা বাগার দেওয়া, ঘটিদের ফোড়ন দেওয়া আর গেরাবী দেওয়া একই ইন্ডিয়াম। সিলেট শহরের আশে-পাশে যখন ইংরেজ ম্যানেজারদের চা-বাগিচা বসলো তখন বাবুর্চী খানসামারা মেম সার্বেবদের কাছে মাছ-গোস্তর “মাখো মাখো ঝোল”-এর পরিভাষা “গ্রেভি” শব্দটি শিখল। তার থেকে “গেরাবী”। আমার জানা মতে এ রকম আরো গোটা ছয় ইংরিজি

শব্দ সোজাহুজি সিলেটীতে ঢুকেছে। এই ধরনের একটি ভারি মজাদার শব্দের সঙ্গে সেদিন পরিচয় হল, চাটগাঁয়ের আঞ্চলিক ভাষাতে। “অস্তিম্যান” শব্দটি প্রথম দর্শনে মনে ভীতির সঞ্চার করে। জীবনের ‘অস্তি’ অবস্থা—‘অস্তিম’ ‘মান’ বুঝি এসে গেল! প্রখ্যাত সাহিত্যিক, আমাদের পথ-প্রদর্শক মহাবুল আলমের ভ্রাতা ওহীদুল আলম সাহেবের উৎকৃষ্ট গ্রন্থ ‘পৃথিবীর পথিক’-এর পরিচয় করিয়ে দিতে গিয়ে মমাগ্রজ মূর্তজা সাহেব আমাকে অভয় দিয়ে ছাপার হরফে লিখেছেন, “অস্তিম্যান হাওনোটের অন ডিমাও” উক্তি থেকে এসেছে।

পাছে বিজাতবাসী সিলেটীদের (এদের সিলেটবাসীরা “লগুনী” নাম দিয়েছেন) পূর্বোক্ত শব্দ-সঙ্কেতে জ্ঞাসের সঞ্চার হয়, তাই করাচীর সিলেটী অল্পঠানে ঘোষক, অল্পবাদক বিকট বিকট ইংরিজি শব্দ আদৌ অল্পবাদ করেননি। যেমন প্রটোকল, এটমিক এনার্জি কমিশন ইত্যাদি। কিন্তু কারখানা অর্থে প্রাপ্ট (মাকিনী উচ্চারণে প্রাপ্ট) কেন যে অল্পবাদ করলেন না, বোঝা গেল না। শুদিকে জনগণ (আমরা বলি পাঁচজন, পাঞ্জুন), বত্কা (বান, ছয়লাব), “ফসল ক্ষতিগ্রস্ত অইছে” (আমরা বলি ফসলার লুকমান অইছে) এবং সবচেয়ে মজার —সিলেটী “মধ্যাহ্ন ভোজনের” জন্ত সংবাদ-পাঠক বললেন “মাদাউনকুর ভোজ।” মাদাউনকুর খানা, দাওং বা জিয়াফত আমরা প্রায়ই বলে থাকি, আর এ স্থলে এটা আজীজ আহমদের দেওয়া দাওংই ছিল—তাই “মাদাউনকুর ভোজ”-এর মত বিজ্ঞাংগা গুরুচণ্ডালী একমাত্র করাচীতেই স্থলভ।...পত্র-লেখকদের আমন্ত্রণ জানিয়ে ঘোষক ঠিকানা দিলেন “পশ্চিম” পার্কিস্তান। পূর্ব পাকিস্তান তো কবে মরে গিয়েছে। যতদেহ নিয়ে সহবাস করার একটা গল্প মোপাসাঁ লিখেছেন বটে! প্রেতাশ্বা নিয়ে লিখে আমি নোবেল প্রাইজ পাবো, নিঃশং।

রেকর্ড সঙ্গীতে “কাফিরী” কীর্তন-সুরে উহু গীত বাজানো হল। সে এক অভূত ভূতুড়ে রসের অবতারণায় কুলে ঘরটা যেন ছিম ছিম, মাথাটা তাজ্জিম-মাজ্জিম করতে লাগলো।

আল্লা জানেন, আমি সিলেটী প্রোগ্রামের এই তিনটি প্রাগীকে নিয়ে মস্তুরা করছিলাম। আমার বার বার মনে হচ্ছিল, এরা যেন অতিশয় অনিচ্ছায় একটা অপ্রিয় কর্ম করে যাচ্ছেন এবং বার বার আমার মনটা বিকল হয়ে যাচ্ছিল। বেচারীরা! এত শত লোক দেশে ফিরে আসছে, এরা চলে আসে না কেন? হয়তো বাধা আছে।

বেয়িয়ে পড়লো। স্বয়ং নিম্ন কৰ্তৃক মনোনীত তাঁর ভাইস প্রেসিডেন্ট (সংক্ষেপে ভীপ) এ্যাংনো সরকারী উকিলের নোটিশ পেলেন, তাঁর বিরুদ্ধে ঘুষ মেহেরবাণী করে দেওয়া কন্ট্রাক্টের কমিশন গ্রহণ, খাতি-মতাদির নিয়মিত ভেট গ্রহণ—এক কথায় দুর্নীতির জন্ত মোকদ্দমা দায়ের করা হবে। নিম্ন ভীপকে এক ঘণ্টা ধরে ধস্তাধস্তি করলেন, তিনি যেন রিজাইন দেন। নিম্ন বলে, ভীপকে কার করার জন্ত নিম্নের খাস-দফতরের নাকি কারসাজি আছে এবং আসলে তিনি নাকি এ্যাংনোকে খেদিয়ে একজন দড় মানুষকে ভীপ বানিয়ে আনতে চান, যে তাঁর হয়ে—ওয়াটারগেট মামলা যদি নিতাস্তই খারাপের দিকে বেয়াড়া গুড্ডির মত মুণ্ড খেতে থাকে তবে—জবর লড়াই দেবে। সেই লোভে ইতিমধ্যেই নিম্নের প্রতিপক্ষ ডেমোক্রেটিক পার্টির এক জাঁদরেল চাই শিঙ ভেঙ্গে রিপাবলিকান দলে ভিড়ে যত্নতত্ত্ব চেলাচেল্লি আরম্ভ করেছেন, টেপ দেওয়া না দেওয়ার পুরো এখতেয়ার একমাত্র প্রেসিডেন্টের। (৩) এতদিন কিসিংগার থাকতেন নেপথ্যে। কিন্তু একদিন কংগ্রেসের সামনে নিম্নের ফরেন মিনিস্টারকে দিতে হবে সাফাই। অতএব তাঁকে দাঁড় করানো হল কাঠগড়ায়। ওদিকে তিনি যে তাঁর বন্ধু।

অভিশপ্ত ফলস্তীন

চল্লিশ বৎসর পূর্বে মিশরের আলআজহারে ছাত্রাবস্থায় থাকাকালীন ফলস্তীন দেখতে যাই। তাই বলে নয়, এমনিতেই ভবঘুরে বলে আমার একটা বদনাম আছে। শতাধিকবার আমি এই অবিচারের বিরুদ্ধে ষতবার দেমাতি প্রকাশ করেছি পাঠক-সাধারণ ততই মুচকি হেসে, দ্বিগুণ উৎসাহে, আমাকে ভবঘুরেমী থেকে বাউণ্ডলে পদে প্রমোশন দিয়েছেন। তবু শেষ বারের মত, আবার বলে নিই, যে-কোনো প্রকারের স্থান পরিবর্তন শারীরিক নড়ন চড়ন আমার ছুঁচোথের দুশমন। কটর মরণ-বাঁচন সমস্তা দেখা না দিলে আমি বারান্দা থেকে রক-এ পর্যন্ত রোলস-এ চড়েও যেতে রাজী হই না। বিছানা থেকে গোসলখানায় যাবার তরে জনকল্যাণ সরকারকে একটা বাস সার্ভিস খুলতে সৰুৰুপ দরখাস্ত পাঠিয়েছি।

অপিচ, মুক্তকণ্ঠে স্বীকার করবো, ‘ফলস্তীন’ গিয়েছিলেম সজ্ঞানে ষেচ্ছায় সোৎসাহে। অবশ্যই, লাহিত পদদলিত আরবদের ছুরবহা দেখবার জন্ত নয়। তখনো সে ছদ্মের বড়-তুফান আরম্ভ হয়নি। কিন্তু তার ইতিহাস আমি

পাঠকের উপর এখন চাপাতে চাইনে। ওপার বাংলায় একবার চেঁচা দিয়েছিলুম—আমি আর প্রফ রীডার ছাড়া সে সীরিজ কেউ পড়েনি।

ফলস্তীনের হৃদশার জন্ত দায়ী কে ?

ইহুদীদের চেয়ে আরবদের—মুসলমানদের—আমি দোষ দি বেশী।

প্রথম বিশ্বযুদ্ধের শেষে ইংরেজ ও ইহুদীদের পালে পালে ফলস্তীনে আসতে দেয়নি। বসন্ত হজরত ওমরের আমল থেকে শেষ তুর্কী খলিফার রাজত্ব অবধি সব সময়ই কিছু কিছু ইহুদী, এমন কি জার-আমলে রুশ ইহুদীও পুণ্যভূমিতে এসে বাসা বেঁধেছে। তারা ছিল গরীব বা নিম্ন মধ্যবিত্ত শ্রেণীর লোক। আরবদের সঙ্গে খাপ খাইয়ে, তাদেরই মত ছ'পয়সা কামিয়ে ছুঃখে-সুখে দিন কাটিয়েছে। কালক্রমে তাদের মাতৃভাষাও হয়ে গেল আরবী। সঞ্চার হলেও আরবী সাহিত্যে তাদের স্থান আছে।

চাষার সর্বনাশ

কিন্তু দ্বিতীয় বিশ্বযুদ্ধের পরে যারা এল তারা সঙ্গে নিয়ে এল অফুরন্ত অর্থ-ভাণ্ডার। যুদ্ধের সময়ই সারা বিশ্বজুড়ে ইহুদী সম্প্রদায় জেনে গিয়েছিল মিত্রশক্তি পুণ্যভূমি ফলস্তীন তাঁদের হাতে সঁপে দেবেন, তারা সেখানে, পাক্সা দু হাজার বছর নানা দেশে ছড়িয়ে পড়ার পর আবার জেহোভার “জায়নের” নবীন রাষ্ট্র নির্মাণ করবে। প্রকৃতপক্ষে মিত্রশক্তি কিন্তু আদপেই “ইহুদী রাষ্ট্র” নির্মাণের কোনো ওয়াদা কাউকে দেয়নি। তারা বলেছিল ইহুদীরা গড়ে তুলবে “জুয়িশ স্টাশনাল হোম”—এবং এই “হোম” কথাটার উপর যথেষ্ট জোর দেওয়া হয়েছিল বারংবার। কিন্তু ইহুদীরা সেটা জেনে শুনেও প্রচার চালালো সেটাকে রাষ্ট্র নাম দিয়ে। সেই রাষ্ট্র নির্মাণের জন্ত যে, কী পরিমাণ অর্থ, পরবর্তীকালে অস্ত্রশস্ত্র পাঠানো হয়েছিল সেটার চিন্তামাত্র করা ডাক্তর ডাক্তর ব্যাক্তার মহাজনদেরও কল্পনার বাইরে।

ফলস্তীন কার্ঠ-খোট্টা দেশ বটে কিন্তু সে দেশের নায়েবরা গরীব চাষা-ভূষাদের লহ ফৌটায় ফৌটায় শুষে নেবার তরে যে কায়দাকেতা জানে তার সঙ্গে পাক্সা দিতে পারে শাইলকের চেয়েও খড়িবাজ ইহুদী সম্প্রদায়। ওদিকে নায়েবদের হাতে সব কিছু সঁপে দিয়ে জমিদাররা কৃতি করতেন মধ্যপ্রাচ্যের মস্কো-কার্লো, বিলাসব্যাসনের ছরীস্তান বেইরুতে। মজা মৈথুনের ব্যবস্থা সেখানে অভ্যস্তম এবং জুয়োর কাসিনোতে এক রাতে যুধিষ্টির চেয়েও বেশী।

দর্বাশ হারানো যায়। কাইরো ইন্সপেক্টরীয়াও এ সব বাবদে সে আমলে খুব একটা কম যেতেন না। এসব বিলাসের কেন্দ্রে লেগে গেল জমিদারী বেচার হারিসুট। ইহুদীরা ধীরে ধীরে কিনে নিল কখনো মোজাসুজি কখনো বেনামীতে ফলস্তীনের বিস্তার জমিজমা।

সে দেশের একাধিক যুবক আমাকে পই পই করে বোঝালেন,—না, প্রজা-স্বপ্ন আইনফাইন ওসব দেশে কন্সটান্টিনোপল ছিল না। থাক আর নাই থাক, প্রচুর জমি-জমা চলে গেল ইহুদীদের হাতে। বিস্তার আরবদের করা হল উচ্ছেদ। সেই পরিমাণে বয়তুল মকুদ্দসে (সংক্ষেপে কুদ্দস, চালু উচ্চারণে উদস), অর্থাৎ জেরুজালেমে বাড়তে লাগলো ভিখিরীর সংখ্যা।

আরবদের অনৈক্য ইহুদীর প্রধান অস্ত্র

কিভাবে, কোন পদ্ধতিতে একদিন অবস্থা এমন চরমে গিয়ে দাঁড়ালো যে ফলস্তীনকে দু'ভাগে বিভক্ত করে এক ভাগে ইহুদী ইজরায়ল রাষ্ট্র প্রতিষ্ঠা করা হল, সেটা সবিস্তর বলার কণামাত্র প্রয়োজন এখানে নেই। ইহুদীর হাতে আছে কড়ি, তত্পরি আছে দুর্নীতিতে পাজীর পা-ঝাড়া ফলস্তীনের ভিতরে-বাইরে আরব “নেতার”।

এক নীগ্রো বলেছিল, “গোরারায়রা যখন আমাদের দেশে এল, তখন তাদের হাতে ছিল বাইবেল, আমাদের ছিল জমি। আজ জমি ওদের, বাইবেল আমাদের হাতে।”

ফলস্তীনের মুসলিম চাষা ইহুদীদের কাছ থেকে তোরীত তালমুদ চায়নি, পায়ওনি। চাইলেও পেত না। কারণ বহু যুগ হল, ইহুদীরা দীক্ষা দিয়ে বিধর্মীকে আর আপন ধর্মে গ্রহণ করে না। আরবদের দীক্ষা দিলে আরেক বিপদ। স্বধর্মে নবদীক্ষিতজনকে তো চট করে তার বাস্তবীভিটে থেকে তাড়ানো যায় না। আফ্রিকায় গোরারায়রা ধর্মের বদলে লব্ধ জমির খাজনা নিয়েই ছিল লম্বট; নীগ্রোদের উচ্ছেদ করে সেখানে বিলিতি চাষা বসাতে চায়নি। ইহুদীরা কিন্তু চায় জমিটার দখল। ১৯১১-এ পাঞ্জাবীরাও এ দেশে বলতো, “জমীন চাহিয়ে। আদমী মর যায় তো ক্যা!”

তখনো ঠেকানো যেত ইহুদীদের। আরব রাষ্ট্রগুলো যদি গৃহ-কলহ ভুলে গিয়ে এক জোট হত। তারদ্বারা প্রতিবাদ করেছে তারা, কিন্তু তার অধিকাংশই ছিল ফাঁপা, মিথ্যা, ভণ্ডামি।

আমাকে যদি জিজ্ঞাস করেন, “ওহে ভবঘুরে, এ ছুনিয়ার সব চেয়ে তাজ্জব তিলিসমাং কি দেখেছ?” আমি এক লহমার তরেও চিন্তা না করে বলবো, “এই আরব জাতটা! ইরাক থেকে আরম্ভ করে ঐ বহুদূর সূদূর মরক্কো অবধি বাস করে আরব জাত—অবশ্য সর্বত্রই কিছু না কিছু সংমিশ্রণ হয়েছে (পৃথিবীতে অমিশ্র জাত আছে কোথায়?)। এই আরবদের দেহে আরব রক্ত, এদের ভাষা আরবী, এদের ধর্ম ইসলাম। মিলনের জন্ত যে তিনটে সর্বপ্রধান গুরুত্ব-ব্যঞ্জক বৈশিষ্ট্যের প্রয়োজন, সে তিনটেই তাদের আছে। অথচ খুদায় মালুম, তারা আজ ক’টা রাষ্ট্রে বিভক্ত। এবং সেই খানেই কি শেষ? মাশাল্লা, সুবানাল্লা—বাবাই দূরে থাক! ক্ষুদ্র ক্ষুদ্র স্বার্থের তাড়নায় তারা এখনো যা প্রাণবাতী কলহে লিপ্ত হয়, ভবঘুরে আমি—কোথাও দেখিনি,—পুত্তক-কীট আমি, কোথাও পড়িনি।

আর বাইরের শত্রু-মিত্রের কথা যদি তোলেন, তবে সকলের পয়লা স্মরণে আসেন ইহুদী শ্রেষ্ঠ হের হাইনরিখ আলফ্রেড কিসিংগার। একদা নবী মুসা নিপীড়িত ইহুদীদের রক্ষা করেছিলেন জালিম মিসরীদের হাত থেকে। ইনিও এ যুগে সেই খ্যাতি অর্জন করবেন—তবে কিনা, এবার বাঁচানো হবে জালিমকে মিসরীদের হাত থেকে।

গয়নীতি

ইংরেজ এই উপমহাদেশের ক্ষয়ক্ষতি করছে বিস্তর, একথা বলা যেমন সত্য ঠিক তেমনি একথাটাও সত্য যে তারা আমাদের অল্পবিস্তর উপকারও করেছে। কিন্তু অপকারের দফে দফে বয়ান দেবার সময় একথা কখনো বলা চলবে না, তারা আমাদের চাষাভূষাদের উচ্ছেদ করে সেখানে আপন জাত-ভাই গোরা-রায়দের বসাবার চেষ্টা করছে, কিংবা এ রকম কোনো একটা কুমতলব তাদের ছিল। এ দেশে হিন্দু-মুসলমান জমিদারে ঝগড়া-কাজিয়া হয়েছে প্রচুর, কিন্তু মুসলমান চাষাদের পাইকিরি হিসেবে কেঁটিয়ে হিন্দু জমিদার তার জাত-ভাই হিন্দু চাষাকে পালে পালে পত্তনি দিয়েছে, এমনতরো বার্তা কখনো শুনেছি বলে মনে পড়ছে না এবং তার উটোটাও না। যদিহ্যাৎ কালেকশ্বিনে হয়ে থাকে তবে সেটা নিতাস্তই ব্যত্যয়।

কিন্তু ইহুদীকুল প্রথম বিশ্বযুদ্ধের পর যেদিন থেকে ফলস্তীনে আসা আরম্ভ করল সেদিন থেকেই তাদের পুরো পাক্কা গ্যান ছিল, এ দেশে তাদের কর্ম-

পদ্ধতিটা হবে কি প্রকারের। একদিনে না, এক বৎসরে না,—ধীরে ধীরে কিন্তু মোক্ষম বা মেয়ে মেয়ে, ছুঁচ হয়ে ঢুকবে এবং ফাল হয়ে বেরবে। না, ফাল হয়ে সেখানে আস্তানা গাড়বে। সেই মর্মে স্থির করা ছিল :

(১) “হোম”-ফোম ওসব বাজে কথা নয়। সম্মুখে রাখতে হবে এবং উদ্দেশ্য—এ দেশে গড়ে তুলতে হবে একটি সর্বাধিকারসম্পন্ন, সর্বার্থে স্বাধীন পরিপূর্ণ রাষ্ট্র। এবং সে রাষ্ট্র হবে “বিশুদ্ধ” ইহুদী রাষ্ট্র। সম্পূর্ণ “গয়”-বঞ্চিত। পাঠকের উপকারার্থে নিবেদন, ইহুদীদের প্রচলিত ভাষায় ইহুদী ভিন্ন এ দুনিয়ার কুলে নরনারীকে ‘গয়’ শব্দের মারফৎ পরিচয় দেওয়া হয়। কটুর ধর্মীক ইহুদীর কাছে সব গয় বরাবর। সাধু-পাষণ্ডে, নিষ্ঠুর-সদয়ে, চোর-পুলিশে, ডাক্তার-ফাঁদেতে কোন তফাত নেই। আমরাও শাজ-বাজ কাফির শব্দ ব্যবহার করি, কিন্তু অমুসলমান মাত্রই কাফির, ওদের ভিতর ভালো-মন্দে কোনো তফাত নেই, এ রকম একটা আজগুবি তত্ত্ব কেউ এ যাবত প্রচার করেননি। তত্পরি গয় শব্দের সঙ্গে যে পাশবিক ঘৃণা মেশানো থাকে, কাফির শব্দের চতুর্দশ পুরুষ তার গা ঘেঁষতে পারবে না।

(২) রাষ্ট্রকে গয়-মুক্ত করার জন্ত সর্ব আচরণ বৈধ। জটনক ইহুদী সজ্জনই একখানি প্রামাণিক পুস্তিকা লিখে ইহুদী তথা বিশ্বজনের চোখে আঙ্গুল দিয়ে দেখান, হিটলার যে জার্মানিকে ইহুদী মুক্ত করতে চেয়েছিলেন সে শিক্ষা তিনি পান ইহুদীদের কেতাব থেকে। গ্যাস-চেম্বার তার অবশুজ্ঞাবী পরিণতি।

একথা আমি অতি অবশ্যই বলবো না, সে আমলে বা এখনো সব ইহুদীই এসব বিধানে বিশ্বাস করেন। বস্তুত আমার বিস্তর ইহুদী বন্ধু ছিলেন, এখনো আছেন যাদের প্রতিবেশীরূপে পেলে যে কোনো মুসলিম নিজকে সৌভাগ্যবান মনে করবে। কিন্তু মাহুযের বদ-কিস্মৎ, রাষ্ট্র-নির্মাণ-কর্মে এঁদের ডাক তো পড়েই না, বরং এসব অজ্ঞায় গোড়ামি, বিশ্বমানবের প্রতি অত্যাচারসূচক বিধি-বিধানের বিরুদ্ধে আপত্তি তুললে তাঁরা হন লাক্ষিত বিভ্রমিত। সভা হল থেকে এঁরা বহিষ্কৃত হন নানাবিধ অশ্রাব্য গালাগাল শুনতে শুনতে। এ পরিস্থিতি এমন কোনো সৃষ্টিছাড়া অভিনব ঘটনা নয়। প্রভু খৃষ্টের আমলেও ইহুদীরা চরমপন্থার অহুরক্ত ভক্ত ছিল। প্রতিপক্ষের সঙ্গে আপোস করতে কিছুতেই সক্ষম হত না। তাই প্রভু খৃষ্ট তাঁর সর্বপ্রথম ধর্মোপদেশ দানকালে “মুখ খুলিয়াই” বলেন, “ধন্য যাহারা আত্মাতে দীনহীন (অর্থাৎ আপন ক্লেশ-এর পরীবাী সখ্যে সবিনয় সচেতন) কারণ তাঁদেরই নসীব আছে বেহেশত।”

এরপর তাঁর সপ্তম উপদেশেই প্রভু বলছেন “তঁরাই ধন্য, ধারা (দুই বৈরী পক্ষের মাঝখানে) শান্তি-স্বলেহ নির্মাণ করেন।” খৃষ্টের এ উপদেশ গোটা ইহুদী জাত তাদের “মৃত সমুদ্রে” ডুবিয়ে দিয়ে তাঁকে ক্রুশে চড়িয়ে মারে। রোমান গবর্নর তাঁকে বাঁচাবার জন্ত কি প্রকারের চেষ্টা দিয়েছিলেন, একটার পর আরেকটা স্বলেহ পেশ করছিলেন, মথি মার্ক ইত্যাদিতে আছে কিন্তু ইহুদী জনতা শুধু চিংকারের পর চিংকার করেই চলেছে—“ক্রুশে মারো। ক্রুশে চড়িয়ে মারো ওকে।” স্বলেহ মাত্রই তাদের কাছে দুর্বলতার লক্ষণ। সমস্ত ঘটনাটি এমনই নাটকীয় যে এর পুনরাবৃত্তি পাঠকের ধৈর্যচ্যুতি ঘটাবে না।

শেষটায় গবর্নর পিলাতে যখন দেখলেন তিনি তাঁর প্রচেষ্টাতে এক কদমও এগুতে পারছেন না (হি ওয়াজ নট গেটিং এনিহোয়ার) তিনি একটা ডাবর ভর্তি পানি আনিয়ে জনতার সামনে হুঁহাত ধুয়ে বললেন, “এই নির্দোষ সাধু ব্যক্তির রক্তপাতে আমার কোনো কসুর রইল না।” উন্নত জনতা চোঁচিয়ে উত্তর দিলে, “এর লহর দায় আমাদের উপর পড়ুক, আমাদের বংশধরদের উপর পড়ুক।”

যুগ যুগ ধরে ধর্মোন্মাদ খৃষ্টান জনতা যখনই ইহুদীদের উপর নির্মমভাবে খুন-খারাবি চালিয়েছে তখনই ব্যঙ্গ করেছে, “তোদের পূর্বপুরুষরা কসম খেয়েছিল না, প্রভুর খুনের দায় তোদের উপর অর্পাবে ? এখন ‘আমরা বেকসুর, আমরা মাহুম’ বলে চ্যাচাচ্ছিস কেন ?”

অথচ আইনত, ঈসা মসীহের শিকার কসম খেয়ে অবশ্যই বলতে হবে, পিতার পাপ পুত্রে অর্শ্য না। এরা বেকসুর।

বেদরদ প্রাক্তন বাস্তহারী

১৯৩৪-এ ফলস্তীনে গিয়ে দেখি, বাস্তহীন, ভিটেহারী, জন্মভূমি থেকে বিভাঙিত জর্মন ইহুদীরা লেগে গেছে নৃতন করে, কিন্তু নীরবে, লক্ষ লক্ষ নয়া ক্রুশ বানাতে। সর্ব প্রকারের আয়োজন চলছে সজোপনে। উত্তম উত্তম বাস্ত পাওয়ার পরও এরা বিধি-ব্যবস্থা করে যাচ্ছে, লক্ষাধিক বেকসুর আরবদের কি প্রকারে, কত স্নান পদ্ধতিতে বাস্তহারী করা যায়।

এই সব মাহুম চাষাভুষোদের লচরাচর আরব বলা হয়, মুসলিম বলা হয়, কিন্তু আসলে বলা উচিত ফলস্তীনী বা ফলস্তীনবাসী। ইহুদীরা মিসরের দাগত

থেকে বেরিয়ে, ফলস্তীনে এসে একে একে যে সব আদিবাসী উপজাতিদের জয় করতে করতে ইহুদী-রাজত্ব বসায়, সে সব আদিম বাসিন্দারা ইহুদীদের ধর্ম গ্রহণ করেনি। এদের মধ্যে অন্ততম প্রধান কওমের নাম ছিল ফিলিস্তাইন, তাদের রাজত্বের নামছিল ফিলিস্তিয়া। এ রকম আরো ছোট ছোট স্বাধীন রাষ্ট্র ছিল অনেক। ফিলিস্তিয়া থেকেই পরবর্তীকালে প্যাালেস্টাইন নামের উৎপত্তি। ইহুদীদের ছিল দুটি রাষ্ট্র—জুদেয়া ও ইজরায়েল। এবং আজ প্যাালেস্টাইন বলতে আমরা যে ভূখণ্ড বুঝি এই দুই রাষ্ট্র মিলে তার দশ ভাগের এক ভাগও হবে না। সিনাই বা সীনীন কন্মিনকালেও ইহুদী রাষ্ট্রের অন্তর্ভুক্ত ছিল না।

মোদ্দা কথা এই : ইহুদীরা ফলস্তীনের আদিমতম বাসিন্দা নয়। আদিম বাসিন্দারা পরবর্তীকালে খুটান হয়ে যায় এবং জেনারেল খালিদ সিরিয়া ও ফলস্তীন জয় করার পর ইসলাম গ্রহণ করে। আজ যখন ইহুদীরা ফলস্তীনেকে আপন আদি বাসভূমি বলে হক্ক বসিয়ে প্রাচীনতম বাসিন্দাদের তাড়াতে চায়, তবে কাল ত্রাবিড়রা উত্তর ভারত দাবী করে আর্যদের খেঁড়িয়ে দেবার হক্ক ধরে ! যে কোনো রেড ইণ্ডিয়ান ডক্টর কিংগারকে দূর দূর করে আপন দেশ থেকে বের করে দিতে পারে। তার আছে সভ্যকার হক্ক।

ফি রোজ ঈদ ফি রোজ হালুয়া

জেরুজালেমের সর্বত্র কেমন যেন একটা থমথমে ভাব। বড় বড় রাস্তার উপর নবাগত ইহুদীরা বসিয়েছে বালিন প্যারিস শ্যাইয়র্কী কায়দায় ফেনসি কাফে রেস্তোরা। আরব ওগুলোর দিকে ফিরেও তাকায় না, তাকালে সে দৃষ্টিতে থাকে ঘৃণা আর ক্ষোভ। এ সব ইহুদী রেস্তোরা'য় খাচ্চ পানীয়ের দাম যে খুব একটা আক্কা তা নয়। খন্দের ইহুদী, মালিক ইহুদী। এবং প্রায় সব কটা'ই চলে লোকসানে। তাতে কার কি ? সব ইহুদী সাকুল্যে খর্চা, ক্ষুতির কড়ি পাচ্ছে মার্কিন জাত-ভাইদের কাছ থেকে। তারা কিন্তু বাস্তব ঘৃণু। ধনদৌলতে ভরা, নৃত্যগৃহ কাবারে, জুয়ের আড্ডা বেঞ্চালয়ে আবজাব করছে যে দেশ, সে দেশ কেলে তারা আসবে কেন এই কাঠখোটা প্রাচীনপন্থী প্যাালেস্টাইনে—“পুণ্যভূমি” ‘পিতৃভূমি’, ‘আব্রাহামের দেশ’ বলে মুখে মুখে বতই হাই-জাম্প লং-জাম্প সাক্ক না কেন।

আরব জাত গরীব। তাদের রেস্তোরা'ও গরীব। আরিও গরীব।

দুখলুম একটা শামিয়ানা ঢাকা রেস্টোরাঁতে। সেটা ছিল রোজার মাস। ইফতার আসন্ন। সে যুগে বেতারের খুব একটা প্রচলন হয়নি। তাই রেস্টোরাঁর লাউড স্পীকারে কুরান-পাঠ আসছে, কাইরো বেতার থেকে, মশহর 'কারী রেফাতের কণ্ঠে। আমরা আপন দেশে আসন্ন মগরীবের দরমিয়ান ওয়াক্তে সচরাচর কুরান পড়ি না। এরা দেখলুম, চুপ করে বসে আজান না হওয়া পর্যন্ত তিলাওত শোনাটাই পছন্দ করে। দু'চার জন ছোকরা গোছের খন্দের ফিসফিস করে কথা বলছে। একজন দেখলুম উত্তেজিত মুখে দ্রুতবেগে কি যেন বলে যাচ্ছে আর বারবার খবরের কাগজের উপর আঙুল ঠুঁকে, খুব সম্ভব তারই বরাত দিচ্ছে। অন্তর্জনের দৃষ্টি উদাস।

ছেঁড়া, তালি-মারা জোকা পরা গোটা চারেক বয় টেবিলে ইফতার সাজাচ্ছে। একজন এসে ফিস ফিস করে শুধালো, খাবো কি? ইতিমধ্যে লক্ষ্য করেছি, কাইরোর মধ্যবিন্দু শ্রেণীর হোটেলে ষা-খাওয়া হয়, এখানেও টেবিলে টেবিলে সাজানো হচ্ছে তাই। আমি বললুম, যা ভালো বোঝো তাই।

ইতিমধ্যে একজন জোয়ান গোছের লোক আমার সামনের চেয়ারে খপ করে বসে বয়কে দিলে ইশারা। বয় আগতেই দাঁতমুখ ঝিঁচিয়ে বললে, “সব জিনিসের রেট বাড়িয়েছ তো ফের?” বয় ধবধবে সাদা দাঁত দেখিয়ে মুচকি হেসে বলে “না, এফেন্দম।” লোকটা ভেড়ে শুধালে, “কেন বাড়ালে না? ঠেকাচ্ছে কে? তাই সই। যাবো নাকি ইছদী রেস্টোরাঁয়?” আমার গলা থেকে বোধ হয় অজানতে অক্ষুট শব্দ বেরিয়েছিল। বোঁ করে চক্কর খেয়ে আমার দিকে তাকিয়ে বললে, “বাড়বে না দাম নিত্য নিত্য। ঐ ইছদী ব্যাটারা মুফতের সোনাদানা ওড়াচ্ছে দু'হাতে। ওরা পারে আমাদের সর্বনাশ করতে।” আমি ক্ষীণ কণ্ঠে বললুম, “ওরা সন্তায় দেয় কি করে?”

“কি করে? অবাক করলেন এফেন্দম, ওদের লাভই বা কি, লোকসানই বা কি? দোকানী ইছদী, খন্দেরও ইছদী!” তারপর যা বললেন সেটা বাংলায় হলে প্রকাশ করতেন একটি প্রবাদ-মারফত : কাকে কাকের মাংস খায় না।

ইহুদীর দাপট

একাধিকবার পাঠকের দৃষ্টি আকর্ষণ করেছি ডক্টর হেনরি কিসিংগারের প্রতি। ইনি তখনো যুক্তরাষ্ট্রের ফরেন মিনিস্টারের পদ লাভ করেননি, কিন্তু তৎ-সঙ্গেও অভাগা বাংলাদেশের লোক তাঁকে চট করে চিনে যায়। ডিসেম্বর মাসের প্রথম সপ্তাহেই যখন বিশ্বের সর্ব মিলিটারি ওয়াকিফহাল নিঃসন্দেহে বলতে থাকেন, কয়েকদিনের ভিতরেই নিয়াজী পরাজয় স্বীকার করে ফরমানকে ফরমান লেখবার হুকুম দেবেন, তার পূর্বে এবং পরেও ইসলামাবাদের সর্ব-প্রভাবশালী বিদেশী ইলচীরা এক বাক্যে বিশ্বজন তথা জুস্তাকে জানান যে, শেখ মুজীব সাহেবকে মুক্তি না দিলে কোনো প্রকারের স্থায়ী শান্তির সম্ভাবনা নেই, তখনো এই মহাপ্রভু কিসিংগার গোপন বৈঠকে একাধিকবার বিরক্তির সঙ্গে বলেছেন, “না, না, না। ‘শেখকে মুক্তি দাও,’ ইয়েহিয়াকে এ ধরনের কোনো স্পেসিফিক নির্দেশ আমরা দিতে পারবো না।”

কোন সূচত্বর পদ্ধতিতে এই ইহুদীনন্দন শেষটায় শূন্য-মস্তিষ্ক বুদ্ধুরাজ মার্কিনের মাথায় সওয়ার হলেন সে-ইতিহাস দীর্ঘ। উপস্থিত সেটা থাক। কিন্তু একটি কথা এখানে বলে রাখা ভালো। ইহুদীরা টাকা ও বিশ্বের ইতিহাসে অদ্বিতীয় ঐক্য-শক্তি দ্বারা মার্কিনের মাথায় কতু যে ডাঙা বুলোয়, বেশীর ভাগ ক্ষেত্রেই আড়াল থেকে অদৃশ্য সূতো টেনে পুতুল-নাচ নাচায়, সে-তথ্যটা হুনিয়ার লোক জানেন না; নিরীহ মার্কিন পদচারীরও কৃজনে গুঞ্জে গঞ্জে সন্দেহ হয় মনে, বিশেষ করে বোটকা গন্ধ থেকে, ওটা যেন বড্ড অস্বাভাবিক ইহুদী ইহুদী বদবোর মত ঠেকছে। কারণ একটি প্রবাদ অনুযায়ী এ সত্য নির্ধারিত হয়েছে, “ফরাসী ও ইহুদীরা নৌকা-ডুবি ভিন্ন জীবনে কখনো গোসল করে না।” স্নেহজ কানালের পাড়েও ইহুদীরা বড্ডই অস্বস্তি অনুভব করতো—পালাতে পেরে বেঁচেছে।

তা সে যাই হোক, মার্কিন ইহুদীদের তাগত কতখানি প্রচণ্ড সেটা উত্তম-রূপে অবগত আছেন মার্কিন রাজনৈতিকরা। এডওয়ার্ড কেনেডির প্রতি বাংলা-ভারতের অনেকেই অঙ্কা পোষণ করেন, কারণ মুক্তিযুদ্ধের সময়ে তিনি অকুণ্ঠ ভাষায় এ দেশের স্বাধীনতা স্পৃহায় সমর্থন জানিয়ে নিতনের বিরুদ্ধে মন্তব্য করেছিলেন। পাঠক শুনে বিশ্বাস ও বেদনা বোধ করবেন বর্তমান যুদ্ধ আরম্ভ হওয়ার তিন দিন যেতে না যেতেই সেই কেনেডি, আমার জানা মতে, ‘গয়’-দের মধ্যে সর্বপ্রথম, মার্কিন সরকারকে অস্বস্তি জানান, তাঁরা যেন ইজরায়েলকে

যুদ্ধের আরপ্নেন দিয়ে সাহায্য করেন। তার প্রথম কারণ, তিনিই ইজরায়েলের প্নেন নাশের অবস্থাটা তড়িঘড়ি বুঝতে সক্ষম হয়েছিলেন। কিন্তু দ্বিতীয় কারণই আসল এবং মোক্ষম। ১৯৭৬-এ প্রেসিডেন্ট নির্বাচনে তিনি উমেদ্যার, এবং আমার জানা মতে, অন্ততঃ এ শতাব্দীতে, ইহুদী-বৈরী কোনো ব্যক্তি যুক্তরাষ্ট্রের প্রেসিডেন্ট হতে পারেননি। কেনেডি বেলাবেলিই ইহুদীদের সন্তুষ্ট করে রাখতে চান।

ইজরায়েল ! হিসাব দাও !

পাঠক কিন্তু তাই বলে এক লক্ষ হিটলারের সঙ্গে গলা মিলিয়ে বলতে যাবেন না, তামাম মার্কিন মূল্য চালাবার কুলে কলকাটি ইহুদীদের হাতে। মোটেই না। ইহুদীকুল শক্তি-উপাসক নয়। তারা করে লক্ষীর উপাসনা। মার্কিন পলিটিক্‌সে তারা শক্তিদ্বয় হতে চায় না। যদি কখনো তাদের প্রত্যয় হয়, যে অমুক প্রেসিডেন্ট হলে তাদের টাকা কামাবার পথে কাঁটা হবেন, তবেই তারা কুলে ধন-দৌলত দিয়ে সাহায্য করে তাঁর দুশমনকে—কিন্তু গোপনে। মাত্র একবার তারা ভুল করে শক্তির পথে নেমেছিল। জাত-ভাইদের জন্ত ফলশ্রুতীনে সর্বশক্তিমান রাষ্ট্র গড়ার কুবুদ্ধি তাদের মাথায় ঢোকে, এবং গত পঞ্চাশটি বছর ধরে তারা যে কি পরিমাণ মাল দরিয়ায় ঢেলেছে সেটা জানে একমাত্র তারা আর জানেন জেহোভা। এইবারে তার হিসেব নেবার পালা এসেছে ! ম্যাডাম গোল্ডা মেইর, মশে দায়ান, আব্বা এবানের টুঁটি চেপে ধরে মার্কিন ইহুদীরা শুধাবে, “হিসেব দেখাও, টাকাটা গেল কোথায় ! কে মেরেছে কত ? এখন কুলে ইহুদী রাষ্ট্রটা যে ডকে উঠতে চললো তার জন্ত দায়ী কে ?”

কত গোপনে !

কিন্তু এটা বাহ্য। আসল গরদিশে পড়েছেন বাবাজী কিসিংগার। মার্কিনদের হতুক্রম করে (এপিং করে) নাম পর্যন্ত বদলালেন, হাইনরিখ কিসিংগার থেকে হেনরি কিসিংগারে ! আরো কত কি না করলেন, “কেরেশান”দের সঙ্গে একদম লাইলি-মজন্নের মত দুই দেহে এক প্রাণ, হরিহরাত্মা হয়ে যেতে। ওদিকে খান্না দিলেন বিশ্বযুদ্ধ সবাইকে,—ইহুদীদের অবশ্যই বাধ দিয়ে—তিনি প্রভু নিম্ননের উপদেষ্টা রূপে চারটি বৃহৎ বিশ্বশক্তির সঙ্গে গুফতো-গো করেন মাত্র :

তারা রুশ, চীন, জাপান আর পশ্চিম ইউরোপের রাষ্ট্রপুঞ্জ (ফ্রান্স, ইংল্যান্ড জার্মানি গরুরহ)। মধ্যপ্রাচ্য ? আজ্ঞে না। ওটা ভীল করছেন স্বয়ং যুক্তরাষ্ট্রের পররাষ্ট্র-মন্ত্রী হিঙ্ক একসেলেনসি রজার্স। ভাবখানা এই, “আমি ইহুদীর বেটা। আরব ইজরায়েলের ক্যাসাদে আমার নাক গলানোটা কি নিরপেক্ষ, সুবিবেচনার কর্ম হবে ?”

তাই দেখা গেল, কিসিংগার যখন ক্ষুদ্র-অসাধুতা (“পেটি এ্যাণ্ড ডিজনেস্ট” —করেন আপিসের একাধিক উচ্চ কর্মচারীর মতে) পদ্ধতিতে পররাষ্ট্র-মন্ত্রীর ছিনিয়ে নিলেন (গ্র্যাবড) তখন মিসরের জর্নেক সম্পাদক, অস-সইদ ইহসান আবদুল কুদ্দুস বললেন, “আশা ছাড়বো কেন ? ভেবে দেখুন, ফীল আখির—আফটার অল—বছরের পর বছর ধরে আমরা মিঃ রজার্সের সঙ্গে লেন-দেন করার পর আখেরে আবিষ্কার করলুম, তিনি ক্লীব—শক্তির তাঁর পিছনে গদাধর কিসিংগার !” বিগলিতার্থ তা’হলে দাঁড়ালো এই, আরবরা বৃদ্ধু। কিসিংগারই কলকাঠি নাড়িয়েছেন ইজরায়েলের হয়ে, শিখণ্ডী ছিলেন রজার্স। এটাকে যদি ধাঙ্গা, প্রতারণা না বলে তবে বজ্জন দয়া করে শব্দ দুটোর সংজ্ঞা জানাবেন কি ?

কভু হাটের মধ্যখানে।

এই কি তার শেষ ? কিসিংগার রুশের সঙ্গে দোস্তী জমালেন স্বয়ং খোলাখুলি-ভাবে। হঠাৎ দেখি, ইরাক্সা, হুড়হুড়িয়ে বানের জলের মত ইজরায়েলের পানে ‘রাশ’ করেছে রুশের ইহুদী-পাল। এরা যে ননী-মাখনে পোষা ইজরায়েলীদের চেয়ে হাজার গুণে সখং মোকাবিলা করতে পারবে আরবদের, সেটা স্বীকার করেছেন ঝাণ্ডু ঝাণ্ডু জাঁদরেলগণ। চীন তো চটে গিয়ে রুশকে করেছে এর জন্তে দায়ী। কিসিংগারকে ছেড়ে দিয়ে কথা কইল কেন, সে আমি জানিনে।

সরল প্রাঙ্গ

কিন্তু আজ যে উদ্দেশ্য নিয়ে আপনাদের সেবক, এ মূর্খ, লেখাটি আরম্ভ করেছে সেটি ভিন্ন, কিন্তু উপরের বক্তব্যের সঙ্গে অদ্বাদি-বিজড়িত। আমি মাধান, কিকিং এলেম সঞ্চয় করতে চাই আপনাদের কাছ থেকে।

(১) আশা করি সবাই স্বীকার করবেন, বাংলাদেশ বিশ্ব সংসারে অসাধারণ

শক্তিশালী এমন একটা রাষ্ট্র নয় যেখানে কোনো মার্কিন পররাষ্ট্র-মন্ত্রী নিজকে এ দেশের প্যারা করতে চাইবেন। আমার প্রশ্নটা পরে আসছে।

(২) কত রাজা কত প্রেসিডেন্ট, কত প্রধানমন্ত্রী নিজ নিজ পদ গ্রহণ করার সময় নিত্য নিত্য শপথ নেন। তার ক'টা ফোটা এই গরীব ঢাকার দৈনিকে বেরোয়, বুকে হাত দিয়ে বলুন তো।

(৩) তা'হলে প্রশ্ন, হঠাৎ করে মিঃ কিসিংগার—রাজা না, প্রেসিডেন্ট না, এমনকি প্রধানমন্ত্রী না—ফরেন মিনিস্টারী নেবার সময় যে-শপথ গ্রহণ করেন তার ছবি ঢাকার কাগজে কাগজে বেরুলো কেন? নিশ্চয়ই ছবিটি মিঃ কিসিংগার যে-ফরেন আপিসের বড় সাহেব হলেন, সে-আপিসের ঢাকাসহ শাখা-প্রশাখা দ্বারা বিতরণ করা হয়েছে। তা' হোক, কিন্তু প্রশ্ন, এই ছবিটাই বিশেষ করে কেন?

(৪) উপরের প্রশ্নটি যত না গুরুত্ব-ব্যাঞ্জক, তার চেয়ে মোস্ট ইম্পরটেন্ট, মিঃ কিসিংগারের সম্মানিতা মাতা যে বাইবেল হাতে করে শপথের সময় দাঁড়িয়ে আছেন, সেটা কে, কারা, কোন উদ্দেশ্য নিয়ে আমাদের চোখে আঙ্গুল দিয়ে দেখিয়ে দিচ্ছেন? কত লোক কত ধর্মগ্রন্থ নিয়ে, বা কোনো ধর্মগ্রন্থ না নিয়ে শপথ করে, কই, সেটা তো আজ অবধি কোনো খবরের এজেন্সি বা ইনফরমেশন সার্ভিস চোখে আঙ্গুল দিয়ে দেখায়নি। বিশেষ করে বাংলাদেশের লোকই বাইবেলের নামে গদগদ এ কথাও তো কখনো শুনিনি।

(৫) মিঃ কিসিংগার ইহুদী। বাইবেলের প্রথম অংশ, যার নাম “ওল্ড টেস্টামেন্ট” সেটা ইহুদীদের সম্মানিত ধর্মগ্রন্থ—খৃষ্টানদেরও। কিন্তু তার দ্বিতীয়াংশই আসলে খৃষ্টানদের পরম পূজ্য “নিউ টেস্টামেন্ট”—যাতে আছে প্রভু যীশুর জীবনী, তাঁর খৃষ্ট ধর্ম প্রচারের বিবরণ, এবং আছে তাঁকে যে ইহুদীরা ক্রুশে চড়িয়ে খুন করে তার করুণ কাহিনী। মিঃ কিসিংগার (এবং তাঁর মাতা) কি এই কাহিনীর “পবিত্রতায়” বিশ্বাস করেন যে এটিকে স্পর্শ করে তিনি শপথ নিলেন? আমি যতদূর জানি, ইহুদীরা এই “নিউ টেস্টামেন্টে” বিশ্বাস করেন না। অতি অবশ্যই ইহুদীদের ধর্মগ্রন্থ তোওরাতো (তওরীতে) “নিউ টেস্টামেন্টের” স্থান নেই।

(৬) তবে কি কোটোর বাইবেল খাস ইহুদী-বাইবেল? আমাদের জানা মতে, সে গ্রন্থে থাকে শুধু “ওল্ড টেস্টামেন্ট।” তাই যদি হয়, তবে “বাইবেল, বাইবেল” বলে সেটা অতখানি প্রচার করা হল কেন? ঢাকা কলকাতার জনসাধারণ তো বাইবেল বলতে ওল্ড এবং নিউ, দুইয়ে গড়া বাইবেলই বোঝে,

সেই কেতাবছরের সম্মিলিত গ্রন্থই দেখেছে। যারা ফোঁটোর সঙ্গে ক্যাপশনটি বিতরণ করেছেন তারা ব্যাপারটি বুঝিয়ে বললে ভালো হত না? “বাইবেল” শব্দটিও মূলত গ্রীক বলে ইহুদীরা ব্যবহার করেন বলে শুনি। তাঁরা তো ওরা, তালমুদ ইত্যাদি বলে থাকেন। হয়তো নিতান্ত ‘গয়’দের উপকারার্থে মাঝে মাঝে বাইবেল বলেন।

(৭) ইহুদী কিসিংগারের পক্ষে কি বাধ্যতামূলক ছিল, বাইবেল স্পর্শ করে, শপথ নেবার? কাল যদি মুসল্লী মুহম্মদ আলী (কেসিয়াস ক্রে) আমেরিকায় মন্ত্রী হন, তবে তাঁকেও কি বাইবেল ছুঁয়ে কসম নিতে হবে?

(৮) তবে কি ডঃ কিসিংগার ও সম্মানীয় মাতা সনাতন ইহুদী ধর্ম ত্যাগ করেছেন? এটা বিশ্বাস করা আমার পক্ষে সম্পূর্ণ অসম্ভব—কিসিংগার চরিত্র যতখানি বুঝতে পেরেছি তার পর।...এসব বাবদে কিঞ্চৎ এলেম হাসেল হলে উত্তম আলোচনা করা যাবে। যারা এতখানি পরস্পর খর্চা করে মুফতে ফটো বিতরণ করলেন, তাঁরা ছুঁপয়সার কালি-কাগজ মারফৎ সত্যজ্ঞান বিতরণ করবেন না, এও কি সম্ভব? মুফতে খোড়া বখশিশ দিয়ে বেতটার পরস্পর ওনরা দেবেন না? ?

বার্লিনে

১৯২৯-এ আমি বার্লিন যাই। সে যুগে বার্লিন এবং অষ্ট্রিয়ার ভিয়েনা ছিল ইহুদী জগতের প্রবীণতম দুই কেন্দ্র। ইহুদী বৈরী হিটলার এবং তাঁর গুরু-মারা চেলো বৈরী-প্রধান গ্যোবেলস তখনো রাষ্ট্রশক্তি পাননি, এবং তাঁদের শক্তিকেন্দ্র ছিল বাভারিয়া প্রদেশের ম্যুনিকে। তবু মাঝে-মাঝে বার্লিনের রাস্তায়, পাবে, মিটিঙে, নাৎসি আর কম্যুনিষ্ট পার্টিতে হাতাহাতি মারামারি হত। তাছাড়া মোকায় পেলে মশহুর কোনো নাৎসি-বৈরীকে পেলে তাকেও ছুঁবা বসিয়ে দিত, খুনও করেছে। এখানে পাঠকে অরণ করিয়ে দি, ফ্রান্স জার্মানিতে ইহুদীদের এক বৃহৎ অংশ নিজেরা প্রগতিশীল বলে, প্রগতিশীল কম্যুনিষ্ট পার্টিতে যোগ দিত। কম্যুনিষ্ট প্যাদাতে পারলে নাৎসিদের ছিল ডবল আনন্দ। বহুত ক্ষেত্রে ফালতো রিসক না নিয়ে একাধারে কম্যুনিষ্ট ইহুদী ছুঁজনকেই ধারেল করা যেত। যে কারণে এ দেশের হিন্দুকে খতম করে ইয়েহিয়া পেতেন ডবল স্মৃতি—একাধারে হিন্দু এবং বাঙ্গালী, দুই ছশমনের সস্ত্র লাগতো মাত্র একটা বুলেটের খর্চা।

যুনিভার্সিটি রেস্টোরা'র টেবিলে নাৎসিদের কথা বড় একটা উঠতো না। ছাত্রদের ভিতর তখন কম্যুনিষ্টদের ছিল প্রাধান্য। এবং স্বভাবতই তাঁদের মধ্যে ইহুদীদের ছিল উচ্চাঙ্গ। আমি যে ওদের সঙ্গেই গোড়ার থেকে ভিড়ে গিয়েছিলুম তার কারণ কম্যুনিষ্টরা আপন "ধর্ম" দীক্ষা দেবার জন্য নব্য-গতজনকে অভ্যর্থনা জানায় আর ইহুদীরা শত পরিবর্তন সত্ত্বেও প্রাচ্যদেশীয় মেহমানদারী গুণটি এখনও বাঁচিয়ে রেখেছে। পরবর্তীকালে ইজরায়েল ব্যত্যয়। কিংবা হয়তো যুগ যুগ ধরে খৃষ্টানদের হাতে নির্ধারিত হওয়ার সময় অখৃষ্টান যাকে পেয়েছে তার সাহায্য পাবার আশায় তার সঙ্গে যেচে গিয়ে কথা বলেছে। অবশ্য এটা স্মরণে রাখতে হবে ইহুদী জাত যেখানে গিয়েছে, সেখানেই কিছু না কিছু মিজঞ্জের ফলে এখন বেশীর ভাগ ক্ষেত্রেই বলা প্রায় অসম্ভব খৃষ্টান জর্মন কে, আর ইহুদী জর্মনই বা কে। এবং নাম থেকেও বলা স্বকঠিন কে কোন জাত বা ধর্মের।

বন বিশ্ববিদ্যালয়ে ইহুদী-শাস্ত্র চর্চা

১৯৩০-এ হিটলার হঠাৎ, কি কারণে কেউ জানে না, পার্লামেন্টে অনেকগুলো সীট পেয়ে গেলেন। ইতিমধ্যে আমি চলে এসেছি বন শহরে। ছোট শহর বন। কিন্তু বিশ্ববিদ্যালয়ের ওরিয়েন্টাল সেমিনারটি জর্মনীর ভিতরবাইরে সর্বত্র সুপরিচিত। সেখানে আরবী, সংস্কৃত ও হীক্ৰ চর্চা হত প্রচুর। সেই সূত্রে ভজনখানেক ইহুদী ছাত্র ও পণ্ডিতের সঙ্গে আলাপ হল তো বটেই, দু'তিন জনার সঙ্গে রীতিমত হৃদয়তাও হয়ে গেল। এদের একজন ছিলেন সেই স্বদূর রুশ দেশেরও দূর প্রান্ত জর্জিয়ার লোক। ভারী আমুদে, পরিণত বয়স্ক, ছাত্র সমাজের মুরব্বী। ওদিকে ইহুদী ধর্মতত্ত্বের সর্বোচ্চ পরীক্ষায় ফাষ্ট হয়ে পাশ করেছিলেন বলে (অর্থাৎ তিনি রাব্বী পণ্ডিত-পুরোহিতের সমন্বয়) "ওল্ড টেস্টামেন্টের" প্রামাণিক সংস্করণের নতুন প্রকাশ নিয়ে দুনিয়ার বত প্রাচীন পাণ্ডুলিপির মধ্যে দিন-যামিনী আকর্ষণ নিমজ্জিত থাকতেন। একদিন আরবীতে লেখা "আজাব উল-কবর" (মৃতজনকে গোর দিয়ে চলে আসার পর কিরিস্তা এসে তাকে তার ঈমান সন্থকে যে সব প্রশ্ন করেন তার বিবরণী) পড়ে আমার মনে হল, ইহুদীদের "তালমুদ" গ্রন্থে এর উল্লেখ থাকাটা অসম্ভব নয়। আমার হীক্ৰ বিত্তে মাইনাস ডডনং। জর্জিয়ার রাব্বীর কাছে গিয়ে প্যাসেজ দেখাতেই তিনি চোখ দুটো বন্ধ করে চেয়ারের হেলানটার মাথাটা কেল

উর্ধ্বমুখী হয়ে বিড় বিড় করে হীক্ৰ শাস্ত্র আবৃত্তি করে যেতে লাগলেন। আমি দাঁড়িয়েই আছি, দাঁড়িয়েই আছি—তাল-মুদ তিলাওতের পালা আর সাক হয় না। কুরান শরীফের শবীনা খংম-ই এক ঠায় বসে এ জিন্দেগীতে আত্মস্ত শোনার সওয়াব হাসিল করতে পারেনি এই বদ-কিস্মৎ গুনাগার। আর এই তালমুদ গ্রন্থটি ইটের খান মার্কী পাক্কা চল্লিশটি ডলুমের নিরেট মাল। সওয়াব ভী নদারদ, কারণ তালমুদ কেতাব পাক তওরিতের অংশ নয়।...আখেরে জেহোভার রহমৎ নাজিল হল। হঠাৎ থেমে গিয়ে এক লম্ফ পেড়ে আনলেন এক খণ্ড তালমুদ। পাশের চেয়ারটার দিকে ইঙ্গিত দিয়ে “হিৎব হা করব” (আমার সঠিক নাম আজ আর মনে নেই) অল্পক্ষেদটি পড়তে আরম্ভ করলেন, আমার হাতে আরবী টেকসটটি তুলে দিয়ে। এবং হব্বছ একেবারে আমাদের মস্তবের ছাজদের মত ঘন ঘন ছলে ছলে আর স্বর করে করে। আর মাঝে মাঝে ঠিক মস্তবের বাচ্চাটার মত মাথা ডাইনে বাঁয়ে নাড়িয়ে স্বর করেই বলেন “হল না,” মেরামত করে ফের এগোন দ্রুততর গতিতে।

আমি তো অবাক। কবে কোন যুগে, ছেলেবেলায় আপন গাঁয়ে দেখেছি এই দৃশ্য! আর সেই দৃশ্য জর্জিয়ার তিকলিস থেকে এখানে এসে ফের হাজির! হাঁ, ওখানেও একদা আরবী তুর্কী ফার্সীও প্রচুর চর্চা হত। শুধু একটা অল্পঠানে ফারাক ছিল; রাব্বীকে বললুম, “‘হল না’ বলার সঙ্গে আমাদের তালিব-ই-ইলম চট করে ঘাড় বাঁকিয়ে দেখে নেয়, চাবুক হাতে মৌলবী সাহেব গুনতে পেয়ে তেড়ে আসছেন কিনা।” সদানন্দ পণ্ডিত ঠাঠা করে হেসে উঠলেন। হাসি আর খামতেই চায় না।

গোপন ইহুদী রেস্টোর’

এ কাহিনী এতখানি বাখানিয়া বলার উদ্দেশ্য আমার আছে। ১৯৩২-এ দেশে ফিরে ফের বন শহরে গেলুম ৩৪-এ। রাব্বীর সঙ্গে দেখা হল না। ভাবলুম হয়তো বা হবু ইহুদী রাষ্ট্র ইজরায়েলে চলে গিয়েছেন। এ রকম স্থপণ্ডিত রাব্বী পুণ্যভূমিতে যাবেন না তো যাবার হক ধরে কে? তাই ভারি খুশী হলুম, চিন্তিতও হলুম ৩৮-এ তাঁকে ফের বন শহরের স্টেশনের কাছে দেখে। হিটলার তখন এমনিই বেধড়ক দাবড়াতে আরম্ভ করেছে যে ইহুদীরা জার্মানী ছেড়ে পালাতে আরম্ভ করেছে দলে দলে—একদা যে-রকম মিসর ছেড়ে তুরি সীনীনে পৌঁছেছিল। ঐ সময়েই হের ডক্টর কিসিংবার—যিনি তরুণ বিন চোখ

রাঙ্গিয়ে আরব নেশনকে শাসিয়েছেন, “এখন পাঠাচ্ছি স্বেফ অস্ত্র-শস্ত্র (জাত-ভাইকে), দরকার হলে পাঠাবো সেপাই জাঁদরেল,”—সেই, তখনকার দিনের চ্যাংড়া হাইনরিখ ভাকনাম হাইনৎস কিসিংগার পড়ি মরি হয়ে জর্মানী ছেড়ে অস্ত্রকার মিলিটারি কণ্ঠটি খামুশ রেখে, চড় চড় করে বীরগর্বে পালান মার্কিন যুক্তিকে।……রাকী আব্রাহাম আমাকে জাবড়ে ধরে নিয়ে উঠলেন একটা বাড়ির দোতলায়। ক্ল্যাটে ঢুকে দেখি ইহুদী রেষ্টোরঁ। কারণ সামনেই ছোট্ট একটা টেবিলের উপর গোটা দশেক ছোট কালো কাপড়ের টুপি—নিতান্ত কুণ্ডলিহুদু মাথার খাপরিটা ঢাকা যায় মাত্র। ইহুদীরা অনাবৃত মস্তকে ভোজন বা ভক্তনালয়ে প্রবেশ করে না। আশো একটা পরে নিলুম। স্বপ্ন।

মাথমে ভাজা মাছ এল। ইহুদী শরিয়তে মাছ তেলে ভাজতে নেই। আমি বললুম, “বিসমিল্লা করুন।” তিনি তাই করলেন। কুশলাদি সমাপনান্তে আমি আশ-কথা পাশ-কথা হুঁচরটি বলে শুধালুম, “পুণ্যভূমিতে যাবেন না?”

তঁার মাথা আমার কানের কাছে এনে অতি চুপেচুপে বললেন, “আমাকে তারা পছন্দ করবে না। কিন্তু এখানে না, রাস্তায় কথা হবে।”

আহারাদি ছ’বছর আগে ছিল ঢের, ঢের ভালো।

টুপি ফের টেবিলে রেখে রাস্তায়, তারপর সেমিনারে। পূর্ববং গুরুশিষ্যের মত মুখোমুখি হয়ে বসার পর নিজের থেকেই বললেন, “আমি রাকী। আমি শাস্ত্র অধ্যয়ন করেছি, শাস্ত্র মেনে চলি। ইজরায়েল যারা গড়ে তুলছে তাদের সঙ্গে আমার বিশেষ কোনো মতভেদ নেই। কিন্তু সবচেয়ে গুরুত্বব্যাঞ্জক সর্বপ্রথম সমস্যাতেই তারা যে পথে চলেছে সেটা ভুল পথ। আমার ব্যক্তিগত মত নয়। খুলে বলছি।

প্যালেষ্টাইন থেকে চিরতরে বিভাড়িত হওয়ার পূর্বে ইহুদীরা পুণ্যভূমিতে তিনবার সশস্ত্র সংগ্রাম করে। প্রতিবার তারা নির্যমভাবে পরাজিত হয়। একবার বাবিলনের রাজা তো আক্রোশের চোটে তাদের ছেলে-বুড়ো-কুমারী সধবাদের বিরাট এক অংশ দাসরূপে টেনে নিয়ে গেলেন প্যালেষ্টাইন থেকে সেই দুই বাবিলনে—সমস্ত সিরিয়া মরুভূমির উপর দিয়ে। বার বার জেনে শুনে, কারণে-অকারণে কখনো বা পরের ওসকানিতে তারা বিব্রোহ করে শুধু যে নিজদের পার্শ্বি সর্বনাশ ডেকে এনেছে তাই নয়, ঐতিহ্যগত ধর্মের মারফৎ তারা যেটুকু সভ্যতা সংস্কৃতি গড়েছিল সেটারও পূর্ণ বিকাশ করা থেকে বঞ্চিত হয়েছে। প্রতিবার গোটা জেরুজালেম শহরটাকে গুড়ে খাক করে দিয়েছে,

হাজার হাজার নারী পুত্রহীন, স্বামীহীন করেছে তারা, যাদের বিরুদ্ধে বিজ্ঞোহ করার কোনো প্রয়োজন ছিল না, করার মত শক্তি তাদের আদৌ ছিল না।

তাই ইহুদীদের প্রফেটরা ধর্মগ্রন্থে বারবার সাবধান করে দিয়েছেন, সশস্ত্র লংগ্রাম লিপ্ত হওয়া তোমাদের পক্ষে পাপ, মহাপাপ !

‘হোম’ বানাতে গিয়ে প্যালেস্টাইনে এই নয়া ইহুদীরা আবার ধরেছে অস্ত্র আরবদের বিরুদ্ধে। বার বার আমাদের সর্বশ্রেষ্ঠ রাষ্ট্রীরা তাদের সম্মুখে শাস্ত্র খুলে তাদের মানা করেছেন ; তারা শোনেনি !

এখন বেশীর ভাগ আর মুখ খোলেন না।

আমি রাষ্ট্রী। আমি বিশ্বাস করি শাস্ত্রের বচন। আরবদের সঙ্গে মিলে-মিশে থাকা ভিন্ন এদের অস্ত্র কোনো পছন্দ নেই। কিন্তু আমার কথা শুনবে কে ?”

—শেষ—